







Ph. u. 287 de (2 Part

<36606124210014

S

<36606124210014

Bayer. Staatsbibliothek

Ph.
~~N^o 1173.~~

~~Philos. Noviss. 2357.~~

IMMANUELIS KANTII

OPERA

AD

PHILOSOPHIAM
CRITICAM

LATINE VERTIT


FREDERICUS GOTTLOB BORN.

VOLUMEN SECUNDUM.

LIPSIÆ

IMPENSIS ENGELHARD BENIAMIN SCHWICKERTI

MDGCLXXXVII.



C O N S P E C T U S,
EORUM QUAE HOC VOLUMINE
CONTINENTUR.

I. Prolegomena ad metaphysicam quamque futuram, quae qua scientia poterit prodire.	I
<u>II. Elementa metaphysica physices.</u>	<u>139</u>
<u>III. Constitutio metaphysices.</u>	<u>251</u>
<u>IV. Religio intra terminos folius rationis.</u>	<u>347</u>

IMMANUELIS KANTII
P R O L E G O M E N A
A D
METAPHYSICAM QUAMQUE FUTURAM
Q U A E
QUA SCIENTIA POTERIT PRODIRE.

P R A E F A T I O.

Haec prolegomena non sunt ad vsum tyronum, sed futuris doctoribus destinata, neque hi quoque iis vti debent ad tractationem scientiae iam iam exstantis ordinandam, sed ad hanc ipsam scientiam demum inueniendam.

Sunt viri docti, quibus historia philosophiae (cum antiquioris, tum recentioris) ipsa eorum philosophia sit, istis haec prolegomena non scripta videntur. Expectabunt, dum ii, qui ex ipsis rationis fontibus haurire allaborant, rem suam confecerint, tumque et iis licebit, vt de euentis mundum edoceant. Contra nil quidquam dici potest, quod ex sententia illorum non iam olim dictum videatur, quod et sane quidem tamquam certa quaedam praedictio valeat ad vniuersa futura; cum enim intelligentia humana de sexcentis rebus per plura secula multifariam delirauerit, haud facile fieri potest, quin ad quodque nouum aliquid vetusti inueniatur, quocum illi quaedam similitudo intercedat.

Mihi quidem propositum est, iis, quibus operae pretium videtur in metaphysica versari, vniuersis persuaderi: absolute necessarium esse, vt in praesens laborem suspendant, quae huc vsque facta sunt, pro infectis reputent, et ante omnia primo quaestionem proponant: „an eiusmodi quidpiam, atque metaphysica, omnino esse queat.“

Quodsi ea continetur *scientia*, qui fit, vt, instar aliarum scientiae partium, sibi haud vniuersum durantemque possit ad sensum conciliare? Sin ea vero nulla scientia sit, qui fit, vt speciem scientiae ostendet perpetuo, humanamque intelligentiam spe laetet numquam

expirante, sed neuntiquam vumquam expleta? Quamobrem siue scientiam tuam, siue inscientiam, demonstres, tamen tandem aliquando, necesse est, de hacce scientia arrogata quiddam certi constituatur; namque in eodem statu, fieri non potest, vt maneat diutius. Risu fere dignum videtur, cum quaeque alia scientia perpetuo progrediatur, in hac, quae tamen ipsa esse sapientia vult, cuius quisque homo oraculum consulit, semper se vno eodemque in loco circumagere, neque digito longius progredi. Iam sectatores illius admodum sunt imminuti, neque eos, qui satis in se roboris persentiscunt, vt in aliis scientiae partibus laudem sibi atque gloriam pariant, in hac videmus velle de fama periclitari, in qua, vt quisque aliarum rerum omnium maxime inscius est atque ignarus, ita maxime arrogans et temerarius in adfirmando decernendoque reperitur, propterea quod hac in terra reapse nondum certus modus est, certaue norma, qua doctrina possit a nugis tenuibus internosci.

Nec vero ita inauditum est, diuturna scientiae elaboratione, cum miram quantum in ea nos prouectos putamus, tandem cuiuspiam quaestionem in mentem venire: an et quomodo eiusmodi scientia omnino possit esse. Nam tanto tenetur aedificandi ardore humana ratio, vt saepius iam turrim exstruxerit, postea autem eam fuerit demolita, vt, quomodo eius fundamentum constitutum sit, exploraret. Numquam sero discitur sapere: sed semper difficilius intellectus excolitur, si serius eum fueris adeptus.

An possit esse quaequam scientia, quaeri non poterit, nisi, an ea vere sit, dubitatum fuerit. Sed eiusmodi dubio quisque offenditur, cuius res vniuersa for-

tas in hoc putatio thesauro consistat; proinde is, cui dubium istud forte exciderit, expectet, fore, ut undiquaque sibi obfistatur. Alii ex superba conscientia possessionis suae veteris, ob eandemque causam pro iusta reputatae, compendia metaphysica in manu, eum despicient: alii, qui nusquam quidpiam conspiciunt, quam quod idem cum eo sit; quod iam alias usquam conspexere, illum non intelligent, omniaque aliquamdiu sic manebunt, quasi nihil quidquam accidisset, unde propior mutatio metui debeat, vel sperari.

Nihilominus fidenter praedixerim, lectorem meditandum horum prolegomenorum non solum de scientia, quae sibi adhuc fuerit, dubitaturum fore, sed progressu temporis prorsus iri persuasum, eam non posse esse, nisi, quae hic postulauimus, praestentur, in quibus quippe possibilitas illius posita videtur, quodque eum nondum umquam factum sit, nullam omnino metaphysicam esse. Quoniam vero numquam non poterit de illa quaeri, *) siquidem, quae interfunt communis rationis humanae, arctissime sunt cum ea coniuncta, fatebitur, plenam instaurationem illius, vel potius nouum partum, ad formam huc usque prorsus ignotum, necessario instare, utcumque aliquamdiu contra reluctetur.

Ex quo *Lockii Leibnitii*que innotuere conatus, siue potius inde ab origine metaphysices, quousque historia illius pertineat, nihil quidquam usu venit, quod ratione factorum huiusce scientiae maius habere momentum potuisset, quam impetus, quem in eam fecit *Dauides*

*) Rusticus expectat, dum defluat amnis: at ille
Labitur et labetur in omne volubilis aeuum.

Horat.

Humius. Qui quidem nullam huic cognitionis parti lucem adfudit, sed tamen excitauit scintillam, de qua sanè lumen potuisset accendi, si ea incidisset in fomitē, facile excipientem, cuiusque scintillatio diligenter alta fuerit et aucta.

Humius ab vno maxime conceptu metaphysices, sed illo quidem grauissimo, nimirum *colligationis causae atque effecti* (proinde quoque conceptu inde deriuato vis actionisque et similium), profectus, rationem, quae illum in suo gremio perhibet genuisse, prouocauit, ut rationem redderet, quo tandem iure cogitatione sibi informaret: quidpiam ita posse comparatum esse, ut, eo posito, aliud quidpiam necessario ponendum videatur; haec enim vis est conceptus causae. Manifesto euicit; fieri prorsus non posse, ut ratio ex anticipationē atque ex conceptibus cogitet eiusmodi colligationem, quippe qua continetur necessitas; nec vero prorsus potest intelligi, quomodo idcirco, quod quidpiam est, et quiddam aliud esse necessario oporteat, et qui proinde conceptus eiusmodi colligationis possit ex anticipationē induci. Exinde coëgit, rationem in hocce conceptu penitus falli, eumque falso pro fetu suo habere, cum tamen non nisi spurius phantasiae sit, quae gravidata per experientiam, certas repraesentationes quasdam legi adsociationis subiecerit, necessitatemque subiectiuam inde oriundam, id est, consuetudinem, pro obiectiua ex perspicientia supponat. Hinc effecit: nullam omnino rationi facultatem esse, eiusmodi colligationum, vel modo in vniuersum, cogitandarum, quia tum conceptus ipse in solis versarentur figmentis, omnesque illius cognitiones, quae ex anticipationē putentur consistere, nihil esse, nisi communes experientias falso si-

gnatas, id quod idem est, ac nullam omnino metaphysicam esse, nec esse posse. *)

Quantumuis temeraria esset falsaque eius consequentia, tamen saltem constituta fuit in inuestigatione, atque haec inuestigatio sane quidem digna erat, ut ingenia aetatis illius praeclara coniungeret, ad quaestionem, quo eam proposuit, sensu, si fieri posset, feliciter soluendam, unde breui oportuisset totam scientiae instaurationem existere.

Verum, quod vsque quaque metaphysicam vexaverat, fatum eam ab nullo quopiam intelligi voluit. Non potest sine certo quodam molestiae sensu percipi; quantopere eius aduersarii, *Reidius, Oswaldus, Beattius*, et tandem *Prießleius*, a scopo quaestionis aberrarent, et propterea, quod ea semper acciperent pro concessis, quae ipsa in dubium vocaret, contra vero cum vehementia, et maximam partem cum ingenti immodestia ea probare gestirent, quae illi numquam in mentem venisset dubitare, *nutum* eius ad emendationem ita negligerent, ut omnia in statu pristino manerent, quasi nihil quidquam factum videretur. Non quaerebatur, an conceptus causae verus, utilisque et ratione vniuersae cognitionis physicae necessarius sit, hoc enim

*) Nihilofecius hanc ipsam philosophiam euerentem *Huinus* vocauit metaphysicam, eiusque permagnum statuit pretium. „Metaphysica, inquit, et philosophia moralis (*Essais* P. IV.) rami sunt scientiae summi momenti; mathesis et physica haud dimidio aestimandae.“ Sed homo acutissimus duntaxat utilitatem spectauit negatiuam, quam moderatio iurium adauctorum rationis contemplatiuae allatura foret, ad tot infinitas vexantesque, quibus humanum genus confunditur, concertationes prorsus tollendas; sed in ea re damnum positum e conspectu misit, quod inde exoritur, cum rationi prospectus grauissimi demuntur, ex quibus solis ea potest libertatem summam finem omnium conatum eius constituere.

Humius numquam in dubium vocauerat; verum an is per rationem cogitetur ex anticipatione, atque ita veritatem internam ab omni experientia liberam haberet, et proinde quoque, quae latius pateat, vtilitatem, non ad solas res experientiae subiectas adstrictam: de quo quidem *Humius* expectabat sese edoctum iri. Sermo erat duntaxat de origine huius conceptus, non vero de eius necessitate in vsu: si illa modo inuenta fuisset, tum respectu conditionum et vsus illius et compagis, in qua valere posset, res sponte fuisset confecta.

Sed aduersariis viri celeberrimi, vt quaestioni satisfacerent, profundius in rationis naturam, quatenus in sola cogitatione pura versatur, penetrandum fuisset, quod ipsis incommodum videbatur. Verum commodiorem rationem excogitarant sine perspicientia obstinate agendi, nempe prouocationem ad *intelligentiam communem*. Est sane quidem permagnum munus diuinum, si recta gaudeas intelligentia humana. Verum ea actionibus probanda est, consideratq modo rationique consentaneo eorum, quae cogitantur et dicuntur, non vero eo, vt, si nihil quidquam idonei ad te purgandum possis proferre, ad illam, tamquam ad quoddam quasi oraculum, prouoces. Si perspicientia scientiaque haesitauerint, tum demum ad intelligentiam humanam prouocare, in inuentis est recentiorum temporum subtilibus, quo garrulus futilissimus potest cum subtilissimo ingenio congrredi et sustinere. Quamdiu autem paullo oppido residuum est perspicientiae, cauebimus, ne isto effugio utamur. Iam, si propius rem consideraueris, prouocatio ista non nisi testatio est sententiae multitudinis; applausus, qui ruborem incutit philosopho, de quo vero garrulus popularis triumphat ac superbit. Verum *Humium* existimauerim pari iure, ac *Beattium*, sa-

nam potuisse intelligentiam testari, praetereaque, quam hic non poterat, rationem criticam, quae intelligentiam communem coercet, ne in contemplationes aberraret; aut, si de his solis sermo sit, nihil cupiat discernere, quoniam nescit rationem reddere decretorum suorum; hac enim una via sana manebit intelligentia. Caelo poteris et tude uti commodè ad lignum fabrilè elaborandum, sed si aeri velis incidere, acutiora opus habebis. Ita et sana intelligentia perinde, atque contemplativa, utraque, sed in suo quaque genere, uti poteris: illa, si de iudiciis agatur, quae proxime possunt per experientiam adhiberi, hac vero, ubi in universum debet ex solis conceptibus iudicari, velut in metaphysica, ubi intelligentiae, se ipsam, sed saepe numero κατ' ἀντιφασιν, sanam vocantis, nullum prorsus iudicium videtur.

Ingenue profiteor: monitum *Davidis Humii* illud ipsum fuisse, quo multis abhinc annis primum mihi soporem dogmaticum sentirem interrumpi, measque investigationes in campo philosophiae contemplativae longe aliter dirigi. Longè aberam, ut ratione confectiorum ad eius sententiam accederem, quae inde duntaxat orta intelligerem; quod quaestionem non universam cogitaret, sed tantummodo in partem illius incideret, quae nisi universa sub rationem vocata fuerit, nihil quidem poterit aperire. Si a vera cogitatione, quamvis tantum inchoata, ab alio nobis relicta proficiscamur, sane poterimus sperare, investigatione continuata longius nos progressuros fore, quam vir acutus posset, qui primam huiusce luminis scintillam debebamus.

Igitur primo tentavi, anne dubium *Humii* universae posset cogitari, brevique sentiebam, conceptum colligationis causarum et effectuum haud unum esse, quo

intelligentia colligationes rerum ex anticipatione cogitando sibi informet, potiusque metaphysicam iis totam constare. Experiebar memet de numero illorum reddere certiore, cumque hoc mihi ex animi sententia, nimirum ex vno principio, successisset, ad deductionem istorum conceptuum accessi, quos nunc persuasus eram, non, quod *Humius* verebatur, ab experientia deriuatos esse, sed ortos ex intelligentia pura. Atque haec deductio, quae acutissimo antecessori meo visa est non fieri posse, quaeque nemini praeter illum in mentem venerat, quamuis quisque fidenter vteretur hisce conceptibus, neque curaret, in quo valor eorum obiectiuus constitutus videretur, haec, inquam, deductio erat difficillimum, quod vnumquam posset in gratiam metaphysices suscipi, quodque praeterea pessimum est ea in re, metaphysica, quantum illius vspiciam exstet, ne minimo mihi quidem adiumento esse poterat, si quidem illa deductione possibilitas metaphysicae demum erit constituenda. Cum igitur in soluenda quaestione Humiana non solum in causa singulari, sed respectu vniuersae facultatis rationis purae, mihi successisset; certos poteram, quamuis tardos modo, passus facere, ut tandem vniuersam rationis purae compagem, et quoad terminos illius, et quoad materiam, plene et ad principia vniuersalia constituerem, quo ipso metaphysica indigebat, ad systema ad certam quamdam formam exstruendum.

Sed vereor, ne *explicationi* quaestionis Humianae, quoad eius fieri possit, maxime amplificandae (nempe criticae rationis purae) idem accidat, quod ipsa quaestio experta est, cum primum proponeretur. Erunt enim, qui praeue de illa iudicent, quod eam haud intelligunt, qui eam non intelligant, quoniam librum peruoluere quidem cupiunt, non vero cogitando peruestigare; qui

denique hanc operam illi nolint impendere, propterea quod opus siccum est, quod obscurum, quod omnibus frequentatis conceptibus repugnat, praetereaque longum videtur. Ac mihi quidem maxime alienum videri, fateor ingenue, a philosopho querelas audire de popularitatis defectu, de facilitate et commoditate, cum de ipsa existentia agitur cognitionis celebratae generique humano necessariae, quae non potest nisi ad severissimas diligentiae scholasticae regulas absolui, quam progressu temporis et popularis oratio sequi poterit, numquam vero eam instituere. Quod autem certam quamdam obscuritatem attinet; partim ex amplitudine formae profectam, in qua capita investigationis haud ita facile possunt perspicui; ea de re iusta querela est, cui his prolegomenis animus est mederi.

Opus illud, quod puram facultatem rationalem in toto eius ambitu ac terminis proponit, semper ea in re fundamentum manebit, quod haec prolegomena spectant quasi duntaxat prolusiones; illa enim critica qua scientia, necesse est, systematice atque in minimis partibus suis absoluta adesse, priusquam de ostendenda metaphysica cogitandum videtur, aut spes vel remotissima illius concipienda.

Iam ex longo quidem tempore sumus consueti, obsolescentiasque cognitiones videre eodenuo resectas, ut iis, ex pristinis connexionibus exemptis, nova vestis systematica arbitrata ad peculiarem formam consuta, sed novis insignita titulis, aptetur; quod ipsum et de critica illa maxima lectorum pars expectabit. Verum haec prolegomena eo illos adducent, ut perspiciant, eam scientiam prorsus novam esse, cuius nemo unquam homo antea cogitationem conceperat, cuiusque ipsa sola idea ignota esset, et ad quam nihil quidquam eorum,

quae huc vsque data aderant, vti posset, praeter solum illum nutum, ab *Humii* dubio profectum, qui itidem nihil quidquam eiusmodi scientiae verae, quae posset esse, praefagiret, sed nauem suam, quo eam seruaret, in arenis (scepticismo) collocaret, vbi iaceat et putrescat, cum e contrario id agam, vt ei gubernatorem praeficiam, qui ex certis artis gubernandi principiis, ex notitia globi effectis, integra mappa marina instructus et pyxide nautica, quocumque velit, nauem certo ducere queat.

Qui scientiam aggreditur, prorsus solitariam in suoque genere vnā, opinione occaecatus praeiudicata, posse se illam ope notitiarum aliunde iam sibi partarum diiudicare, quamuis illae ipsae sint, de quarum veritate antea penitus debeat desperari, is nihil efficiet, nisi vt ea vbique videre arbitretur, quae sibi iam nota essent, quoniam fortasse vocabula similiter sonant, ita, vt omnia maxime deformata, alienaque et peregrina videantur, si quidem haud sensa auctoris, sed suam propriam, ex longa consuetudine inueteratam, cogitandi rationem constituat. Sed amplitudo operis, quatenus in ipsa scientia, non in oratione, posita est, praeterea ieiunitas haud euitanda, et diligentia scholastica, in rebus sunt, rei quidem ipsi perquam salutaribus, sed ipso libro sane necessario inutilibus.

Non cuique quidem datum est, vt tam subtiliter scribat, et itidem tamē tam suauiter, quam *Dauides Humius*, aut tam docte, itemque tam eleganter, quam *Moses Mendelii*; sed popularitatem facile, opinor, orationi me potuisse impertire, si id solum curassem, vt formam libri describerem; eiusque elaborationem aliis commendarem, mihiq; haud salus scientiae, in qua tam diuturnum tempus occupatus fueram, curae oordique fuisset; caeteroquin enim multum constantiae opus erat,

nec parum abnegationis sui, vt inuitamenta maturioris exceptionis benignae spei postponerem approbationis superioris quidem, verum constantis.

Formas librorum delineare saepenumero luxuriosa est atque ostentans ingenii occupatio, qua speciem ostendimus ingenii ad noua creanda secundi, dum, quae nos ipsi non possumus praestare, postulamus, quaeque melius efficere haud possumus, reprehendimus, et, quod ipsi, vbinam sit, ignoramus, inuestigandum commendamus; quamquam delineandam vniuersalis critices rationis formam bonam plus desideratum foret, quam suspicere, nisi, vt fieri solet, in sola dinumeratione piorum desideriorum cerni debuisset. Sed ratio pura in sphaera versatur adeo solitaria, adeoque in se ipsa perpetuo coniuncta, vt nulla pars eius tangi queat, nisi caeterae omnes tangantur, nihilque effici quidquam possit, nisi suo cuique loco constituto, suaeque vi et contagione cum alia, si quidem, cum nihil extra eam sit, quod sententiam nostram intus corrigat, cuiusque partis valor atque vsus ex adfectione pendet, qua ad caeteras in ipsa ratione tenetur, et, quemadmodum in articulatione corporis organici, finis cuiusque membri potest, ex pleno totius conceptu deriuari. Inde eiusmodi criticam numquam certam esse dici potest, nisi *tota*, atque ad minima rationis purae elementa fuerit *absoluta*, ac de sphaera huiusce facultatis aut *omnia* debere, aut *nihil* statui et confici.

Quamuis autem sola forma, quae criticae rationis purae praemittatur, obscura foret, incertaque atque inutilis, tamen ea vtilior est, si illam consequatur. Ea enim efficitur, vt totum queamus perlustrare, capita huiusce scientiae particulatim explorare, orationemque subinde melius efformare, quam prima operis elaboratione potuit fieri.

En hic *formam* eiusmodi, opere absoluto, quae nunc ad *viam analyticam* licet institui, cum *opus* ipsum necessario debuisset ex *ratione synthetica* conscribi, ut scientia vniuersas articulationes suas, velut constructionem articulorum singularis cuiuspiam cognoscendi facultatis, in contextu naturali suo sub adspectum subiiciat. Qui hanc formam, quam instar prolegomenorum vnicuique praemitto futurae metaphysicae, ipsam itidem obscuram existimat, is cogitet, haud ita necesse videri, ut quisque operam nauet metaphysicae, multas esse dotes ingenii, ad doctas ipsasque profundas artes, propius ad visionem accedentes, idoneas, sed ad inuestigationes ex meris conceptibus separatis atque abstractis parum aptas, et quemque proinde naturae dona ad rem aliam adhibere debere, sed illum, qui metaphysicam diiudicare conatur, vel adeo quamdam elaborare, iis, quae hic postulantur, necessario satisfacere oportere, siue eo fiat, ut meam solutionem accipiat, siue doctæ conuellat, aliamque in eius locum reponat — neque enim eam poterit repudiare — obscuritatem denique tantopere diffamatam (quod ad tegendam commoditatem propriam hebetudinemque fieri solet) etiam vtilem esse: cum omnes, qui ratione aliarum artium cautum seruent silentium, in quaestionibus metaphysices instar magistrorum edicant, audacterque decernant, quoniam sane quidem ignorantia illorum hic ad alias artes haud distincte eminent conspicienda, sed ad vera decreta critica tamen, de quibus proinde laudari poterit:

Ignauum, fucos, pecus a praesepibus arcent.

Virgil.

PROLEGOMENA.

PRAEMONITUM.

DE IIS, QUAE VNIVERSAE COGNITIONI METAPHYSICAE PROPRIA VIDENTUR.

§. I.

DE FONTIBUS METAPHYSICES.

Si cognitionem velis quamdam qua *scientiam* proponere, ea, quibus illa discernitur, quaeque illi cum nulla alia communia intercedunt, et quae illi proinde *propria* sint, prius, necesse est, vt accurate quaeas constituere; contra ea termini omnium artium inuicem miscentur, nullaue illarum, secundum naturam suam, docte poterit tractari.

In hisce propriis, siue illa discrimine efficiantur rei illi *subiectae*, siue *fontibus cognoscendi*, siue etiam *cognitionis modi*, siue nonnullis, nisi omnibus hisce partibus coniunctim, posita primum est idea scientiae possibilis et territorii illius.

Ac primo quidem, quod *fontes* attinet cognitionis metaphysicae, ex ipso ipsius conceptu manifestum est, eos non posse empiricos videri. Quocirca illius principia (quo non solum eius decreta, verum etiam conceptus primi referuntur,) numquam debebunt ex experientia hauriri: neque enim ea esse cognitio debet physica, sed metaphysica, hoc est, vltra experientiam sita. Ergo neque externa experientia, quae fons est physices propriae, neque interna, quae fundamento est psychologiae empiricae, illi suberit. Itaque illa in cognitione versatur ex anticipatione, siue ex intelligentia pura et ratione pura.

In quo quidem illa nulla re discerneretur ab mathesi; proinde dici debebit *cognitio pura philosophica*; de significatione huiusce vocabuli adeunda est critica rationis purae p. 473 seq. vbi discrimen huiusce dupli-

cis usus rationis plene ac perspicue exposui. — Haec de fontibus cognitionis metaphysicae.

§. 2.

DE MODO COGNOSCENDI,
QUI SOLUS DICI METAPHYSICUS POTEST.

a.

DE DISCRIMINE IUDICIORUM SYNTHETICORUM ET ANALYTICORUM VNIVERSE.

Cognitionem metaphysicam, necesse est, in se continere mera iudicia ex anticipatione, id quod natura postulat fontium illius. Sed iudicia, vnde cumque sit, orta fuerint, aut quoad formam logicam vtrumque comparata, tamen est discrimen eorum aliquod ratione materiae, qua vel solum *illustrantia* sunt, et ad materiam cognitionis nil quidquam conferunt, aut *amplificantia*, quae cognitionem datam augent; illa *analytica* iudicia poterunt, haec *synthetica* vocari.

Analytica iudicia nihil attributo enunciant, nisi quae in conceptu subiecti iam vere, quamuis haud tam clare, parique cum conscientia, fuissent cogitata. Si dixerim: omnia corpora sunt extensa, eo nequaquam meum corporis conceptum amplificassem, sed duntaxat dissoluisssem, propterea quod extensio iam ante iudicium de illo conceptu, vt haud expresse enunciata, tamen reapse cogitata erat; proinde iudicium est analyticum. Contra enunciatio: nonnulla corpora sunt graua, aliquid in attributo continet, quod in vniuersali corporis conceptu reuera haud cogitatur, ea ergo augeat cognitionem meam atque amplificat, si quidem ad conceptum meum aliquid addit, ideoque dici oportebit iudicium *syntheticum*.

b.

PRINCIPIUM OMNIUM IUDICIORUM ANALYTI-
CORUM COMMUNE EST DECRETUM
REPUGNANTIAE.

Omnia iudicia analytica posita sunt prorsus in decreto repugnantiae, naturaue cognitiones sunt ex anticipatione, siue, quibus materia eorum efficitur, conceptus empirici sint, siue non. Etenim idcirco, quod attributum iudicii analytici aientis iam ante in conceptu cogitatur subiecti, non potest de illo sine pugna negari, pariter eius contrarium in iudicio analytico, sed negante, necessario de subiecto negatur, idque itidem ad decretum repugnantiae. Sic comparatum est cum pronuntiatis: quodque corpus est extensum, et nullum corpus non extensum (simplex) est.

Ob eam ipsam causam omnes enunciationes analyticae in iudiciis versantur ex anticipatione, ob quam conceptus eorum empirici videantur, veluti aurum est metallum flauum; namque ut hoc sciam, nulla opus est ulteriori experientia, praeterquam meo auri conceptu, quo comprehensum erat, hoc corpus et flauum esset metallum: hoc enim ipso conceptus meus efficiebatur, neque aliud mihi agendum fuit, nisi ut illum dissoluerem, ita, ut extra me nec quidquam aliud circumspicerem.

c.

IUDICIIS SYNTHETICIS ALIO OPUS EST
PRINCIPIO, QUAM DECRETO REPUG-
NANTIAE.

Sunt iudicia synthetica ex aduentitio atque adsumto (a posteriori), quorum origo empirica videtur; sunt et alia, ex anticipatione certa, quae ab intelligentia pura et ratione profiscuntur. Vtraque in eo autem conveniunt, ut numquam possint ad solum decretum analyticos, nimirum repugnantiae decretum, existere; long-

ge aliud principium postulant, quamuis ea ex quoque decreto, quod illud cumque sit, semper sint, *decreto repugnantiae conuenienter* deriuanda: nihil enim aduersari huic decreto licet, etsi haud fere omnia inde queant deriuari. Sed iudicia synthetica antea certo quodam ordine distributa proponam.

1) *Iudicia empirica* vsque quaque sunt synthetica. Etenim absurdum foret, iudicium analyticum in experientia constituere, cum tamen non opus sit, vt e conceptu egrediar, quo iudicium pronunciem, proinde nullo prorsus experientiae testimonio indigeam. Corpus esse extensum, enunciatio est, ex anticipatione fixa rataque, nullumque iudicium empiricum. Nam, antequam ad experientiam accedam, omnes iudicii mei conditiones iam in conceptu habeo, ex quo attributum possim modo ad decretum repugnantiae euoluere; eo-que simul fieri conscius queam *necessitatis* iudicii, quam ne quidem doctura memet foret experientia.

2) *Iudicia mathematica* vniuersa sunt synthetica. Haec sententia obseruationes analyticorum rationis humanae tota videtur huc vsque praeteriisse, quin vniuersis suspicionibus eorum ipsa contraria esse, quamuis certissima sit, et re explicata grauissima. Etenim quoniam, conclusiones mathematicorum vniuersas ex decreto repugnantiae progredi, reperiatur (id quod cuiusque certitudo apodictica postulat), nonnulli sibi persuadebant, etiam decreta ex decreto repugnantiae cognosci debere, in quo quidem vehementer errarunt; sane enim enunciatum syntheticum potest ex decreto repugnantiae perspicui, sed ita modo, vt aliud pronunciatum syntheticum ponatur, ex quo possit illud elici, numquam vero per se ipsum.

Ac primo quidem notandum est: enunciata proprie mathematica semper esse iudicia ex anticipatione neque empirica, propterea quod iis inest necessitas, quae non potest ex usu atque experientia intelligi. Quodsi hoc haud concesseris, age, sententiam meam ad-

stringam ad *mathesin puram*, quorum conceptus iam ita fert, vt ea non cognitionem empiricam in se contineat, sed modo puram ex anticipatione.

Prima quidem specie cogitaueris: enunciationem $7 + 5 = 12$ duntaxat analyticè pronunciari, ita, vt e conceptu summae septenis effectae et quinis ad decretum repugnantiae eliciatur. Verum re explicata deprehendes, conceptum summae e septenis et quibus nihil quidquam amplius complecti, quam coniunctionem numeri vtriusque in vno, qua nullo prorsus modo, quinam vnus iste numerus sit vtrumque complectens, cogitur. Conceptus duodenorum neutiquam iam eo cogitatus videtur. quo solam mihi coniunctionem illam septenorum quinquorumque cogitatione informem, et quousque conceptum eiusmodi summae possibilis dissoluerim quasque dissecauerim, tamen nequaquam in ea duodena inueniam. Hosce conceptus transgrediare necesse est, visione in subsidium vocata, quae alterutri respondet, fere quinque digitos, aut (quod *Segnerus* fecit in arithmetica) quinque puncta siue notas, atque ita pedetentim vnitates quinquorum in visione datorum ad septenorum conceptum adicias. Igitur reuera amplificatur conceptus hoc enunciato $7 + 5 = 12$, ad conceptumque priorem additur nouus, in illo nullo prorsus modo cogitatus, hoc est, enuntiatio arithmetica semper synthetica est, id quod eo dilucidius intelligetur, quo maiores numeri sumantur; tamen enim aperte manifestum erit, nos, huc et illuc conceptum versemus licet, nisi visione adiutos, ex sola nostrorum conceptuum dissolutione, numquam posse summam aperire.

Aequè minus vllum quodpiam decretum geometriae purae analyticum videtur. Lineam rectam duobus punctis interiectam esse breuissimam, synthetice pronunciatur. Namque conceptus meus recti nihil quidquam continet quantitatis, sed tantummodo quamdam qualitatem. Quocirca conceptus breuissimi tota accedit, neque dissecando potest e conceptu rectae lineae effici. Ergo visionem hic, necesse est, in adiu-

mentum adhiberi, qua sola interueniente potest synthesis fieri.

Nonnulla alia, quae geometrae sumunt, decreta reapse quidem analytica sunt, nitunturque effato repugnantiae, ea vero, vti enunciationes identicae, faciunt duntaxat ad catenam viae ac methodi, neque ex principiis, velut $a = a$, totum sibi met ipsi aequale est, vel $(a + b) > a$, id est, totum qualibet parte sua maius est. Quae tamen ipsa, quamuis ad solos conceptus valeant, in mathesi idcirco tantum admittuntur, quod possunt in visione proponi. Sola vocabuli ambiguitate efficitur, vt plerumque credamus, attributum eiusmodi iudiciorum apodicticorum iamiam inesse in conceptu nostro, iudiciumque proinde analyticum videri. Nimirum ad quemdam conceptum datum *debemus* certum quoddam attributum cogitando addere, eaque necessitas iam adhaeret conceptibus. Verum haud quaeritur, quid ad conceptum datum *adponere* cogitatione *debeamus*, sed quid *reipsa* in iis, quamuis obscure tantum, *cogitemus*, et tum planum est, attributum conceptibus illis necessario quidem adhaerere, verum haud proxime, sed interuentu cuiusdam visionis, quam oportebit accedere.

§. 3.

ANIMADVERSI O

AD DIVISIONEM IUDICIORUM VNIVERSALEM IN ANALYTICA ET SYNTHETICA.

Haec diuisio ratione critices intelligentiae humanae maxime necessaria est, mereturque in ea *classica* videri; alioquin eam vsquam alicubi magnam vtilitatem adferre, haud equidem sciuerim. Atque in eo quidem causam video, cur philosophi dogmatici, qui fontes metaphysicorum iudiciorum semper modo in ipsa metaphysica, non extra illam, in legibus puris rationalibus vniuerse, quaererent, hanc diuisionem, quae sponte se videtur offerre, negligerent, et quamobrem celeberrimus *Wolffius*, aut, qui eius ve-

stigia preffit, *Baumgartenius*, argumentum pro decreto rationis, quam dicunt, sufficientis, manifesto synthetico, quaerere possent in effato repugnantiae. Contra iamiam in *Lockii* tentaminibus de intelligentia humana nutum quemdam ad hancce diuisionem inuenio. Et enim libro quarto, capite tertio §. 9. et sequentibus, posteaquam iam antea de varia repraesentationum in iudiciis coniunctione eiusque fontibus disputauerat, quorum vnum in identitate ponit, vel repugnantia (iudicia analytica), alterum autem in existentia repraesentationum in quodam subiecto (iudicia synthetica), fatetur §. 10. cognitionem nostram (ex anticipatione) huiusce posterioris admodum angustam esse, ac propemodum nullam. Verum in iis, quae de hac parte cognitionis dicit, tam parum certi inest atque ad regulas reuocati, vt haud mirum sit, si nemo, praesertim ne *Humi*us quidem, ansam inde acciperet, de eiusmodi pronuntiationis secum deliberandi. Namque huiusmodi vniuersalia, et tamen certa constitutaque principia non facile ab aliis, quorum animis obscure sunt obseruata, discuntur. Propria, necesse est, meditatione ipsi antea in ea incidisse, tum et alibi ea inueniemus, vbi sane illa primo haud offenderemus, propterea quod auctores ne ipsi quidem scirent, suis ipsorum obseruationibus eiusmodi ideam fundamento subesse. Ii, qui numquam ipsi secum cogitant, tantum tamen acuminis habent, vt, quae sibi monstrata sint, vniuersa in iis, quae iam alias dicta sint, expiscentur, vbi tamen antea nemo homo illa posset videre.

PROLEGOMENORUM

QUAESTIO VNIVERSALIS:

POTESTNE OMNINO METAPHYSICA ESSE?

§. 4.

Si, quae qua scientia sese posset tueri, metaphysica vere exstaret; si dici posset: en! hic metaphysicam,

quàm modo discatis, et vi vobis ea constanterque de veritate sua persuadebit; tum haec quaestio foret inutilis, et ea modo relinqueretur, quae magis explorationem aciei nostrae attineret, quam argumentum de ipsa rei existentia, nimirum, *qui ea esse possit*, et quemadmodum ratio se componat, ut ad illam pertinere videatur. Iam rationi humanae in hac causa haud tam bene successit. Nullus potest quispiam liber ostendi, velut ostendimus Euclidem, dicique, en metaphysicam! hic finem principem habetis huiusce scientiae, cognitionem naturae summae, mundiue futuri, demonstratam principiiis rationis purae. Nam possunt quidem multa nobis pronuntiata ostendi, apodictice certa, quae numquam in controuersiam venerint; sed haec cuncta sunt analytica, magisque materias attingunt instrumentaque fabrilia metaphysices, quam cognitionis amplificatiorem, quae sola nobis esse in illa proposita debet (§. 2. litt. e.). Quamquam autem enunciata synthetica (velut decretum rationis sufficientis) ostenditis, quae numquam ex ratione sola, proinde, quod tamen vestrum erat, ex anticipatione vidistis, quae vobis nihilominus libenter concedimus: tamen, si ea ad finem vestrum principem adhibere velitis, tamen in sententias prolabi mini tam alienas atque incertas, ut nullo non tempore metaphysica altera alteri aut ratione adsertionum ipsarum, aut argumentorum, repugnaret, eaque re spem duraturi applausus ipsa exstingeret. Atque etiam in conatibus, eiusmodi scientiae conficiendae, prima sine dubio causa inest scepticisimi tam mature exorti, qui is est cogitandi modus, in quo tam violente erga se ipsam agit ratio; ut is non, nisi in tota desperatione de adsequendis finibus illius gravissimis, existere potuisset. Namque diu ante, quam natura inciperetur ad viam certam quaeri, suam quisque separatam rationem consuluit, communi experientia quodammodo iam exercitata; quoniam ratio semper nobis praesto est, sed leges physicae plerumque operose sunt inuestigandae: atque ita, instar spumae, metaphysica innatauit, ita tamen, ut cum, velut quae hausta esset, liquefieret, alia conti-

nuo in superficie emergeret, quam semper quidam cupide colligerent, in quo, quae causa esset huius phaenomeni, quaeri in profundo deberet, alii sibi sapere viderentur, ita, vt inanem illorum operam riderent.

Natura sua cognitio pura *mathematica* ita est ab omni alia cognitione ex anticipatione distincta ac separata, vt neutiquam efficiatur *ex conceptibus*, sed sola semper conceptuum constructione (critica rat. pur. pag. 473.). Quae igitur in enunciatis suis cum ultra conceptum egredi debeat ad ea, quibus, quae illi respondeat, visio continetur; sequitur, vt et enunciationes eius numquam dissecandis conceptibus, id est, analytice, nec possint oriri, nec debeant, proinde cunctae sunt syntheticae.

Verum non possum non noxam indicare, ex neglectu huiusce observationis, quae levis videtur ac tenuis, philosophiae contractam. *Humius*, cum munus sentiret dignum philosopho, nutus in vniuersum campum figendi cognitionis purae ex anticipatione, in quo tantas mens humana sibi possessiones arrogat, inconsulto, totam rescuit prouinciam quamdam, eamque maxime principem, nempe mathesin puram, naturam eius, opifans, quasque constitutionem ciuilem prorsus aliis niti principiis, nimirum solo repugnantiae decreto, et, quamquam diuisionem enunciatorum nec tam distincte fecerat et vniuerse, neque iis nominibus, vti hoc loco a me factum videtur, tamen perinde fuit, ac diceret: mathesis pura solas enunciationes *analyticas* in se continet, sed metaphysica syntheticas ex anticipatione. In quo quidem vehementer errauit, isque error in vniuersum eius conceptum vim noxiam exseruit. Quod enim si haud factum esset, sane quaestionem suam de origine iudiciorum nostrorum syntheticorum longe ultra conceptum suum colligationis causerum metaphysicum dilataisset, eamque ad possibilitatem matheseos extendisset ex anticipatione; haec enim pariter illiserant pro syntheticis accipienda. Tum autem enunciata metaphysica sua nullo modo potuisset in solam experien-

tiam constituere, si quidem alias et axiomata matheſeos purae itidem experientiae ſubieciffet, quod fieri per eius perſpicaciam non poterat. Bono conſortio, cui tum adiuncta metaphyſica fuiſſet, ei a periculo cautum fuiſſet iniuriae; quae enim metaphyſicae intenderentur, plagae matheſin quoque tetigiffent, quod vero noluit, nec velle potuit: atque ita homo acutiſſimus in inueſtigaciones incidiffet, ſimiles earum, in quibus nunc nosmet verſamur, quas autem genere ſcribendi ſuo longe elegantiffimo permagnam vim accepturas fuiſſe, ſtatuendum videtur.

Iudicia *proprie metaphyſica* cuncta ſunt ſyntheticæ. Sed iudicia *ad metaphyſicam pertinentia* probe ſunt a *metaphyſicis* diſcernenda. Illorum multa ſunt analytica, quibus autem duntaxat adiumenta efficiantur ad iudicia metaphyſica, quae finis ſola ſpectat ſcientiae, quaeque ſemper ſyntheticæ videntur. Etenim ſi conceptus pertinent ad metaphyſicam, veluti ſubſtantiae, et iudicia, ex ſola eorum diſſecatione oriunda, itidem neceſſario ad metaphyſicam pertinebunt, velut ſubſtantia cernitur in eo, quod exſtat qua ſubiectum, et ſic porro, atque ope plurium huiusmodi iudiciorum analyticorum propius conamur ad definitionem conceptuum accedere. Cum autem analyſis conceptus puri intelligentiae (cuiusmodi metaphyſica continet) non aliter fiat, ac diſſolutio cuiusque alius conceptus etiam empirici, ad metaphyſicam haud pertinentis (exempli gratia, aer cernitur in fluido quodam elatiſtico, cuius per nullam, quam nos quidem nouimus, frigoris magnitudinem elatiſcitas tollitur), conceptus quidem proprie efficitur metaphyſicus, non vero iudicium analyticum: huic enim ſcientiae peculiare quiddam eſt propriumque in gignendis notitiis ſuis ex anticipatione; quae proinde ab iis, quae ipſi ſunt cum aliis cognitionibus intelligentiae communia, diſcernenda eſt; ſic enunciatio: quodcumque in rebus ſubſtantia eſt, conſtans videtur, ſyntheticæ enunciatio eſt proprieque metaphyſica.

Quodsi conceptus ex anticipatione, quibus materia continetur metaphysices instrumentaque fabrilis, antea ex certis quibusdam principiis collegeris, analysis horum conceptuum permagni pretii erit; eaque praeterea, tamquam separata pars (instar philosophiae definitivae), potest, quae meras enunciationes analyticas contineat ad metaphysicam pertinentes, ab vniuersis pronuntiatis syntheticis, quibus ipsa efficiatur metaphysica, secreta proponi: namque sane analysium nusquam ita magna utilitas est, quam in metaphysica, id est, respectu enunciatorum syntheticorum, quae ex illis primum dissecatis conceptibus debent generari.

Haec igitur paragraphus eo redit denique: metaphysicae proprie propositas esse enunciationes syntheticas ex anticipatione, iisque solis finem illius constitui, ad quem ea sane quidem permultae indigeat analysis conceptuum, proinde iudiciorum analyticorum, quae quidem haud aliter tractantur, quam quaeuis alia pars cognitionis, ubi conceptus per analysis duntaxat distincti fiunt ac dilucidi. Sed genesi cognitionis ex anticipatione, et quoad visionem et quoad conceptus, tandem etiam enunciatorum syntheticorum ex anticipatione, et quidem in cognitione philosophica, materia essentialis metaphysices continetur.

Igitur nobis, taedio captis dogmatismi, nihil nos quidquam docentis, et scepticismi, nihil nobis omnino pollicentis, ne statum quidem quietum licitae ignorantiae, grauitate cognitionis, qua nos indigemus, prouocati, diffidentesque ex longa experientia, ratione cuiusque, quam tenere arbitramur, notitiae, aut quae sub titulo rationis purae nobis sese offert, adhuc quaestio relinquitur metaphysica, ad cuius responsum nosmet poterimus componere: *potestne omnino metaphysica fieri.* Verum ad hanc quaestionem non respondendum videtur ex dubiis scepticis contra certas cuiuspiam, quae exstet, metaphysicae (iam enim nullam adhuc concedimus), verum e conceptu eiusmodi scientiae adhuc duntaxat *problematica*.

In *critica rationis purae* hanc quaestionem synthetice tractauimus, ita scilicet, ut in ipsa ratione pura anquireremus, in eoque fonte ipso et elementa, et leges vsus puri illius ex principiis constituere conaremur. Hic labor est arduus, et lectorem postulat, qui pedetentim queat systema cogitatione complecti, quo nihil qua datam constituitur, praeter rationem ipsam, et proinde cognitionem cupit ex originariis germinibus eius explicari. Sed *prolegomena* contra esse prolusiones debent, magisque, quid faciendum, ut, quantum fieri possit, scientia efficiatur, indicare debent, quam eam ipsam proponere. Igitur ea, necesse est, fundamento quodam nitantur, quod iam ut certum cognoscimus, vnde freti proficisci possimus, atque ad fontes adscendere nobis ignotos, quorumque patefactione non solum ea, quae nossemus, explicabuntur, sed simul multarum cognitionum ambages, quae cunctae ex iisdem fontibus promanant, proponentur. Tractatio prolegomenorum methodica, eorum potissimum, quae viam ad futuram metaphysicam monstrare debent, proinde *analytica* videbitur

Sed forte fortuna obtingit, ut, etiamsi nequeamus sumere, metaphysicam qua scientiam vere *exstare*, tamen freti possimus dicere, certas quasdam notitias puras syntheticas ex anticipatione vere *exstare* datasque videri, nimirum *mathesin puram* et *puram physicam*; utraque enim enunciationes continentur, quae partim apodictice certae sunt ex ratione sola, partim per concentum vniuersalem ex vsu et experientia, nihilominus tamen tamquam ab experientia liberae perpetuo agnoscuntur. Igitur quamdam, certe *indubitata* cognitionem syntheticam ex anticipatione habemus, neque est, cur quaeramus, an ea esse queat (quippe quae reapse *exstat*), sed tantummodo *quomodo possit esse*, ut ex principio possibilitatis cognitionis datae et caeterarum omnium queamus possibilitatem deriuare.

PROLEGOMENA.

QUAESTIO VNIVERSALIS,

QUOMODO COGNITIO EX RATIONE PURA
POTEST ESSE?

§. 5.

Supra permagnum discrimen illud vidimus, quod iudiciis analyticis et syntheticis intercedit. Possibilitas enunciationum analyticarum facillime poterat comprehendere; ea enim posita tantummodo est in effato repugnantiae. Neque possibilitas enunciatorum syntheticorum ex aduentitio et, quod aiunt, a posteriori, hoc est, eorum, quae ex usu hauriuntur et experientia, peculiaris cuiusdam videtur explicationis egere; si quidem experientia ipsa non nisi copulatio (synthesis) est continua perceptionum. Quare nobis adhuc enunciationes relinquuntur syntheticae ex anticipatione, cuius possibilitas quaerenda vel exploranda videtur, quoniam aliis principiis, necesse est, quam repugnantiae decreto, nitatur.

Nec vero *possibilitas* huiusmodi enunciationum hic demum quaerenda nobis est, id est, non interrogandum, an eae possint esse. Namque illarum satis sunt, et quidem indubitato reuera datae, cum, quam nunc sequimur, methodus debeat analytica esse, hoc loco inde proficiscemur: eiusmodi syntheticam, sed puram, cognitionem rationalem existare; tum autem causa huiusce possibilitatis nihilominus erit *inuestiganda*, quaerendumque, quomodo haec cognitio possit esse, ut ex principiis possibilitatis eius condiciones usus quaeamus, ambitumque ac terminos illius constituere. Propria cum cura scholastica expressa, unde cuncta pendent, quaestio haec est:

Quomodo enunciatia synthetica fieri possunt ex anticipatione?

Hanc quaestionem supra, in gratiam popularitatis, aliter, tamquam quaestionem cognitionis ex ratione pu-

ra, expressimus, quod in praesentia, salua cognitione quaesita, commode fieri poterat, quoniam, cum hoc loco duntaxat de metaphysica agatur eiusque fontibus, ex iis, quae antea monuimus, lector, opinor, meminerit: si hoc loco de cognitione loquamur ex ratione pura, numquam sermonem esse de analytica, sed synthetica.*)

Ab solutione huius quaestionis ergo pendebit, vtrum stet metaphysica, an cadat, totaque proinde eius existentia inde prorsus pendere videtur. Adsertionibus in ea, quantum fieri possit, fucum impertias, conclusiones conclusionibus accumules, nisi antea ad illam potueris quaestionem idonee respondere, iure optimo dicere potero: vniuersa vana sunt et inanis philosophia et sapientia falsa. Per rationem puram loqueris, tibi-que arrogas quamdam quasi creationem cognitionum ex anticipatione, propterea quod non solum conceptus datos dissoluis, sed nouas coniunctiones iactas, non in effato repugnantiae positas, quasque nihilominus ab omni experientia prorsus liberas perspicere temet opinare; vnde tibi earum possessio venit, et quo tandem modo poteris tantae arrogantiae rationem reddere? Non potest concedi, vt rationem hominum testeris communem;

*) Fieri non potest, vt caueamus, ne, si paulatim cognitio progrediatur, certa quaedam, iam vsu recepta vocabula, ab aetate scientiae puerili profecta, successu temporis, haud idonea et male apta inueniantur, certumque nouum usum et conuenientiore cum prisco metuendum sit iri confusum. Methodus analytica, quatenus syntheticae contraria est, longe quiddam aliud est, quam complexus enunciationum analyticarum: illa quidem hanc vim habet, vt, ab iis, quae quaeruntur, tamquam data sint, proficiscamur, ad conditionesque adscendamus, quibus solis sit, vt esse queant. In hac via saepenumero solis vtimur enunciationibus syntheticis, vti exemplo est analysis mathematica, potiusque dici posset methodus *regressiua*, vt ab synthetica siue *progressiua* discernatur. Praeterea vocabulum analytices etiam obuium est vt caput logices, tamque illa est logica veri, quae opponitur dialecticae, quamuis ibi haud proprie spectetur, vtrum cognitiones ad illam pertineutes analyticae sint, an syntheticae.

quippe quae testis est, cuius auctoritas tantummodo in rumore publico nititur:

Quodcumque ostendis mihi sic, incredulus odi.

Horat.

Quam necessaria autem responsio est ad hanc quaestionem, tam difficilis ea tamen simul est, et, quamuis causa princeps, cur iam olim nemo conatus fuerit ad eam respondere, in eo cernatur, quod nullius umquam animum subierit, posse eiusmodi quidpiam interrogari, tamen altera quaedam haec causa est, quod responsio idonea huiusce alterius quaestionis, intentiorem requirit, profundiorumque et operosiorum inuestigationem, quam, quod uspiam existit, longissimum opus metaphysices, quod primum apparens auctori suo pollicetur immortalitatem. Praeterea quisque lector prudens peritusque, cum hanc quaestionem, prout ea postulat, diligenter cogitando persequitur, initio difficultate percussus, insolubilem, necesse est, et, si nulla reapse eiusmodi purae forent cognitiones syntheticae ex anticipatione, omnem omnino reputet esse non posse, quod *Davidi Humio* reuera accidit, quamuis quaestionem non tam vniuerse proponeret, quam hoc loco proponitur et debet proponi, si responsione vniuersae metaphysicae causa conficienda videatur. Namque, qui fieri poterit, vir subtilissimus inquit, ut, si mihi conceptus datus fuerit, illum transire queam, aliumque cum eo coniungere, in illo nullo modo complexum, et ita quidem, ac si hic *necessario* ad illum pertineat? Sola nobis experientia potest eiusmodi coniunctiones ministrare (ita conclusit ex illa difficultate, quam impossibilitatem putauit), omnisque illa necessitas putatitia, siue, quod idem est, pro ea habita cognitio ex anticipatione, non nisi in consuetudine versatur diuturna, aliquid verum reputandi, ideoque necessitatem subiectivam pro obiectiua habendi.

Quodsi lector de molestia queratur et labore, quam ei per solutionem huiusce quaestionis creabo, periculum modo faciat, utrum ipse possit eam faciliore modo

soluere. Haud scio, an tum gratiam de se initam ab eo putauerit, qui laborem tam profundae indagationis suscepisset, potiusque facilitatem, quae pro re nata solutioni potuerit impertiri, aliquantum miretur, praeter ea per seriem annorum laborauimus, ut hanc quaestionem in tota sua vniuersalitate (sensu illo, quo mathematici hac voce vtuntur, scilicet ad omnes causas idonee), solueremus, eamque tandem etiam in forma analytica, qua hic eam lector inueniet, proponere possemus.

Omnes igitur metaphysici solemniter ac rite sunt a laboribus suis suspensi, donec ad quaestionem: *qui cognitiones syntheticae ex anticipatione possunt esse?* idonee responderint. Nam in hac responsione sola continetur fides, quae exhibenda erit, si nomine rationis purae quidpiam agere nobiscum velint; qua si careant, expectabunt, a prudentibus, iam saepius deceptis, sese reiectum iri.

Contra si negotia sua non qua *scientiam*, sed ut *artem* quamdam persuasionum salutarium communique intelligentiae consentanearum, agere velint, istud negotium quidem eis non potest ex aequitate recusari. Tum vero oratione vtentur modesta fidei rationalis, fatebuntur, sibi haud licitum esse, de iis, quae ultra sunt terminos sita vniuersae, quae potest esse, experientiae, vel *opinari*, nedum quidpiam *scire*, sed duntaxat aliquid (non in usum contemplatiuum, a quo quidem iis se abdicandum erit, sed tantummodo in practicum) *sumere*, quae ad intelligentiam ducendam voluntatemque in vita et esse possunt, atque adeo necessaria videntur. Ita tantummodo laudem hominum frugi sapientumque poterunt obtinere, idque eo magis, quo magis gloria se metaphysicorum abdicauerint; erunt enim contemplantes philosophi, cumque, si de iudiciis agatur ex anticipatione, non possit ratio haberi probabilium (quod enim ex anticipatione perhibetur cognosci, eo ipso pro necessario indicatur), non potest iis licere, ut opinioni;

bus ludant et coniecturis, sed sententia eorum, necesse est, scientiam esse, aut nihil quidquam omnino.

Vniuersa dici potest philosophia transcendentalis, vniuersae metaphysicae praegressa, ipsa nihil aliud esse, quam sola solutio plena quaestionis hoc loco propositae, sed ordine systematico copiosius pertractata, proinde huc vsque nullam esse philosophiam transcendentalem; quae enim hoc nomine insignitur, proprie pars est metaphysices; verum illa scientia possibilitatem huius posterioris debet demum efficere, proinde ante omnem metaphysicam antecedere. Quamobrem non mirum est, cum vniuersa, quamuis omni adiumento aliarum destituta, proinde per se prorsus noua opus sit scientia, vt vel ad vnā queat quaestionem idonee responderi, si solutio eius cum labore sit ac difficultate, atque adeo obscuritate aliqua coniuncta.

Dum ad hanc solutionem progredimur, idque ad analyticam viam, in qua, eiusmodi cognitiones ex ratione pura reuera exstare, sumimus: duas solum possumus partes scientiae cognitionis empiricae (de qua sola hoc loco nobis sermo est) testari, scilicet *mathesin puram* et *physicam puram*, quippe quae solae possunt res nobis in visione proponere, proinde, si forte quaedam in iis cognitio foret obuia ex anticipatione, veritatem, siue contentum illius cum re ei subiecta, in singulo, hoc est, eius existentiam ostendere, vnde tum ad causam posset possibilitatis eius in via analytica progredi. Quo quidem admodum negotium leuatur, in quo inuestigationes generales non solum adhibentur ad facta, verum adeo ab iis proficiscuntur, cum in ratione synthetica prorsus in separato debeant atque abstracto ex conceptibus deriuari.

Vt autem ab his veris eisdemque fundatis cognitionibus puris ex anticipatione, ad possibilem, quam quaerimus, nimirum metaphysicam, qua scientiam, ascendamus, opus est, vt id, vnde emergit, quodque vt modo naturaliter oblata, quamuis per veritatem eius

haud suspicione libera, cognitio ex anticipatione illi fundamento est, cuius tractatione sine omni inuestigatione critica possibilitatis eius iamiam solet metaphysica vocari, ad summam, naturae munus ad eiusmodi scientiam hac nostra quaestione principe complectamur, atque ita princeps quaestio transcendentalis in quatuor alias quaestiones dispescetur, et subinde ad eas respondetur.

- 1) *Qui fieri potest mathesis pura?*
- 2) *Qui fieri potest physica pura?*
- 3) *Qui metaphysica omnino potest esse?*
- 4) *Qui metaphysica potest qua scientia esse?*

Patet, etiamsi solutione harum quaestionum materiam critices essentialem debeas ostendere, tamen eam etiam quiddam proprium ac peculiare habere, quod per se solum sit dignum attentione, nempe ut ad datas scientiae partes fontes in ipsa ratione quaerantur, quo huiusce facultatem aliquid ex anticipatione cognoscendi, ope ipsius facti inuestigemus ac dimetiamur; quo quidem hae ipsae partes scientiae, etiamsi non ratione materiae, tamen quoad verum usum ipsarum proficiunt, et, eo quod altiori de communi earum origine quaestioni lucem adfundunt, simul ansam praebent suae ipsius naturae vberius illustrandae.

QUAESTIONIS PRINCIPII TRANSCENDENTALIS

P A R S P R I M A.

QUI FIERI POTEST MATHESIS PURA?

§. 6.

Hic igitur magna esset probata cognitio, iam nunc mirae compagis, infinitamque in futurum amplificationem pollicens, quae quanta certitudinem apodicticam, id est, necessitatem absolutam, in se cohibet, proinde nullis rationibus empiricis innititur, ergo purum rationis effectum est, praeterea vero tota synthetica vide-

tur; „qui per rationem humanam fieri potest, vt tota eiusmodi cognitio ex anticipatione conficiatur?“ Anne hac facultate, quae non experientia nititur, nec potest niti, vlla quaequam cognoscendi ratio ex anticipatione ponitur, profunde latens abdita, quae tamen hisce effectis suis sese manifestauerit, si modo prima illius initia diligentius inuestigarentur?

§. 7.

Videmus autem, vniuersam cognitionem mathematicam hoc proprium habere, vt conceptum suum ante in visione debeat, et quidem ex anticipatione, proinde in ea proponere, quae haud ipsa sit empirica, sed visio pura, alias ne vnum quidem potest passum facere; quocirca iudicia illius semper sunt *intuitiva*, cum contra philosophia in iudiciis adquiescat *discursiuis ex solis conceptibus*, suasque doctrinas apodicticas sane quidem possit visione illustrare, sed inde numquam deriuare. Hac obseruatione ratione naturae matheseos ipsa iam ducimur ad conditionem primam atque supremam eius possibilitatis, nimirum vlla quaequam *visio pura* ei, necesse est, fundamento sit, in qua omnes possit conceptus suos in singulo, et tamen ex anticipatione proponere, siue, quod dicunt, *construere*.*) Quodsi hanc visionem puram queamus, et eiusmodi possibilitatem aperire, facile exinde perspicuum fiet, quomodo enunciationes syntheticae ex anticipatione in mathesi pura, et proinde quoque haec ipsa scientia fieri possit; quemadmodum enim visione empirica facile efficitur, vt, quem de re quadam visioni subiecta formamus, conceptum nostrum, nouis, quae visio ipsa ministrat, attributis, in experientia synthetice amplificemus, ita hoc idem visione pura efficietur, hoc tamen discrimine, vt in hac posteriori causa iudicium syntheticum ex anticipatione certum sit et apodicticum, in priori autem duntaxat ex aduentitio vsuque rerum atque empirice certum videatur, quoniam haec solum ea continet, quae in fortuita visione empirica, necesse est, deprehendantur, illa autem ea,

*) Videatur critice rationis purae p. 493 seq.

quae in pura necessario reperiantur, propterea quod ea, qua visio ex anticipatione, *ante uniuersam experientiam* vel singularem perceptionem cum conceptu est artissime coniuncta.

§. 8.

Verum difficultas videtur in hoc gressu magis augeri, quam decrescere. Nunc enim quaestio sic sonat: *qui fieri potest, ut aliquid ex anticipatione intueamur?* Visio est repraesentatio, qualis proxime ex praesentia rei sibi subiectae penderet. Proinde videtur fieri non posse, ut ex anticipatione *originarie* videamus, quia visio tum locum habere deberet, sine re nec antea, nec nunc praesenti, ad quam ea se referret, ideo non posset visio esse. Ea quidem conceptuum ratio est, ut quosdam, eos scilicet, quae solam rei obiectae cogitationem continent, commode queamus ex anticipatione formare, neque tamen proxime sumus ad rem obiectam adfecti, velut conceptus quantitatis, causae, et similium, sed his ipsis, ut vim sensumque accipiant, certo quodam usu opus est in singulo, id est, applicatione ad ullam quampiam visionem, qua res ei subiecta nobis proponatur. Verum qui *visio* potest obiectae rei rem ipsam obiectam antecedere?

§. 9.

Si ea esse visionis ratio deberet, ut res repraesentaret *ita, ut per se ipsae sunt*, nulla prorsus visio ex anticipatione locum haberet, sed semper foret empirica. Etenim quid in re in se ipsa contentum sit, tum solum scire potero, cum mihi praesens erit atque oblata. Ac sane tum quoque comprehendi non potest, quomodo visione rei praesenti fiat, ut eam cognoscam, ita, uti in se ipsa videtur, cum proprietates illius nequeant in facultatem repraesentandi meam transmigrare; sed fac, fieri posse, tamen eiusmodi visio haud ex anticipatione locum haberet, id est, priusquam res mihi proponeretur: nisi enim hoc sit, nulla poterit repraesentationis meae ad illam adfectae ratio excogitari, nisi ex inspira-

tionem pendeat. Igitur vno duntaxat modo fieri potest, visionem meam praecedere existentiae rei obiectae, atque qua cognitio ex anticipatione locum habere, *nimirum si nihil contineat aliud, quam formam facultatis sensitivae, quae in subiecto meo omnes veras impressiones antecedit, quibus pellor a rebus ac moueor.* Res enim sensibus obnoxias soli huic formae conuenienter posse videri, scire possum ex anticipatione. Hinc sequitur: enunciationes, hanc solam formam visionis sensitivae spectantes, fieri de rebus sensibus subiectis posse et valere; itemque vicissim retro, visiones, quae fieri ex anticipatione possint, numquam posse res alias, nisi sensibus nostris obnoxias, attingere.

§. 10.

Ergo sola forma visionis sensitivae ex anticipationem possum res videre, qua vero res tantummodo cognoscimus, uti nobis (sensibus nostris) possunt *videri*, non quomodo in se ipsae fuerint, quae quidem sumtio absolute necessaria est, si enunciationes syntheticas ex anticipationem esse posse concedendum sit, aut, si vere inveniuntur, eius possibilitas comprehendere debeat et in antecessum constitui.

Iam spatium tempusque in iis visionibus versantur, quas mathesis pura vniuersis notitiis suis ac iudiciis, quae et apodictica simul et necessaria prodeunt, fundamento ponit; nam mathesin vniuersos conceptus suos primo in visione oportet, et mathesin puram in visione pura proponere, id est, eos construere, alias fieri non potest, ut gradum proficiat (si quidem ea haud analytice potest, nempe conceptibus dissecandis, procedere, sed synthetice), quam diu ei scilicet desit visio pura, in qua sola potest materia iudiciorum syntheticorum ex anticipationem offerri. Geometria visionem puram spatii constituit. Arithmetica ipsos numerorum conceptus suos additione unitatum successiva in tempore conficit, in primis autem mechanica pura conceptus motus suos sola potest interueniente temporis repraesentatione ef-

ficere. Sed ambae repraesentationes in solis visionibus versantur; nam demto omni empirico, nempe quod ad sensationem pertinet, de visionibus empiricis corporum eorumque mutationum (motus), spatium relinquitur et tempus; quae proinde visiones purae sunt, quae illis ex anticipatione fundamento subsunt, ideoque ipsa non possunt omitti, sed eo ipso, quod in visionibus puris versantur ex anticipatione, probant, se solas formas esse facultatis nostrae sensitivae, quas omnem visionem empiricam, id est, rerum vere exstantium perceptionem, necesse est, antecedere, quibusque conuenienter possunt cognosci res ex anticipatione, sed sane modo ita, uti nobis videntur.

§. II.

Igitur quaestio huiusce sectionis soluta est. *Mathesis pura*, qua cognitio synthetica ex anticipatione, eo potest fieri, ut ad nullas res alias, nisi sensibus subiectas, referatur, quarum visioni empiricae visio pura (spatii temporisque) et quidem ex anticipatione fundamento sit, et propterea fundamento esse queat, quoniam haec non nisi in sola forma facultatis sensitivae cernitur, verum rerum obiectarum phaenomenon antecedente, propterea quod ea, illud reapse ut esse queat, efficitur. Sed tamen haec facultas, ex anticipatione videndi, non materiam phaenomeni attingit, hoc est, id, quod in ea sensatio est, quippe qua efficitur empiricum, sed tantum formam illius, spatium tempusque. Quodsi dubitaueris, utrumque non esse in determinationibus rerum in se ipsis, sed tantummodo adfectioni earum ad facultatem sensitivam adhaerentibus, scire auerem, qui fieri posse credas, ut ex anticipatione, et proinde ante uniuersam rerum notitiam, quippe priusquam nobis illae fuerint oblatae, scias, quomodo earum visio esse debeat comparata, quod hoc loco accidit in spatio ac tempore. Verum hoc facile poterit comprehendere, simulatque utrumque non valeat, nisi qua conditiones formales facultatis nostrae sensitivae, sed res obiectae qua phaenomena, tum enim forma phaenomeni

meni, id est, visio pura, sane potest e nobis ipsis, id est, ex anticipatione, repraesentari.

§. 12.

Illustrandi confirmandique causa, consueta absoluteque necessaria geometrarum ratio consideretur. Vniuersa argumenta pro aequalitate tota figurarum duarum datarum (cum vna ex omni parte potest in alterius locum collocari) eo denique redeunt, vt se inuicem tegan-; quod manifesto nihil aliud est, nisi enunciatum syntheticum, in proxima visione positum, eaque visio pura offeratur atque ex anticipatione, necesse est, alioquin enim enunciatum istud non apodictice certum posset valere, sed certitudinem haberet duntaxat empiricam. Diceretur tantummodo: ita semper animaduertitur, illudque valet modo, quousque perceptio nostra pertinuit. Spatium absolutum (quod ipsum non in termino versatur alius cuiuspiam spatii) tres habere dimensiones, spatiumque vniuerse non plures posse habere, in enunciatione constituitur, non plures tribus in puncto lineas posse reetangulate secari; sed haec pronuntiatio nullo modo potest e conceptibus euinci, sed proxime posita est in visione, eaque pura ex anticipatione, propterea quod apodictice certa est; eo quod postulari potest, lineam duci in indefinitum debere, seriemue mutationum (velut spatia motu percurfa) in indefinitum continuari, repraesentatio spatii temporisque ponitur, quae soli potest visioni adhaerere, nimirum quatenus in se nulla re circumscripta est ac finita; neque enim e conceptibus vnquam posset concludi. Ergo mathesi reapse fundamento sunt visiones purae ex anticipatione, quibus efficitur, vt enunciationes eius synthetice vique apodictica cogentes esse queant, atque inde deductione nostra transcendentali conceptuum in spatio ac tempore simul possibilitas explicatur matheseos purae, quae sine eiusmodi deductione, nec sumto, omnia, quae sensibus postis possunt offerri (externis in spatio, internis in tempore), a nobis duntaxat conspici,

vti nobis videantur, minime vti in se ipsa sint, concedi quidem posset, sed nullo modo perspicui.

§. 13.

II, qui nondum se possunt a cogitatione abdicare, quasi spatium tempusque verae proprietates sint, quae rebus in se ipsis inhaereant, aciem ingenii poterunt in παραδείξω sequenti acuere, cuiusque cum solutionem frustra tentarint, ad quosdam certe temporis articulos ab opinionibus praepiudicatis liberi, suspicari, spatium fortasse tempusque ad solas formas visionis nostrae sensitivae iure reuocari.

Si res duae in vniuersis partibus, quae in quaque per se cumque possint cognosci (in omnibus, quae ad quantitatem qualitatemque pertinent, determinationibus), prorsus similes sint, cogitur, vt altera in omnibus causis et adfectionibus queat alterius in locum collocari, ita, vt ea commutatione ne minimum quidem, quod animaduerti possit, discrimen efficiatur. Ac sane quidem ita, quoque comparatum est cum figuris planis geometrarum; verum eam variarum sphaericarum, quamvis prorsus interne conueniant, rationem externam videmus, vt altera alterius nequeat in locum constitui, exempli gratia, duo triangula sphaerica, ab vtraque hemisphaera, arcum aequatoris habentia basin communem, esse prorsus aequalia possunt, cum ratione laterum, tum angulorum, ita, vt in nullo, si solum simulque plenum describatur, quidquam deprehendatur, quod haud idem in descriptione alterius insit, nihilominus alterum non potest in locum alterius (nempe in hemisphaerio contrario) locari, in quo quidem diuersitas est duorum triangulorum, quam nulla intelligentia potest internam indicare, quaeque sola adfectione in spatio externa sese manifestat. Sed frequentiores casus adferam, quae possunt e vita communi depromi.

Quid tandem manus aurisue meae maiorem habere similitudinem poterit, omnique ex parte aequaliorem, imagine earum in speculo? Neque tamen eiusmodi ma-

num possum, quae in speculo conspicitur; in locum ponere eius prototypi; cum enim haec manus dextra erat, illa in speculo est sinistra, rectaeque auris imago sinistra est, quae numquam poterit locum prioris tueri. Iam hic nulla sunt discrimina interna, quae vlla queat quaequam mens cogitare; et tamen discrimina sunt intus, quantum sensus docent, namque manus sinistra non potest cum dextra, quamuis altera alterius simillima sit, iisdem terminis includi (non possunt congruere), chirotheca alteri manu apta alteri non poterit applicari. Ecquae tandem solutio erit? Hae res haud fere repraesentationes sunt rerum, vti in se ipsae sunt, vtque eas intelligentia pura cognosceret, sed visiones sunt sensitiuae, id est, phaenomena, quorum possibilitas in adfectione posita est, certarum quarumdam rerum per se ignotarum ad aliud quid, scilicet facultatem nostram sensitiuam. Cuius quidem spatium in forma cernitur visionis externae, internaue cuiusque spatii determinatio sola determinatione adfectionis externae ad spatium vniuersum, cuius illud pars est (adfectionem ad sensum externum), id est, pars duntaxat esse per totum potest, id quod in rebus per se ipsis, vtpote subiectis soli intelligentiae, numquam, sed in meris phaenomenis, locum habet. Quocirca etiam discrimen rerum similium atque aequalium, sed incongruentium (veluti cochlearum prae tortilium), ne villo quidem conceptu possumus explicare, sed sola adfectione ad dextram sinistramque manum, quae proxime spectat visionem.

ANIMADVERSIO I.

Mathesi purae, ac nominatim purae geometriae, hac lege sola potest esse realitas obiectiua, vt tantummodo ad res referatur sensibus obnoxias, quarum vero respectu decretum fixum est ratumque: nostram repraesentationem sensitiuam nequaquam repraesentationem esse rerum per se ipsarum, sed solius modi, quo nobis videntur. Ex quo sequitur, enunciationes geometriae haud fere determinationes esse solius cuiuspiam

fetus fingentis phantasiae nostrae, ideoque haud certo posse ad res veras referri, sed necessario illas de spatio valere, atque idcirco etiam de cunctis, quae poterunt in spatio deprehendi, si quidem spatium nihil aliud est, quam forma omnium phaenomenorum externorum, quae sola possint res sensibus proponi. Facultas sensitiva, cuius formam geometria fundamento ponit, id est, in quo posita est possibilitas visorum externorum, quae proinde numquam possunt quidquam continere aliud, quam quae ipsi ab geometria praecipiantur. Quod multo secus foret, si sensibus res obiectae, uti per se ipsae sunt, deberent proponi. Tum enim ex repraesentatione spatii, quae fundamento subest geometriae ex anticipatione cum variis eiusdem proprietatibus, neutiquam sequeretur, ea omnia, una cum iis, quae exinde efficiuntur, sic se in natura rerum habere oportere. Spatium geometrae in mero figmento poneretur, nullumque illi valorem obiectuum tribueretur; propterea quod neutiquam perspicimus, quomodo res necessario debeant, quam de nobismet ipsis, atque in antecessum de iis formamus, imagini convenire. Quod si autem haec imago, vel potius haec visio formalis, essentialis proprietas est facultatis nostrae sensitivae, cuius solius ope res nobis offeruntur, haec autem facultas sensitiva haud res repraesentet per se ipsas, sed sola earum visa siue phaenomena, facile comprehendere potest, simulque evidenter probatum est, uniuersas res externas mundi nostri sensibilis, necessario oportere cum enunciatis geometriae ad unguem consentire, quoniam facultas sensitiva per formam suam visi externi (spatium), in qua geometra versatur, efficit, ut illae res, quae mera phaenomena, esse demum possint. Usque quaque euentum erit historiae philosophicae notatu dignissimum, tempus aliquando fuisse, cum ipsi mathematici, iidemque philosophi, non quidem de veritate enunciationum geometricarum suarum, quatenus solum spatium attinerent, verum de valore obiectiuo vsuque huiusce conceptus ipso omnique geometricarum adfectionum illius ad naturam inciperent dubitare, metuentes, ne in rerum natura linea pun-

Disphy ficis conflet, proinde verum spatium in re obiecta partibus simplicibus efficiatur, quamuis, quod geometra mente agitat, spatium, nullo modo ex iis queat consistere. Non intellexerunt, hocce spatio effici in cogitatione, vt esse physicum possit, id est, ipsam materiae extensionem; hoc nullam prorsus rationem rerum per se ipsarum esse, sed modo formam facultatis repraesentandi nostrae sensitivae; omnes obiectas res in spatio sola phaenomena esse, id est, haud res per se ipsas, sed repraesentationes visionis nostrae sensitivae, cumque spatium, vti geometra cogitatione sibi informat, forma sit visionis sensitivae, quam ex anticipatione in nobis deprehendimus, quaeque rationem in se cohibet possibilitatis omnium externorum phaenomenorum (quoad eorum formam), haec necessario debent atque exacte cum enunciatis geometrae, quae non ex conceptu ficto, sed subiectiuo omnium externorum phaenomenorum fundamento, nempe ipsa facultate sensitiva, efficit, convenire. Atque ita tantummodo geometrae poterit contra omnes artes tenuiores metaphysices, de indubitata realitate obiectiva enunciationum prouideri, vtcumque eas huic videantur alienae, necesse sit, cum haud ad fontes conceptuum suorum regrediatur.

ANIMADVERSIO II.

Quidquid, qua res obiecta, nobis debet proponi, necesse est, nobis in visione offerri. Omnis nostra visio fit sola ope sensuum; intelligentia nil quidquam videt, sed considerat modo et cogitat ac reflectit. Cum autem sensus, quod hactenus vicimus, nobis numquam, neque in vlla parte quapiam, res nobis ostendant cognoscendas per se ipsas, sed sola illarum phaenomena, quae vero in meris versentur repraesentationibus facultatis sensitivae; „et vniuersa corpora, necesse est, vna cum spatio, in quo insunt, nil nisi solas repraesentationes intus in nobis habeantur, nuspiamque ea existant, quam in sola nostra cogitatione." Anne hoc manifestus idealismus videtur?

Idealismus consistit in adsertione, nullas alias naturas esse praeterquam cogitantes, caeteras res, quas in visione putemus percipere, solas esse repraesentationes in naturis cogitantibus, quibus reapse nulla, quae extra illas sit, res respondeat. Contra ego quidem dico: datae nobis oblataeque res sunt, tamquam res extra nos sensibus nostris obviae, sed quales in se ipsae sint, nescimus, solaque earum phaenomena cognoscimus, hoc est, repraesentationes, quas sensus nostros pellentes in nobis efficiunt. Quamobrem sane equidem fateor, extra nos corpora esse, hoc est, res, quas licet pro eo, atque per se ipsae sint, nobis prorsus ignotas, repraesentationibus nouimus, quas nobis vis illarum in facultate sensitua nostra largitur, quibus nomen indimus corporis, quod verbum proinde solum phaenomenon declarat illius ignotae nobis, sed nihilominus exstantis rei. Poteritne istud idealismus appellari? Ipsum potius illius contrarium videtur.

Salua vera rerum externarum existentia de vi eorum, quae iis attributa sunt, dici posse: ea non ad hasce res per seipsas pertinere, sed solum ad earum phaenomena, eaque extra repraesentationem nostram nullam propriam existentiam habere, diu iam ante *Lockii* tempora, maxime autem post, vniuerse creditum est et concessum. Quo refertur calor, color, sapor, et alia generis eiusdem. Me autem praeterea, grauissimis de causis, reliquas corporum qualitates, quas *primarias* dicunt, extensionem, locum, omninoque spatium, vna cum vniuersis, quae illi adhaerent (rationem imperuiam, siue, quam vocant, impenetrabilitatem, figuram et caetera de genere eodem), etiam ad sola phaenomena numerare, eius quidem rei minime poterit inconuenientia doceri, et quemadmodum is, qui colores perhibet non proprietates esse rei per se ipsius, sed tantum visus sensui velut mutationes adhaerentes, propterea non poterit idealistis accenferi; ita etiam haec doctrina mea non poterit idealistica dici, propterea quod inuenerim, plures praeterea, quin omnes proprietates, quibus corporis

visio efficitur, tantummodo ad eius phaenomenon pertinere; namque existentia rei, quae videtur, ea re haud tollitur, velut in vero idealismo, sed duntaxat ostenditur, eam nos non posse, qualis in se sit, sensibus villo modo cognoscere.

Scire auerem, qualis sententiarum mearum esse ratio debeat, ne idealismum complectantur. Sine dubio dicere deberem: repraesentationes spatii non solum, quae nostrae facultati sensitivae ad res est obiectas, affectioni exacte consentaneas esse, hoc enim dixi, sed eas rei obiectae adeo prorsus similes esse; cum quaquidem sententia nullum possum sensum coniungere, aequae minus ac si sensatio rubri dicatur similis esse qualitati cinnabaris, sensationem istam in me excitantis.

ANIMADVERSIO III.

Ex quo facile praevidendum, sed inane, dubium commode potest reici: scilicet, idealitate spatii temporisque vniuersum mundum sensibilem in meram speciem mutatum iri. Postquam nimirum primum omnis perspicientia philosophica de natura cognitionis sensitivae eo fuerat corrupta, quod facultas sensitiva solum in parte repraesentationum confusa poneretur, qua res cognosceremus etiamnum ita, uti sint, sed facultate careremus, omnia in hac repraesentatione nostra ad claram conscientiam vocandi: contra a nobis probatum est, facultatem sensitivam haud versari in hocce discrimine logico, claritatis obscuritatisue, sed in ratione genetica ipsius originis cognitionis, cum cognitio sensitiva res nullo modo ita, uti sunt, ostendat, sed solum modum, quo sensus nostri illis mouentur et adficiuntur, proinde iis sola phaenomena, non res ipsae, intelligentiae ad considerandum proponantur: facta hac circumscriptione necessaria, dubium oritur ex calumnia quadam fere haud ignoscenda ac propemodum de industria facta oriundum, ac si doctrina mea vniuersae res in mundo sensibili in meram speciem commutentur.

Si nobis propositum est phaenomenon, prorsus nobis liberum erit, quomodo rem inde velimus diiudicare. Illud, nimirum phaenomenon, positum erat in sensibus, haec diiudicatio vero in intelligentia, et quaeritur modo, vtrum in determinatione obiectae rei veritas insit, nec ne. Discrimen autem veritatem inter et somnium non qualitate repraesentationum, quae ad res obiectas referuntur, constituitur, quippe quae in utroque eadem sunt, sed coniunctione earum ex regulis, quae contextum repraesentationum constituunt in conceptu rei cuiuspiam obiectae, et quatenus in experientia esse coniunctae possunt aut minus. Et tum haud phaenomena in culpa sunt, si cognitio nostra speciem capiat pro veritate, id est, si visio, qua nobis res quaedam proponitur, pro conceptu habeatur rei obiectae, vel etiam existentiae illius, quam intelligentia potest duntaxat cogitare. Cursum stellarum vagarum sensus nobis modo rectigradum, modo retrogradum ostendunt, in eoque nec falsi quidquam inest, nec veri, quoniam, quamdiu, hoc solum phaenomenon esse, cogitemus, de obiectiva motus illarum natura nondum quidquam decernimus. Quoniam autem, si intelligentia haud ita curet, cauere, ne hicce subiectiuus repraesentandi modus pro obiectiuo reputetur, facile potest iudicium falsum oriri, idcirco dicimus: videntur retrogredi; verum species haud culpaе tribuitur sensuum, sed intelligentiae, cuius solius est, ex phaenomeno iudicium ferre obiectiuum.

Hoc modo, etiamsi nequaquam originem nostrarum repraesentationum cogitando persequeremur, nostraque sensuum visionis, quae illa cumque contineant, in spatio ac tempore ad regulas in experientia quadam coniungamus contextus vniuersae cognitionis: poterit pro eo, atque incauti prudentesue fuerimus, species fallax vel veritas existere; quod solum spectat usum repraesentationum sensitiuarum in intelligentia, non vero earum originem. Itemque, si vniuersas repraesentationes sensuum cum forma illarum, spatio nimirum

ac tempore, non nisi phaenomena habeam, et haec phaenomena pro sola forma capiam facultatis sensitivae, quae extra hanc neutiquam in rebus deprehendatur, iisdemque repraesentationibus utar respectu, quae potest esse, experientiae, in eo ne minima quidem erroris ansa, speciesue continetur, quod eas pro solis phaenomenis accipiam; namque nihilominus possunt ex regulis veri in experientia recte cohaerere. Sic omnes geometriae enunciationes de spatio pariter valent de vniuersis rebus sensibus obnoxiiis, proinde ratione omnis, quae potest esse, experientiae, siue pro sola forma facultatis sensitivae spatium acceperim, siue pro eo, quod rebus ipsis inhaereat; quamquam ad solam rationem priorem potest comprehendí, qui fieri queat, ut illas enunciationes de rebus vniuersis, quae cadunt sub visionem externam, ex anticipatione sciamus; caeterum ratione vniuersae, cuius esse copia poterit, experientiae cuncta manent ita, uti forent, si a communi sententia hac in re haud discessissem.

Contra si cum conceptibus meis spatii temporisque audeam vniuersam, quae fieri potest, experientiam transire, quod vitari non poterit, si ea qualitates perhibeam rebus per se ipsis adhaerentes (quid enim impediat, quo minus ea de iisdem rebus valere adseram, siue sensus mei aliter constituti fuerint, iisque conveniant, siue non?), tum error potest grauissimus oriri, in specie quadam positus, cum id, quod sola fuit conditio videndarum rerum, meo adhaerens subiecto, certoque ad res omnes valuit subiectas sensibus, proinde ad vniuersam, cuius fieri copia poterit, experientiam, pro communi vendebam, propterea quod ea ad res per se ipsas referrem, non vero ad condiciones adstringerem experientiae.

Igitur tantum abest, ut, quae de idealitate spatii temporisque disputaui, iis vniuersus mundus sensibilis in meram speciem mutetur, ut potius iis solis possit cognitionum longe grauissimarum, earum scilicet, quae mathesis proponit ex anticipatione, usus ad veras res

obiectas confirmari, et, ne pro sola specie habeantur, caueri, si quidem sine hac animaduersione fieri prorsus non potest, ut decernamus, an, quas ab nulla experientia mutuamus, quaeque nihilominus in nostris repraesentationibus ex anticipatione insunt, spatii temporisque visiones in meris umbris versentur ab nostro ipsorum ingenio profectis, quibus nulla omnino res, certe haud exacte, respondeat, ideoque geometria ipsa in sola specie cernatur, cum contra valor illius indubitatus ratione rerum omnium in mundo sensibili, ob eam ipsam causam, quoniam hic solis visis siue phaenomenis continetur, a nobis potuerit euinci.

Deinde vero tantum etiam abest, ut hisce principiis meis, propterea quod iis repraesentationes sensuum statuuntur phaenomena, experientiae veritas in solam speciem mutetur, ut potius iis solis efficiatur, ut speciem transcendentalem vitemus, qua usquequaque illusa fuit metaphysica, eoque ipso ad pueriles conatus deducta, bullas captandi saponarias, quoniam phaenomena, quae tamen in solis repraesentationibus versantur, pro rebus per se ipsis accepta sunt, unde omnia ista spectacula antinoniae rationis purae exsistere, cuius infra mentionem faciam, quaeque una illa animaduersione tollitur: phaenomenon, donec in experientia adhibeatur, veritatem gignere, sed simulatque ultra eius terminos progrediatur fiatque transcendens, nil praeter solam speciem generare.

Cum ergo rebus, quas nobis sensibus famulis repraesentamus, veritatem suam tribuam, nostramque tantum visionem sensitivam earum rerum ita circumscribam, ut in nulla prorsus parte, ne visione pura quidem spatii et temporis, quidquam amplius ostendant, praeter solum illarum rerum phaenomenon, numquam vero qualitatem earum per se ipsarum, hoc nulla est naturae a me adiecta species perpetua, meaque contra omnem idealismi culpam intercessio tam dilucida est atque perspicua, ut adeo superuacanea videretur, nisi iudices inuenirentur iniqui, qui, propterea quod cuique a per-

versa sua, quamvis communi, sententia sententiae abhorrenti vetustum quoddam libenter vellent nomen tribuere, et numquam de vi virtuteque nominum philosophicorum iudicarent, sed in sola litera haerent, parati forent, suam ipsorum opinionem in locum reponere conceptuum bene determinatorum, eoque hos contorquere ac deformare. Etenim, quod ipse huic theoriae meae nomen idealismi transcendentalis indiderim, inde nullum cuiquam ius potest accedere, eius cum idealismo empirico Cartesii permutandi (qui quamquam solum quaestio fuit, cuius de ratione insolubili cuique, ex mente Cartesii, liberum erat, existentiam mundi corporei negare, quoniam numquam posset ad eam idonee responderi), aut cum mystico et fanatico *Berkeleyi* confundendi (contra quae aliaque his similia ingeniorum portenta critica nostra proprium in se remedium continet). Ea enim a me sic dicta idealismi ratio non opus habet rerum existentia (cuius vero dubitatio proprie idealismum efficit recepta significatione vocatum), neque enim unquam mihi in mentem venit de illa dubitare, sed solummodo de repraesentatione sensitiua rerum, quo spatium tempusque principi loco pertinent, ac de his, proinde de omnibus omnino phaenomenis duntaxat ostendi, ea non in rebus versari (sed solis repraesentationum partibus), neque in determinationibus, quae rebus inhaereant per se ipsis Vocabulo transcendentali autem, cui numquam vim tribuo adfectionis cognitionis nostrae ad res, sed tantum ad *facultatem cognoscendi*, ab hac calumnia debebat caveri. Ne autem et in posterum isti calumniae locus esse possit, malo vocabulum istud abrogari, dicique idealismus criticus. Quod si autem reapse, qui iure damnetur, idealismus sit, res veras (non phaenomena) in solas repraesentationes mutari, quo tandem nomine illum notabimus, quo vice versa solae repraesentationes in res conuertuntur? Quem quidem posse, opinor, idealismum *somniantem* vocari, qui discernatur ab illo, quem dixerim *desirantem*, qui ambo idealismo meo, quem transcendentalem dixeram, nunc melius *criticum* voco, debuerunt arceri.

QUAESTIONIS PRINCIPALIS TRANSCENDENT-
TALIS

P A R S S E C U N D A.

QUI FIERI POTEST PHYSICA PURA?

§. 14.

Natura cernitur in *existentia* rerum, quatenus ea est ex legibus vniuersalibus determinata. Quodsi natura existentiam denotaret rerum *per se ipsarum*, eas nos numquam, neque ex anticipatione, neque ex aduentitio atque adsumto, cognoscere possemus. Non ex anticipatione, vnde enim sciamus, quid rebus competat per se ipsis, cum istud numquam fieri possit conceptibus nostris disseccandis (enunciatis analyticis), si quidem scire nolum, quae in conceptu rei cuiuspiam meo insint (quippe quod ad essentiam eius logicam pertinet), sed quid in existentia rei adhuncce conceptum accedat, et quo res ipsa sit in existentia sua extra conceptum meum determinata. Intelligentia mea, conditionesque, quibus ea solis potest determinaciones rerum in earum existentia coniungere, nullas rebus ipsis regulas praecipit; haec non se ad intelligentiam meam accommodant, sed intelligentia mea deberet ad eas sese componere; ergo eas, necesse foret, antea mihi datas esse, vt hasce determinaciones ex iis intelligerem, tum autem haud forent cognitae ex anticipatione.

Etiam ex aduentitio vsuque fieri non posset eiusmodi cognitio naturae rerum. Etenim si experientia debeat *leges*, quibus existentia rerum subest, me docere, has, quatenus res attingant per se ipsas, necesse foret, iis etiam experientiam meam necessario competere. Atque experientia docet me quidem, quod sit, et quomodo sit, numquam autem, illud necessario sic, nec aliter, esse oportere. Ergo ea numquam potest naturam rerum per se ipsarum docere.

§. 15.

Iam nihilominus reuera possessione gaudemus physicae purae, quae ex anticipatione et cum vniuersa illa necessitate, quae ad enunciationes apodicticas, requiritur, leges, quibus fulsit natura, proponit. Hoc loco illam duntaxat testari sufficiat physices propaedeuticam, quae titulo inscripta physices vniuersalis, cuique (in principiis empiricis constitutae) physicae solet praemitti. In ea inuenimus mathesin, adhibitam ad phaenomena, etiam decreta mere discursiua (ex conceptibus), quibus pars philosophica efficitur cognitionis naturalis purae. At multa tamen etiam in ea insunt, quae non omnino pura sunt, neque a fontibus empiricis libera: velut conceptus *motus*, rationis *imperuiae* (qua conceptus materiae empiricus nititur), *inertiae*, et caetera de genere eodem, quae impediunt, quominus tota queat physica pura vocari; praeterea illa modo res attingit sensibus externis subiectas, proinde ea haud exemplo est physicae vniuersali proprie sic dictae, naturam enim vniuerse debet legibus vniuersalibus subiicere, siue rem atineat externis sensibus obnoxiam, siue sensui interno (rem et physicae subiectam et psychologiae). In decretis autem illius physices vniuersalis nonnulla insunt, quibus reuera inest, quam postulamus, vniuersalitas, veluti decretum: *substantiam manere* et constare, *omnia*, quae fiunt, *semper fieri per causam*, et quae sunt similia. Haec vere sunt leges naturae vniuersales, quae prorsus consistunt ex anticipatione. Ergo sane est physica pura, et iam quaeritur: *qui poterit ea fieri*.

§. 16.

Aliam insuper significationem accipit vocabulum *naturae*, quae scilicet *rem ei propositam* constituit, cum superiori sensu solam *conuenientiam legalem* determinationum existentiae rerum vniuerse denotasset. Natura igitur materialiter spectata in *complexu* versatur *rerum omnium experientiae subiectarum*. De hac hoc loco agimus, cum praeterea res, quae numquam possunt subii-

ci experientiae, si secundum naturam suam deberent cognosci, ad conceptus nos cogerent, quorum vis atque potestas numquam in singulo (vlllo quopiam exemplo possibilis experientiae) posset offerri, cuiusque de natura merae nobis cogitationes informandae forent, quarum realitas, id est, vtrum reuera res obiectas attingant, aut in solis entibus rationis versentur, nullo modo posset diiudicari. Quod haud subiectum esse experientiae potest, eius cognitio foret hyperphysica, de qua hoc loco non agitur, sed de cognitione physica, cuius realitas per experientiam potest confirmari, quamvis ex anticipatione fieri queat, omnemque vsum experientiamque antecedit.

§. 17.

Quamobrem *formale* naturae hoc sensu angustiori cernitur in conuenientia legali rerum omnium experientiae obnoxiarum, et, quatenus ex anticipatione cognoscitur, *necessaria* conuenientia legali. Sed modo docuimus: leges physicas in rebus, quatenus haud cum experientia possibili comparatae, verum qua res per se ipsae considerentur, numquam posse ex anticipatione cognosci. Nec vero hoc loco de rebus per se ipsis sermo est (quarum proprietates in medio relinquimus), sed tantummodo de rebus, experientiae possibili obuiis, earumque complexum proprie hoc loco *naturam* appellamus. Ac nunc quidem quaero, vtrum, si de possibilitate cognitionis physicae ex anticipatione sermo sit, melius videatur, ita quaeri: qui fieri potest, vt necessaria conuenientia legalis rerum, qua experientiae obnoxiarum, ex anticipatione queat cognosci, an sic: qui potest fieri, vt necessaria conuenientia legalis ipsius *experientiae* respectu eorum omnium omnino, quae illi subiecta sunt, ex anticipatione cognoscatur?

Si rem propius contemplaueris, quaestionis solutio, siue hoc siue illo modo propenatur, ratione purae cognitionis physicae (in qua proprie cardo quaestionis vertitur) tota eodem redibit. Namque leges subiecti-

vae, quibus solis efficitur, vt cognitio rerum empirica esse possit, de his quoque rebus valent, tamquam experientiae, quae possit esse, subiectis (sed sane quidem haudquaquam de iis, quae rebus per se ipsis, quae hoc loco neutiquam cadunt sub contemplationem). Vnum prorsus idemque erit, vtrum dicam: sine hac lege, vt, quod percipitur, euentum semper ad id referatur, quod antecedit, quod ex regula vniuersali sequatur, numquam potest iudicium perceptiuum ad experientiam valere; an ita eloquar: vniuersa, quae experientia docet euenire, causam habeant, necesse est.

Interim tamen conuenientius feceris, si formulam eligas priorem. Cum enim ex anticipatione quidem, et antequam vlla res oblata sit, cognitionem possimus conditionum earum habere, quibus solis fit, vt respectuearum experientia esse queat, numquam vero, quibus illae legibus, per se ipsae ad experientiam possibilem haud adiunctae, subiectae videantur, naturam rerum ex anticipatione haud aliter poterimus inuestigare, nisi vt conditiones, legesque (quamquam subiectiuas) vniuersales indagemus, quibus solis efficitur, vt, cuiusmodi experientia est (quoad solam formam), cognitio fieri queat, ad easque possibilitatem rerum, quae experientiae propositarum, constituamus; etenim si posteriori formula vterer, conditionesque quaererem ex anticipationem, quibus, quatenus *sub experientiam cadit*, natura esse queat, facile possem in errorem incurrere, atque opinari, mihi de natura dicendum esse, qua re per se ipsa, tumque frustra conatibus circumagerer infinitis, leges anquirendi rerum, quarum mihi neutiquam quidquam videtur oblatum.

Igitur hoc loco tantummodo in experientia conditionibusque vniuersalibus atque ex anticipatione datis possibilitatis illius versabimur, indeque naturam, vtpote vniuersam rem experientiae, quae possit esse, subiectam, constituemus. Opinor, intelligi: me hoc loco non regulas intelligere *obseruandae* naturae cuiuspiam, iam datae atque oblatae, quae iamiam experientiam po-

nunt, proinde non, quomodo (per experientiam) possimus ex natura leges discere; quippe quae tum haud leges forent ex anticipatione, nullamque physicam supeditarent puram, verum quomodo conditiones ex anticipatione possibilitatis experientiae simul fontes sint, e quibus vniuersae sunt physicae leges deriuandae.

§. 18.

Primo igitur nobis animaduertendum erit, etiam si vniuersa experientiae iudicia empirica sint, hoc est, causam habeant in proxima sensuum perceptione, tamen haud vice versa cuncta iudicia empirica propterea iudicia experientiae esse, verum, praeter empiricum, omninoque praeter id, quod visioni sensitiuae propositum est, peculiare conceptus accedere oportere, quorum origo tota sit ex anticipatione in intelligentia pura, ad quosque quaeque perceptio demum adsumitur, tumque eadem interueniente possit in experientiam conuerti.

Iudicia empirica, quatenus valorem obiectiuum habent, iudicia sunt experientiae; quae vero duntaxat subiectiue valent, ea sola iudicia perceptiua voco. Haec posteriora nullo indigent conceptu puro intelligentiae, sed sola coniunctione logica perceptionis in subiecto cogitante. Sed priora illa, praeter repraesentationes visionis sensitiuae, semper postulant conceptus peculiare in intelligentia originarie genitos, quibus ipsis efficitur, vt iudicium experientiae obiectiue valeat.

Vniuersa iudicia nostra primo sunt sola iudicia perceptiua, valentque ad nos solos, id est, ad subiectum nostrum, et modo postea nouam illi adfectionem tribuimus, ad rem quampiam, cupimusque, eam et ad nos semper itidemque ad vnumquemque debere valere; cum enim iudicium quoddam cum re quapiam conuenit, tum vniuersa de eadem re iudicia, necesse est, et in se inuicem conuenire, atque ita valor obiectiuus iudicii experientiae non nisi in necessario illius valore ad vniuersa spectante. Verum etiam vice versa, si causa erit

cur iudicium quoddam necessario ad vniuersa valens putemus (quod numquam in perceptione positum est, sed in solo conceptu puro intelligentiae, ad quem adsumta est perceptio), etiam obiectuum putemus, necesse est, hoc est, illo non solam adfectionem perceptionis ad quoddam subiectum enunciari, sed quamdam rei obiectae qualitatem; si quidem non esset, cur aliorum iudicia necessario conuenire debeant cum meis, nisi vnitas foret rei obiectae, quam spectant vniuersa, cum qua conueniunt, et proinde quoque omnia, necesse est, invicem conuenire.

§. 19.

Quamobrem valor obiectiuus, et valor necessario spectans vniuersa (cuiuslibet), in conceptibus sunt reciproci, et, quamuis obiectam rem per se ipsam haud notamus, tamen, si iudicium quoddam spectemus pro eo, quod ad vniuersa pertineat, idenque necessarium sit, eo ipso valor obiectiuus intelligitur. Hoc iudicio cognoscimus rem obiectam (quae vt, qualis per se ipsa sit, nobis ignota maneret) coniunctione necessaria et ad vniuersos valente perceptionis propositae, cumque hoc in rebus cunctis experientiae obnoxiiis locum habeat, iudicia experientiae valorem obiectiuum non a proxima rei obiectae cognitione (quippe quae non potest esse), sed a sola conditione valoris vniuersalis iudiciorum empiricorum, mutuabuntur, qui, vt ostendimus, numquam in conditionibus empiricis, atque etiam omnino sensibilibus positus est, sed in conceptu puro quodam intelligentiae. Res obiecta per se ipsa semper ignota manet; sin autem conceptu intelligentiae coniunctio repraesentationum illius, facultati nostrae sensitiuae oblatarum, tamquam quae ad vniuersa valeat, constituatur, res obiecta hac adfectione constituitur, iudiciumque erit obiectiuum.

Quae quidem illustrabimus: conclaue calere, faccharum dulce esse, absinthiumque acerbum, *) iudicia

*) Lubenter fateor, hisce exemplis haud ea iudicia perceptiua ostendi, quae vmquam fieri possint iudicia experientiae,

sunt, quae solum subiectiue valent. Minime postulo; semper memet, aliumue quemque ita prorsus, ac me; debere inuenire, eiusmodi iudicia adfectionem enunciant duarum sensationum ad idem subiectum, nempe me ipsum, idque tantummodo in praesenti statu meo perceptionis, nec proinde debent de re obiecta valere; cuius modi iudicia dico perceptiua. Longe alia ratio est iudiciorum experientiae. Quae experientia certis me temporibus docet, ea et memet semper et vnumquemque doceat, necesse est, eiusque valor non solum ad subiectum, statumque, qui tum fuit, adstringitur. Quamobrem omnia eiusmodi iudicia, vt quae obiectiue valeant, pronuncio, velut si dicam, aer est elasticus, hoc iudicium proxime solum perceptiuum est, duas sensationes in sensibus meis vnam ad alteram inuicem refero. Quodsi istud velim iudicium experientiae vocari, postulo, vt haec coniunctio conditioni subsit cuiuspiam, qua efficiatur, vt ea vniuerse valeat. Volo igitur, me semper, et quemque etiam oportere eandem perceptionem iisdem temporibus necessario coniungere.

§. 20.

Quocirca vniuerse nobis dissecanda experientia erit, vt, quae in hocce sensuum atque intelligentiae effecto contineatur; et quomodo ipsum experientiae iudicium fieri possit, videamus. Fundamento est visio, cuius mihi met conscius sum, id est, perceptio, quae solum pertinet ad sensus. Sed deinde quoque eo referenda est iudicatio (quae soli competit intelligentiae). Haec iudicatio fieri dupliciter potest: primo solis per-

etiamsi addatur conceptus intelligentiae, quoniam solum attingunt tactum, quem quisque agnoscit vt duntaxat subiectivum, quique proinde numquam debet obiectae rei tribui, id eoque numquam fieri obiectiua possunt; volui tantum in praesentia exemplum quoddam iudicii adferre, quod modo subiectiue valeat, nullamque causam in se contineat valoris vniuersalis necessarii, eoque adfectionis ad rem obiectam. Exemplum iudiciorum perceptiuorum, quae adiecto conceptu intelligentiae iudicia experientiae fiunt, proxima animaduersione sequetur.

ceptionibus comparandis, in conscientiaque mei status coniungendis, aut deinde, iis in conscientia vniuerse copulandis. Iudicium prius solum est iudicium perceptiuum, atque eatenus tantum valorem subiectiuum habet, est duntaxat coniunctio perceptionum in statu animi mei, sine adfectione ad rem obiectam. Quamobrem neutiquam, vti plerumque opinamur, ad experientiam sufficit, vt perceptiones comparentur, in conscientiaque iudicando coniungantur; vnde quidem nullus valor vniuersalis existit ac necessitas iudicii, ob quam solam potest obiectiue valere atque experientia esse.

Igitur iudicium longe aliud praecedat, antequam ex perceptione fieri experientia possit. Visio oblata adsumenda est ad conceptum, quo forma iudicandi vniuerse ratione visionis constituatur, conscientia empirica huiusce visionis in conscientia vniuerse coniungatur, eoque iudiciis empiricis vniuersalis valor impertiatur; eiusmodi conceptus est conceptus purus intelligentiae ex anticipatione, quo nihil efficitur, quam vt visioni duntaxat vniuerse constituatur modus, quo possit iudiciis inferuire. Eiusmodi conceptum fac esse conceptum causae, is visionem constituet, ad se adsumtam, veluti aëris ratione iudicationis vniuerse, nempe conceptum aëris ratione expansionis in ratione antecedentis ad consequens seruire in iudicio hypothetico. Itaque conceptus causae est conceptus purus intelligentiae, ab omni, cuius esse copia poterit, perceptione prorsus diuersus, solumque hunc usum habet, vt eo repraesentatio, quam in se continet, ratione iudicationis in vniuersum constituatur, proinde, vt fieri iudicium possit, quod vniuerse valeat, efficiatur.

Iam, antequam ex iudicio perceptiuo fieri iudicium experientiae possit, primo postulatur: vt perceptio ad eiusmodi conceptum intelligentiae adsumatur; velut aër subest conceptui causarum, quo iudicium de illo ratione expansionis hypothetice constituitur. *) Ea re au-

*) Vt exemplum ponatur facilius perspicendum, hoc utamur. Si sol lapidem adfulget, lapis incalescit. Hoc iudicium solum est iudicium perceptiuum, nullamque in se necessita-

tem haec expansio, vt tantum ad perceptionem meam aëris in statu meo, aut in pluribus statibus meis, sed vt-pote ad id *neccessario* pertinens repraesentatur, et hoc iudicium, aër est elasticus, valorem accipit vniuersalem, eoque demum iudicium fit experientiae, quod certa quaedam iudicia, antecedunt, quae visionem aëris ad conceptum causae adsumunt atque effecti, eoque perceptiones non solum in se inuicem in subiecto meo comparatas, sed ratione formae iudicationis vniuersae (hoc loco hypotheticae) constituunt, atque ita iudicio empirico impertiunt valorem vniuersalem.

Quodsi cuncta nostra iudicia synthetica, quatenus obiectiue valent, dissecauerimus, inueniemus, numquam ea ex solis visis constare, comparatione duntaxat, vt plerumque creditur, in iudicio coniunctis, sed fieri nullo modo posse, nisi ad conceptus a visione separatos etiam conceptus purus intelligentiae accessisset, ad quem illi conceptus adsumti sint, atque ita demum in iudicio coniuncti, quod obiectiue valeat. Ipsa mathematicos purae iudicia in axiomatibus simplicissimis ab hac conditione haud libera videntur. **Decretum** illud: *linea recta* duabus notis interiecta breuissima est, illud, inquam, decretum sumit, lineam ad conceptum quantitatis adsumi, qui profecto non in sola visione versatur, sed duntaxat in intelligentia sedem habet, et hunc usum habet, vt visionem (lineae) ratione iudiciorum, quae ferri ab ea potuerint, et ratione quantitatis eorum, nimirum multitudinis (vt iudicia pluratiua) *) consti-

tem cohibet, quoties illud cumque a me aliisque perceptum fuerit; perceptiones duntaxat solent sic coniunctae deprehendi. Sin vero dicam: sol lapidem *calefacit*, tum ad perceptionem insuper accedit conceptus intellectualis causae, qui cum conceptu fulgoris solaris conceptum caloris *neccessario* copulat, iudiciumque syntheticum *neccessario* accipit valorem vniuersalem, proinde obiectiue atque ex perceptione commutatur in experientiam.

*) Sic dicta malim iudicia, quae in logica dicuntur particularia. Namque hoc vocabulum posterius cogitationem conti-

tuant, propterea quod iis intelligitur, in visione data quadam ac proposita multa inesse similia.

§. 21.

Vt igitur possibilitatem experientiae, quatenus ea in conceptibus puris intelligentiae ex anticipatione posita est, ostendamus, primo, quae vniuerse requiruntur ad iudicandum, variaeque in iudiciis momenta intelligentiae, in tabula plena quadam proponenda videntur; namque conceptus puri intelligentiae, quod nihil sunt quidquam amplius, quam visionum conceptus in vniuersum, quatenus hi respectu vnius alteriusue horum momentorum ad iudicia per se ipsi, proinde necessario sunt, atque ita, ut vniuerse valeant, constituta, iis exacte erunt aequalia. Quo quidem et decreta ex anticipatione possibilitatis vniuersae experientiae, tamquam, quae obiectiue valeat, cognitionis empiricae, accurate definiuntur. Illa enim non nisi enunciata sunt, quae omnem perceptionem (certis quibusdam conditionibus visionis vniuersalibus) ad illos conceptus puros intelligentiae adsumunt.

net, ea non esse vniuersalia. Si autem ab unitate (in iudicio singulari) proficiscar, atque ita ad vniuersitatem pergam, nondum ullam adsectionem possum ad vniuersitatem admiscere: modo multitudinem cogito sine vniuersitate, non ab ea exceptionem. Hoc necessarium est, si momenta logica debeant conceptibus puris intelligentiae subiici; in usu logico recepta potest consuetudo seruari.

TABULA LOGICA

IUDICIORUM.

I.

quoad quantitatem
vniuersalia

particularia, siue potius pluratiua
singularia.

2.

quoad qualitatem
aientia
negantia
infinita.

3.

quoad relationem
categorica
hypothetica
disiunctiua.

4.

quoad modalitatem
problematica
adsertoria
apodictica.

TABULA TRANSCENDENTALIS

CONCEPTUUM INTELLIGENTIAE.

1.

quoad quantitatem
vnitas (mensura)

multitudo (quantitas)

vniuersitas (totum).

2.

quoad qualitatem
realitas
negatio
limitatio.

3.

quoad relationem
substantia
causa
commercium.

4.

quoad modalitatem
possibilitas
existentia
necessitas.

TABULA PSYCHOLOGICA PURA
DECRETORUM VNIVERSALIVM PHYSICES.

1.

Axiomata
visionis.

2.

Anticipationes
perceptionis.

3.

Analogiae
experientiae.

4.

Postulata
cogitationis empiricae
in
vniuersum.

§. 22.

Vt, quae hactenus disputauimus, summatim comprehendamus, ante omnia lectorem, oportebit moneri: hoc loco non esse sermonem de experientiae origine, sed de eo, quod in ea inesse videatur. Illa psychologiam attingit empiricam, et vel in ea numquam posset rite explicari sine hoc, quod ad criticam cognitionis in primisque pertinet intelligentiae.

Experientia e visionibus constat, propriis facultati sensitivae, et e iudiciis, quae opus sunt solius intelligentiae. Ea vero iudicia, quae intelligentia efficit e solis visionibus sensitivis, permultum abest, vt iudicia sint experientiae. Namque in priori causa iudicium tantummodo perceptiones coniungeret, ita, vti in visione sensitiva oblatae sunt, sed in hac posteriori causa iudicia enunciare debent, quae experientia vniuerse, proinde non, quae sola perceptio, contineat, cuius quippe valor duntaxat subiectivus videtur. Igitur iudicium experientiae, necesse est, ad visionem sensitivam logicamque illius coniunctionem (ex comparatione

factam vniuersalem) in iudicio quodam aliquid addere, quod iudicio synthetico, tamquam quod necessario eo-que vniuerse valeat, constituatur, id quod nihil esse aliud poterit, quam ille conceptus, qui visionem respectu cuiuspiam formae iudicii multo magis, quam alter, vtpote in se constitutam, repraesentat, quae in conceptu versatur illius unitatis visionum syntheticae, quae tantummodo data quadam iudiciorum functione logica potest repraesentari.

§. 22.

Quorum omnium summa haec est: sensuum est, videre et intueri; intelligentiae, moueri et cogitare. Cogitare autem est repraesentationes in conscientia coniungere. Haec coniunctio aut relative tantum ad subiectum oritur, et fortuita est ac subiectiua, aut absolute locum habet, estque necessaria atque obiectiua. Coniunctio repraesentationum in vna et individua conscientia est iudicium. Ergo cogitare idem erit, ac iudicare, sine repraesentationes referre ad iudicia vniuerse. Quocirca iudicia aut tantum subiectiua sunt, cum repraesentationes ad conscientiam in subiecto quodam solae referuntur, in eaque copulantur, aut obiectiua sunt, si in vna conscientia vniuerse, id est, in ea necessario copulantur. Momenta logica omnium iudiciorum totidem sunt modi possibiles repraesentationum in vna conscientia coniungendarum. Cum ea autem munere funguntur conceptuum, tum ea in conceptibus versantur coniunctionis eorum *necessariae* in vna conscientia, proinde in principiis iudiciorum, quae obiectiue valeant. Haec coniunctio in vna atque individua conscientia rursus vel analytica est, per identitatem, aut synthetica, per compositionem et accessionem variarum ad se inuicem repraesentationum. Experientia cernitur in coniunctione phaenomenorum (perceptionum) synthetica in vna conscientia, quatenus ea est necessaria. Quamobrem conceptus puri intelligentiae erunt, ad quos omnes perceptiones sunt adsumendae, antequam possint iudiciis experientiae inseruire, in quibus

vnitas perceptionum synthetica tamquam necessaria, quaeque vniuerse valeat, repraesentatur. *)

§. 23.

Iudicia, quatenus solummodo vt conditio considerantur repraesentationum datarum in vna conscientia coniungendarum, sunt regulae. Hæ regulæ, quatenus coniunctionem ostendunt vt necessariam, regulæ sunt ex anticipatione, et quatenus nullæ iis, a quibus possint deriuari, inueniantur altiores, decreta videntur siue principia. Cum autem ratione possibilitatis vniuersæ experientiae, si sola cogitationis forma in ea spectetur, nullæ conditiones iudiciorum experientiae altiores sint illis, quibus phaenomena, pro varia visionum suarum forma, conceptibus intelligentiæ puris subiiciuntur, qui, iudicium empiricum vt obiectiue valeat, efficiunt, hæc sunt decreta ex anticipatione, quæ potest esse, experientiae.

Iam vero decreta experientiae possibilis eadem leges vniuersales sunt naturæ, quæ possunt ex anticipatione cognosci. Atque ita problema, quod in hac nostra secunda quaestione est: *qui fieri potest scientia rationalis pura?* solutum videtur. Namque, quæ ad formam scientiæ requiritur, ratio systematica, hic plena apprehenditur, quoniam præter conditiones, quas

*) Quomodo autem hæc sententia: iudicia experientiae in synthesi perceptionum inesse debere; cum pronuntiato illo meo supra saepenumero inculcato conuenit: experientiam, qua cognitionem ex vfu et aduentitio, sola posse iudicia fortuita ministrare? Si experientia me dicam quodpiam edoceri, semper solam, quæ illi inest, perceptionem intelligo, velut fulgorem solis in lapide semper sequi calorem, et proinde enunciatum experientiae eatenus semper fortuitum videtur. Hunc calorem necessario fulgore solis effici, iudicio experientiae (per conceptum causæ) quidem continetur, verum hoc neutiquam disco per experientiam, sed vice versa, experientia conceptu intellectuâli (causæ) ad perceptionem accedente, demum gignitur. Quomodo autem perceptio hac accessione potiarur, adeunda est critica rat. puræ in sectione de facultate iudicandi transcendentali p. 94 seq.

diximus, omnium omnino iudiciorum formales, proinde omnes omnino regulas, quas logica ministrat, nulae esse amplius possunt; hisque systema quoddam logicum, conceptibus vero in iis constitutis, qui conditiones ex anticipatione iudiciorum omnium syntheticorum et necessariorum in se continent, ob eam ipsam causam systema transcendentalis quodpiam, decretis denique, quorum ope omnia phaenomena ad hosce conceptus adsumuntur, systema quoddam physiologicum, id est, systema naturae, efficitur, quod vniuersam cognitionem naturae empiricam antecedit, eaque ut esse queat, primum efficit, et proinde proprie vniuersalis et pura poterit physica nominari.

§. 24.

Primum *) ex decretis illis physiologicis vniuersa phaenomena, quae visiones in spatio ac tempore, ad conceptum *quantitatis* adsumit, atque eatenus principium est usus matheseos ad experientiam. Alterum proprie empiricum, nempe sensationem, quae reale denotat visionum, haud directe adsumit ad *quantitatis* conceptum, quoniam sensatio non in visione versatur, quae spatium in se tempusque cohibeat, quamquam, quae sibi respondet, obiectam rem in utroque ponit; attamen inter realitatem (sensationem) et zero, id est, prorsus vacuum atque inane visionis in tempore, aliquod discrimen est, habens quantitatem, cum scilicet inter quemque datum gradum lucis et tenebrarum, inter quemque gradum caloris et totius frigoris, inter vnumquemque gradum grauitatis leuitatisque absolutae, inter quemque gradum spatii completi, spatiique prorsus vacui, minores atque minores gradus possint cogitari, quemadmodum inter conscientiam absolutamque inconscientiam (obscuritatem psychologicam) minores atque

*) Hae tres se inuicem sequentes paragraphi, perdifficiliter recte intelligentur, nisi ea in promptu sunt, quae critica de decretis praecipit; hanc tamen utilitatem poterunt adferre, ut ratio illorum vniuersalis facilius perspiciatur, ad momentaque principalia animaduertatur.

minores locum habent; proinde nulla fieri perceptio potest, quae defectum arguat absolutum, veluti nullam obscuritatem psychologicam, quae non qua conscientia possit spectari, quae ab alia pleniori vincatur, et sic in omni ratione sensationis, quapropter intelligentia vel sensationes potest, quibus propria repraesentationum empiricarum (phaenomenorum) qualitas efficitur, anticipare, ope decreti, eas omnes omnino, proinde cuiusque phaenomeni reale, gradibus gaudere, in quo quidem altera ad physicam matheos applicatio (mathesis intensionum) cernitur.

§. 25.

Ratione relationis phaenomenorum, et quidem solummodo respectu existentiae illorum, determinatio huiusce relationis haud mathematica est, sed dynamica, neque vmquam obiectiue valet, proinde ad experientiam videtur idonea, nisi decretis subsit ex anticipatione, quibus efficiatur, ut respectu eorum cognitio experientiae possit demum esse. Idcirco phaenomena ad conceptum substantiae, qui cuique determinationi existentiae, utpote conceptus rei ipsius, fundamento subest, aut secundo, quatenus consecutio temporis in phaenomenis, hoc est, euentum quoddam reperitur, ad conceptum effecti respectu causae, aut, quatenus ratio simultanea obiectiue, id est, iudicio experientiae, cognosci debeat, ad conceptum commercii, necesse est, adsumatur, atque ita decreta ex anticipatione, iudiciis, quae obiectiue valent, quamuis empiricis, hoc est, possibilitati experientiae, quatenus ea res obiectae debeant quoad existentiam in natura rerum coniungi, fundamento subsunt. Haec decreta propriae illae leges physicae sunt, quae possunt dynamicae vocari.

Tandem etiam ad iudicia experientiae pertinet cognitio concentus coniunctionisque, non tam visorum, siue phaenomenorum inter se inuicem in experientia, quam potius adfectio illorum ad experientiam vniuersae, quae vel concentum eorum cum conditionibus forma-

libus, quas intelligentia cognoscit, vel contextum cum materiali, quod vocant, sensuum perceptionisque, vel vtrumque in vno conceptu coniungit, proinde possibilitatem, existentiam necessitatemque ex vniuersalibus legibus physicis complectitur, id quod methodologia physiologica (distinctio veri et hypothesium terminorumque certitudinis harum posteriorum) constitueret.

§. 26.

Quamquam tabula tertia decretorum *ex ipsa intelligentiae natura* ad viam criticam deriuata, quamdam in se continere perfectionem videtur, qua quamque aliam longe superet, quae *de rebus ipsis* in via dogmatica, quamuis frustra, vniquam fuerit tentata, aut olim tentari possit: scilicet quod vniuersa decreta synthetica ex anticipatione plene atque ex quodam principio, nempe facultate iudicandi vniuerse, qua essentia experientiae respectu intelligentiae efficitur, proponit, ita, vt certo esse queas persuasus, nulla eiusmodi praeter haec decreta esse (quod quidem numquam potest methodus dogmatica efficere), tamen in eo haudquaquam maxima illius laus versatur.

Ad argumentum acies mentis attendenda est, quod possibilitas huiusce cognitionis ex anticipatione aperitur, et quo cuncta decreta eiusmodi vna ad conditionem adstringuntur, quae numquam praeteriri debet, nisi praeue intelligi debeat, atque in vsu latius extendi, quam, quem intelligentia indit, sensus originarius concesserit: scilicet ea solas condiciones experientiae possibilis vniuerse continere; quatenus ea legibus sublit ex anticipatione. Sic haud dico: res *per se ipsas* quantitatem, earum realitatem gradum, existentiam earum coniunctionem accidentium in substantia quadam, et sic porro, continere; neque enim istud a quoquam poterit probari, si quidem eiusmodi coniunctio synthetica e solis conceptibus, vbi partim vniuersa ad visionem sensitivam adfectio relatione, partim omnis eius coniunctio in experientia possibili, desit, perspicui nullo pacto potest.

Essentialis conceptuum circumscriptio in hisce decretis proinde haec est: vt res cunctae duntaxat *qua res subiectae experientiae* conditionibus illis, quas diximus, necessario subsint ex anticipatione.

Ex quo secundo quoque peculiare quoddam argumenti genus consequitur: ea decreta haud directe ad phaenomena eorumque relationem, sed ad possibilitatem experientiae, cuius quidem materiam, sed non formam, phaenomena efficiunt, id est, ad enunciationes syntheticas, quae obiectiue valent et vniuerse, in quo ipso iudicia experientiae a solis iudiciis perceptiuis internoscuntur, referri. Id quod fit eo, vt phaenomena qua solae visiones, *quae partem occupant spatii temporisque*, conceptu contineantur quantitatis subiecta, qui varietatem eorum ex anticipatione ad regulas coniungit synthetice, vt, quatenus perceptio praeter visionem etiam sensationem continet, inter quam et zero, id est, plenam expirationem eius, semper transitus ex diminutione locum obtinet, reale phaenomenorum semper habere quemdam gradum oporteat, quatenus illud ipsum nullam *spatii temporisue partem occupet*, *) sed tamen transitus ab eo tempus spatiumue vacuum tantummodo in tempore possit esse, proinde, quamuis sensatio, utpote qualitas visionis empiricae, ratione eorum, in quibus speciatim ea ab aliis sensationibus distinguitur,

*) Calor, lumen, et id genus alia, in spatio paruo (quoad gradum) aequae magna sunt, atque in magno; sic etiam repraesentationes internae, dolor, conscientia, vniuerse non sunt quoad gradum minores, quamuis breue longumue tempus perdurent. Quocirca quantitas hic in puncto quodam temporisue articulo eadem est, quae in quouis vel maximo spatio aut tempore. Igitur gradus sunt, non quidem in visione maiores, sed quoad solam sensationem, vel etiam quoad quantitatem causae visionis cuiusdam, solaue possunt ratione τούτου I ad o, id est, eo qua quanta aestimari, vt earum quaeque infinitis gradibus intermediis vsque ad expirationem, aut a zero per infinita accessionis momenta vsque ad certam sensationem in certo quodam tempore crescere (quantitas qualitatis est gradus).

numquam queat ex anticipatione cognosci, tamen in experientia possibili vniuerse possit, vt quantitas perceptionis, intensiue ab omni alia simili discerni; vnde vsus matheseos ad naturam, ratione visionis sensitiuæ, qua illa nobis proponitur, primum, vt esse possit, efficitur ac determinatur.

Maxime autem lectori attendendum est ad modum probandi decreta, quæ, titulo inscripta analogiarum experientiae, obuia videntur. Quippe quæ quoniam haud, vt decreta matheseos ad physicam adhibendæ, generationem visionum attingunt, sed coniunctionem existentiae eius in experientia, haec autem non, nisi determinatio existentiae in tempore ex legibus necessariis esse potest, quibus solis fit, vt obiectiue valeat, proinde experientia sit: argumentum haud vnitatem syntheticam in coniunctione rerum per se ipsarum spectat, sed *perceptionum*, earumque haud respectu materiae, sed determinationis temporis, relationisque existentiae in illa, ad leges vniuersales. Quæ leges vniuersales igitur necessitatem determinationis existentiae in tempore vniuerse continent (proinde ex regula intelligentiae ex anticipatione), si determinatio empirica in tempore relatiuo obiectiue debeat valere, ideoque experientia videri. Plura hoc loco, vtpote in prolegomenis, non possunt adferri, nisi vt lectori, diuturno vsu imbuto, experientiam pro sola compositione perceptionum empirica accipiendi, proinde haud cogitanti, eam latius patere, quam quo hae pertineant, nempe iudiciis empiricis valorem tribuere vniuersalem, ad illudque opus habere vnitatem intellectualem puram, ex anticipatione antegressa, commendem: vt discrimen istud experientiae a sola perceptionum congregatione probe attendat, atque ad eam rationem argumentationem diiudicet.

§. 27.

Atque hoc quidem loco commode poterimus dubium Humianum funditus euertere. Iure suo contendit *Humius*: possibilitatem colligationis causarum, hoc est,

adfectionem rei cuiuspiam ad existentiam cuiusquam alius, quod per illam necessario ponatur, nullo modo per rationem nos perspicere. Equidem addo, deque minus a nobis conceptum subsistentiae, id est, necessitatis, in eo perspicere, quod existentiae rerum subiectum quoddam fundamento subsit, quod ipsum haud esse possit alius rei cuiuspiam attributum, atque adeo nullam nobis informare cogitationem posse de eiusmodi rei possibilitate (quamvis experientia usus illius nobis exempla ostendat), itemque pariter non posse commercium rerum comprehendere, propterea quod perspicere non potest, quomodo ex statu rei cuiuspiam consequentia possit fieri ad statum rerum prorsus aliarum extra eam, atque ita ad vicissitudinem, uti substantiae possunt, quarum sua cuique peculiaris ac separata existentia est, ex se inuicem debent, et quidem necessario pendere. Verum tamen longe absit, ut hos conceptus ex sola experientia mutatos, quaeque in iis cogitatur, necessitatem ei adiectam putem, in solaque specie positam, ex longa nobis consuetudine ostensam; potiusque satis docui, eos decretaque ex iis ex anticipatione ante universam experientiam fixa esse rataque, suamque indubitatam veritatem habere obiectivam, sed sane quidem tantummodo ratione experientiae.

§. 28.

Est igitur de tali coniunctione rerum per se ipsarum, uti qua substantiae existant, aut qua causae efficiunt, aut cum aliis (tamquam partes totius cuiusquam realis) esse in commercio queant, ne minimam cogitationem habeam, multo minus autem eiusmodi qualitates in phaenomenis qua phaenomenis cogitare possim (quia conceptus illi nihil in se continent, quod in phaenomenis insit, sed quid sola debeat intelligentia cogitare), tamen eiusmodi coniunctionis repraesentationum in intelligentia, et quidem in iudiciis uniuersae, talis nobis conceptus est, nempe: repraesentationes in una iudiciorum parte, ut subiectum in relatione ad praedicata, in altera ut ratio comparata cum consequentia, in

tertia ut partes, quibus cunctis tota cognitio possibilis efficiatur, poni debere. Porro ex anticipatione cognoscimus: nos, nisi repraesentationem rei obiectae cuiuspiam respectu unius vel alterius horum momentorum determinatam consideremus, nullam prorsus, quae de re obiecta valeat, posse cognitionem habere, et, si in re obiecta per se ipsa versaremur, ne ullam quidem esse notam posse, qua queat cognosci, eam respectu unius alteriusue horum momentorum determinatam videri; id est, sub conceptu substantiae, aut causae, aut (cum aliis substantiis comparatam) sub conceptu commercii teneri; namque de possibilitate eiusmodi coniunctionis existentiae nullam prorsus videor cogitationem habere. Nec vero etiam quaeritur, quomodo res per se ipsae, sed, quomodo cognitio rerum empirica ratione illorum momentorum iudiciorum uniuersae sit determinata, hoc est, quomodo res, qua res experientiae obnoxiae, ad illos conceptus intelligentiae et possint adsumi et debeant. Ac tum quidem manifestum est: non solum possibilitatem, verum etiam necessitatem omnium phaenomenorum ad istos conceptus adsumendorum, id est, iis ut principiis utendi possibilitatis experientiae, memet exacte perspicere.

§. 29.

Ut periculum faciam in conceptu problematico *Humii* (cruce illa eius metaphysicorum), nimirum conceptu causae, primo mihi per logicam forma iudicii hypothetici uniuersae, nempe cognitio data quaedam ut ratio, alteraque ut consequentia utenda, ex anticipatione data videtur. Sed fieri potest, ut in perceptione regula quaedam relationis deprehendatur, quae enunciet: certum phaenomenon quoddam aliud (quamquam haud rursus retro) semper subsequi, in eaque causa uti possum iudicio hypothetico, et exempli causa dicere, si corpus satis diu solis radios exceperit, incalcescit. Atque hic sane quidem nondum adest coniunctionis necessitas, proinde causae conceptus. Sed pergo dicere: si illud enunciatur; quod in sola coniunctione perceptionum

subiectiua versatur, enunciatum esse debeat experientiae, vt necessarium, oportebit, quodque vniuerse valeat, spectetur. Eiusmodi enunciatum autem hoc foret: sol luce sua caloris causa est. Illa regula empirica nunc instar legis consideratur, eaque haud quidem, quae solummodo valeat de phaenomenis, verum de iis in gratiam cuiuspiam possibilis experientiae, quae perpetuo et proinde necessario opus habet, quae valeant, regulis. Igitur conceptum causae, tamquam conceptum ad solam experientiae formam necessarium, eiusque possibilitatem, tamquam coniunctionem perceptionum syntheticam in vna conscientia vniuerse, probe perspicio; sed possibilitatem rei cuiuspiam in vniuersum, vt causae, nullo prorsus modo perspicio, et quidem idcirco, quia conceptus causae nullam prorsus rebus, sed soli experientiae adhaerentem indicat conditionem, nempe eam solummodo cognitionem esse posse phaenomenorum eorumque successionis, quae obiectiue valeat, quatenus antecedens possit cum succedente ex regula iudiciorum hypotheticorum coniungi.

§. 30.

Quapropter et conceptus puri intelligentiae omnino sunt significatione destituti, si a rebus, quae sub experientiam cadunt, auocentur et ad res per se ipsas (noumena) referantur. Inferuiunt tantum phaenomenis syllabatim dicendis, vt ea legi queant quae experientia; decreta, quae ex adfectione illorum ad mundum sensibilem oriuntur, intelligentiae nostrae sunt tantum ad vsum experientiae; vltterius si iis vtaris, nihil erunt, nisi copulationes arbitrariae, omni realitate obiectiua destitutae, quarum nec possibilitas ex anticipatione cognosci possit, nec adfectio ad res obiectas vlllo quopiam exemplo confirmari, aut duntaxat queat intellectu reddi facilius, propterea quod omnia exempla ex vlla quapiam, quae possit esse, experientia modo deprompta sunt, proinde et res conceptibus illis subiectae non possunt, nisi in experientia quadam possibili, deprehendi.

Atque haec plena problematis *Humiani* solutio, quamquam ea aliter euenit, atque auctor expectasset, seruat igitur conceptibus puris intelligentiae originem ex anticipatione, legibusque physicis vniuersalibus valorem, qua legibus intelligentiae, ita tamen, vt vñum earum ad solam adstringat experientiam, propterea quod earum possibilitas in sola intelligentiae ad experientiam ratione fundamentum habet: non vero ita, vt ortum ab experientia trahant, sed vt experientia ab iis deriuetur, quam quidem coniunctionis rationem prorsus contrariam, *Humius* numquam passus est, sibi in mentem venire.

Ex quo promanat omnium, quas haëtenus institui-mus, inuestigationum consecrarium: „vniuersa decreta synthetica ex anticipatione nil sunt, nisi principia possibilis experientiae.“ Neque vñquam possunt ad res per se ipsas, sed solum ad phaenomena, vtpote res experientiae subiectas, adhiberi. Vnde etiam et mathe-sis pura et pura physica numquam possunt ad vñum quidpiam, nisi ad sola phaenomena, spectare, eaque tantummodo proponere, quibus aut, vt experientia vni-verse possit esse, efficiatur, aut, quae, propterea quod ex hisce sunt principiis deriuata, semper in vñla quapiam, quae fieri possit, experientia, necesse sit, posse proponi.

§. 31.

Atque ita tandem aliquando quiddam certi habemus et constituti, quo nosmet possimus sustinere in vniuersis inuestigationibus metaphysicis, quae huc vsque, satis temerarie atque audacter, sed semper caeco impetu, de omnibus sine vñlo discrimine sunt institutae. Numquam in mentem venerat meditabundis dogmaticis, scopum conatum suorum tam breui interuallo posse figi, nec vel ii ipsi, qui, de putatitia sua ratione sana superbientes, legitimis quidem et naturalibus, sed ad solum vñsum empiricum destinatis conceptibus, cognitiones venabantur, quarum nullos certos terminos

nosset, nec possent nosse, propterea quod de natura ipsaque eiusmodi intelligentiae purae possibilitate neque vnquam mente et cogitatione anquirerent, neque inquirere valerent.

Multi rationis purae naturalistae (sic illum voco, qui, nulla rerum metaphysicarum scientia instructus, audet decernere), perhibuerint, se ea, quae hoc loco tanto apparatu, aut, si maluerint, longa pompa paedagogica, disputata sint, iam dudum per Pythiam rationis suae sanae non solum diuinasse, verum etiam nosse ac perspexisse: „nos scilicet cum vniuersa ratione nostra non posse vltra campum experientiae transire.“ Verumtamen cum, si principia rationis sua percontando ab eo expetamus, ei fatendum sit, multa in iis esse, quae haud ex vsu atque experientia hauserit, quae proinde ab hac libera sint, atque ex anticipatione valeant, quomodo quibusque tandem argumentis et dogmaticum et se ipsum coërcebit, qui his conceptibus decretisque vltra omnem, quae fieri potest, experientiam vtitur, ob eam ipsam causam, quoniam libere ab hac cognoscuntur. Atque hic ipse, rationis sanae quasi adepta, sibi non potest cauere, ne, per vniuersam arrogatam suam vilique pretio comparatam sapientiam, sensim paulatimque vltra res experientiae subiectas in campum euagetur somniorum, vanarumque formarum. Ac plerumque etiam altius tenetur iis irretitus, quamuis oratione populari, cum vniuersa modo probabilia coniecturasque ratione factas perhibeat vel analogias, vanis atque inanibus adsertionibus suis quemdam colorem adspergat.

§. 32.

Iam inde ab antiquissimis philosophiae temporibus inuestigatores rationis purae, praeter naturas sensibiles siue phaenomena, quibus mundus sensibilis efficitur, peculiare naturas intelligibiles siue noumena, quibus mundus intelligibilis constet, cogitatione sibi informarunt, cumque (quod aetati nondum excultae facile igno-

scendum fuit) phaenomenon speciemque vnum esse idemque putarent, solis naturis intelligibilibus veritatem concesserunt.

Ac sane quidem, si res sensibus obnoxias, quod par est, vt sola phaenomena spectemus, tamen eo simul confitemur, rem per se ipsam illis fundamento subesse, quamuis eam haud, qualis per se ipsa sit, sed solum eius phaenomenon, id est, quo ab hac re ignota nostri sensus pelluntur atque adficiuntur, noscamus. Quocirca intelligentia, eo ipso, quod phaenomena sumit, et existentiam fatetur rerum per se ipsarum, atque eatenus dici potest, repraesentationem eiusmodi naturarum, quae fundamento sunt phaenomenis, proinde solarum naturarum intelligibilium, non solum licitam esse, verum etiam ineuitabilem.

Neque nostra deductio critica eiusmodi res (noumena) villo modo arcet, sed potius decreta aesthetices eo vsque coërcet, vt neutiquam debeant ad res vniuersas referri, quo omnia in sola phaenomena mutarentur, sed vt modo de rebus valeant subiectis, quae possit esse, experientiae. Proinde ea re naturae intelligibiles conceduntur, sed hac modo regula, quae nullam prorsus exceptionem patitur, inculcata: nos nullo prorsus modo quidquam certi de hisce puris naturis intelligibilibus nosse, nec posse nosse, si quidem et conceptus nostri puri intelligentiae, et visiones purae nihil nisi res spectent, experientiae possibili obnoxias, proinde solas naturas sensibiles, et, simulatque ab his discefferimus, ne minima quidem significatio relinquatur.

§. 33.

Ac profecto quidem lubrica quodammodo ratio est conceptuum purorum nostrorum intelligentiae respectu inuitamenti ad vsum transcendentem; sic enim vsum dico, qui vniuersam, quae fieri possit, experientiam superat. Non solum propterea, quod conceptus nostri substantiae, virium, actionis, realitatis, et similium, prorsus sunt ab experientia liberi, itemque nullum om-

nino sensuum phaenomenon continent, proinde sanes per se ipsas (noumena) spectare videntur, sed, quod hanc suspicionem praeterea confirmat, necessitatem in se determinationis quamdam continent, cui experientia numquam sese possit aequare. Conceptus causae regulam continet, quae e statu quodam alius sequitur necessario, verum experientia nobis potest modo ostendere, saepenumero, et ad summum, plerumque statum rerum sequi alium, nec proinde strictam vniuersalitatem potest, nec necessitatem, et sic porro, suppeditare.

Hinc fit, vt conceptus intellectuales maiorem vim potestatemque atque materiam videantur habere, quam vt solus vsus empiricus vniuersum munus illorum exhauriat, atque ita intelligentia pedetentim domui experientiae ad finem facit ampliorem domum, quam solis replet entibus rationis, ita, vt ne animaduertat quidem, cum conceptibus suis alioquin veris ultra terminos vsus eorum sese transcendisse.

§. 34.

Duabus igitur grauissimis, quibus adeo haud posset superfederi, quamuis admodum ieiunis, opus fuit investigationibus, quas in crit. rat. purae pag. 96. et 186. instituimus, quarum priori ostendimus, haud puros conceptus intelligentiae in singulo, sed solum schema vsus eorum, a sensibus suppeditari, obiectamque rem illi congruam tantummodo in experientia (quae in effectis est intelligentiae ex materiis facultatis sensitiuae) deprehendi. In altera quaestione (crit. rat. pur. p. 186.) docuimus: quamuis conceptuum nostrorum intelligentiae decretorumque ratio libera sit ab omni experientia, ab ipsaque ad speciem maiori vsus eorum compage, nihilominus tamen iis, extra campum experientiae, nihil quidquam posse cogitari, quoniam non possunt, nisi formam iudicii logicam ratione visionum datarum determinare; cum autem ultra campum facultatis sensitiuae nulla prorsus visio sit, illos conceptus puros omni

omnino significatione destitutos esse, propterea quod nullo adiumento queant in singulo proponi, proinde vniuersa eiusmodi noumena, vna cum eorum complexu, mundo intelligibili, *) non nisi repraesentationes sint cuiuspiam problematis; cui quod subiectum sit, per se quidem esse queat, cuius vero solutio, ex natura intelligentiae nostrae, fieri nullo modo possit, si quidem intelligentia nostra haud in facultate visionis versetur, sed tantum coniunctionis visionum datarum in experientia quadam, hancque proinde vniuersas res obiectas continere debere, extra eam vero omnes conceptus, cum iis nulla queat visio subiici, omni significatione carituros.

§. 35.

Fortasse poterit phantasiae ignosci, si nonnumquam deliret, id est, haud caute sese intra terminos teneat experientiae; namque libero eiusmodi saltu certe animatur ea et corroboratur, semperque erit facilius, audaciam illius temperare, quam languorem eius recreare. Verum intelligentiam, cuius munus est, vt *cogitet* et *agit*, *delirare*, illud ei quidem numquam potest ignosci; ab ea enim sola omne adiumentum expectandum videtur, vt fanatismo phantasiae, sicubi necesse sit, carceres constituentur.

Sed intelligentia primum sobrie modesteque cognitiones elementares, quae illi ante vniuersam experientiam insunt, sed quorum vsum tamen, necesse sit, in experientia esse, constituit. Paullatim hos carceres

*) Non (vti plerumque dicunt) mundo *intellectuali*. Namque *intellectuales* sunt *cognitiones* per intelligentiam, talesque etiam nostrum spectant mundum sensibilem; sed *intelligibiles* dicuntur *res*, quatenus *per solam intelligentiam* possint repraesentari, quasque nulla potest visionum sensitiuarum nostrarum attingere. Verum tamen cum cuique obiectae rei, necesse sit, possibilem quamdam respondere visionem, intelligentia foret cogitatione informanda, quae proxime res videret et intueretur; de eiusmodi intelligentia nos ne minimam quidem cogitationem habemus, nec proinde, quas spectare debet, de *naturis intelligibilibus*.

omittit, et quid eum impediatur, cum intelligentia libere decreta sua ex se ipsa depromserit? Et nunc primo pergit ad vires in natura rerum recenter excogitatas, inde ad naturas extra rerum naturam, verbo ad mundum, ad cuius constitutionem nobis non possunt materiae deesse, si quidem secunda fictione abunde adferuntur, et per experientiam non quidem confirmantur, sed numquam etiam confutantur. Atque hoc quoque in causa est, cur iuuenes meditabundi metaphysicam ad rationem vere dogmaticam institutam tantopere adament, suumque tempus illi ingeniumque alioquin utilissimum consecrent.

Sed frustra erit, ut inutiles illos rationis purae conatus variis monitis de difficultate quaestionum solvendarum tam profunde absconditarum, querelisque de rationis nostrae carceribus, adsertionumque aestimationem instar suspicionum solarum, velimus temperare. Et enim nisi *impossibilitas* earum perspicue fuerit demonstrata, rationisque *cognitio sui ipsius* haud vera scientia fiat, qua campus usus illius recti a recto atque iuvani usu, quasi cum certitudine geometrica discernatur, numquam vani conatus illi cessabunt.

§. 36.

QUI FIERI NATURA IPSA POTEST?

Haec quaestio, quae summum quasi fastigium est, quod umquam possit a philosophia transcendentali attingi, et ad quod, tamquam ad suum terminum absolutionemque duci debet, duabus proprie quaestionibus constat.

Primo: quomodo natura sensu *materiali*, nempe quoad visionem, utpote complexus phaenomenorum, quomodo spatium tempusque, et, qua utrumque completur, res sensationi subiecta, uniuerse potest fieri? Ad haec respondeo: per naturam facultatis nostrae sensitivae, secundum quam, suo quodam peculiari modo,

a rebus obiectis, per se ipsis sibi ignotis, prorsusque a phaenomenis istis diuersis, mouetur. Haec responsio in libro ipso, in aesthetica transcendentali, sed in hisce prolegomenis per solutionem quaestionis primae principis data est.

Deinde: quomodo natura sensu formali, tamquam complexus regularum, quibus vniuersa debent phaenomena subesse, si in experientia quadam coniuncta debeant cogitari, potest fieri? Ad haec non, nisi sic poterit responderi: ea modo fieri potest per naturam intelligentiae nostrae, qua vniuersae illae repraesentationes facultatis sensitiuae necessario ad conscientiam referuntur, et quo demum propria nostrae cogitationis ratio, nempe per regulas, et hisce adimniculis experientia, quae a perspicientia rerum obiectarum per se ipsarum prorsus diuersa est, fieri potest. Haec responsio in libro ipso, in logica transcendentali, in hisce autem prolegomenis, in solutione quaestionis principis secundae data videtur.

Quomodo autem haec ipsa peculiaris proprietas facultatis nostrae sensitiuae, vel intelligentiae nostrae, apperceptionisque, quae huic atque vniuersae cogitationi fundamento subest, necessariae fieri queat, ulterius nec solui poterit, neque responderi, propterea quod ea ad omnem responsionem omnemque cogitationem rerum obiectarum semper rursus opus habemus.

Multae sunt naturae leges, quas per solam experientiam scire possumus, sed conuenientiam legitimam in phaenomenis coniungendis, id est, naturam in vniuersum, nulla prorsus possumus experientia cognoscere, si quidem experientia ipsa earum legum indiget, quae possibilitati suae fundamento subsint ex anticipatione.

Igitur possibilitas experientiae in vniuersum simul lex naturae est vniuersalis, et decretis illius prioris, leges efficiuntur ipsae huiusce posterioris. Neque enim aliter naturam nouimus, nisi complexum phaenomenorum, id est, repraesentationum in nobis, nec proinde

legem coniungendarum aliunde possumus, quam a decretis coniunctionis illarum in nobis, id est, a conditionibus coniunctionis necessariae in vnā atque indiuiduam conscientiam, qua possibilitas efficitur experientiae, depromere.

Ipsū pronūciatū illud, quod per totā hanc sectionem explicatū est, leges phycas vniuersales posse ex anticipatione cognosci, sponte iam ad enunciationem ducit: supremā naturae legislationem in nobis ipsis, id est, in intelligentia, inesse debere, legesque illius vniuersales nos non ab natura ope experientiae, sed contra, naturā, quoad conuenientiam legalem illarum vniuersalem, e solis, quae in facultate nostra sensitiua atque intelligentia insunt, conditionibus possibilitatis experientiae quaerere debere; qui enim alias fieri posset, vt leges, cum haud fere in regulis versentur cognitionis analyticae, sed in veris syntheticis illius incrementis, queant ex anticipatione cognosci? Eiusmodi, eaque necessaria principiorum experientiae possibilis cum legibus possibilitatis naturae conuenientia, per duplicem modo causam locum habere potest: aut hae leges ab natura per experientiam depromuntur, aut contra natura ab legibus possibilitatis experientiae vniuerse deriuantur, eaque eadem est, quae sola conuenientia legalis vniuersalis experientiae. Illud sibi ipsum repugnat, nam leges phycas vniuersales et possunt et debent ex anticipatione (id est, ab vniuersa experientia libere) cognosci, omnique vsui intelligentiae empirico fundamento subiici; proinde duntaxat alterum relinquitur. *)

*) *Crusius* solus viam mediā nouit: nimirum spiritum, qui nec falli possit nec decipere, nobis hasce leges phycas originarie inseruisse. Verum, cum tamen saepenumero fallacia sese decreta immisceant, cuius quidem rei systema huiusce viri haud pauca exempla proponit, male agitur de vsu eiusmodi decreti, si certa criteria desint, quibus vera origo a spuria discernatur, propterea quod numquam certo sciri potest, quae genius veri nobis instillauerit, aut mendaciorum pater.

Verum leges naturae empiricae, quae semper peculiarem ante se requirunt perceptionem, a puris sunt, siue vniuersalibus legibus physicis, quae, licet nullae peculiares perceptiones fundamento sint, solas in se conditiones continent coniunctionis necessariae in quadam experientia, distinguendae, harumque posteriorum respectu natura et experientia *possibilis* prorsus sunt vnum idemque, cumque in hac conuenientia legalis in coniunctione necessaria phaenomenorum in experientia (sine qua nullam prorsum obiectam rem mundi sensibilis cognoscere possumus), proinde in legibus intelligentiae originariis posita sit, initio quidem alienum videtur, nihilominus tamen certum erit, si respectu posteriorum dicam: *intelligentia leges suas (ex anticipatione) haud ex natura haurit, sed eas huic praecipit.*

§. 37.

Quam quidem sententiam prima specie ausam exemplo illustrabimus, quod debet ostendi: leges, quas in rebus visioni sensitivae subiectis aperimus, praesertim si pro necessariis agnitae fuerint, a nobis ipsis iam tales haberi, quas intelligentia indiderit, quamvis legibus, quas experientiae attribuimus, physicis caeteroquin ex omni parte similes videantur.

§. 38.

Si proprietates circuli consideres, quibus haec figura tot determinationes arbitrarias spatii in se continuo in regula quadam vniuersali coniungit, non poteris non, huic enti geometrico quamdam attribuere naturam. Sic nimirum duae se lineae diuidunt, se inuicem et simul circulum secantes, quacumque ratione fortuita ducantur, tamen semper ita concinne: vt re-ctangulum ex partibus cuiusque lineae alterius sit re-ctangulo aequale. Iam quaero, „inestne ea lex in circulo, an intelligentia,“ id est, continetne haec figura, ab intelligentia libere, causam rationemque huiusce legis, an intelligentia, quae ex conceptibus suis (scilicet aequalitatis diametrorum) ipsa figuram construxit, si-

mul legem chordarum se inuicem in proportionem geometricam secantium in eam indit? Quod si argumenta huiusce legis inuestigaueris, continuo animaduertes, a sola illam conditione, ab intelligentia constructioni huius figurae fundamento posita, nempe aequalitate diametrorum, posse deriuari. Si itaque hunc conceptum amplificemus, ut unitatem variarum proprietatum figurarum geometricarum sub legibus communibus ulterius persequamur, et si circulum contemplemus ut sectionem conicam, quae proinde cum aliis sectionibus conicis iisdem conditionibus constitutivis subest constructionis, inuenimus, chordas omnes, se intra posteriorem, ellipsin, parabolam et hyperbolam secantes, ita semper sese secare, ut rectangulo ex partibus suis quidem haud aequalia, sed tamen semper in proportionibus aequalibus erga se inuicem esse. Si porro inde progrediamur ulterius, nempe ad doctrinas constitutivas astronomiae physicae, legem physicam attractionis reciprocae apprehendemus ad vniuersam naturam corpoream pertinentem, quae hanc seruat regulam, ut conuersae cum quadrato distantiarum a quouis puncto attrahente perinde eae decrescant, ac superficies globorum, in quibus haec vis sese dilatat, crescunt, quod quasi necessario in ipsa rerum natura esse videtur, et proinde quoque tamquam ex anticipatione possit cognosci, solet proponi. Quantumuis igitur simplices sint fontes huiusce legis, propterea quod in sola proportionem superficiei globi variorum diametrorum positi sunt, tamen mira eorum consequentia est ratione varietatis concentus ordinisque illorum, ut non solum omnes, quae esse possunt, viae corporum coelestium in sectionibus conicis, verum etiam ea illorum proportio inter se inuicem sequatur, ut nulla lex alia attractionis, quam conuersae quadrati proportionis distantiarum ad systema mundi, queat idonea excogitari.

Hic itaque natura est, in legibus posita, quas intelligentia cognoscit ex anticipatione, et maxime quidem e principiis vniuersalibus determinationis spatii.

Iam quaero: insuntne hae leges physicae in spatio, dis-
citque eas intelligentia, dum, qui in illis latet, sensum
vberrimum modo scrutari conatur, an insunt in intel-
ligentia modoque, quo haec spatium determinat ad
conditiones vnitatis syntheticae, quo eius conceptus
cuncti redeunt. Spatium est quiddam adeo vniforme
respectuque omnium proprietatum peculiarium adeo
indeterminatum, vt in eo profecto nullum legum phy-
icarum thesaurum quaesieris. Contra id, quod spatium
ad figuram circuli, conique et globi determinat, intel-
ligentia est, quatenus causam vnitatis continet constru-
ctionis. Sola forma visionis vniuersalis, quam spatium
dicimus, proinde substratum quidem est visionum om-
nium ad obiectas res peculiare determinabilium, in il-
loque sane conditio latet possibilitatis varietatisque ha-
rum visionum; sed tamen vnitatis obiectarum rerum per
solam intelligentiam determinatur, et quidem secun-
dum conditiones, quae in sua insunt ipsius natura, at-
que ita intelligentia origo est ordinis naturae vniuersa-
lis, propterea quod vniuersa phaenomena sub suis ipsius
legibus comprehendit, eoque demum experientiam
(quoad formam illius) ex anticipatione conficit, qua vni-
uersa, quaecumque per experientiam debent cognosci,
legibus eius necessario subiiciuntur. Neque enim no-
bis negotium est cum natura rerum *per se ipsarum*, quae
a conditionibus libera est cum facultatis sensitiuae no-
strae, tum intelligentiae, verum cum natura, vtpote
re, quae subiecta sit, quae possit esse, experientiae,
tumque, qua efficitur, vt haec esse queat, intelligentia
simul facit, vt mundus sensibilis aut nulla prorsus res
experientiae obnoxia, aut natura videatur.

§. 39.

A P P E N D I X

AD PHYSICAM PURAM DE SYSTEMATE
CATEGORIARUM.

Nihil philosopho contingere exoptatus potest,
quam vt varietatem conceptuum decretorumue, quae

ei se antea per vsum, quem ex iis in singulo cepisset, dispersa ostenderant, e principio deriuare ex anticipatione possit, atque vniuerso hoc modo in vnā cognitionem coniungere. Antea modo putabat, quae certa quadam separatione atque abstractione facta relinquerentur, quibusque inter se inuicem comparatis peculiaris quaedam cognitionum pars effici videretur, plene esse collecta; sed modo erat *congregatio* quaedam: nunc vero nouit, his ipsis, nec pluribus, nec paucioribus, posse hanc cognitionis partem effici, necessitatemque diuisionis suae perspexit, quae in comprehensione versatur, et nunc demum *sistema* habet.

Vt e cognitione communi conceptus eligerentur, qui nullam peculiarem experientiam fundamento habent, et nihilominus in vniuersa cognitione empirica obueniunt, cuius solam quasi formam efficiunt coniunctionis, nec maior meditatio requirebatur, nec plurius perspicientiae, quam qua opus est ad regulas vsus veri vocabulorum e lingua quadam efformandas, atque ita elementa grammatices congerenda (reapse ambae inuestigationes sibi inuicem perquam adfines sunt;) quamuis haud ideo possit ratio reddi, quare cuique linguae haec ipsa sit, neque alia formalis natura, multo minus autem hic ipse numerus, nec maior nec minor, eiusmodi determinationum formalium vniuerse possit apprehendi.

Aristoteles decem eiusmodi purorum conceptuum elementarium, quos dixit categorias, *) congregauerat. Quibus, qui et praedicamenta dicebantur, praeterea addere quinque postpraedicamenta **) cogebatur, quae tamen ex parte iam in illis continentur (vt prius, simul, motus); verum haec rhapsodia magis vt indicium scrutatoribus futuris poterat, quam vt idea rite tractata va-

*) 1) Substantia. 2) Qualitas. 3) Quantitas. 4) Relatio. 5) Actio. 6) Passio. 7) Quando. 8) Vbi. 9) Situs. 10) Habitus.

**) Oppositum, prius, simul, motus, habere.

lere et approbationem merere, quo factum est, ut philosophia magis exulta tamquam prorsus inutilis reiiceretur.

In inuestigandis puris (nihil empirici in se continentibus) humanae cognitionis elementis post longam demum meditationem mihi obtigit, ut puros conceptus elementares facultatis sensitiuae (spatium tempusque) a puris conceptibus elementaribus intelligentiae certo intenoscerem ac separarem. Eo igitur factum est, ut ex illo indice septima, octaua et nona categoria excluderetur. Caeterae nihil mihi quidquam poterant prodesse, quoniam nullum principium aderat, quo intelligentiam possem penitus dimetiri, omnesque illius functiones, unde conceptus puri eius oriuntur, plene possent exacteque determinari.

Vt autem eiusmodi principium inuenirem, actionem intelligentiae quaerebam, quae cunctas caeteras contineret, variisque se mutationibus siue momenti distingueret, quo varia repraesentationis possent sub unitate cogitationis vniuerse coniungi, eamque actionem intelligentiae aperui consistere in iudicando. Hic confecta videbam, quamquam haud plane ab naevis libera, logicorum opera, quibus possem absolutam functionum purarum intelligentiae tabulam, quae vero ratione vniuersae obiectae rei indeterminatae erant, proponere. Eas tandem iudicandi functiones retuli ad res obiectas vniuerse, vel potius ad conditionem iudiciorum, quae obiectiue valerent, determinandorum, atque ita conceptus orti sunt intelligentiae purae, quos ipsos modo, eorumque duntaxat eum numerum, haud maiorem minoremue, vniuersam rerum cognitionem nostram ex sola intelligentia efficere posse, certus esse poteram. Quos, ut par erat, antiquo nomine suo *categorias* vocavi; praeterea constitui, vniuersos conceptus ab iis deriuandos, sine coniunctione inter se inuicem, siue cum forma pura phaenomeni (spatii temporisque) siue cum eorum materia, quatenus nondum empirice determinata sit (res sensationi obnoxia in vniuersum), quos *prae-*

dicabilia dicerem, pleno numero adiciere, simulatque philosophiae transcendentalis systema, cuius in gratiam in sola nunc quidem critica rationis ipsius versabar, perficeretur.

Essentiale autem huiusce categoriarum systematis, quo a vetere ista rhapsodia, sine vlllo principio progressa, distinguitur, et quare solum quoque meretur ad philosophiam numerari, in eo consistit: vt earum ope vera significatio conceptuum purorum intelligentiae conditioque vsus illorum accurate queat definiri. Neque enim eas per se ipsas nisi functiones logicas esse planum erat, qua tales autem ne minimum quidem cuiuspiam rei per se ipsius conceptum efficere, sed opus habere, quae fundamento subsit, visione sensitua, tumque iis modo effici, vt iudicia empirica, quae alioquin respectu functionum iudicandi omnium indeterminata sunt et indifferentia, ratione illarum determinentur, iisque eo valor vniuersalis impertiatur, earumque interuentu in vniuersum efficiatur, vt esse queant *iudicia experientiae*.

De eiusmodi naturae categoriarum perspicientia, qua illae simul ad solum vsus empiricum adstringerentur, nulla prorsus, nec primi auctoris earum, nec cuiuspiam post illum, mentem subiit cogitatio; sed sine hac perspicientia (quae tota pendet ex deriuatione siue deductione earum) prorsus inutiles sunt, et miser index vocabulorum, sine explicatione regulaque illarum vsus. Quodsi vmquam veteribus eiusmodi venisset in mentem, sine dubio vniuersum purae cognitionis rationalis studium, quod honore tituloque metaphysices per multa secula tot praeclara ingenia enecauit, longe alia indutum forma ad nos peruenisset, hominumque intelligentiam expoliuisset, nec eam, quod vere factum est, obscuris atque inanibus indagationibus defatigatam, ad veram scientiam reddidisset ineptam.

Atque hoc categoriarum systemate omnis ipsa cuiusque rei rationi purae subiectae tractatio rursus sy-

stematica efficitur, institutionemque praebet certam atque indubitatam, quomodo et per quae inuestigationis puncta quaeque debeat, quae plena atque absoluta fiat, contemplatio metaphysica tractari: quippe quod cuncta intelligentiae momenta exhaurit, quibus quisque alius conceptus subiciendus videtur. Sic etiam orta est tabula decretorum, de cuius absolutione solo categoriarum systemate esse certi poterimus, in ipsaque conceptuum diuisione, qui vsum debent physiologicum intelligentiae transire (crit. rat. pur. p. 74. itemque p. 89.), idem semper illud filum est, quod, quoniam perpetuo per fixa illa, in intelligentia humana ex anticipatione determinata duci debet, semper orbem efformat clausum, qui non patitur dubitari, rem conceptui subiectam puro intelligentiae rationisue, quatenus philosophice debeat et ex decretis ex anticipatione considerari, hoc modo plene posse perfecteque cognosci. Neque adeo non potui non hoc ductu vti ratione cuiusdam diuisionum ontologicarum abstractissimarum, nempe distinctionis variae conceptuum *entis et nihili*, atque exinde tabulam ordinatam et necessariam (crit. rat. pur. p. 123.) conficere. *)

*) De tabula categoriarum proposita variae possunt fieri animaduersiones, velut 1) tertiam categoriam e prima et secunda in vno conceptu coniunctis oriri, 2) in categoriis quantitatis et qualitatis solum esse progressum ab vnitatem ad vniuersitatem, siue ab ente ad nihilum (quapropter categoriae qualitatis ita collocandae sunt: realitas, limitatio, plena negatio) sine correlatis siue oppositis, contra categorias relationis et modalitatis haec posteriora in se cohibere, 3) quemadmodum in *logicis* iudicia categorica cunctis aliis fundamentum sunt, ita et categoriam substantiae vniuersis conceptibus subesse rerum in veritate apparentium, 4) vti modalitas in iudicio nullum est praedicatum peculiare, ita et conceptibus modalibus nullam rebus determinationem addi, et sic porro. Cuiusmodi contemplationum permagna utilitas videtur. Si praeterea vniuersa recenscantur *praedicabilia*, quae oppido plene possunt e quaque ontologia bona (veluti Baumgartenii) congeri, eaque per classes ordinata subiiciantur categoriis, in quo quidem curandum est, vt omnium eorum conceptuum analysis, quoad eius fieri poterit, plena

Quod idem systema vsum suum haud satis commendandum, vti quodque verum systema in vniuersali principio constitutum, in eo quoque demonstrat, quod cunctos conceptus alienos, qui alioquin in puros illos intelligentiae conceptus irrepserint, expellit, et suum cuique cognitioni locum designat. Illi conceptus, quos *conceptus* appellatos *reflexos* itidem ad ductum categoriarum in formam tabulae redegeram, in ontologia, per licentiam se atque iniuriam conceptibus immiscent puris intelligentiae, quamquam hi conceptus sunt conjunctionis, eoque obiectae rei ipsius, illi autem solius comparationis conceptuum iamiani datorum, et proinde longe aliam naturam habent vsumque; diuisione mea legitima (crit. rat. pur. p. 208 seq.) ex ista confusione separantur. Multo autem clarius elucet vtilitas separatae tabulae illius categoriarum, si, quod mox fiet, tabulam transcendentalium conceptuum rationalium, qui longe alius naturae sunt atque originis, quam conceptus isti intellectuales (proinde quoque aliam, necesse est, formam habeant), ab illius seiungamus, quae separatio tam necessaria tamen numquam in vlllo quodam metaphysices systemate facta est, in qua illae ideae rationales cum conceptibus intellectualibus, quasi, instar fratrum, ad familiam pertineant, sine vlllo discrimine miscentur, quae quidem confusio, quoniam nullum peculiare erat categoriarum systema, numquam poterat cuitari.

adiiciatur, pars metaphysices orietur mere analytica, quae nondum vllam enunciationem syntheticam contineat, syntheticamque partem posset antecedere, suae determinatae ratione plenaeque non solum vtilitatem adferret, sed, per rationem, quae ei inest, systematicam, praeterea certam quamdam pulcritudinem contineret.

QUAESTIONIS PRINCIPIS TRANSCENDEN-
TALIS

P A R S T E R T I A.

QUI FIERI VNIVERSE POTERIT ME-
TAPHYSICA?

§. 40.

Mathesis pura et pura physica *ad suam ipsarum certitudinem* nullius eiusmodi eguissent deductionis, qualem huc vsque vtriusque confecimus; illa enim sua ipsius euidencia nititur; altera vero, quamquam e fontibus puris orta intelligentiae, tamen experientia nititur eiusque perpetua confirmatione, cuius testimonium propterea non potest omnino repudiare, eaque carere, quoniam per vniuersam certitudinem suam, qua philosophia, numquam potest mathesi sese aequare. Vtrique scientiae inuestigatione illa haud opus erat, verum alii cuiusdam scientiae, nimirum metaphysicae.

Praeter conceptus physicos, quorum semper vsus est in experientia, etiam in conceptibus puris rationalibus metaphysica versatur, qui numquam possunt in vlla quapiam, quae esse possit, experientia proponi, proinde in conceptibus, cuius obiectiua realitas (eos non solos fetus esse phantasiae), et in adsertionibus, quarum veritas vel falsitas nulla potest experientia confirmari aut aperiri, eaque pars metaphysices praeterea illa ipsa est, qua finis illius efficitur essentialis, cuius vniuersa alia duntaxat sunt in adiumentis, atque ita haec scientia eiusmodi deductione opus habet *propter se ipsam*. Quaestio tertia nobis nunc proposita attinet igitur quasi nucleum propriumque metaphysices, nempe occupationem rationis in se ipsa sola, dumque suos ipsius conceptus fouet, notitiam, quae inde proxime putatur existere, rerum obiectarum, ita quidem, vt

ad eam neque interuentu experientiae opus sit, nec omnino per eam ad illam queat perueniri. *)

Quae quidem quaestio nisi fuerit soluta, ratio sibi-
met ipsa numquam faciet satis. Vsu empirico, ad quem
ratio intelligentiam puram adstringit, haud explet fi-
nem ipsius proprium et vniuersum. Quaeque expe-
rientia singula pars totius sphaerae ditionis suae, sed
totum absolutum vniuersae, quae esse potest, experientiae
ipsum nulla experientia est, et tamen necessarium pro-
blema rationis, ad cuius solam repraesentationem pro-
sus aliis conceptibus opus habet, quam puris istis con-
ceptibus intelligentiae, quorum vsus solum *immanens*
est, id est, experientiam spectat, quantum ea possit of-
ferri, cum interim conceptus rationales vniuersitatem
atingant, id est, vnitatem collectivam totius, quae es-
se queat, experientiae, eoque datam illam ac proposi-
tam experientiam transeant, et fiant *transcendentes*.

Vti igitur intelligentia categoriis indigebat ad ex-
perientiam, ita ratio causam in se continet idearum,
quas conceptus dico necessarios, quibus quae subiecta
sit, res nihilominus non *potest* in vlla quapiam expe-
rientia proponi. Hae aequae sunt in natura rationis,
atque illae in natura intelligentiae sitae, et, si illae
speciem in se continent, quae facile possis seduci, ea
species haud vitari poterit, quamquam, ne ea seduca-
mur, facile vitari.

Cum omnis species cernatur in eo, ut ratio subie-
ctiua iudicii pro obiectiua reputetur, rationis purae
cognitio sui ipsius, in vsu suo transcendente vnum erit
remedium contra errores, in quos ratio incurrit, si fi-

*) Si dici potest, scientiam quamdam cerre in idea omnium
hominum *existere*, simulatque certum sit, quaestiones, qui-
bus ad eam ducimur, cuique per naturam rationis huma-
nae propositas esse, et proinde semper multa, quamvis vi-
tiosa, tentamina nequeant vitari; etiam dicendum erit:
metaphysicam subiectiue (et quidem necessario) existere, er-
go iure quaerimus, qui ea fieri (obiectiue) queat

nem suum praeue interpretetur, eaque modo transcendente ad rem referat per se ipsam, quae suum ipsius subiectum modo eiusque ductum attingit in vniuerso usu immanenti.

§. 41.

Distinctio *idearum*, hoc est, purorum conceptuum rationalium, a categoriis, siue puris conceptibus intellectualibus, quippe cognitionum et genere, et origine, et usu, maxime diuersarum, pars est tam necessaria ad constituendam scientiam, qua omnium istarum cognitionum systema debeat ex anticipatione contineri, vt, nulla eiusmodi facta separatione, nullo modo fieri queat metaphysica, vel maxime tentamen sit iners et indigestum, sine materiarum notitia, in quibus versamur, utilitatisque eius ad hunc illumue finem aedificium cartaceum consarciendi. Quodsi critica rationis purae modo istud solum praestitisset, vt hocce discrimen primo ob oculos posuisset, iam eo ipso plus ea ad illustrandum conceptum nostrum, ducendamque inuestigationem in campo metaphysices contulisset, quam omnes conatus inanes quaestionum transcendentium rationis purae soluendarum, qui vsquequaque suscepti sunt, neque vnquam reputatum est, in longe alio hic campo quaeri, quam intelligentiae, et proinde conceptus intellectualuales et rationales, quasi forent de genere eodem, vno tenore recitati.

§. 42.

Omnium cognitionum purarum intellectualium hoc proprium videtur, vt conceptus earum proponi in experientia possint, decretaque per experientiam confirmari; contra cognitiones rationales transcendentes, neque quoad *ideas* proponi in experientia possunt, neque *decreta* vnquam per experientiam confirmari nec refutari; vnde in eo fortasse error irrepens nulla re alia, quam ipsa ratio pura, poterit aperiri, quod vero difficillimum est, quoniam haec eadem ratio per ideas suas per naturam rei dialectica efficitur, atque haec

species ineuitabilis nullis inuestigationibus rerum obie-
ctiuis ac dogmaticis, sed solis subiectiuis, rationis ipsius
utpote idearum fonte, potest coerceri.

§. 43.

Semper mihi in critica in primis fuit propositum,
ut non solum genera cognitionum diligenter discernere-
rem, verum etiam solus possem, qui ad quodque earum
pertinent, conceptus ex fonte communi deriuare, quo
non et solum, quod, vnde oriantur, edoctus vsum eo-
rum certo possem determinare, verum etiam inopina-
tum, sed praeclarum commodum adipiscerer, plenum
numerum in recensendis ordinandisque ac describen-
dis conceptibus ex anticipatione, proinde ex principiis
cognoscendi. Quod si fieri nequeat, omnia in meta-
physica versantur in rhapsodiis, vbi nemo nouit, vtrum
eorum, quae possideas, satis sit, an num, et vbi, ad-
huc quidquam desit. Sane quidem huiusce commodi
tantummodo copia erit in philosophia pura, cuius qui-
dem illo essentia efficitur.

Cum categoriarum originem in quatuor istis fun-
ctionibus logicis omnium intelligentiae iudiciorum in-
venissem, non mirum erat, si idearum ortum in tribus
illis ratiocinationum functionibus quaererem; namque
datis semel atque oblati eiusmodi conceptibus rationa-
libus puris (ideis transcendentalibus), potuerint illi
quidem, nisi innatos istos mentibusque insculptos puta-
veris, nuspiam fere alibi, quam in eadem functione ra-
tionis, offendi, quae, quatenus solam formam attinet,
naturam logicam constituit ratiocinationum, quatenus
autem iudicia intelligentiae vnus alteriusue formae ex
anticipatione determinata repraesentat, conceptus ra-
tionis purae efficit transcendentales.

Discrimine ratiocinationum formali diuisio earum
in categoricas, hypotheticas, et disiunctiuas, necessaria
redditur. Conceptus rationales in ea constituti proin-
de in se continent ideam subiecti absoluti (substantiale),
deinde ideam seriei conditionum absolutae, tertio de-

terminationem omnium conceptuum in idea cuiuspiam absoluti complexus eorum, quae esse possunt. *) Prima idea fuit physiologica, altera cosmologica, tertia theologica, cumque vniuersae tres, suo tamen quaeque peculiari modo, ansam praebeant dialecticae, factum est, vt diuisio vniuersae dialectices rationis purae niteretur paralogismo, antinomia, et denique ideali illius, qua derivatione prorsus certi reddimur, omnia rationis purae iura hic prorsus plena proponi, et ne vllum quidem posse deesse, quoniam ipsam rationalem facultatem, ex qua vniuersam originem ducunt, iis totam dimetimur.

§. 44.

In hacce contemplatione in vniuersum praeterea notatu dignum videtur: ideas rationales haud fere, vti categorias, nobis ad vsum intelligentiae respectu experientiae quidpiam prodesse, sed ratione illius prorsus superuacaneas esse, atque adeo desiderijs cognitionis rationalis aduersarias naturae atque impedimento videri, nihilominus tamen alio respectu adhuc determinando necessarias. Anima substantia simplex sit necne, id quidem ad enodanda illius phaenomena nihil prorsus quidquam interesse potest; neque enim vlla, quae esse potest, experientia conceptum naturae simplicis ad sensum reuocare possumus, nec proinde in singulo explicare, atque ita, ratione vniuersae perspicientiae speratae causae phaenomenorum, prorsus inanis est, neque

- *) In iudicio disiunctiuo *uniuersa possibilitas*, respectu ad certum quendam conceptum habito, tamquam diuisa consideratur. Principium ontologicum determinationis perpetuae cuiusdam rei in vniuersum (ex omnibus, quae fieri possint, praedicatis contrariis cuique rei vnum competit), quod idem principium est iudiciorum omnium disiunctiuorum, complexum vniuersae possibilitatis constituit, in quo possibilitas rei vniuersae tamquam determinatio contemplatur. Hic aliquantum facit ad illustrandam sententiam illam superiorem: functionem rationis in ratiocinationibus disiunctiuis quoad formam eandem esse cum ea, qua ideam complexus conficit vniuersae realitatis, quae positum in se continet praedicatorum omnium inuicem contrariorum.

principio inferuire poterit explicandi ea, quae experientia interna vel externa subministrat. Aequo minus ideae cosmologicae de initio mundi vel aeternitate (a parte ante) nobis quidquam poterunt conferre ad vllum quodpiam in ipso mundo euentum ex iis enodandum. Tandem, secundum veram philosophiae naturalis regulam, ab omni nobis explicatione constitutionis physicae e voluntate entis cuiusdam summi ductae, temperandum videtur, propterea quod hoc non amplius philosophia naturalis est, sed confessio de terminis nostrae cognitionis. His itaque ideis longe alius finis est sui vsus, quam istis categoriis, quibus, quaeque in iis constituta sunt, decretis efficitur, vt esse demum queat experientia. Interim tamen laboriosa nostra intelligentiae analytica, si nihil aliud nobis propositum fuerit, quam sola cognitio physica, prout ea in experientia poterit proponi, prorsus foret superuacanea; namque cum in mathesi tum physica, etiam sine vlla hac deductione subtili, munere suo ratio certo beneque fungitur: ergo nostra intelligentiae critica cum ideis rationis purae ad finem conspirat, vltra omnem vsum intelligentiae empiricum constitutum, quem tamen supra dixerimus hoc respectu nullo modo posse fieri, omnique re obiecta seu significatione carere. Nihilominus tamen eorum, quae ad naturam rationis pertinent atque intelligentiae, necesse est, conspirationem esse, illamque ad huius perfectionem conferre, nec fieri potest, vt eam confundat.

Huiusce quaestionis haec solutio est: rationi purae in ideis suis non propositae sunt res obiectae peculiare, vltra campum experientiae sitae, sed postulat modo vniuersitatem vsus intelligentiae in contextu experientiae. Haec vniuersitas autem esse duntaxat vniuersitas potest principiorum, non vero visionum rerumque obiectarum. Nihilominus, vt illa determinate repraesententur, cogitatione sibi ea informat tamquam cognitionem cuiusdam obiectae rei, cuius cognitio ratione regularum illarum plane determinata sit, sed ea

res obiecta modo est idea, vt cognitio intellectualis perfectioni, quam illa idea designat, quantum fieri possit, appropinquetur.

§. 45.

PRAEUIA ANIMADVERGIO

AD DIALECTICAM RATIONIS PURAE.

Supra §. 33. et 34. ostendimus, puritate categoriarum ab omni admixtione determinationum sensibilium rationem posse seduci ad vsum vltra omnem experientiam, ad res per se ipsas, prorsus extendendum, quamvis, cum ipsae nullas visiones inueniant, quibus vim sensumque in singulo possent accipere, eae, qua solae functiones logicae, rem vniuerse quidem repraesentent, per se autem solae nullum determinatum vllius rei cuiuspiam conceptum possint suppeditare. Eiusmodi obiectae res hyperbolicae dicuntur *noumena* siue entia pura intellectualia (melius entia rationis), velut *substantia*, quae vero sine *constantia* in tempore cogitetur, vel *causa*, quae vero *haud in tempore* efficiat, et caetera generis eiusdem, quibus attribuuntur praedicata, quae hoc modo agunt, vt esse conuenientia queat experientiae, et nihilominus vniuersae visionis conditiones, quibus solis efficitur, vt esse possit experientia, iis adimuntur, quo fit, vt illi conceptus omnem rursus significationem amittant.

Nec vero metuendum videtur, intelligentiam sponte, neque legibus alienis coactam, vltra terminos suos, temere in campum solorum entium rationis euagaturam. Cum vero ratio, nullo regularum intellectualium vsum empirico, quippe qui semper aliunde pendet, prorsus contenta, absolutionem huiusce conditionum catenae postulat, tum intelligentia pellitur e gyro, vt partim res experientiae subiectas in serie tam late patente repraesentet, cuiusmodi nulla prorsus potest experientia complecti, partim adeo (ad eam perficiendam)

penitus extra eam *noumena* quaerat, ad quae catenam illam iungere possit, eoque a conditionibus experientiae tandem aliquando libera, eam absolvere. Illud igitur ideae sunt transcendentales, quae, siue ex vero, sed ignoto, sine constitutionis naturalis rationis nostrae, haud conceptus spectent transcendentis, sed solum infinitum usum experientiae, tamen per speciem ineuitabilem intelligentiae usum eliciunt *transcendentem*, qui, quamquam fallax, tamen nullo consilio potest intra terminos experientiae retineri, sed sola institutione docta ac difficulter in ordinem redigi.

§. 46.

I. IDEAE PSYCHOLOGICAE.

(Crit. rat. pur. pag. 261. seq.)

Iam dudum animaduersum est, nobis in vniuersis substantiis proprium subiectum, nempe id, quod, cunctis accidentibus (qua praedicatis) separatis, relinquitur, proinde ipsum *substantiale* ignotum esse, iisque de carceribus perspicientiae nostrae multae sunt multorum querelae exauditae. In quo quidem probe notandum est, intelligentiae humanae non esse vitio vertendum, quod ea substantiale rerum ignoret, id est, per se solam nequeat determinare, potiusque propterea inculpandam, quod illud, qua solam ideam, instar datae cuiusdam rei obiectae determinatum, cupiat cognoscere. Ratio pura postulat, vt ad quodque cuiusquam rei praedicatum suum cuiusque subiectum, ad hoc autem, quod necessario vicissim in praedicato duntaxat versatur, porro subiectum, et sic in infinitum (aut quoad nos pertinuerimus) quaeramus. Hinc autem sequitur, nihil nobis, quo peruenire queamus, pro vltimo subiecto habendum esse, ipsumque substantiale ab intelligentia nostra vel maxime profunde penetrante posse, si vel vniuersa ipsi natura fuerit aperta, cogitari; propterea quod singularis natura intelligentiae nostrae in eo cernitur, vt omnia discursiue, id est, per conceptus, pro-

inde et per mera praedicata cogitet, ad quod proinde subiectum absolutum, necesse est, semper deesse. Idcirco omnes proprietates reales, quibus corpora cognoscimus, in meris accidentibus versantur, vel ratio imperuia, quae semper modo qua effectum cuiuspiam virtutis cogitanda est, cuius nobis subiectum desit.

Ac videmur quidem in conscientia nostri ipsius (subiecto cogitante) hoc substantiale tenere, idque in visione quadam proxima; namque vniuersa praedicata sensus interni spectant illud *ego*, qua subiectum, neque hoc vltius potest vt praedicatum vllius cuiuspiam subiecti cogitari. Ergo hic vniuersitas in relatione conceptuum datorum qua praedicatorum ad quoddam subiectum, non mera idea videtur, sed res obiecta, nempe *subiectum absolutum* ipsum, in experientia esse propositum. Sed ea spes fallitur. Namque illud *ego* in nullo prorsus conceptu *) versatur, sed modo in designatione rei sensui interno subiectae, quatenus nullò illud praedicato vltius cognoscimus, proinde per se quidem esse haud praedicatum potest rei alius cuiuspiam, sed aequè minus conceptus determinatus subiecti cuiusdam absoluti, sed modo, vti vniuersis aliis temporibus, relatio phaenomenorum intimorum ad ignotum eorum subiectum. Nihilominus haec idea (qua commode vti poteris, qua principio regulatiuo, vt omnes explicationes materialisticae internorum animae nostrae phaenomenorum prorsus euertantur) ex errore prorsus naturali ansam praebet argumento cuidam admodum specioso, vt ex hac putatitia cognitione substantialis essentiae cogitantis nostrae, natura illius, quatenus cognitio eius prorsus extra experientiae complexum cadit, concludatur.

*) Si repraesentatio apperceptionis, illud *ego*, foret conceptus, quo vllum quidpiam cogitaretur, posset etiam vt praedicatum de aliis rebus vsurpari, aut eiusmodi praedicata in se cohiberet. Iam nihil quidquam aliud est, nisi sensus cuiuspiam existentiae sine vllò conceptu, et modo repraesentatio eius, ad quod omnis cogitatio adfecta tenetur (relatione accidentis).

§. 47.

Hoc ipsum cogitans (anima) vel qua vltimum cogitationis subiectum, quod ipsum amplius nequeat qua praedicatum alius rei cuiuspiam repraesentari, substantiam vocaueris: tamen hic conceptus prorsus inanis manet, omnique consequentia destitutus, nisi de eo constantia possit, tamquam id, quo substantiarum conceptus in experientia vtilis reddatur, euinci.

Sed constantia numquam potest e conceptu substantiae, qua rei per se, sed tantum in gratiam experientiae probari. Id quod in prima analogia experientiae abunde probatum est (crit. rat. pur. p. 151.), et, si huic argumento cedere nolueris, ipse periculum facias, an succedat, si e conceptu subiecti, quod ipsum non qua praedicatum rei alius cuiuspiam exstet, existentiam eius probes necessario constantem esse, illudque nec per se ipsum posse, nec per vllam quampiam causam physicam, oriri aut interire. Eiusmodi enunciationes syntheticae ex anticipatione numquam per se possunt, sed semper duntaxat in relatione ad res, qua experientiae, quae esse queat, subiectas, probari.

§. 48.

Quodsi igitur e conceptu animae qua substantiae ad eius constantiam velimus concludere: tamen hoc tantummodo in gratiam experientiae possibilis de ea poterit, non qua re per se ipsa et vltra omnem, quae possit esse, experientiam valere. Atqui conditio subiectiua vniuersae nostrae possibilis experientiae vita est: ergo ad constantiam animae potest tantummodo in vita concludi, si quidem mors hominis finis est experientiae vniuersae, quod animam qua rem ei subiectam attinet, nisi probetur contrarium, de quo ipso quaestio est. Ergo constantia animae duntaxat in vita hominis (cuius probationem nobis, opinor, concessum iri) potest, non vero post mortem (quod scilicet proprie quaerimus), euinci, et quidem ex vniuersali ratione, quia conceptus substantiae quatenus cum conceptu constantiae necessario

coniunctus debeat spectari, hoc esse tantummodo ex decreto experientiae possibilis poterit, et proinde etiam duntaxat in gratiam illius. *)

§. 49.

Perceptionibus nostris externis quiddam, quod extra nos in veritate rerum appareat, non solum respondere, verum etiam respondere oportere, itidem nunquam qua coniunctio rerum per se ipsarum potest, sed in gratiam experientiae, probari. Id quod hanc vim habet: quoddam empirice, proinde qua phaenomenon in spatio extra nos esse, facile cuinci potest; namque cum aliis rebus, quam quae ad experientiam possibilem pertinent, nobis nihil negotii est, ob eam ipsam

*) Sane quidem admodum notatu dignum videtur, metaphysicos vsquequaue tam supine decretum constantiae substantiarum traxisse, ut ne umquam illius tentarent probationem; sine dubio propterea hoc factum est, quoniam, simul atque cum conceptu substantiae inciperent, omni se ratione destitutos viderent. Intelligentia communis, facile sentiens, sine hac sumtione fieri nullam posse perceptionum in experientia coniunctionem, expleuit huncce defectum postulato quodam: neque enim ex ipsa umquam poterat experientia hocce decretum deduci, partim quia materias (substantias) in omnibus mutationibus earum ac solutionibus, haud eo vsque potest persequi, ut materia semper haud de minima deprehendatur, partim quoniam decretum istud continet *necessitatem*, quae semper insigne est principii cuiuspiam ex anticipatione. Iam hocce decretum fidenter adhibuere ad conceptum animae tamquam cuiuspiam *substantiae*, ad durationemque illius necessariam post mortem hominis concluderunt (praesertim cum simplicitas huiusce substantiae, quae ex ratione elicitur individua conscientiae, de interitu ex solutione caueret). Quodsi verum huiusce decreti fontem aperuissent, quod verò longe profundiores indagationes postulabat, quam umquam animus esset instituere, visuri fuissent: illam legem constantiae substantiarum in gratiam duntaxat experientiae locum habere, proinde modo ad res, quatenus agnosci in experientia debeant cum aliisque coniungi, nunquam verò ad eas, vel nullo respectu habito experientiae possibilis, proinde quoque nec de anima posse post mortem valere.

causam, quoniam nobis non possunt in vlla experientia proponi, et proinde nobis nihil sunt. Empirice extra me esse dicitur, quod in spatio conspicitur, cumque hoc cum omnibus, quae continet, phaenomenis, ad perceptiones pertineat, quarum coniunctio ex legibus empiricis aequae veritatem earum obiectiuam probet, quam coniunctio phaenomenorum sensus interni existentiam animae meae (qua rei sensui interno obnoxiae), pariter ope experientiae internae mihi conscius sum existentiae corporum, quam phaenomenorum externorum in spatio, vti interuentu experientiae internae existentiae conscius sum animae meae in tempore, quam etiam tantummodo qua rem sensui interno obnoxiam, per phaenomena, quibus status efficitur interior, cognosco, cuiusque natura ipsa, quae his phaenomenis fundamento subest, ignota videtur. Idealismus Cartesianus igitur duntaxat experientiam externam discernit a somnio, et ordinem, vtpote criterium veri prioris, a puerilitate falsaue specie posterioris. In ambobus spatium tempusque sumit quae conditiones existentiae rerum obiectarum, et modo quaerit, an res sensibus externis propositae reapse in spatio inueniantur, quas vigilantes in eo ponimus, quemadmodum res sensui interno subiecta, anima, vere in tempore sit, id est, an experientia certa in se criteria cohibeat distinctionis ab opinione. Atque hoc loco facile dispelli dubium poterit, illudque in vita communi eo semper dispellimus, vt coniunctionem phaenomenorum in ambobus secundum leges experientiae vniuersales anquiramus, neque, repraesentatione externarum rerum perpetuo conspirante, dubitare possumus, quin vera iis experientia efficiatur. Igitur idealismus materialis, cum phaenomena qua phaenomena tantummodo secundum coniunctionem suam in experientia considerantur, facile poterit conuelli, itidemque certa experientia est, corpora extra nos (in spatio) extare, quam me ipsum, ex repraesentatione sensus interni (in tempore) adesse; namque conceptus: *extra nos*, solam notat existentiam in spatio. Cum autem illud ego, in enunciatione: *ego sum*, non

solum rem visioni internae subiectam (in tempore) denotet, sed conscientiae subiectum, quemadmodum corpus non solum visionem externam (in spatio), verum etiam rem *per se ipsam*, quae huic phaenomeno fundamento est, designat; quaestio: an corpora (qua phaenomena sensus externi) *extra cogitationem meam* qua corpora existant, sine vlla dubitatione potest in natura rerum negari; verum in eo quidem longe aliter comparatum cum quaestione est, an ego ipse *qua phaenomenon sensus interni* (anima secundum psychologiam empiricam) extra facultatem repraesentandi meam in tempore existam, haec enim pariter neganda videtur. Sic omnia, si ad verum sensum reuocentur, decisa sunt et certa. Idealismus formalis (quem alias transcendentalem dico) reapse tollit materialem siue Cartesianum. Namque si spatium nihil est nisi forma facultatis meae sensitivae, illud qua repraesentatio tam vere in me existat, quam ego ipse, et de veritate modo empirica phaenomenorum in eo agitur. Quod si non ita sit, sed spatium et in illo phaenomena aliquid sint, quod extra nos existet, vniuersa experientiae criteria extra perceptionem nostram numquam poterunt existentiam harum rerum obiectarum extra nos probare.

§. 50.

II. IDEAE COSMOLOGICAE.

(Crit. rat. pur. p. 285.)

Hocce effectum rationis purae in vsu transcendente euentum est eius notatu dignissimum, quod maxime omnium vim suam exserit, vt philosophia ex sopore suo dogmatico excitetur, ad ipsumque opus arduum critices rationis purae adducatur.

Hanc ideam propterea cosmologicam dico, quod rem obiectam semper sibi in mundo sensibili proponit, nullaue alia opus habet, quam cuius res obiecta in sensus cadat, proinde eatenus immanens est, nec trans-

scēdēns, proinde vsque eo nondum idea est; contra animam cogitatione vt substantiam simplicem informare, perinde est, ac rem obiectam cogitare (simplex), cuiusmodi nullo pacto sensibus res possunt proponi. Nihilominus tamen idea cosmologica coniunctionem eius, quod adstrictum pendet cum conditione sua (siue haec mathematica sit, siue dinamica), adeo amplificat, vt experientiam numquam possit eam adsequi, ideoque ratione huius puncti semper idea est, cuius res obiecta numquam queat in vlla quapiam experientia adaequate proponi.

§. 51.

Ac primum hic vtilitas systematis categoriarum tam perspicue patet ac dilucide, vt, etiamsi haud plura eius argumenta forent, hoc solum earum necessitatem in systemate rationis purae satis euinceret. Eiusmodi idearum transcendentium haud plures sunt, quam quatuor, quippe quot classes sunt categoriarum; in quaque illarum spectant modo vniuersitatem absolutam seriei conditionum ad propositum quiddam inde pendens ad conditionemque adstrictum. His ideis cosmologicis conuenienter quatuor quoque species sunt adsertionum dialecticarum rationis purae, quae, cum dialecticae sint, eo ipso probant, vnicuique illarum, ex principiis rationis purae aequae speciosis, contrariam ei esse repugnantem, quae pugna nulla poterit arte metaphysica distinctionis subtilissimae vitari, sed quae cogit philosophum, vt ad primos rationis purae fontes ipsos reuertatur. Quae quidem haud fere arbitrato excogitata, sed in natura rationis humanae fundata, proinde inuitabilis et nullo vmquam tempore cessans antinomia haec enunciata continet cum suis contrariis.

I.

Thesis.

Mundus quoad tempus et spatium
habet initium (terminos).

Antithesis.

Mundus quoad tempus spatiumque
est infinitus.

2.

Thesis.

Vniuersa in mundo
constant e simplici-
bus.

Antithesis.

Nihil quidquam simplex
est, sed omnia sunt com-
posita.

3.

Thesis.

In mundo causae sunt per
libertatem.

Antithesis.

Nulla est libertas, sed vni-
uersa sunt *natura*.

4.

Thesis.

In serie causarum mundi vlla quaequam
natura necessaria est.

Antithesis.

Nihil in mundo necessarium est, verum
vniuersa in hac serie sunt fortuita.

§. 52.

Hic igitur rarissimum humanae rationis euentum
est, cuius alibi nusquam exemplum potest in vlllo quo-
piam illius vsu ostendi. Si, quod fieri solet, phaeno-
mena mundi sensibilis vt res cogitemus per se ipsas, si
decreta coniunctionis illorum, vt quae vniuerse de rebus
per se ipsis nec modo de experientia valeant, accipia-

mus, quod quidem consuetum est, quia sine critica nostra necessarium et ineuitabile, pugna emergit haud opinata, quae numquam potest in consueta via dogmatica componi, quoniam et thesis et antithesis argumentis aequè perspicuis, quaeque eandem vim adferant, possunt probari - nam de veritate horum argumentorum omnium cauebo - alioque tum ab se ipsa sese sentit diffidere, de quo quidem scepticus triumphat, sed philosophus criticus, necesse est, ad inuestigationem rapiatur.

§. 52. b.

Multifariam poteris in metaphysica circumuagari, neque tamen metuere, ne in errore deprehendere. Et enim, si modo haud tecum ipse pugnes, quod sane potest fieri in enunciationibus syntheticis, quamuis prorsus commentitiis: in omnibus causis eiusmodi, ubi conceptus, quos coniungimus, merae ideae sunt, quae neutiquam possunt (quoad totam earum materiam) in experientia proponi, numquam poterimus per experientiam confutari. Qui enim per experientiam discernas: vtrum mundus ex aeterno sit, an initium habeat; an materia in infinitum diuidua sit, an partibus simplicibus constet? eiusmodi conceptus in nulla possunt, et vel, quantum fieri possit, maxima experientia proponi, proinde nec falsitas enunciationis aientis negantisue hoc Lydio lapide potest aperiri.

Vno tantum modo fieri posset, vt ratio dialecticam suam arcanam, quam falso dogmaticam vendit, inuita aperiret, si ea scilicet in principio quodam vniuersali concessioque adsertionem constitueret, atque ex alio quodam itidem certo argumentatione exquisitissima ipsum contrarium concluderet. Quod quidem hic vere accidit, et quidem respectu quatuor idearum rationis naturalium, vnde adsertiones quatuor ex vna parte, totidemque adsertiones contrariae ex parte altera, quaeque cum iusta consequentia ex decretis; vniuerse concessis, oriuntur, eoque speciem dialecticam rationis purae in hisce decretis vtendis aperiunt, quae alias aeternum abscondita mansisset.

Hic igitur manifesto falsitatem deprehendimus, in sumtionibus rationis absconditam. *) Duarum enunciationum repugnantium ambae non possunt simul falsae esse, nisi conceptus ipse, qui iis fundamento subest, repugnet; velut enunciationes duae: circulus quadratus est rotundus, et circulus quadratus non est rotundus, ambae sunt falsae. Quod enim attinet illam priorem, falsum est, quadratum circulum rotundum esse, propterea quod is est quadratus; sed itidem falsum est, eum non rotundum esse, hoc est angulosum, quoniam circulus est. In eo enim nota logica impossibilitatis cuiusdam conceptus cernitur, quod ea sumta duae enunciationes pugnantes simul falsae forent, proinde, cum nulum quiddam tertium inter eas cogitando possit interii-ci, illo conceptu *nihil omnino quidquam* cogitatur.

§. 52. c.

Iam duabus prioribus antinomiis, quas mathematicas dico, quoniam in addendis diuidendisue versantur similibus, eiusmodi conceptus pugnans fundamento subest; atque inde demonstro, qui fiat, vt et thesis et antithesis in vtraque falsa videatur.

Cum de obiectis rebus in tempore spatioque loquor, tum non de rebus loquor per se ipsis, eo quod de his nihil quidquam noui, sed modo de rebus in phaenomeno, id est, de experientia, qua peculiari parte cognitionis rerum obiectarum, soli homini concessa. Quidquid igitur in spatio cogito aut tempore, de eo non dicen-

*) Lectorem criticum in hac antinomia potissimum velim versari, quoniam eam natura ipsa videtur proposuisse, vt ratio in sententiis audacter arrogatis ad se reuocaretur, ad se ipsamque examinandam cogeretur. Quodque argumentum ad probandum et thesin et antithesin a me allatum pollicor defendere ac tueri, eoque certitudinem antinomiae rationi ineuitabilis euincere. Sic lector miro euento eo adductus fuerit, vt ad examinandam, quae fundamento est, sumtionem regrediatur, sese coactum sentiet, prima vniuersae cognitionis ex ratione pura stamina profundius mecum anquirere.

dum est: per se ipsum, etiam sine hac cogitatione mea, in spatio ac tempore esse; tum enim mihi ipsi repugnarem; quoniam spatium tempusque, cum phaenomenis in se, nihil quidquam sunt per se ipsum, quodque extra repraesentationes meas exstet, sed solae repraesentationum species sunt, aperteque pugnat, si dicas, solam repraesentationum speciem etiam extra repraesentationes nostras exstare. Igitur res sensibus obnoxiae exstant modo in experientia; contra et sine ea, aut ante eam, peculiarem iis et in sese consistentem existentiam attribuere, idem est, ac cogitare, experientiam etiam sine experientia esse, aut ante se exstare.

Si igitur quantitatem mundi, quoad spatium tempusque, quaero, per vniuersos conceptus meos fieri itidem non poterit, vt eum infinitum dicam, atque finitum. Neutrum enim in experientia potest esse contentum, quoniam neque spatii *infiniti*, neque temporis *infiniti* praeterlapsi, neque mundi spatio inani *circumscripti*, aut tempore vacuo antegresso, fieri vlllo modo experientia potest; haec sunt solum ideae. Ergo in mundo ipso quantitatem eius vno alteroue modo determinatam in esse, necesse foret, atque ab vniuersa experientia separatam. Verum hoc pugnat cum conceptu mundi sensibilis, qui duntaxat complexus est phaenomeni, cuius existentia coniunctioque in sola repraesentatione, nempe experientia, locum habet, si quidem non res per se ipsa est, sed ipse nihil est, nisi genus repraesentationum. Hinc cogitur, vt, cum conceptus mundi sensibilis per se exstantis sibi ipse repugnet, solutio problematis de quantitate illius quoque semper falsa sit, siue aiendo illam tentaueris, siue negando.

Id quod et de altera antinomia valet, quae diuisionem attingit phaenomenorum. Haec enim solae repraesentationes sunt, partesque exstant tantummodo in repraesentatione illorum, proinde in diuisione, hoc est, in quadam possibili experientia, in qua ea proponuntur, illaque haud longius progreditur, quam quo haec pertinuerit. Sumere, phaenomenon quodpiam,

velut corporis, omnes partes ante vniuersam experientiam in se ipso continere, ad quas, cuius vmquam fieri copia queat, experientia possit pertinere, idemerit, atque mero phaenomeno, quod modo in experientia existare potest, tamen simul propriam experientiae praegressam existentiam tribuere, aut si dicas, solas adesse repraesentationes, antequam in facultate repraesentatiua inueniantur, id quod pugnat, ideoque et quaeque solutio problematis male intellecti, siue corpora per se partibus effici infinite multis adferas, aut numero partium simplicium finito.

§. 53.

In prima classe antinomiae (mathematica) falsitas functionis in eo fuit: vt, quae pugnant (velut phaenomenon qua res per se ipsa), coniungi in quodam conceptu posse, cogitaretur. Quod autem alteram attingit antinomiae classem, nempe dynamicam, falsitas functionis in eo cernitur: vt, quae coniungi possunt, quae pugnantia cogitentur, ergo, cum illic ambae adfertiones contrariae essent falsae, hic rursus eae, quae per solum errorem inuicem sibi opponantur, esse verae queant.

Nimirum coniunctione mathematica necessario ponitur similitudo eorum, quae coniuncta sunt (in conceptu quantitatis), quod quidem dinamica nullo modo postulat. Si de quantitate extensi agatur, omnes sui inuicem partes totiusque similes sint, oportebit; contra in coniunctione causae atque effecti etiam poterit similitudo deprehendi, verum ea haud est necessaria; namque conceptus causalitatis (cuius ope per aliquid ponitur quoddam prorsus diuersum) certe eam neutiquam postulat.

Quodsi obiectae res mundi sensibilis pro rebus caperentur per se ipsis, legesque physicae, quas supra diximus, pro legibus rerum per se ipsarum, repugnantia non posset vitari. Pariter, si subiectum libertatis, quemadmodum caeterae res obiectae, qua sola phaeno-

mena repraesentaretur, itidem haud posset repugnantia vitari, si quidem idem de eadem re obiecta eodem sensu simul adfirmaretur, et negaretur. Quodsi autem necessitas physica ad sola referatur phaenomena, libertasque modo ad res per se ipsas, nulla existet repugnantia, etiamsi vtrumque effectiōnis causarum genus accipias vel concedas, vtrumque difficile fuerit aut impossibile hanc posteriorem demonstrari.

In phaenomeno quodque effectum euentum est, siue aliquid, quod fit in tempore; ante illud, ex vniuersalibus legibus physicis praegredi debet determinatio effectiōnis causae illius (status eius), quam illud sequitur ex lege sempiterna. Verum haec determinatio causae ad effectiōnem quiddam etiam esse debet, quod eueniat siue fiat; causam, necesse est, incepisse agere; neque enim alias inter illam et effectum nulla posset cogitari successio. Effectum semper fuisset, sicut causae effectio. Ergo in phaenomenis etiam, oportebit, de terminationem causae ad efficiendum, ortam esse, ideoque perinde, atque effectum illius, euentum esse, quae rursus debeat causam habere, et sic porro, et proinde necessitatem physicam esse conditionem, qua causae efficientes determinentur. Contra ea vero si libertas esse debeat proprietas certarum quarumdam causarum phaenomenorum, necesse est, vt, cum his comparata, quae euentis, in facultate cernatur, ea sponte incipiendi, hoc est, ita, vt effectiōni causae haud ipsi incipiendum foret, ideoque nullius alius causae initium determinantis indigeret. Tum autem, necesse foret, causam, quoad effectiōnem suam, non fuisse determinationibus chronicis sui status, hoc est, nullum prorsus phaenomenon esse, hoc est, illud, quae rem per se ipsam, sed effecta sola qua phaenomena accipi debere. *) Si eiusmo-

*) Idea libertatis obtinet solummodo in relatione intellectualis, qua causae, ad phaenomenon, quae effectum. Itaque materiae ratione actionis illius perpetuae, quae spatium complet, non possumus libertatem attribuere, quamuis haec actio fiat ex principio quodam interno. Aequè minus naturis puris

di vis contagioque naturarum intellectualium in phaenomenis sine repugnantia possit cogitari, vniuersae quidem coniunctione causae effectiue in mundo sensibili necessitas physica adhaerebit, contra ea vero illi causae, quae ipsa haud phaenomenon est (quamuis ei fundamento sublit), libertas concedi potest, proinde natura et libertas vni eidemque rei, sed diuerso respectu, primo qua phaenomeno, deinde qua rei per se ipsi, sine repugnantia attribui.

Facultatem in nobis habemus, quae non solum cum rationibus suis subiectiue determinantibus, quae causae physicae sunt actionum illius, in coniunctione versatur, atque eatenus facultas naturae est, quae ipsa pertinet ad phaenomena, verum etiam ad rationes obiectiuas, quae merae ideae sunt, refertur, quatenus hanc facultatem queant determinare, quae coniunctio verbo *debere* exprimitur. Haec facultas vocatur *ratio*, et quatenus naturam quamdam (hominem) ex sola hac ratione obiectiue determinabili consideremus, non poterit qua natura sensitiua spectari, verum illa proprietas cernitur in proprietate rei per se ipsius, cuius possibilitas, quomodo nimirum istud *debere*, quod tamen nunquam factum est, actionem eius determinet, causaque esse actionum possit, cuius effectum sit phaenomenon, nullo modo possumus comprehendere. Interim tamen

rationalibus, verbi gratia deo, quatenus eius actio immanens sit, nullum possumus libertatis conceptum consentaneum inuenire. Eius enim actio, vt libera ab omni causa externa determinante, tamen est in ratione eius aeterna, proinde in natura diuina, determinata. Tum demum, si per actionem aliquid debeat *incipere*, proinde effectum in serie temporis, ergo in mundo sensibili, deprehendi debeat (velut initium mundi), quaestio oritur: an ipsa causae effectio etiam possit incipere, neque ipsa eius effectio incipiatur? Si prius fuerit, conceptus huiusce effectiois conceptus est necessitatis physicae, si posterius, libertatis. Ex quo lector intelliget, me, cum libertatem definirem euentum sponte incipiendi, accurate conceptum tetigisse, quo problema efficitur metaphysica.

rationis effectio ratione effectorum in mundo sensibili libertas foret, quatenus *rationes obiectivae*, quae ipsae ideae sunt, ratione earum spectentur vt determinantes. Earum enim actio tum non in subiectiuis, proinde nullis conditionibus chronicis, haereret, neque ideo ab lege physica penderet, quae facit ad has determinandas, quoniam argumentis rationis vniuerse, ex principiis, sine vi et contagione temporum et locorum, regula actionibus praecipitur.

Quae hoc loco attuli, faciunt modo instar exemplorum ad intellectum, neque necessario pertinent ad nostram quaestionem, quae, libere a proprietatibus, quas in mundo vero offendimus, e solis est conceptibus decidenda.

Iam sine omni pugna dicere possum: omnes actiones naturae rationisque, quatenus phaenomena sunt (in vlla quapiam experientia deprehenduntur), necessitati physicae subsunt: eadem actiones autem, solum cum subiecto ratione praedito comparatae, eiusque facultate ex sola ratione agendi, liberae videntur. Quid enim ad necessitatem physicam, requiritur? Nihil nisi ratio determinabilis cuiusque euenti mundi sensibilis, ex legibus perpetuis, proinde relatio ad causam in phaenomeno, in quo, quae fundamento subest, res ipsa per se, eiusque effectio manet ignota. Ego vero dico: *lex physica* manet, siue natura rationali ex ratione, proinde ex libertate, causa sit effectuum mundi sensibilis, siue haec haud ex causis rationalibus determinet. Namque, si prius erit, actio sit ad regulas subiectiuas, quarum effectum in phaenomeno vsquequaque legibus perpetuis consentaneum erit: si posterius, actioque haud fiat ex principiis rationis, legibus ea empiricis subiecta erit facultatis sensitivae, atque in vtraque causa, effecta ad leges perpetuas cohaerent; plus haud postulamus ad necessitatem physicam, atque etiam in ea haud plus novimus. Sed in priori causa ratio causa est harum legum physicarum, proinde libera est, in posteriori, effecta sequuntur ex solis legibus physicis facultatis sensi-

tiuae, propterea quod ratio nullam ad ea vim exerit: sed ratio haud ideo ipsa facultate sensitiua determinatur (quod fieri non potest), ideoque et in hac causa libera videtur. Ergo libertas nihil impedit legem physicam phaenomenorum, quemadmodum nec lex physica libertati officit vsus practici rationis, qui cum rebus per se ipsis, qua rationibus determinantibus, est coniunctus.

Qua igitur re libertas practica, scilicet ea, in qua rationi effectio est ex rationibus coniectiue determinantibus, seruatur, neque tamen necessitati physicae ratione eorundem effectorum, qua phaenomenorum, vel minimum derogatur. Eadem et vsui esse possunt ad illustranda ea, quae de libertate transcendentali ea-que cum necessitate physica (in eodem subiecto, sed non in vna eademque relatione sumta) coniungenda dicenda erant. Quod enim hanc spectat, quodque actionis initium naturae cuiuspiam e causis obiectiuis, ad has causas determinantes relate, semper *primum initium* videtur, quamuis eadem actio in serie phaenomenorum tantummodo *initium sit subalternum*, quod status causae antecedere debeat, qui eam determinet, ipseque ab alio antegresso determinetur: ita, vt in naturis ratione instructis, aut omnino naturis, quatenus earum effectio in iis qua rebus per se ipsis determinetur, nec propterea in pugnam incurrat cum legibus physicis, facultas cogitari queat, seriem statuum sponte incipiendi. Namque relatio actionis ad rationes obiectiuas nulla est relatio chronica: hic id, quo effectio determinatur, tempore haud praecedat actioni, quoniam eiusmodi rationes determinantes non adfectiones rerum ad sensus designant, proinde haud ad causas in phaenomeno, sed causas determinantes, qua res per se ipsas, quae non subsint determinationibus chronicis. Sic actio ratione effectiois rationis qua *primum initium*, respectu seriei phaenomenorum, sed tamen simul qua *initium* mere subordinatum poterit spectari, sineque repugnantia illo respectu qua libera, in hac (cum merum phaenomenon est) qua necessitati physicae subiecta considerari.

Quod *quartam* attingit antinomiam, ea similiter tollitur, atque pugna rationis secum ipsius in tertia. Etenim, si *causa in phaenomeno*, duntaxat a *causa phaenomenorum*, quatenus qua *res* potest *per se ipsa* spectari, distinguatur, ambae enunciationes possunt commode consistere, nempe, nullam omnino mundi sensibilis causam (ex similibus effectiois causarum legibus), cuius existentia absolute necessaria sit, locum habere, itemque ex altera parte, hunc mundum nihilominus cum natura necessaria utpote causa sua (sed generis alius aliaque ex lege) coniunctum esse; quae duae quidem enunciationes quare nequeant inuicem conciliari, causa in errore inest, quo quae de solis phaenomenis valent, ad res per se ipsas extenduntur, omninoque vtraque in vno conceptu confunduntur.

§. 54.

Haec igitur expositio est solutioque antinomiae vniuersae, in quam ratio se in adhibendis principiis suis ad mundum sensibilem videt irretitam, quarumque illa (sola expositio atque ostensio) vel sola iam praeclare de cognitione humanae rationis mereret, etiamsi solutio huiusce antinomiae lectori, cui hic cum naturali quadam specie colluctanda est, illi modo nuperrime qua talis ostensa, posteaquam huc vsque eam semper veram putasset, eo nondum penitus satisfaceret. Quoniam autem nullo modo fieri potest, ut quis ex hac pugna rationis secum ipsa sese queat expedire, donec res obiectas mundi sensibilis pro rebus per se ipsis accipiat, neque pro eo, quod reapse sunt, nempe pro meris phaenomenis, fieri non potest, quin eo lector cogatur, ut vniuersae cognitionis nostrae ex anticipatione deductionem, eiusque, quam exhibui, deductionis explorationem denuo instituat, quo ea de re possit sententiam ferre. Neque in praesentia plus postulo; si enim in hac occupatione satis profunde demum naturam rationis purae cogitatione complexus fuerit, conceptus, quibus solis efficitur, ut solutio antinomiae rationis fieri possit, ei iam erunt consueti, quod nisi fiat, haud

potero vel ab ipso attentissimo lectore plenum adfensum expectare.

§. 55.

IDEA THEOLOGICA.

(Crit. rat. pur. p. 394. seq.)

Tertia transcendentalis idea, quae vsui rationis longe grauissimo, sed, si solum contemplatiue tractetur, transcendentis, eoque ipso dialectico, materiam praebet, ideale est rationis purae. Cum ratio hoc loco non, ut in psychologica idea et cosmologica, ab experientia proficiscatur; augendisque rationibus, quantum fieri possit, ad vniuersitatem absolutam seriei tendere conetur, sed penitus abruptat, atque ex meris conceptibus ab eo, quod vniuersitatem absolutam rei cuiuspiam vniuerse efficeret; proinde per ideam auctoris primi summe perfecti ad determinationem possibilitatis, proinde et existentiae aliarum rerum omnium, descendat; sola hic sumtio naturae, quae, quamquam haud in serie experientiae, tamen in gratiam experientiae, propter rationem coniunctionis et ordinis, huiusque unitatis comprehensibilem, cogitatur; id est, *idea*, facilius, quam in superioribus casibus, discerni potest. Idcirco species dialectica, inde oriunda, quod conditiones cogitationis nostrae subiectiuas pro conditionibus accipimus obiectivis rerum ipsarum, et hypothesein ad rationem nostram explendam necessariam pro dogmate, facile hoc loco sub adspectum subiici, nec proinde quidquam amplius de arrogantia theologiae transcendentalis monendum videtur, quum, quae critica ea de re tractat, facilia et perspicua sint ad diiudicandumque idonea.

ANIMADVERSIÓ VNIVERSALIS

AD IDEAS TRANSCENDENTALES.

Res, quae nobis per experientiam proponuntur, vario nobis respectu sunt incomprehensibiles, multaeque quaestiones possunt, ad quas naturae lege ducimur, si ad certum quoddam fastigium, sed legibus istis semper conuenienter, prouehantur, omnino haud solui, veluti vnde se inuicem attrahant materiae. Verum, si naturam penitus relinquamus, aut in progressu coniunctionis illius vniuersam, quae potest esse, experientiam transcendamus, proinde in solis nos ideis abdamus, tum non possumus dicere, rem nobis obiectam incomprehensibilem esse, naturamque rerum nobis insolubiles quaestiones proponere; tum enim haud de natura agimus aut vniuerse de rebus oblatis, sed de meris conceptibus, quorum origo solum in nostra ratione est, de solisque entibus rationis, quorum respectu, quae ex conceptu illius oriri debent, quaestiones omnes expediiri possunt, quoniam ratio de sua ipsius methodo plenam sane rationem et potest reddere et debet.* Cum ideae psychologicae, cosmologicae et theologiae in meris conceptibus rationalibus versentur puris, quae in

*) Celeberrimus Platnerus in Aphorismis §. 728. 729. proinde acute „si ratio, inquit, criterium sit, nullus poterit conceptus esse, qui humanae rationi incomprehensibilis videatur. — In eo solo, quod exstat, locum habet ratio incomprehensibilis. Hic incomprehensibilitas ex imperfectione existit idearum partiarum.“ Igitur duntaxat sonat admirabile contraque omnium opinionem, neque caeteroquin est dictu alienum, in natura rerum multa non posse a nobis comprehendere, veluti facultas procreandi, quod si vero altius adscendamus, ipsamque transeamus naturam, a nobis tunc omnia comprehendere; tum enim prorsus res relinquimus, quae nobis possunt proponi, in solisque versamur ideis, in quibus, quam per eas intelligentiae ratio praecipit ad experientiam adhibendae, legem facile possumus comprehendere, propterea quod ea in ipsis est rationis effectus.

nulla possint experientia proponi, quaestiones, quas ratio respectu earum nobis proponit, haud per res obiectas, sed per solas regulas rationis subiectiuas, ad eam ipsam explendam, nobis propositae videntur, ad cunctasque, necesse est, posse responderi, quod etiam eo efficitur, ut eas esse decreta monstremus, quibus usus intelligentiae ad perpetuam et conuenientiam perducat, et perfectionem, et unitatem syntheticam, atque eatenus ad solam experientiam, sed in *toto* illius, ea valere. Quamuis autem absolutum experientiae totum esse nequeat, tamen idea totius cuiuspiam cognitionis ex principiis omnino in eo versatur, quod illi solum peculiarem unitatis speciem, nempe systematicam, comparare potest, sine qua cognitio nostra manca est imperfectaque, et ad finem summum (qui non nisi in omnium finium systemate cernitur) non potest adhiberi; sed hoc loco non solum finem practicum intelligo, verum etiam finem summum usus contemplatiui rationis.

Quocirca ideis transcendentalibus proprius rationis finis effertur, nimirum tamquam principii unitatis systematicae usus intelligentiae. Quodsi autem hanc unitatem cognitionis eam putaueris, quae rei cognitioni subiectae adhaereat, si, quae proprie vereque *regulatiua* est, pro *constitutiua* acceperis, tibi que persuasus fueris, his ideis notitiam posse ultra omnem, quae esse possit, experientiam, proinde modo transcendente, dilatari atque amplificari, cum tamen soli inseruiat experientiae ad vniuersitatem, quantum fieri possit, propius admouendae, id est, ut progressus illius nulla re circumscribatur, quae nequeat ad experientiam pertinere, id merus error est in fine proprio rationis nostrae diiudicando, decretisque illius, et dialectica, quae partim usum rationis empiricum confundit, partim rationem contra se ipsam excitat.

CONCLUSIO

DE DETERMINATIONE RATIONIS PURAE.

§. 57.

Ex iis, quae supra maxime perspicue dilucideque disputauimus, absurdum foret, si vllius rei cuiuspiam obiectae quidquam pluris nos cognituros speraremus, quam quod ad eius possibilem experientiam pertinet, aut vel minimam vllius rei cuiuspiam, quam experientiae, quae possit esse, haud subiectam sumimus, cognitionem nobis arrogaremus, qualisque per se ipsa sit, determinare vellemus; quibus enim adiumentis eam determinationem efficiemus, cum temporis spatiique et omnium conceptuum intellectualium, multo magis autem conceptum per visionem empiricam, *perceptionem*ue in mundo sensibili effectorum, nullus alius vsus sit, nec esse possit, quam vt iis esse queat experientia, quam si a conceptibus puris intelligentiae conditionem seiunxerimus, tum illi nullam prorsus rem obiectam determinare queant, nullamque omnino vim virtutemque habere.

Contra ea vero multo foret absurdius, si nullas prorsus res per se ipsas concedere, nostramue experientiam pro vno illo, qui esse possit, rerum cognoscendarum modo, proinde nostram in tempore spatioque visionem pro visione vnice possibili, nostramque intelligentiam discursiuam pro prototypo cuiuscumque, quae esse possit, intelligentiae vendere velimus, proinde principia possibilitatis experientiae pro conditionibus vniuersalibus rerum per se ipsarum reputare.

Quocirca principia nostra, quae vsum rationis ad solam experientiam possibilem adstringunt, ipsa possent *transcendentia* fieri, carceresque rationis nostrae pro carceribus possibilitatis rerum ipsarum declarari, cuius rei exemplo esse possunt *Humii* dialogi, nisi critica diligens terminos rationis nostrae etiam respectu vsus illius empirici, custodiret, eiusque arrogantiae fines terminosque poneret. Scepticismus originarie ex metaphy-

fica eiusque dialectica omni politia vacua exortus videtur. Initio quidem in gratiam vsus rationis empirici, quae hunc superant, vniuersa poterat vana et fallacia declarare, sed pedetentim, cum intelligerent, eadem adhucdum decreta esse ex anticipatione, quibus nosmet vtamur in experientia, quae sensim paulatimque, atque, vt videbatur, eodem iure longius progredierentur, quam quo experientia pertineret, coeptum est, de ipsis decretis empiricis dubitari. Quod quidem, non est, quod metuamus; si quidem intelligentia communis in eo semper sua iura obtinebit, verum singularis inde orta confusio scientiae, quae non potest determinare, quantum et quare modo eo vsque neque vterius rationi credendum videatur, sed huic confusioni tantummodo solemniter atque ex decretis ducta determinatione vsus rationis nostrae mederi potest, omnique relapsui in posterum tempus praecaueri.

Verum est, nos non posse vltra omnem, quae esse possit, experientiam illius, quid res per se ipsae sint, determinatum conceptum ostendere. Neque tamen omnino supersedere possumus illius quaestione, ab eaque nobis prorsus temperare; namque experientia numquam facit rationi satis; in expediendis ea quaestionibus nos semper vterius remittit, nosque respectu plenioris earum enodationis finit inexpletos, vt quisque istud ex dialectica rationis, cuius propterea causa subiectiua est, satis poterit intelligere. Ecquis ferro poterit ac sustinere, nos de natura animae nostrae vsque ad claram subiecti conscientiam persuasionemque peruenire, phaenomena non posse ad *materialismi* rationem explicare, neque quaerat, quid anima proprie sit, et, si nullus conceptus empiricus ad id idoneus videatur, conceptum quemdam rationalem (naturae simplicis cuiuspiam materialis) ad eam rem solum sumat, quamuis realitatem eius obiectiuam nullo modo possumus euincere? Ecquis per solam cognitionem empiricam in omnibus quaestionibus cosmologicis, de duratione et quantitate mundi, de libertate aut necessitate

physica, poterit expleri, cum, quomodo cumque instituerimus, quaeque ex legibus experientiae constitutivis data responsio semper nouam quaestionem pariat, ad quam pariter debeat responderi, et quo planum sit, quam minus vniuersis explicandi modis physicis ratio queat satiari? Eccui tandem in fortuita ratione perpetua ac dependentia eorum omnium, quae ex principiis empiricis cogitauerit vel sumserit, haud in oculos incurrit, fieri non posse, vt in iis subsistat, neque, quantumuis vetitum sit, ad ideas transcendentis delabi, sese tamen sentire coactum, vt ultra omnes conceptus, quos per experientiam possit tueri, in conceptu naturae cuiusdam quietem quaerat et saturationem, cuius idea quidem per se ipsa quoad possibilitatem non potest perspicui, quamuis nec confutari, quoniam ea solum ens rationis attingit, sine qua vero rationem aeternum infatigatum manere oporteret.

Fines (in naturis extensis) semper ponunt spatium, quod extra certum quemdam locum deprehendatur, eumque includat; carceres haud indigent eiusmodi, sed solae negationes sunt, quae quantitatem adficiunt, quatenus vniuersitate absoluta videntur carere. Sed nostra ratio quasi circumquaque spatium videt cognitioni rerum per se ipsarum, quamuis numquam earum queat conceptus habere determinatos, ad solaque phaenomena adstricta videatur.

Cognitionis rationalis, quamdiu homogenea sit, nulli fines possunt ac termini certi cogitari. In mathesi et physica carceres quidem humana ratio agnoscit, sed nullos terminos ac fines, id est, videt quidem, quiddam extra se situm esse, quo numquam queat pertinere, nec vero, se ipsam in progressu interno suo uspiam absolui. Amplificatio cognitionum in mathesi, et possibilitas inuentorum nouorum tendit in infinitum; sic et patefactio nouarum proprietatum physicarum, nouarum virium legumque, continuata experientia et coniunctione earum per rationem. Sed carceres hic nihilominus sentiantur, necesse est, nam mathesis solum

spectat *phaenomena*, et quod non esse subiectum potest visioni sensitivae, velut conceptus metaphysices et philosophiae moralis, illud prorsus extra sphaeram illius positum est, neque illam eo unquam poterit ducere, quorum quidem ea quoque haud indiget. Igitur nullus progressus continuus est nec appropinquatio ad hasce partes scientiae, quasque punctum lineae attrectationis. Physica numquam interiora rerum, hoc est, ea, quae haud *phaenomena* sint, sed tamen pro summo enodandorum *phaenomenorum* esse principio queant, aperiet; nec vero hoc ad explicationes physicas opus habet; qui si aliunde illi eiusmodi offerretur (velut contagio naturarum incorporearum), tamen debet recusare, neque illud in progressum explicationum inferre, sed has semper solum in iis constituere, quae quae res subiectae sensibus ad experientiam pertinent, quarumque cum veris perceptionibus nostri fieri ex legibus empiricis contextus potest.

Sed metaphysice in periculis dialecticis rationis purae (quae haud arbitrato suscipiuntur nec temere, sed ratione ipsa naturam impellente) ducimur ad terminos, ideaeque transcendentes, eo ipso, quod iis non possumus supersedere, neque tamen unquam eae dari effectae possunt, hanc nobis utilitatem adferunt, ut non solum iis reapse termini usus puri rationis monstrantur, verum etiam, modus eorum constituendorum, idque etiam finis est atque utilitas huiusce dotis rationis nostrae, quae metaphysicam peperit, cuius procreatio, ut quaeque alia in mundo, non casui fortuito, sed furculo originario attribuenda est, ad magnos fines sapienter organice fabricato. Namque metaphysica fortasse magis, quam vlla alia scientia, per naturam ipsam, quoad primas illius lineas, nobis insita videtur, neque qua effectum potest optionis arbitrariae, aut qua amplificatio fortuita in progressu (a quibus prorsus sese diuellit) experientiarum spectari.

Ratio uniuersis suis conceptibus legibusque intelligentiae, ad usum empiricum, proinde intra mundum

sensibilem, idoneis, non potest expleri: namque quaestionibus in infinitum semper redeuntibus spes omnis illi absolutae illarum solutionis eripitur. Ideae transcendentes, quibus illa absolutio proposita est, eiusmodi rationis problemata videntur. Iam ea videt perspicue, mundo sensibili istam absolutionem haud posse contineri, proinde nec omnes conceptus illos, qui tantummodo faciunt ad intellectum illius: spatium tempusque, et vniuersa, quae purorum intelligentiae conceptuum nomine attulimus. Mundus sensibilis nihil est, nisi catena phaenomenorum ad leges vniuersales coniunctorum, qui proinde minime in sese consistit, proprieque haud res est per se ipsa, ideoque necessario refertur ad id, quod causam continet huius phaenomeni, ad naturas, quae non solum qua phaenomenon, sed qua res per se ipsae possunt cognosci. In quibus cognoscendis solis ratio sperare poterit, desiderium aliquando iri expletum vniuersitatis in progressu ab eo, quod pendet, ad eas, vnde pendet, condiciones.

Supra (§. 33. et 34.) carceres rationis indicauimus respectu vniuersae cognitionis solorum entium rationis, nunc, cum ideis transcendentalibus tamen nobis progressus vsque ad eos necessarius effectus sit, nosque quasi ad contrectationem spatii completi (experientiam) adducti simus et vacui (de quo nil quidquam scire possumus, noumena), etiam terminos possumus rationis determinare; namque in omnibus terminis etiam inest quiddam posituum (exempli gratia, superficies est terminus spatii corporei, interim tamen et ipsa spatium, linea est spatium, quod in terminis cernitur superficiei, punctum siue nota est terminus lineae, sed tamen locus in spatio), cum e contrario carceribus solae negationes contineantur. Quos in §. laudata indicauimus, carceres haud sufficiunt, posteaquam inuenimus, ultra eos aliquid (etiamsi, quid illud per se ipsum sit, numquam cognoscemus) situm esse. Nunc enim quaeritur, quomodo sese gerit ratio in hac coniunctione eorum, quam nouimus, cum iis, quae haud nouimus, nec vniquam

noscituri sumus? Hic est vera coniunctio cogniti cum prorsus incognito (quod et semper incognitum manebit), et, si praeterea incognitum ne minima ex parte quidem fieret notius — vti profecto haud sperandum videtur — tamen conceptus huiusce coniunctionis, necesse est, determinari possit, reddique dilucidus.

Igitur nobis naturam incorpoream, mundumque sensibilem, et ens summum omnium (mera noumena) cogitatione debemus informare, propterea quod ratio in his solis, tamquam rebus per se ipsis, et absolutiorem inuenit, et in quibus adquiescat, quod in deriandis phaenomenis e causis suis similibus, numquam ea potest sperare, et quoniam haec ad quiddam ab se diversum (proinde prorsus dissimile) referuntur, propterea quod phaenomenis semper res per se ipsa ponitur, et proinde indicatur, siue eam propius cognoueris, siue non.

Cum vero haec entia rationis, quid per se ipsa sint, hoc est, determinate, numquam queamus cognoscere, nihilominus ea tamen in relatione ad mundum sensibilem sumamus, cum eoque per rationem debeamus coniungere, certe tamen coniunctionem istam poterimus per eos conceptus cogitare, quibus eorum ad mundum sensibilem relatio exprimitur. Namque si ens rationis non nisi per puros intelligentiae conceptus cogitemus, ea re sane nil quidquam determinati cogitamus, proinde conceptus noster omni est significatione destitutus: quod si illud per proprietates cogitemus, a mundo sensibili depromtas, illud haud amplius ens rationis erit, sed potius vt phaenomenon cogitatur, proinde ad mundum pertinet sensibilem. Eius generis exemplo nobis positus sit conceptus entis summi.

Conceptus *deistarum* conceptus est prorsus purus rationalis, qui vero rem repraesentat, quae omnes contineat realitates, quarum tamen ne vllam quidem queat determinare, quoniam illius exemplum ex mundo sensibili depromendum foret, tum autem duntaxat in re

sensibus subiecta versarer, non vero in re prorsus dissimili, quae non posset sensibus obnoxia esse. Ei enim exempli gratia mentem tribuerem; sed nullam prorsus habeo cogitationem de mente, praeterquam de ea, quae talis sit, qualis mea est, nempe eiusmodi, cui per sensus offerendae visiones sint, quaeque in eo est, vt illas regulis subiiciat vnitatis conscientiae. Tum autem elementa cogitationis meae semper in phaenomeno inessent; sed ea ipsa ratione phaenomenorum haud idonea cogerer vltra illa ad conceptum naturae transire, quae nullo modo a phaenomenis pendeat, aut cum iis, qua conditionibus determinationis suae complexum videatur. Quodsi autem a facultate sensitiva intelligentiam separem ac seiungam, vt potiar intelligentia pura; nihil relinquetur praeter solam cogitationis formam sine visione, qua sola nihil quidquam determinati potero, ergo nullam rem obiectam, cognoscere. Hunc in finem alia mens intelligentiaque mihi foret cogitanda, quae res obiectas videret atque intueretur, cuius autem ne minimum quidem conceptum habeo, si quidem humana intelligentia est discursiua, quae ideoque solis potest conceptibus vniuersalibus cognoscere. Id ipsum quoque mihi vsu venit, si enti summo tribuam voluntatem; namque hunc conceptum habeo tantummodo, ductum ab experientia mea interna, cui vero, quod a rebus obiectis, quarum existentia indigemus, vt contentus sim, pendet, et proinde facultas sensitiva fundamento subest, id quod cum conceptu entis summi prorsus pugnat.

Huius dubia, contra deismum prolata, infirma sunt, neque quidquam attingunt amplius, quam argumenta, numquam ipsam adsertionis deisticae enunciationem. Verum respectu theismi, accuratiori determinatione conceptus nostri ibi solum transcendentis de ente summo conficiendi, perquam firma et valida videntur, et, pro eo ac conceptus iste formetur, in certis quibusdam (reapse, omnibus consuetis) causis haud refellenda. Vsque vrget *Huius*: solo conceptu naturae primae, cui nulla alia nisi ontologica praedicata

(aeternitatem, omnipraesentiam, omnipotentiam) attribuamus, nos reuera nihil quidquam determinati certique cogitare, sed accedere proprietates debere, quae vicem possint conceptus cuiuspiam in singulo sustinere: haud satis esse, dicere: illam esse causam, sed docendum videri, quomodo eius effectio comparata sit, fere per intelligentiam ac voluntatem; ibique primi sunt eius impetus in rem ipsam, scilicet theismum, cum antea tantummodo argumenta impugnasset deismi, unde haud ita magnum periculum enascitur. Argumenta eius periculosa cuncta attingunt anthropomorphismum, quem non putat a theismo posse diuelli, eumque in se ipso reddere pugnantem, illo autem omisso et hunc tolli, nihilque praeter deismum relinqui, quo non uti possimus, quique nullis prorsus esse fundamentis queat et religionis et morum. Quodsi certum foret, hoc non posse anthropomorphismum euitari, argumentis pro existentia entis summi, quibus illis cumque vniuersis concessis; conceptum huiusce entis numquam posse a nobis determinari, nisi in repugnantias nosmet sentiamus irretitos.

Quodsi cum interdicto, ut omnia iudicia transcendentia vitemus rationis purae, cum praecepto illi ad speciem contrario, ut ad conceptus, qui extra campum sunt vsus immanentis (empirici) progrediamur, coniungimus, intelligemus, vtrumque posse simul consistere, sed in ipso termino vniuersi liciti vsus rationis; hic enim terminus pariter ad campum pertinet experientiae, quam entium rationis, eoque simul edocemur, quomodo ideae illae tam notatu dignae solummodo inferuiant determinationi rationis humanae, nempe, partim ne cognitio empirica infinite extendatur, ita, ut nihil omnino praeter mundum nobis cognoscendum relinquatur, partim tamen ne ultra terminos experientiae transeamus, deque rebus extra illos, qua rebus per se ipsis, velimus iudicare.

Sed manemus in hisce terminis, si iudicium nostrum duntaxat ad relationem adstringamus, quam mun-

us habere ad naturam poterit, cuius ipse conceptus extra omnem positus est cognitionem, cuius nos intra mundum sumus capaces. Tum enim enti summo nullam proprietatem *per se ipsarum* attribuimus, quibus nobis res experientiae subiectas cogitatione depingimus, eoque anthropomorphismum *dogmaticum* euitamus, nihilominus eas tamen relationi illius ad mundum attribuimus; nobisque anthropomorphismum concedimus *symbolicum*, qui re vera tantummodo orationem spectat, non ipsam rem ei obnoxiam.

Si dico: cogimur mundum spectare, *quasi* opus sit intelligentiae summae voluntatisque; nihil quidquam amplius dico, quam: quemadmodum adfectum est horologium, naus, legio, ad artificem, ad architectum, ad imperatorem, ita etiam mundus sensibilis (siue cuncta ea, quae stamina huiusce phaenomenorum complexus efficiunt) sese habet ad illud ignotum, quod proinde hac re non quidem pro eo, quod in se ipsum est, verumtamen pro eo, quod mihi est, nempe respectu mundi, cuius equidem pars sum, cognosco.

§. 58.

Eiusmodi cognitio est *ex analogia*, quae haud fere, uti plerumque hoc vocabulum accipitur, similitudinem duarum rerum imperfectam, sed similitudinem perfectam duarum relationum denotat in rebus prorsus dissimilibus. *) Ope huius analogiae conceptus relinquitur

*) Sic analogia est inter relationem iuridicam actionum humanarum, et relationem mechanicam virium motricium: nihil quidquam agere erga alium possum, nisi illi ius concedam, iisdem conditionibus idem erga meum agendi; perinde ac nullum corpus vi motrice sua in aliud corpus potest efficere, neque impedire queat, quominus illud tantumdem reagat. Hic ius et vires motrices sunt res prorsus dissimiles, sed in relatione earum perfecta similitudo est. Per hanc ergo analogiam conceptum relatiuum suppeditare possum rerum, simpliciter mihi absoluteque ignotarum. Exempli gratia: quomodo adfecta est promotio salutis liberorum = a, ad amorem parentum = b, ita et salus humani ge-

nobis satis determinatus entis summi, quamuis omiſſis vniuerſis, quibus absolute poſſet et *in ſe ipſe determinari*; namque determinamus eum habito reſpectu ad mundum, ideoque ad nos, neque nobis plus opus videtur. Impetus, quos *Humi*us facit in eos, qui hunc conceptum volunt absolute determinare, dum materias illius ab ſe iſſis mundoque depromunt, nos non feriunt; neque nobis poteſt obſistere, nihil quidquam nobis relinqui, nobis anthropomorphismo obiectiuo de conceptu entis ſummi demito.

Etenim ſi modo initio (quod etiam facit *Humi*us ſub perſona Philonis aduerſus Cleanthem in dialogis) nobis, tamquam hypotheſis neceſſaria, conceptus naturae primae *deiſticus* concedatur, quo ens originarium meris praedicatis ontologicis ſubſtantiae, cauſae et ſimilibus, cogitatur (*quod faciendum eſt*, quoniam ratio in mundo ſenſibili meris conditionibus, itidem rursus adſtrictis, agitata, alias non expleri poterit, et *quod initio commode fieri poterit*, neque in anthropomorphismum cadamus, qui praedicata e mundo ſenſibili depromta ad naturam transfert a mundo diuerſam, ſi quidem praedicata illa ſolis in categoriis verſantur, quae nullum quidem determinatum conceptum, neque tamen ad conditiones ſenſus adſtrictum efficiunt): nos nihil poterit impedire, quo minus de natura ea *effectionem per rationem* praedicemus, atque ita ad theiſmum transgrediamur, neque tamen coactos, ei hanc rationem per ſe ipli, tamquam proprietatem adhaerentem, attribuamus. Quod enim *prius* attinet, vna, quae eſſe poterit, via eſt, qua uſus rationis poſſit, reſpectu vniuerſae poſſibilis experientiae, in mundo ſenſibili perpetuo ſibi ipli

neris = c. ad ignotum illud in deo = x, quod vocamus amorem; non quaſi minimam ſimilitudinem cuiuſpiam vllius propenſionis humanae haberet, ſed, quoniam relationem eius ad mundum illi poſſumus ſimilem ponere, quae rebus in mundo inter ſe inuicem videtur. Sed conceptus relatiuus hoc loco cernitur in mera categoria, nempe conceptus cauſae, cui nihil negotii eſt cum facultate ſenſitiua.

consentaneae ad summum fastigium perducī, ipsa rursus ratione summa tamquam causa omnis in mundo coniunctionis sumpta: eiusmodi principium ei perpetuo vtilem esse, necesse est, sed illi numquam poterit in vilo vsu suo physico nocere; *deinde* vero eo tamen ratio non velut proprietas ad ens originarium per se ipsum transfertur, sed modo *ad relationem* eius ad mundum sensibilem, et proinde anthropomorphismus prorsus euitatur. Namque hic duntaxat *causa* formae rationalis, quae vbique in mundo deprehenditur, consideratur, summaeque naturae, quatenus causam huius formae rationalis mundi continet, ratio quidem attribuitur, verum tantummodo secundum analogiam, hoc est, quatenus hoc vocabulo duntaxat indicetur relatio, quam ad mundum habet causa suprema nobis ignota, vt in eo vniuersa possit rationi conuenienter constituere. Quo quidem cauetur, ne proprietate rationis vtamur, ad deum, sed ad mundum per eam ita cogitandum, vt necessarium est, quo, quantus fieri poterit, maximum rationis vsum respectu huius ex quodam principio habeamus. Quo quidem confitemur: ens summum pro eo, quod per se ipsum sit, prorsus nobis imperscrutabile *certoque ac determinato modo* adeo incogitabile esse, eoque arcemur, ne conceptuum nostrorum, quos de ratione tamquam causa efficiente (per voluntatem) habemus, vsum faciamus transcendentem, vt naturam divinam per proprietates determinemus, ab sola natura humana desumtas, nosque in crassos fanaticosque conceptus demergamus, contra ea vero contemplationem mundi, ex conceptibus nostris ab ratione humana ad deum transferentibus, explicandi modis hyperphysicis inundemus, a fine proprie illi constituto demoueamus, ex quo in studio solius naturae per rationem debet, neque in temeraria phaenomenorum illius ab ratione summa quadam versari. Nostris viribus imbecillis conueniens oratio erit: mundum nosmet cogitare, *quasi* ab ratione quadam summa quoad et existentiam et determinationem internam descendat, quo partim naturam, quae mundo ipsi competat, cognoscamus, ne-

que tamen nobis tantum arrogemus, ut eum secundum causam illius per se ipsam velimus constituere, partim vero *in relationem* causae supremae ad mundum causam huiusce naturae (formae rationalis in mundo) indamus, neque mundum per se ipsum inueniamus idoneum. *)

Tali modo difficultates euanescent, quae aduersari theismo videntur, eo quidem: ut cum decreto *Humii* usum rationis haud ultra campum vniuersae possibilis experientiae dogmatice extendendi, aliud principium coniungatur, ab *Humio* prorsus neglectum, nimirum: ne campum experientiae possibilis consideremus, tanquam eum, qui in adspectu rationis se ipsum determinet. Critica hic veram designat viam mediam inter dogmatismum, quem *Humius* impugnauit, et scepticismum, quem contra voluit introducere, quae quidem via haud instar aliarum viarum mediarum est, quae quasi mechanice (quiddam de hac, quiddam de illa) ad nosmet ipsos determinandos suadentur, quibusque nemo homo meliora edocetur, sed ea, quae ex principiiis possit accurate determinari.

§. 59.

Initio huiusce animaduersionis imagine usus sum *terminorum* ac finium, ut carceres rationis constituerem respectu usus sui sibi conuenientis. Mundus sensibilis non nisi phaenomena continet, quae nondum sunt res per se ipsae, quippe quas posteriores (noumena) sumere cogitur, propterea quod res experientiae subiectas pro meris phaenomenis agnoscit. Vtraque in ratione

*) Dicam: effectio causae supremae respectu mundi cernitur in eo, quod ratio humana est, respectu operum artis. In quo quidem natura ipsa supremae causa manet mihi abscondita: tantummodo effectum eius notum mihi (ordinem cosmicum) eiusque cum ratione conuenientiam cum notis mihi rationis humanae effectis comparo, et illud proinde rationem voco, neque propterea idem, quod in homine per hoc vocabulum intelligo, aliudue quid mihi cognitum illi, qua proprietatem attribuo.

nostra continentur complexa, et quaeritur: quomodo se ratio componit, vt intelligentiam respectu vtriusque campi determinet? Experientia, qua, quae ad mundum sensibilem pertinent, vniuersa continentur, se ipsam haud determinat: a quouis ea ad conditionem adstricto semper modo ad aliud quid, quod aliunde pendet, praeuenit. Id, quo ea determinari debet, prorsus extra campum fit, necesse est, et hoc campus est entium purorum intelligentiae. Hic autem nobis vacuum spatium est, quatenus de determinatione agitur naturae huiusce entium intelligentiae, et eatenus, si conceptus dogmaticè determinati spectentur, non possumus campum transire possibilis experientiae. Cum autem termini ipsi aliquid posituum sint, quod tam ad ea pertinet, quae intra eos, quam ad spatium, quod est extra complexum datum, tamen vera cognitio positiua est, cuius ratio eoduntaxat particeps fit, vt se vsque ad hos terminos amplificet, ita tamen, vt ne istos transire terminos conetur, quoniam ibi spatium vacuum videt, in quo formas rerum quidem possit, sed nullas res ipsas cogitare. Sed *determinatio* campi experientiae eo, quod ei alias ignotum videtur, tamen cognitio, quae rationi in hac statione relinquitur, quo non intra mundum sensibilem conclusa, neque extra illum delirans, verum vt cognitioni terminorum conuenit, se solum ad relationem adstringit eorum, quae extra illum sita sunt, ad ea, quae intra continentur.

Theologia naturalis eiusmodi conceptus est in terminis rationis humanae, vbi se sentit coactam, ad ideam naturae summae (respectuque practico etiam mundi intelligibilis) prospicere, non, quo ratione huiusce solius entis intelligentiae, proinde extra mundum sensibilem, quidquam determinet, verum vt modo suum ipsius usum intra illum ex principiis moderetur (cum theoreticae tum practicae) vnitatis, quanta potest esse, maximae, ad illudque relatione eius vtatur ad rationem in sese consistentem, vtpote causam omnium coniunctionum, eo vero haud fere naturam solam effingat, sed,

cum extra mundum sensibilem necessario aliquid, quod sola intelligentia pura cogitat, deprehendi debeat, istud hoc tantummodo, quamquam sane duntaxat secundum analogiam, *determinet*.

Tali modo manet sententia nostra supra proposita, quae confectarium est critices totius: „a ratione nos „vniuersis eius principiis ex anticipatione numquid. „quam amplius edoceri, quam solas res experientiae „possibili subiectas, etiamque de iis nihil amplius, „quam quae possint in experientia cognosci;“ sed haec circumscriptio nihil impedit, quominus nos vsque ad *terminos* rationis ducat obiectiuos, nimirum ad *relationem* ad quiddam, quod ipsum experientiae haud obnoxium sit, verum tamen causa suprema esse debeat rerum omnium experientiae subiectarum, neque tamen nos quidquam de eo doceri per se ipsum, sed duntaxat respectu vsus illius proprii pleni absolutique ad summosque fines in campo possibilis experientiae. Atque haec etiam vniuersa utilitas est, quae recte in eo poterit sperari, et qua contenti esse debemus.

§. 60.

Atque ita metaphysicam, vti reuera in *naturalibus* humanae rationis *initius* data est, et quidem in iis, quae finem tractationis illius constituunt essentialem, quoad possibilitatem eius subiectiuam copiose proposuimus. Interim tamen cum inueniremus, hunc usum *solum naturalem* eiusmodi initiorum rationis nostrae, si nulla disciplina illius, quae duntaxat per criticam scientificam fieri potest, eam domet atque coërceat, in transcendentem, partim modo speciosas, partim in se inuicem adeo controuersas conclusiones *dialecticas* eam implicare, praeterea haec metaphysica argutans ad promouendam cognitionem physicam inutilis et superuacanea, quin illi adeo noxia sit, quaestio manet inuestigatione dignissima, *fines naturales* quos initia illa conceptuum transcendentalium in ratione nostra spectauerint, aperiendi, quoniam, quae in natura insunt, ne-

esse est, cuncta ad vllum quemdam finem vtilem originarie constituta videri.

Eiusmodi inuestigatio sane lubrica est: et fateor, quae ea de re dicere possim, vti vniuersa, quae fines primos spectant naturae, meras coniecturas esse, quod mihi quidem in hac sola causa liceat, cum haud valorem obiectionum iudiciorum metaphysicorum quaestio attingat, sed initia eorum naturae, ideoque extra systema metaphysices posita sit in anthropologia.

Si omnes ideas transcendentales considero, quarum summa propriam naturalis rationis purae quaestionem efficiunt, quae eam cogit, vt, sola contemplatione physica relicta, vniuersam, quae esse potest, experientiam transeat, et hoc conatu istud (siue scientia sit, siue argutatio), quod metaphysicam dicimus, conficiat, videor mihi animaduertere, ea initia natura eo spectare, vt conceptus noster a vinculis experientiae carceribusque solius contemplationis physicae eatenus liberetur, vt saltem campum coram videat apertum, tantummodo res continentem subiectas intelligentiae purae, quas nulla potest adsequi facultas sensitua, non eo quidem consilio, vt iis contemplandis occupemur (quoniam nullum solum inuenimus, in quo pedem figere queamus), verum vt principia practica constituentur, quae, nisi eiusmodi spatium inueniant expectationi suae speique necessariae, non possent ad vniuersalitatem dilatari, cuius respectu morali ratio necessario indiget.

Iam, quantulumcumque de pura et vniuersos conceptus empiricos superante natura intelligam animae humanae, ideam *psychologicam* video certe insufficientiam istorum conceptuum satis perspicue ostendere, eoque me a materialismo auocare, quippe qui ad nullam enodationem physicam idoneus conceptus psychologicus videtur, rationemque praeterea respectu practico angustans. Ita ideae *cosmologicae*, aperta vniuersae, quae esse potest, cognitionis physicae imperfectione ad rationem in iusta inuestigatione sua explendam, nobis

inferuiunt ab naturalismo, qui naturam per se vult esse idoneam, arcendis. Tandem cum vniuersa necessitas physica in mundo sensibili semper sit ad conditiones adstricta, absolutaque necessitas duntaxat in vnitatem causae cuiuspiam a sensibili mundo diuersa quaeri debeat, sed effectio eius rursus, si modo physica foret, numquam posset existentiam fortuitorum qua consequentiam suam explicare, ratio se per ideam *theologicam* a fatalismo liberat, cum caecae necessitatis physicae in ipso naturae contextu, sine principio primo, tum vero etiam in effectioe ipsa huiusce principii, ad conceptumque causae ducit per libertatem, proinde ad intelligentiam supremam. Ita ideis transcendentalibus efficitur, quamuis haud vt positue edoceamur; tamen vt impudentes campumque rationis coarctantes *materialismi*, *naturalismi* et *fatalismi* tollantur, eoque ideis moralibus extra campum contemplationis locus cedatur, id quod illa naturae initia quodammodo, opinor, enodabit.

Vtilitas practica, quae scientiae solum contemplatiuae esse fere possit, extra terminos huius scientiae posita videtur, proinde vt scholion poterit spectari, et, vti vniuersa scholia, haud tamquam pars ad ipsam scientiam pertinet. Nihilominus tamen haec relatio certe intra terminos philosophiae sita est, praesertim illius, quae ex ratione pura haurit, vbi vsus rationis contemplatiuus in metaphysica, necesse est, cum practico in philosophia morali vnitatem habeat. Quocirca, quae non potest vitari, dialectica rationis purae, in metaphysica tamquam initia naturae spectata, non solum velut species, quae solutionis indigeat, verum etiam vt *institutum naturae* ex consilio suo, si fieri possit, mereatur explicari, quamquam hoc opus velut supererogationis, a metaphysica propria non iure debet postulari.

Pro altero, sed materiae metaphysices adfini scholio, solutio quaestionum habenda foret, quae in critica rationis purae inde a p. 430. vsque ad p. 437. proponuntur. Ibi enim certa rationis principia tractantur,

quae ordinem naturae, vel potius intelligentiam, quae eius leges per experientiam quaerere debet, ex anticipatione definiunt atque constituunt. Videntur ea constitutiva esse et legislatoria respectu experientiae, cum tamen ex sola ratione existant, quae non potest, quemadmodum intelligentia, ut principium experientiae possibilis reputari. An igitur haec conuenientia in eo posita sit, ut, quemadmodum natura phaenomenis eorumve fonti, facultati sensitivae, haud per se ipsa adhaeret, sed tantummodo in relatione huius facultatis sensitivae ad intelligentiam deprehenditur, ita huic intelligentiae unitas usus sui perpetua, in gratiam vniuersae experientiae possibilis (in systemate), duntaxat cum relatione ad rationem possit competere, proinde et experientiae interuentu legislationi rationis subdit, ii perpendant, qui rationis naturam, etiam extra eius usum in metaphysica, vel in vniuersalibus principiis historiam naturalem systematice constituendi, inuestigabunt; hanc enim quaestionem in ipso libro ut grauissimam proposui quidem, nec vero eius solutionem tentavi. *)

Atque ita finem impono solutioni analyticae quaestionis principis a me ipso propositae: qui fieri vniuersae potest metaphysica? dum ab iis, in quibus illius usus vere, certe in consequentibus, datus atque oblatus est, ad rationes adscendi illius possibilitatis.

*) Per vniuersam criticam mihi fuit propositum, ut ne quidquam negligerem, quod inuestigationem naturae rationis purae posset perficere, etiamsi quantum velis profunde abditum lateret. Cuique tum, uti in libidinem venerit, licebit inuestigationem persequi, si modo, quae adhuc instituenda sint, ei indicatum fuerit; id enim ab eo aequius erit expectari, qui sibi proposuit, hunc vniuersum campum dimetiri, qui posthac aliis olim colendus diuidendusque permittatur. Atque eo item duo illa scholia spectant, quae proinde per ieiunitatem difficulter gratiam captauerint eorum, qui solam oblectationem quaerunt, ideoque solis peritis rerum earum arbitris proposita sunt.

S O L U T I O

QUAESTIONIS VNIVERSALIS PROLEGOMENORUM

QUI FIERI METAPHYSICA POTEST QUAE SCIENTIA?

Metaphysica, qua initia physica rationis spectata, exstat, sed per se sola (vti solutione analytica quaestionis principis tertiae probatum est) dialectica est et fallax. Si igitur ex hac principia velis depromere, in eorumque vsu naturalem quidem speciem, sed nihilominus falsam sequi, numquam poteris scientiam efficere, sed vanam tantummodo artem dialecticam, qua scholam schola superat, nulla vero vnquam iustum potest et durabilem ad sensum sibi comparare.

Vt ea igitur qua scientia non solum possit persuasionem fallacem, sed perspicientiam ad sensumque firmitatem postulare, criticam rationis ipsam oportet vniuersam conceptuum ex anticipatione copiam, eorumque ex variis fontibus, facultate sensitiua, intelligentiaque et ratione, porro integram eorum tabulam, omniumque conceptuum eorum analysin, vniuersaque, quae inde possunt concludi, in iis autem potissimum possibilitatem cognitionis syntheticae ex anticipatione, per deductionem horum conceptuum, principiaque vsus illorum, tandem etiam illius terminos, cuncta vero in systemate perfecto proponere. Ergo critica, eaque sola vniuersam probe examinatam probatamque formam continet, atque adeo adiumenta omnia eius perficiendae, qua metaphysica possit qua scientia confici; aliis viis et adminiculis fieri ea non potest. Igitur hoc loco non tam quaeritur, quomodo istud opus fieri queat, quam tantummodo, quomodo debeat institui, bonaque ingenia a peruersa ista sterilique, quae huc vsque fuit, tractatione ad certam possint atque infallibilem adduci, et quomodo eiusmodi coniunctio ad finem communem queat facillime dirigi.

Tantum certum est: qui semel criticam delibauit, eum taedet semper nugarum dogmaticarum, in quibus antea coactus acquieuerat, quoniam ratio sua quidpiam opus habebat, neque tamen melius quidquam poterat inuenire. Critica ad consuetam scholarum metaphysicam itidem adfecta est, atque *chemia* ad *alchemiam*, aut *astronomia* ad *astrologiam* diuinantem. Equidem fidem do, neminem, qui principia critices vel in hisce modo prolegomenis rite perpenderit et comprehenderit, umquam fore ad istam veterem sophisticamque scientiam putatitiam reuersurum; certa potius quadam animi laetitia ad metaphysicam prospiciet, quae nunc sane quidem penes se est, nullisque amplius opus habet patefactis praeparantibus, quaeque primum potest rationem explere. Quam quidem praestantiam omnium, quae esse possunt, artium sola potest metaphysica fidenter expectare, nempe, se ad perfectionem duci posse statumque constantem, quo nulla amplius mutatione opus habeat, nulliusque per inuenta noua incrementi amplius capax videatur; si quidem ratio hic fontes cognitionis non in rebus obiectis earumque visione (quibus haud vltius poterit plura edoceri) verum in se ipsa habet, et, si leges constitutiuas facultatis suae plenas contraque omnem calumniam determinatas proposuerit, nihil relinquitur, quod ratio pura ex anticipatione possit cognoscere, quin iure quaerere. Certa expectatio indubitataque eiusmodi scientiae tam determinatae et confectae peculiare quoddam in se continet inuitamentum, quamuis omnis vtilitas (de qua postea adhuc dicam) in medio relinquatur.

Quaeque ars falsa, quae vana sapientia suum tempus perdurat; tandem enim se ipsam euertit, summaque illius cultura simul tempus est illius interitus. Tempus hocce ratione metaphysices iam adesse, status planum facit, in quem, quamuis omni, quo artes omnis generis tractantur, studio exulta est, in vniuersis doctis populis delapsa videtur. Vetus studiorum academicorum constitutio adhuc umbram suam seruat, vna

scientiarum academia propositis praemiis subinde excitat, ad vnum alterumue periculum in ea faciendum, verum in artibus doctis haud amplius ea numeratur, et quisque ipse iudicet, quomodo vir pollens ingenio atque acumine, quem magnum dixeris metaphysicum, hanc laudem excepturus sit, a bono quidem animo profectam, sed vix ab ullo quodam inuisam.

Quamquam sine dubio tempus adest interitus vniuersae metaphysices dogmaticae, tamen permulta adhuc desunt, ut dici queat, tempus illius instaurandae per doctam perfectamque rationis criticam iam venisse. Omnes transitiones ab vna propensione ad alteram ei contrariam per statum sunt aequabilitatis, et hoc tempus scriptori periculosissimum est, sed faustissimum, opinor, scientiae. Nam cum facta discissione tota coniunctionum pristinorum studium partium extabuit, tum mentes maxime aptae sunt, ad conditiones coniunctionis secundum aliam formam paulatim audiendas.

Si dico, memet sperare, hisce prolegomenis investigationem in campo critices fortasse excitatum iri, vniuersalique philosophiae genio, cui in parte contemplatiua deesse alimenta videntur, nouam rem multumque pollicentem, qua sustineatur, ministratum, iam ante cogitare possum: quemque, qui spinosas vias, per quas eum in critica duxi, quaeque iram illi ac taedium commouere, memet interrogaturum fore, in quo tandem eam spem posuerim? Respondeo, *in lege necessitatis, cui nulla vi potest obfist.*

Ingenium hominis inuestigationes metaphysicas aliquando prorsus missurum esse, tam minus expectari potest, quam nos, ne semper aërem impurum hauriamus, aliquando nullum prorsus spiritum ducturos fore. Quamobrem in mundo semper, et, quod maius est, in quouis, praesertim meditabundo homine, metaphysica erit, quam, deficiente norma publica, ad suum quisque ingenium formabit. Atqui, quae hucusque metaphysica appellata est, nulli homini scrutanti satisfacere

potest, nec tamen fieri potest, vt se prorsus ab ea abdicet; ergo tandem ipsa rationis purae critica *tentanda*, aut, si adsit, *examinanda* atque ad vniuersalem explorationem vocanda est, quoniam alias non habemus, quo ista indigentia queat, quae plus est, quam sola discendi cupiditas, expleri.

Ex quo criticam noui, perlecto quoque libello metaphysico, qui conceptibus determinatis, varietate rerum atque ordine faciliq̃ue tractatione me et oblectasset, et coluisset, non potui non quaerere: *anne hic scriptor metaphysicen vel unum gradum promouit?* Ignoscant, precor, docti homines, quorum scripta alio respectu mihi vsui fuerunt, ad animi vires excolendas contulere, si fateor, me nec in eorum, nec in meis qualibus illis cumque periculis potuisse reperire, iis scientiam vel minimum longius promotum fuisse, idque per causam sane minime miram, propterea quod scientia nondum exstaret, neque particulatim posset conflare, sed furculus eius antea in critica prorsus esse debeat praeformatus. Vt autem omnis calumnia euitetur, ex superioribus iuuabit meminisse, tractatione conceptuum nostrorum analytica intelligentiae profecto permagnam utilitatem adferri, sed scientiam ipsam (metaphysices) eo ne minimum quidem promoueri, quoniam illae conceptuum analyses duntaxat materiae sunt, quibus demum debeat scientia fabricari. Sic conceptum substantiae et accidentis vtrumque disseces ac determines; id sit optime in praeparationem ad vllum quempiam vsum futurum. Quodsi autem nullo modo possum probare, in vniuersis, quae sunt, substantiam esse constantem, solaeque accidentia vicissitudinem experiri, omni illa analysi scientia ne minimum quidem promouebitur. Atqui metaphysica neque hanc enunciationem, neque effatum rationis sufficientis, multo minus pronunciatum aliud magis compositum, velut aliquod, quod ad psychologiam pertineat aut cosmologiam, nullamque omnino enunciationem syntheticam ex anticipatione rite potuit probare: ergo per omnem illam analysin nihil effectum

est, nihil promotum, post tantosque strepitus concursusque scientia etiamnum eodem in loco versatur, in quo temporibus Aristotelis fuit, quamquam apparatus ad eam, si modo, quo ad cognitiones syntheticas ducamur, filum inuentum esset, sine dubio multo melius, quam olim, sunt instituti.

Quibus quidem si quis se putet offensum, hanc reprehensionem facile poterit diluere, si vel vnā modo enunciationem syntheticā, quae ad metaphysicā pertinet, in via dogmatica ex anticipatione demonstret; tum enim duntaxat, cum hoc effecerit, eum reuera scientiam promouisse concedam: etiamsi enuntiatio illa per experientiam communem satis videatur confirmata. Nullum quidquam aequius potest et moderatius postulari, et si (quod certissime futurum est) id non praestiterit, nulla sententia iustior, quam haec: metaphysicā qua scientiam huc vsque prorsus nullam existisse.

Res tamen modo duas, si euocationi pareatur, deprecari cogor: primo ludicra illa *verisimilium* et coniecturae, quae metaphysicā tam dedecent, quam geometriam: deinde et decisionem per virgulam diuinatōriam *sanioris*, quae dicitur, *intelligentiae humanae*, quae haud cuique diuinat, sed ad proprietates sese accommodat cuiusque personae.

Etenim, quod ludicra ista attinet *verisimilium*, sane nihil inueniri poterit absurdius, quam in metaphysica, quae philosophia est ex ratione pura, sententias iudiciaque in probabilitate constitui et coniectura. Vniuersa, quae ex anticipatione debent cognosci, eo ipso pro apodicticis venduntur, ideoque et ita probanda videntur. Eodem iure posses geometriam aut arithmeticā in coniecturis constituere; quod enim calculum probabilitum spectat in arithmetica, is haud probabilia continet, sed prorsus certa iudicia de gradu possibilitatis certorum casuum, sub datis conditionibus similibus, quae in summa vniuersorum casuum possibilium sine omni dubio

regulae conuenienter debent congruere, quamuis ratione cuiusque casus singuli haud satis determinata videatur. In sola physica empirica coniecturae possunt (per inductionem et analogiam) concedi, ita tamen, vt certe possibilitas eorum, quae fumo, prorsus esse certa debeat.

Cum *prouocatione ad saniozem intelligentiam humanam*, si de conceptibus decretisque sermo sit, non quatenus ratione experientiae debeant valere, sed quatenus et praeter conditiones experientiae valere dicantur, si fieri poterit, peius comparatum videtur. Quid enim est *intelligentia sana*? Est *intelligentia communis*, quatenus recte iudicat. Et quid tandem est *intelligentia communis*? Ea est facultas cognitionis vsusque regularum in singulo, quo discernatur ab *intelligentia contemplatiua*, quae in facultate cernitur cognitionis regularum in abstracto. Sic *intelligentia communis* regulam: vniuersa, quae eueniunt, esse per causam suam determinata, vix intelliget, numquam autem ita in vniuersum poterit perspicere. Quocirca exemplum poscit ex vsu atque experientia, cumque audit, hoc non aliud esse, nisi quod semper cogitauerit, cum fenestra fracta erat, aut vtensile euanuerat, decretum intelligit, illudque etiam concedit. Ergo nullus *intelligentiae communis* vsus vltior est, quam quatenus ea regulas suas (quamuis eae reapse in illo insint ex anticipatione) possit in experientia videre probatas, proinde, vt illae ex anticipatione et ab experientia libere perspiciantur, opus est *intelligentia contemplatiua*, idque situm prorsus est extra orbem finientem *intelligentiae communis*. Sed metaphysica in sola versatur cognitione ex anticipatione, et profecto malum indicium est *intelligentiae sanioris*, si ad auctorem prouocet, cui hoc loco nulla sententia competit, quemque alias fere despiciunt, praeterquam cum premi se sentiunt, neque exitum contemplationis suae possunt inuenire.

Effugium est maxime frequentatum, quo infideles solent amici communis *intelligentiae humanae* vt

(quam data occasione laudibus extollunt, plerumque autem contemnunt), cum dicunt: necesse est, quasdam enunciationes esse, quae proxime certa sint, quarumque non solum nullum argumentum adferri debeat, verum etiam nulla omnino ratio reddi, quoniam alias nullus rationum finis foret iudiciorum suorum; verum ad hocce ius suum probandum, numquam possunt (praeter effatum repugnantiae, quod vero haud idoneum est ad veritatem iudiciorum syntheticorum euincendam) aliud quidpiam indubitatum, quod proxime communi intelligentiae humanae tribui liceat, adferre, quam enunciationes mathematicas: veluti bis binis effici quaterna, inter duo puncta tantummodo lineam rectam esse, et id genus alias. Haec vero iudicia sunt, quae a iudiciis metaphysicis toto, quod aiunt, coelo abhorrent. Namque in mathesi vniuersa ea cogitando possum ipse efficere (construere), quae per conceptum tamquam possibilia cogito. Ad bina alia bina successiue addo, ipseque numerum efficio quaternum, vel mente et cogitatione ab vno puncto ad alterum varias lineas duco, et vnā modo ducere possum, in omnibus partibus suis (cum aequalibus, tum inaequalibus) sui similem. Verum ex conceptu rei cuiuspiam per totam meam cogitandi facultatem non possum conceptum elicere alius cuiuspiam, cuius existentia necessaria sit cum illa priori coniuncta, sed experientia consulenda est, et, quamuis intelligentia ex anticipatione (sed semper modo respectu habito ad experientiam possibilem) conceptum eiusmodi coniunctionis (effectiōis) subministrat, tamen illum non possum, quemadmodum conceptus matheseos, ex anticipatione, in visione proponere, et proinde eius possibilitatem ex anticipatione docere, sed hicce conceptus, cum principiis vsus sui semper, si debeat ex anticipatione valere — vti tamen in metaphysica postulatur — defensionis indiget ac deductionis suae possibilitatis, quoniam alias nescias, quousque is locum habeat, et vtrum tantummodo in experientia, an etiam extra eam, queat adhiberi. Ergo in metaphysica, vtpote scientia contemplatiua rationis pu-

rae, numquam poteris ad communem intelligentiam humanam prouocare, sed sane, si coactus fueris eam relinquere, omnique cognitione pura contemplatiua, quam semper esse scientiam, necesse est, proinde quoque ipsa te metaphysica, eiusque institutione (in certis quibusdam causis) abdicare, fidesque rationalis sola nobis possibilis, ad nostramque necessitatem etiam idonea (haud scio, an adeo magis salutaris, quam scientia ipsa) inuenitur. Tum enim facies rerum tota mutata est. Metaphysica scientia sit, necesse est, non solum in toto, verum etiam in cunctis partibus suis, alias ea nulla omnino erit; propterea quod, qua contemplatio rationis purae, nusquam alibi se poterit sustinere, nisi in cognitionibus vniuersalibus. Extra illam vero et probabilitas et sana intelligentia hominum sane possunt salutarem usum ac legitimum habere, sed secundum principia prorsus peculiaria, quorum pondus semper pendet ex adfectione ad actionem vitae.

Haec sunt, quae ad possibilitatem metaphysices qua scientiae iure mihi posse videor postulare.

A P P E N D I X

DE IIS, QUAE FIERI POSSUNT AD METAPHYSICAM QUA SCIENTIAM VERE EFFICIENDAM.

Cum viae omnes, quas huc vsque ingressi sunt, hunc finem haud videantur adsecutae, et nulla praeuia critica rationis purae numquam ferietur, mihi videor haud inique postulare, vt, quod hic ob oculos positum est, periculum accurato ac diligenti examini subiiciatur, nisi ducatur satius, ab omni sibi metaphysica temperare, quod quidem, si proposito steteris, non videtur reprehendendum. Si cursus rerum spectetur ita, vti reuera fit, non vti fieri debet, duplex iudiciorum genus erit, vnum, *quod inuestigationem antecedit*, quod in hac nostra causa vsu venire videmus, cum lector ex metaphysica sua de critica rationis purae (quae tamen possi-

bilitatem illius debet examinare) iudicat, tumque aliud porro iudicium, quod inuestigationem sequitur, cum lector consecutaria inuestigationum criticarum, quae oppido vehementer metaphysicam suam olim acceptam offenderint, aliquamdiu poterit seponere, et rationes prius examinat, vnde illa possint consecutaria deriuari. Si, quae metaphysica communis proponit, indubitato certa forent (vti fere in geometria), prior iudicandi ratio locum haberet; etenim cum certorum quorundam principiorum consecutaria comprehensis certisque veritatibus repugnant, principia illa falsa erunt, et sine vlla vltiore inuestigatione repudianda. Quodsi autem secus sit, neque metaphysica enunciationibus (syntheticis) abundet indubitato certis, et fortasse adeo copiam earum habeat, aequae speciosarum atque optimarum illarum, nihilominus in consecutariis inuicem pugnantium et controuersarum, nullam autem omnino veri notam in se certam contineat pronunciatorum proprie metaphysicorum (syntheticorum); prior iudicandi ratio non poterit locum inuenire, sed exploratio principiorum critices omne debet iudicium antecedere, quale ipsi pretium statuendum videatur.

IMMANUELIS KANTII
ELEMENTA METAPHYSICA
PHYSICÆ.

P R A E F A T I O.

Si vocabulum *naturae* solum sensu *formali* sumatur, pro principio interno eorum omnium, quae ad existentiam rei cuiuspiam pertinent, *) tot physices esse formae possunt, quot res sunt specificè diuersae, quarum suum quaeque peculiare principium internum habeat, necesse est, conditionum ad existentiam suam pertinentium. Alias autem natura et sensu *materiali* sumitur, non qua qualitas quaedam, sed qua complexus rerum omnium, quatenus *sensibus nostris subiectae*, proinde et experientiae esse possunt, quo proinde vniuersitas phaenomenorum omnium, hoc est, mundus sensibilis, intelligitur, exclusis rebus obiectis cunctis sensibus haud obnoxiiis. Natura, hoc sensu sumta, pro diuersitate sensuum nostrorum duabus partibus efficitur, quarum vna res sensibus *externis* obuias, altera res sensui *interno* subiectas complectitur, proinde duplex illius physica, et *corporum doctrina* et *animorum* esse potest, quarum illa naturam *extensam* contemplet, haec *cogitantem*.

Vnaquaeque doctrina, si *sistema* esse debeat, hoc est, totum quiddam cognitionis secundum principia ordinatum, vocatur scientia, cumque principia illa decreta esse possint vel *empiricae* notitiarum in toto quodam coniunctionis, vel *rationalis*, etiam physica, siue corporum doctrina sit, siue animorum, in physicam *historicam* et *rationalem* diuidenda foret, si modo vocabu-

*) *Essentia* cernitur in principio interno omnium eorum, quae pertinent ad possibilitatem cuiuspiam rei. Idcirco figuris geometricis (cum in conceptu earum nihil quidquam, quod exprimat existentiam, cogiteretur) tantummodo *essentia* potest attribui, non vero natura.

lo *naturae* (quoniam hoc variorum ad existentiam rerum pertinentium e principio interno derivationem notat) cognitio contextus per rationem haud necessaria efficeretur, si nomen ea physices debeat merere. Quamobrem physica melius in *doctrinam naturae historiam*, quae nihil nisi facta continet systematice ordinata (quaeque vicissim ex *physiographia*, tamquam systemate quodam classium illorum secundum similitudines, et *historia naturali*, tamquam expositione eorum in locis temporibusque variis consisteret), et in *scientiam naturae* poterit dispesci. Iam vero scientia naturae porro vel *proprie* vel *improprie* dicta foret scientia naturae; illa rem sibi propositam prorsus secundum principia tractat ex anticipatione, haec ex legibus empiricis.

Scientia *proprie* dici ea sola poterit, cuius certitudo apodictica videtur; quae duntaxat potest certitudinem empiricam continere, cognitio tantummodo *scientia* est improprie sic dicta. Illud cognitionis totum, quod systematicum est, propterea iam dici *scientia* potest, et, si coniunctio cognitionis in hoc systemate in contextu versetur rationum et consequentium, adeo *scientia rationalis*. Quodsi autem hae rationes siue principia in ea, veluti in chemia, tamen in fine empiricae sint, legesque, ex quibus facta data per rationem explicantur, solae leges empiricae videantur, nullam in se cohibent conscientiam necessitatis suae (non sunt apodictice certae), tumque totum sensu angustiori haud dignum est nomine scientiae, proinde chemia potius ars systematica foret, quam scientia, dicenda.

Igitur physica rationalis nomine scientiae tum demum digna videtur, cum leges physicae, quae in ea fundamento iacent, ex anticipatione possunt cognosci,

neque mere leges sunt empiricae. Cognitio physica prioris generis dicitur *pura*; quam posteriori loco descripsimus, cognitio rationalis *applicata* vocatur. Cum vocabulum naturae iam conceptum inuoluat legum, hic autem conceptum *necessitatis* omnium rei cuiuspiam determinationum, ad eius existentiam pertinentium, facile intelligitur, quare scientia naturae hoc nomen legitime debeat a parte *pura* deriuare, quippe quae principia continet reliquarum omnium enodationum physicarum, et sola vi huiusce partis purae propria *scientia* videatur, itemque inde planum erit, quamque physicam, ex desideriiis rationis tandem ad scientiam naturae redire debere in eaque finire, propterea quod illa legum necessitas conceptui naturae indiuidua adhaeret, et proinde ex iis, oportebit, perspiciatur; quocirca plenissima quorundam phaenomenorum e principiis chemicis explicatio numquam nobis prorsus satisfacit, si quidem eorum, tamquam fortuitarum legum, quas sola docuit experientia, nullae possunt ex anticipatione rationes adferri.

Omnis itaque, quae proprie vocatur, scientia naturae indiget partis cuiusdam *purae*, in qua certitudo apodictica, quam ratio in ea quaerit, niti queat, quaeque quoniam secundum principia sua, comparata cum iis, quae solum empirica sunt, prorsus dissimilis videtur, simul maxime e re erit, quin, pro natura rei, necessario in officio ratione methodi, vt illa pars separata, ab alteraque prorsus seiuncta, quantum fieri possit, plenissima perfectissimaque proponatur, quo, quid per se ratio valeat, atque vbi illius facultas incipiat adiumento indigere principiorum empiricorum, accurate queat determinari. Cognitio rationalis pura ex meris

conceptibus dicitur philosophia pura siue metaphysica; contra ea, quae cognitionem constituit in sola conceptuum constructione, rem obiectam proponendo in visione ex anticipatione, vocatur *matheſis*.

Scientia naturae, quae *proprie* sic dicatur, primum metaphysicam naturae ponit; namque leges, id est, principia necessitatis eorum, quae pertinent ad existentiam rei cuiuspiam, versantur in conceptu, qui non potest constitui, propterea quod existentia non potest in vlla quapiam visione ex anticipatione proponi. Quocirca propria scientia naturae requirit naturae metaphysicam. Atque haec quidem semper sola, necesse est, principia contineat, quae non empirica videantur (nam ob hanc ipsam causam nomen ea gerit metaphysices), sed ea tamen *vel* adeo sine vlla ad vllam quampiam rem experientiae subiectam relatione, proinde indeterminate respectu naturae huius illiusue rei in mundo sensibili, de legibus, quibus efficitur, vt naturae cuiuspiam vniuerſe conceptus esse queat, agere potest, tumque ea pars est *transcendentalis* metaphysices naturae; vel peculiarem naturam tractat huius illiusue generis rerum, quarum conceptus empiricus propositus est, ita tamen, vt, praeterquam quod in hoc conceptu inest, nullo alio principio ad eas cognoscendas vtamur (veluti ea conceptum materiae empiricum aut naturae cogitantis constituit, cognitionisque quaerit compagem, cuius ratio capax est hisce de rebus ex anticipatione), tumque eiusmodi scientia vocanda est metaphysica naturae, nempe corporeae naturae vel cogitantis, tunc autem ea non est vniuerſalis, sed *specialis* scientia naturae metaphysica (physica et psychologia), in qua principia illa transcendentalia ad duo illa genera rerum sensibus nostris obnoxiarum adhibentur.

Ego vero contendo, in quaque physica speciali duntaxat tantum *propriae* posse scientiae inueniri, quantum in ea *matheſeos*prehendatur. Namque, vti in superioribus docuimus, propria scientia, praesertim naturae, partem puram postulat, quae empiricae fundamento est, quaeque in cognitione posita est rerum naturalium ex anticipatione. Atqui aliquid cognoscere ex anticipatione est illud ex eius sola possibilitate cognoscere. Sed possibilitas rerum naturalium determinatarum non potest ex solis earum conceptibus cognosci; ex his enim possibilitas cogitationis (eam sibi ipsam haud repugnare) cognosci potest, non autem obiectae rei, qua rei naturalis, quae extra cogitationem (qua existans) potest proponi. Ergo vt possibilitas determinatarum rerum naturalium, proinde hae ex anticipatione cognoscantur, praeterea requiritur, vt, quae conceptui respondeat, *visio* ex anticipatione offeratur, id est, vt conceptus construatur. Atqui cognitio rationalis per constructionem conceptuum mathematica est. Ergo potest quidem philosophia pura naturae vniuerſe etiam sine mathesi esse, id est, ea, quae illa tantum inuestigat, quibus conceptus naturae vniuerſe efficitur, sed physica pura de rebus naturalibus *determinatis* (doctrina corporum et animorum) solius matheſeos interuentu esse potest, cumque in quaque physica modo tantum *propriae* scientiae inueniatur, quantum in ea inest cognitionis ex anticipatione, physica modo tantum propriae scientiae complectetur, quantum in ea possit matheſeos adhiberi.

Quamdiu ergo effectorum chemicorum materiarum in se inuicem nondum inuentus fuerit conceptus, qui possit constitui, hoc est, nulla lex appropinquantium partium et fugientium, ex quibus fere ad proportionem soliditatis et similium motus earum cum consequenti-

bus in spatio possint ex anticipatione sub adspēctum subiici ac proponi (quod quidem vñquam difficulter futurum videtur), chemia non nisi in arte poterit systematica, siue doctrina experimentalis versari, sed nūquam propria scientia fieri, quoniam principia solum empirica sunt, neque ex anticipatione possunt in visione ostendi, proinde decreta phaenomenorum chemicorum quoad eorum possibilitatem ne minimum quidem demonstrant, ad quae quippe nequeat mathesis applicari.

Multo autem longius, quam ipsa chemia, a dignitate scientiae naturalis proprie sic dictae, necesse est, psychologiam empiricam remotam manere, primo propterea, quod mathesis ad phaenomena sensus interni eorumque leges non potest adhiberi, nisi solius legis *continuitatis* in defluxu mutationum internarum rationem habeas, quod vero amplificatio cognitionis foret, quae ad eam, quam doctrinae corporum impertit mathesis, perinde fere foret adfecta, ac doctrina de proprietatibus lineae rectae ad geometriam totam. Namque pura visio interna, in qua phaenomena animi construi debent, tempus est, quod vnam duntaxat dimensionem habet. Verum ne quidem qua ars analyseos systematica, aut doctrina experimentalis, ea vñquam ad chemiam propius potest accedere, quoniam in ea varia observationis internae sola cogitatione facta diuisione ab se inuicem possunt separari, nec separata recondi arbitraturque rursus coniungi, multo minus autem subiectum cogitans periculis nostris potest fini conuenienter a nobis subiici, ipsaque observatio per se iam statum obiectae rei observatae turbat, ac deformat. Igitur ea numquam poterit, nisi historica, et qua talis, quoad eius esse possit, systematica doctrina naturalis interni sensus, id est, descriptio naturalis animi fieri, non vero scientia animi, quin ne doctrina experimentalis quidem psychologica; id quod

etiam in causa est, quare titulo huiusce operis, quod proprie principia continet doctrinae corporum, recepto mori conuenienter, vfi simus nomine generalis scientiae naturalis, quoniam istud nomen sensu proprio illi solum competit, proinde ea re nulla ambiguitas creatur.

Vt autem applicatio matheseos ad doctrinam corporum, quae per eam solam esse scientia potest, fieri queat, principia *constructionis* conceptuum, quae ad possibilitatem materiae vniuerse pertinent, praemittenda videntur; idcirco plena *analysis* conceptus materiae in vniuersum constituenda erit, id quod opus est philosophiae purae, quae in hunc finem nullis peculiaribus experiētiis vtitur, sed duntaxat iis, quae in ipso conceptu separato abstractoue (quamquam in se empirico) ea deprehendit, comparatis cum visionibus puris in spatio et tempore, ex legibus, quae sunt iam continentes cum ipso conceptu naturae in vniuersum, proinde vera est *metaphysica naturae corporeae*.

Omnes philosophi naturales, qui negotium tractare vellent mathematice, idcirco semper (quamuis sui ipsius haud conscii) vfi sunt principiis mathematicis, iisque vti debuerunt, quamuis alioquin contra vniuersam metaphysices in suam scientiam contagionem sibi solemner spicerent. Sine dubio metaphysicam putabant esse opinionem possibilitatis ad libidinem excogitandi ludendique conceptibus, qui nullo pacto possunt in visione proponi, nullamque aliam realitatis suae obiectivae fidem habent, quam quod secum ipsi haud pugnare videantur. Omnis vera metaphysica ex ipsa facultatis cogitandi essentia deprompta est, neque vilo modo propterea conficta, quoniam haud ab experientia desumpta est, sed puras continet cogitationis actiones, proinde conceptus et decreta ex anticipatione, quae varia *repraesentationum empiricarum* demum legitime coniungunt,

quo fieri possit *cognitio empirica*, hoc est, experientia. Quamobrem physici illi mathematici prorsus non poterant carere principiis metaphysicis, et in his nec iis, quae conceptum rei proprie sibi propositae, scilicet materiae, ex anticipatione reddunt ad applicationem ad experientiam externam idoneum, veluti conceptus motus, completionis spatii inertiae et similium. De quibus ut decreta mere empirica concederent, iure optimo iudicarunt, certitudini apodicticae, quam legibus suis naturalibus impertire vellent, neutiquam conuenire, quocirca ea potius postularunt, neque fontes eorum ex anticipatione sunt scrutati.

Sed ad commodum scientiae partium grauissimum erit, ut principia dissimilia ab se inuicem separentur, quodque eorum ad singulare quoddam systema redigatur, ut iis in suo genere scientia efficiatur, quo incertitudo atque ambiguitas vitetur, e confusione oriunda, cum haud facile discerni queat, cuinam partim carceres, partim etiam errores, qui in vtendis iis euenerint, tribui debeant. Idcirco necessarium duxi de parte purae scientiae naturalis (physica generali), ubi constructiones metaphysicae solent cum mathematicis misceri, metaphysicas, cum iisque simul principia constructionis horum conceptuum, proinde possibilitatis ipsius physices mathematicae, in systemate proponere. Quae quidem separatio seiunctioque, praeter commodum, quod diximus, eam adferre, peculiare quoddam inuitamentum habet, quod vnitas cognitionis in se cohibet et continet, si caueamus, ne termini partium scientiae misceantur, sed campos suos occupent rite descriptos.

Quae quidem tractandi ratio porro et eo poterit laudari, quod in vniuersis, quae metaphysica vocantur, *vniuersitas absoluta* scientiae partium poterit sperari;

quod in nulla alia cognitionum forma licet expectari, proinde perinde atque in metaphysica naturae in vniuersum, ita et hoc loco vniuersitas metaphysices naturae corporeae certo potest expectari; in causa est, quod in metaphysica res obiecta tantummodo ita consideratur, vti solum ea ex legibus vniuersalibus cogitandi, in aliis scientiae partibus autem, vti ex datis visionis (tam purae, quam empiricae) proponi debet, vbi illa, quoniam res obiecta semper in ea debet cum *vniuersis* legibus cogitandi necessariis comparari, certum cognitionum numerum promat, necesse est, qui prorsus queat exhaustiri, hae autem, eo quod infinitam visionum (purarum vel empiricarum) varietatem, proinde res cogitationi subiectas subministrant, numquam possunt adsequi vniuersitatem absolutam, sed in infinitum possunt amplificari; quemadmodum mathesis pura et physica empirica. Quam quidem doctrinam corporum metaphysicam, quam illa late pateat, penitus mihi videor exhaustisse, neque eo tamen haud opus ita magnum confecisse.

Schema autem perfectionis systematis metaphysici, siue natura in vniuersum sit, siue natura corporea singularitatem, cernitur in tabula categoriarum. Neque enim plures sunt conceptus intelligentiae, quae naturam rerum possint attingere. Ad quatuor classes illas, et *quantitatis*, et *qualitatis*, et *relationis*, et denique *modalitatis*, necesse est, vniuersas determinaciones conceptus vniuersalis materiae generatim, proinde et cuncta, quae ex anticipatione de illa cogitantur, quae in constructione mathematica proponuntur, aut in experientia, vt determinata res illi obnoxia, dari poterunt, referri. Nec plus hic effici poterit, vel aperiri, aut addi, sed fere, vbi in perspicuitate doctrinaque peccatum fuerit, emendari.

Quamobrem conceptus materiae, necesse fuit, ut per omnes, quas diximus, quatuor conceptuum intellectuum functiones (quatuor capitibus) pertractaretur, quarum in quoque noua illius determinatio accessit. Determinatio constitutiuā rei cuiuspiam, quae obnoxia debet sensibus externis esse, necesse fuit, motus sit; eo enim solo pelli sensus possunt atque adfici. Ad hunc et intelligentia vniuersa materiae praedicata, quae ad eius naturam pertinent, reuocat, atque ita scientia naturalis tota aut pura est, aut applicata *motus doctrina*. Elementa scientiae naturalis *metaphysica* proinde *quatuor capitibus* sunt comprehendenda, quorum *primum* motum qua *quantum purum*, secundum compositionem illius, sine omni qualitate eius, quod moueri potest, considerat, et *phorometria* appellari potest, *alterum* eum ad rationem reuocat qua *qualitatem* materiae propriam, quae vis originarie motrix appelletur, ideoque *dynamicè* vocatur, *tertium* materiam contemplatur cum hac qualitate per proprium motum in *relatione* ad se inuicem, et nomine *mechanices* insignitur, *quartum* vero denique motum illius proponit quietemue solum in relatione ad modum repraesentandi, siue *modalitatem*, proinde qua phaenomenon sensuum externorum determinatum, diciturque *phaenomenologia*.

Praeter internam illam necessitatem, alia ratio externa adest, quamquam modo fortuita, sed nihilominus tamen grauissima, quare elementa metaphysica doctrinae corporum non solum a physica, quae opus habet principijs empiricis, verum etiam ab ipsis praemijs illius rationalibus, quae vsum in ea matheos spectant, separantur, tractatioque eius absoluta seiungatur a systemate metaphysices vniuersali, eaque qua totum peculiare systematicum proponatur. Etenim, si licuerit, ut termini cuiuspiam scientiae non solum secundum naturam

obiectae rei, modique singularis cognoscendi illius, verum etiam ex fine, quem in ipsa scientia ulterius vtenda propositum habemus, describantur, atque inuentum fuerit, metaphysicam huc vsque tot ingenia haud propterea exercuisse, porroque illa exercituram esse, vt cognitiones ea naturales amplificentur augeanturque (quod multo facilius et obseruatione efficitur, et experimentis, et vsu matheseos ad phaenomena externa), sed vt cognitione potiare eorum, quae sita prorsus sunt ultra vniuersos experientiae terminos, de deo, libertate, et animorum immortalitate; lucrabere in promouendo hoc fine, si eam a germine liberaueris, ex eius quidem radice progerminante, verumtamen incrementum iustum impediante, hoc separatim plantaueris, neque tamen deriuationem illius neglexeris, plantamque eius totam e systemate metaphysices vniuersalis extirpaueris. Id quod perfectioni huius neutiquam quidquam derogat, et nihilominus cursum huius scientiae aequabilem ad finem eius reddit faciliorem, si vsquequaque, vbi vniuersali opus habeas corporum doctrina, ad separatum illius licuerit systema prouocare, neque maius illud hoc augere. Et sane quidem notatu maxime dignum videtur (sed hoc loco non potest plene sub adspectum subiici), metaphysicam vniuersalem semper, si quando opus habeat exemplis (visionibus), ad conceptibus puris suis intellectualibus vim potestatemque impertiendi, haec semper ex vniuersali corporum doctrina depromere, proinde a forma principiisque visionis externae oportere, quaeque si haud absoluta adsint, vagam titubantemque in meris conceptibus palpare sententia destitutis. Ex quo notae illae controuersiae, certe obscuritas quaestionum de possibilitate antinomiae realitatum, quantitatis intensiuae, et similium, in quibus intelligentia solis exemplis e natura corporea edocetur, quae

conditiones sint, sub quibus solis conceptus est: realitatem obiectiuam habere possint, id est, significationem veritatemque. Atque ita metaphysica separata naturae corporeae *uniuersali* officia praeclara praestat et summe necessaria, propterea quod exempla suppeditat (casus in singulo), quibus conceptus et theoremata huius (proprio philosophiae transcendentalis) ad effectum transfert, hoc est, soli cogitationis formae vim sensumque attribuit.

In hac tractatione methodum mathematicam, quamquam haud cum rigore summo secutus sum (quo longiori tempore opus fui. Tet, quamquod possem impendere) tamen imitatus, non eo quidem, ut ei per pompam diligentiae doctrinaeque viam faciliorem pararem, sed quia existimo, eiusmodi systema illius capax videri, eamque perfectionem progressu temporis ab solertiori manu posse accipere, si hac forma adductis, physicis mathematicis operae pretium videretur, partem mathematicam, qua praeterea non possunt supersedere, in physica generali tamquam singularem partem constitutiuam tractare, cumque doctrina de motu mathematica coniungere.

Newtonus in praefatione principiorum philosophiae naturalis (posteaquam animaduерterat, geometriam ex artificiiis mechanicis, quas ea postulat, duorum tantummodo egere, nempe lineae rectae, circuliue describendi) „gloriatur, inquit, geometria, quod tam paucis principiiis aliunde petitis tam multa praestet.“ De metaphysica dici posset: *perculsa stupet, quod tam multis et mathefi pura petitis tam pauca praestet.* Interim tamen his paucis quiddam efficitur, quod mathesis ipsa in usu suo ad scientiam naturalem necessario opus habet, quam proinde, cum hic necessario mutuum sumere ab metaphysica debeat, haud pudere debet, cum ea in commercio apparere.

CAPUT PRIMUM
ELEMENTA METAPHYSICA
PHORONOMIAE.

Definitio 1.

Materia est mobile in spatio. Spatium, quod ipsum mobile est, dicitur spatium materiale siue relatiuum; id vero, in quo omnis motus postremo necesse est cogitetur, (qui proinde ipsam simpliciter immobile est), vocatur spatium purum, siue etiam absolutum.

Scholion 1.

Cum in phoronomia non debeas loqui nisi de motu, subiecto illius, nempe materiae, hic nulla alia proprietas attribuitur, quam *mobilitas*. Haec ipsa proinde tam diu etiam valere pro puncto potest, ab omni qualitate, proinde et quantitate mobilium in phoronomia nobis temperamus, in soloque motu versamur, iisque, quae in eo ut quantitates possunt cadere sub contemplationem celeritate et directione. — Si nihilominus vocabulo corporis hic usi nonnumquam fuerimus, fiet hoc duntaxat propterea, ut applicationem principiorum phoronomiae ad secuturos conceptus materiae magis determinatos quodammodo anticipemus, ut tractatio minus sublimis atque abstracta eoque comprehensibilior reddatur.

Scholion 2.

Si conceptum materiae haud praedicato debeam, quod illi ipsi qua res obiecta competat, sed modo per relationem quamdam ad facultatem cognoscendi, in qua repraesentatio demum mihi dari possit, definire, materia quaeque res erit *sensibus externis obnoxia*, eaque foret definitio illius mere metaphysica. Spatium autem tantummodo forma foret vniuersae externae visionis

sensitiuae (quae eadem vtrum obiectae rei externae, quam vocamus materiam, *per se ipsi* competat, an modo in natura maneat sensus nostri, id quidem hoc loco haudquaquam quaeritur). *Materia* foret, *formae* opposita, id, quod in visione externa res est sensationi obnoxia, proinde proprie empiricum visionis sensitiuae externae, quoniam nullo modo potest ex anticipatione proponi. In omni experientia, necesse est, aliquid sentiatur, idque est reale visionis sensitiuae, ergo et spatium, in quo capere experientiam de motibus eius debemus, poterit sentiri, hoc est, iis, quae sentiri possunt, notatum esse, illudque qua complexus rerum omnium experientiae subiectarum, quod ipsum illi subiectum sit, *spatium* appellatur *empiricum*. Hoc autem, vtpote materiale, ipsum mobile est. Sed spatium mobile, si eius motus posse debeat percipi, aliud amplificatum requirit spatium materiale, in quo mobile sit, hoc itidem aliud, et sic porro in infinitum.

Ergo omnis motus, qui subiectus est experientiae, tantummodo est relatiuus; spatium, in quo is percipitur, spatium relatiuum est, quod ipsum vicissim, et fortasse in directione contraria, in spatio amplificato moveri, proinde et materiam respectu prioris motam in relatione ad spatium alterum quiescere dici potest, caeque mutationes conceptus motuum cum mutatione spatii relatiui sic in infinitum progrediuntur. Spatium absolutum, id est, illud, quod, quoniam haud materiale est, nec esse res poterit experientiae obnoxia, vt *per se datum* sumere, est aliquid, quod nec per se, neque in consequentibus suis (motu in spatio absoluto) percipi queat, propter experientiam sumere, quae tamen semper sine vilo instituenda videtur. Ergo spatium absolutum *per se* quidem nihil est, neque vlla res obiecta, sed denotat solum quodque aliud spatium relatiuum, quod extra datum semper possum cogitatione informare, quodque modo vltra quoduis datum in infinitum produco, vtpote tale, quo hoc includatur, atque in quo prius possum vt motum sumere. Quoniam spatium am-

plicatum, quamquam semper adhuc materiale, duntaxat in mente habeo, neque mihi quidquam materiae, quae illud designat, notum est, ab hac memet contineo, illudque proinde ut purum, haud empiricum et absolutum repraesentatur, quocum quodque possum empiricum comparare, hocque illo ut mobile repraesentare, quod ideo semper valeat ut immobile. Illud in rem, quae in veritate appareat, conuertere, est *uniuersalitatem logicam* vllius cuiuspiam spatii, quocum quodque possum empiricum, tamquam illo inclusum comparare, idem est, atque *uniuersalitatem physicam* compagis verae confundere, rationemque in eius idea praeue intelligere.

Tandem animaduerto, *mobilitatem* rei cuiuspiam obiectae in spatio, cum ex anticipatione sineque institutione per experientiam nequeat cognosci, a me ob eam ipsam causam in critica rationis purae non potuisse in conceptibus puris intelligentiae numerari, eumque conceptum, tamquam empiricum, duntaxat in scientia naturali, utpote metaphysica applicata, quae in conceptu per experientiam oblato, quamquam secundum principia ex anticipatione, versatur, posse locum habere.

Definitio 2.

Motus rei cuiuspiam cernitur in mutatione relationum externarum illius ad quoddam spatium datum.

Scholion 1.

Antea conceptui materiae iam conceptum motus fundamento posui. Namque, cum illum ipsum libere a conceptu extensionis vellem determinare, materiamque proinde et in puncto quodam possem considerare, licuit concedere, ibi vulgari *motus* definitione, utpote *mutationis* loci, uti. Iam, cum conceptus materiae vniuerse debeat, proinde ad corpora commota apte, definiri, illa definitio haud idonea videtur. Locus enim

cuiuscumque corporis punctum est. Quodsi distantiam lunae ab terra cupimus determinare, scire auemus distantiam locorum illorum, et hunc in finem haud a puncto, quod velis, superficiei, aut interioribus terrae, ad quodque pro lubitu lunae punctum metimur, sed lineam breuissimam capimus a centro vnus ad centrum alterius, proinde cuiusque horum corporum tantummodo puncto locus efficitur. Iam corpus se potest mouere, neque tamen locum mutare, veluti terra, dum circa axim conuertitur. Sed relatio illius ad spatium externum tamen ea re mutatur; namque ea, exempli gratia, horis viginti quatuor lunae diuersas sua parte conuertit, vnde et varia ad vicissitudinem effecta in terra oriuntur. De solo puncto mobili, id est, physico, dici potest, motum semper cerni in loci mutatione. Contra hanc definitionem posset moneri: motum internum, veluti *fermentationis* non in ea inclusum esse: verum res, quae mota dicitur, eatenus qua vnitas spectanda videtur. Materia, velut *dolium cereuisiae*, mouetur, aliud erit, atque *cereuisia in dolio in motu est*. Motus rei cuiuspiam non idem est cum motu in ea re; de illo priori hoc loco tantummodo sermo est. Sed hic conceptus postea poterit facile ad alterum casum adhiberi.

Scholion 2.

Motus possunt *conuertentes* (sine loci mutatione) esse, aut *progredientes*, hi autem porro aut spatium amplificantes, aut ad certum quoddam spatium datum adstricti motus possunt. *Superioris* generis motus sunt rectilinei, vel etiam curuilinei *in se haud retrogradi*. *Posterioris* generis motus sunt *in se retrogradi*. Qui quidem rursus vel *circulantes* sunt, vel *oscillantes*, id est, motus orbiculares et vibrantes. Illi idem spatium semper in eadem directione conficiunt, hi semper reciproce in directione contraria, velut pendula vibrantia. Ad vtrumque pertinet motus *tremulus*, qui non in motu cernitur progrediente corporis cuiusdam, nihilominus tamen in motu materiae reciproco, locum in vniuersum

haud mutantis, vti tremores campanae pulsae, tremulue motus aëris per sonum commoti. Horum diuerforum motus generum solummodo propterea in phoronomia mentionem facio, quoniam in vniuersis, qui non progredientes sunt, motibus vocabulum *celeritatis* solet alic sensu vsurpari, quam in progredientibus, quemadmodum sequens scholium ostendet.

Scholion 3.

In quoque motu directio et celeritas duo momenta sunt contemplationis illius, si ab omni alia mobilium proprietate nobis temperemus. Hoc loco consuetam vtriusque definitionem sumo; sed directionis definitio variarum adhuc indiget adstrictionum. Corpus in orbe commotum continenter mutat ac perpetuo directionem, ita, vt vsque ad regressum ad punctum illud, vnde profiscisceretur, omnes, quae fieri possunt, in superficie directiones instituerit, et tamen dicitur semper in eadem directione moueri, velut stella errans ab occasu ad orientem.

Sed, quaenam hic *pars* est, ad quam motus dirigitur? quae quidem quaestio admodum adfinis est quaestioni: in quonam positum est discrimen internum concharum; quae caeteroquin similes adeoque aequales videntur, quarum tamen alia species dextrorsum est, alia sinistrorsum contorta; vel conuolutionis fabarum et polentae, e quibus illae instar siue, vti nautae dicerent, *versus solem*, haec cum sole adminicula ambiunt? qui quidem conceptus fere construi poterit, sed, qua conceptus, per se nullis notis generalibus atque in discursu cognitionis genere nullo modo potest explicari, et a quo in rebus ipsis (exempli gratia in raris istis hominibus, in quorum cadaueribus omnes partes regulae physiologicae conuenienter cum aliis hominibus congruentes, sed vniuersa intestina sola dextre sinistreve, contra consuetum ordinem transposita sunt reperia) nullum cogitari discrimen potest consequentium internorum, et proinde verum discrimen mathematicum,

idque internum est, cui quidem conceptus discriminis duorum caeteroquin ex omni parte aequalium, quoad directionem autem diuersorum motuum orbicularium non quidem prorsus idem est, nihilominus tamen cum eo cohaeret. Alio loco ostendi, hocce discrimen, cum in visione quidem proponi queat, sed minime ad distinctos conceptus reuocari, proinde non intelligi, argumento esse confirmanti enunciato: spatium omnino non in proprietatibus esse vel relationibus *rerum per se ipsarum*, quae necessario possunt ad conceptus obiectivos reuocari, sed tantummodo ad formam subiectiuam visionis nostrae sensitiuae rerum relationumue, nobis pro eo, quod per se sint, prorsus ignotarum, pertinere. Verum videor deflectere a proposito, quo spatium necessario ut *qualitatem* rerum, quam consideremus, nempe *naturarum corporearum*, tractare debemus, propterea quod hae ipsae tantummodo phaenomena sunt sensuum externorum, et duntaxat qua talia indigent explicationis. Conceptus quidem celeritatis communi consuetudine sermonis nonnumquam etiam aliam significationem accipit. Dicimus, terram celerius circum axim verti sole, quoniam tempore vertitur breuiori; quamquam motus solis longe celerior videtur: circuitum sanguinis in auicula multo celeriore atque in homine, quamquam motus fluctuans in auicula sine dubio minori celeritate fit, et sic etiam in oscillationibus materialium elasticarum. Breuitas temporis in reditu, siue circulantium siue oscillantium, motuum causa est huiusce usus, quo quidem, si modo calumnia vitetur, non peccamus. Namque sola auctio properationis in reditu, non aucta celeritate locali, peculiaria in rerum natura effecta habet et perquam grauissima, cuius quidem rei in circuitu orbiculari humorum in animantibus fortasse haud satis habita ratio videtur. In phoronomia celeritatis vocabulo utimur tantummodo in significatio-

ne locali $c = \frac{5}{T}$.

Definitio 3.

Quies est praesentia constans et perdurabilis in eodem loco; sed perdurabile id est, quod per aliquod tempus exsistat, hoc est, perdurat.

Scholion.

Corpus, quod in motu est, in quouis, quam percurrit, lineae puncto momentum est. Iam quaeritur, utrum in eo quiescat, aut moueatur. Sine dubio istud dicetur moueri; namque in hoc puncto eatenus duntaxat praesens est, quatenus mouetur. Sed motus illius sumatur ita:

A B a vt corpus celeritate aequali
 o—o . . o,

li lineam A B antrosum et retrorsum a B ad A percurrat, ita vt, quoniam momentum, quo in B est, utrique motui commune est, motus ab A ad B $\frac{1}{2}$ Sec. sed motus a B ad A itidem $\frac{1}{2}$ Sec. vterque autem coniunctim in integra secunda absoluat, ita, vt ne minima quidem temporis pars ad praesentiam corporis in B consumpta fuerit: motus posterior, in directione B A factus, sine vlllo horum motuum incremento, in motum ex directione B a, quod cum A B in linea recta situm est, poterit mutari, vbi tum corpus, dum in B est, in eo haud vt quiescens, verum vt in motu considerandum videtur. Proinde et in priori in se ipsum reuertente motu in puncto B vt in motu necesse erat spectari, quod autem fieri non potest; quoniam, pro iis, quae sumimus, vnum modo momentum est, quod ad motum A B et simul ad motum aequalem B A pertinet, priori contrarium cum eoque in vno atque eodem momento coniunctum, omnem motus defectum, proinde, si hoc conceptus efficeretur *quietis*, et in motu aequali A a quietem corporis in quoque puncto, velut in B necesse foret euincere, quod adsertioni superiori repugnat. Contra lineam A B fingatis vt supra puncto A erectam, ita, vt corpus ab A ad B adscendens, posteaquam gravitate in puncto B motum perdidit, a B ad A itidem re-

cidat; quaero, vtrum corpus in B vt motum, possit, an vt quiescens, spectari. Sine dubio dicetis, vt quiescens: si quidem ei omnis motus pristinus ademptus sit, posteaquam hocce punctum adsecutus fuerit, tumque motus aequalis retro demum sequi debeat, proinde nondum adsit; sed defectus motus, pergetis, quies est. Verum in motu illo sumto aequali motus B A itidem non esse poterat, nisi ante motus A B cessasset, neque motus a B et A iam esset, proinde, vt in B defectus motus vniuersi atque ad receptam explicationem quies sumenda foret, neque eam tamen sumi licuit, propterea quod in celeritate quadam data, nullum corpus in puncto quodam motus sui aequabilis vt quiescens cogitandum videtur. Quo tandem iure in posteriori casu conceptus sumetur quietis, cum tamen iste adscensus delapsusque itidem vno modo momento inuicem diuellantur? In causa est, quod motus posterior haud cogitatur aequalis celeritati datae, sed primo vt aequaliter retardatus, posteaque vt aequaliter acceleratus, ita tamen, vt celeritas in puncto B haud tota, sed ad certum modo gradum, quauis nominanda celeritate minorem, cui si, loco relapsus, linea lapsus sui B A in directionem B a poneretur, proinde corpus porro vt adscendens spectaretur, illud; tamquam solo momento celeritatis (reactio grauitatis tum in medio relinquitur), quouis tempore, quantum fieri possit, maximo aequaliter tamen modo spatium, quouis spatio nominando, minus absolvere, proinde locum (pro vlla quapiam, quae fieri queat, experientia) aeternum haud mutaret. Ergo in statum illud transfertur praesentiae *perdurabilis* in illo loco, id est, quietis, quamquam ea propter continuam grauitatis contagionem, id est, huiusce status mutationem, continuo tollitur. *In statu esse constanti et perdurabili* in eoque *perdurare* et constare (si nulla re alia is mutetur) duo conceptus sunt diuersi, quorum alter alteri nihil quidquam derogat. Ergo quies non poterit per defectum motus, qui, vt $= 0$, vlllo modo construi, sed per praesentiam in eo loco perdurabilem explicanda videtur, vbi tum hicce conceptus etiam per repraesentatio-

nem motus cum infinite parua celeritate, per tempus finitum construi potest, proinde ad applicationem matheseos ad scientiam naturalem postea adhiberi.

Definitio 4.

Conceptum motus compositi construere est motum, quatenus e duobus pluribusue datis in quadam re mobili coniunctis oritur, ex anticipatione in visione proponere.

Scholion.

Ad constructionem conceptuum requiritur, ut conditio, qua possunt proponi, haud ab experientia sit deprompta, proinde nec vires certas ponat, quarum existentia ab sola possit experientia deriuari, aut omnino, ut conditio constructionis non ipse esse conceptus debeat, qui nullo modo potest ex anticipatione in visione proponi, veluti conceptus causae et effecti, actionis et reactionis, et si quid eiusmodi est. Hic itaque praesertim notandum videtur: phoronomiam necessario debere primo constructionem motuum, qua *quantitatum*, in vniuersum, cumque in materia versetur solum qua *quopiam mobili*, in quo proinde nullius prorsus quantitatis ratio habetur, hos motus solos qua *quantitates*, cum quoad celeritatem eorum, tum quoad directionem, et quidem secundum eorum compositionem ex anticipatione determinare. Tantum enim prorsus ex anticipatione idque intuitiue in gratiam matheseos applicatae conficiendum est. Namque regulae coniunctionis motuum per causas physicas, id est, vires, numquam possunt, priusquam principia compositionis earum vniuersae mathematicae pure constituta fuerint, proponi.

Axioma 1.

Quisque motus, qua res experientiae possibili obnoxia, ad libidinem potest qua motus corporis in spatio quiescente, vel qua quies corporis, contraque motus spatii in directione contraria cum celeritate aequali considerari.

Scholion.

Ad capiendam experientiam motus cuiuspiam corporis requiritur, vt non solum corpus, verum etiam, in quo mouetur, spatium, res sint experientiae externae subiectae, proinde materiales. Motus ergo absolutus, id est, in relatione ad spatium aliquod immateriale, nullius omnino experientiae capax videtur, nobisque proinde nihilum (etiamsi, spatium absolutum esse quiddam per se, concecserimus). Sed in omni quoque motu relatiuo spatium ipsum, quoniam pro materiali sumitur, vicissim vt quiescens potest vel motum proponi. Illud fit, cum praeter spatium, cuius ratione corpus vt motum spectro, nullum magis dilatatius illudque includens mihi propositum est (sic in cubiculo naus globum video in tabula commotum); alterum deinde vsu venit, cum mihi vltra hoc spatium aliud praeterea spatium illud includens (vt in allato exemplo ripa fluminis) datum est, vbi tum ratione huius spatium proximum (cubiculum) vt in motu, corpusque ipsum fere vtpote in quiete possum considerare. Sed cum nullo modo fieri possit, vt de spatio quodam empirice dato, quo illud cumque modo dilatatum sit, statuatur, illud ipsum respectu cuiuspiam maiori compage istud includentis spatii, vicissim in motu sit necne, necesse est, ad vniuersam experientiam, ad quodque ex experientia consequens nihil prorsus interesse, vtrum corpus vt in motu, an vt in quiete, spatium vero in directione contraria cum celeritate aequali motum considerem. Cum praeterea spatium absolutum vniuersae, quae esse possit, experientiae nihil sit, et conceptus erunt iidem, vtrum corpus dicam ratione huiusce dati spatii in hac directione hac celeritate moueri, an corpus cogitem quiescere, spatiumque haec cuncta, sed ex directione contraria, attribuiam. Etenim quisque conceptus prorsus idem cum eo est, cuius de discrimine, quo differt ab illo; nullum omnino esse exemplum possit, distatque sola relatione ad coniunctionem, quam ei mente volumus tribuere.

Nec vero possumus in vlla quapiam experientia locum fixum indicare, cuius respectu, quid motus qui-

esque absolute dicatur, determinetur: quidam enim hoc modo nobis offertur ac proponitur, materiale est, et proinde etiam mobile, et (cum in spatio nullos extremos terminos experientiae possibilis norimus) fortasse et vere motum, neque tamen nos hunc motum poterimus ex aliqua re percipere. - De hoc corporis motu in spatio empirico partem modo vnam possum celeritatis datae corpori impertire, alteram spatio, sed in directione contraria, vniuersaque possibilis experientia ratione consequentium horum duorum motuum coniunctorum prorsus eadem est cum illa, qua corpus vt in quiete spatiumque eadem celeritate in directione contraria motum cogito. *Sed hoc loco omnes motus sumo rectilineos.* Etenim motus curuilineus, cum haud ex omni parte idem sit, vtrum corpus (exempli gratia terram in quotidiana conuersione sua) in motu spatiumque cingens (coelum stellatum) in quiete iure queam, an spatium in motu corpusque in quiete, spectare. In phoronomia ergo, vbi motum corporis considero duntaxat cum spatio (in cuius quietem motumue nulla illius prorsus vis atque contagio est) in relatione, per se prorsus incertum est et arbitrarium, an quantumque celeritatis vni alteriue motus dati velim tribuere; infra in mechanice, in qua corpus motum in relatione efficaci ad alia corpora in spatio motus sui sub contemplationem cadit, hoc non amplius prorsus idem erit, vti suo loco ostendetur.

Definitio 5.

Compositio motuum cernitur in repraesentatione motus cuiuspiam puncti tamquam paris duobus pluribusue eius coniunctis.

Scholion.

In phoronomia, vbi materiam ex nulla alia proprietate noui praeter mobilitatem illius; proinde eam ipsam tantummodo vt punctum, licebit, considerare, motus duntaxat spectari poterit vt spatii cuiuspiam dr-

scriptio, ita tamen, ut non solum, quemadmodum in geometria, ad spatium, quod describitur, verum etiam ad tempus, in quo illud fit, proinde ad celeritatem; qua punctum aliquod spatium describit, animum aduertam. Igitur phoronomia in mathesi motuum pura versatur. Conceptus quantitatis cuiuspiam determinatus est conceptus procreationis repraesentationis obiectae cuiusdam rei per compositionem similium. Cum autem motui nihil simile sit, nisi itidem motus, phoronomia erit doctrina componendorum motuum vnius eiusdemque puncti secundum directionem eorum et celeritatem, id est, repraesentatio motus vnius, utpote eius, qui duos motus pluresue simul in se contineat, duorumue motuum vnius eiusdemque puncti simul, quatenus *coniuncti* vnum efficiunt, id est, cum hoc sunt iidem, nec fere quatenus posteriorem, quemadmodum causae effecta sua, producant. Ut motus, ex compositione plurium, quantum volueris, existens inueniatur, licebit, uti in quaque quantitatuum productione, primus is quaeratur, qui sub conditionibus datis *e duobus* compositus est; deinde hic cum tertio quodam coniungatur, et sic porro. Ergo doctrinade compositione omnium motuum ad doctrinam motuum duorum reuocari potest. Sed duo motus vnius eiusdemque puncti, qui simul in eo deprehenduntur, dupliciter possunt discerni, et, qua tales, tripliciter ad eum iungi. Primo quidem aut in vna atque *eadem linea* fiunt, aut in *lineis diuersis* simul; hi posteriores sunt motus, qui angulum includunt. Qui in vna *eademque linea* fiunt quoad *directionem* vel inuicem *contrariae* sunt atque oppositae, vel *eandem directionem* seruant. Cum hi omnes motus ut simul euenientes considerentur, ex proportionem linearum, id est, spatiorum motus descriptorum, tempore aequali, continuo quoque efficitur proportio celeritatis. Ergo tres casus sunt: 1) cum *duo motus* (siue aequalibus celeritatibus sint, siue inaequalibus) in corpore quodam ad eandem directionem coniuncti, modum inde debent efficere compositum. 2) Cum *duo motus eiusdem puncti* (aequalis celeritatis aut inaequalis) ad


directionem contrariam coniuncti per compositionem tertium quemdam motum in eadem linea debent efficere. 3) Cum duo motus cuiuspiam puncti, aequalibus celeritatibus aut inaequalibus, sed in diuersis lineis, quae angulum includunt, vt compositi considerandi sunt.

Theorema I.

Compositio duorum motuum vnius eiusdemque puncti eo duntaxat cogitari potest, vt alter eorum in spatio absoluto, pro altero vero motus, qui aequali celeritate ad directionem contrariam fiat, spatii relativi, vt idem cum illo repraesentetur.

Probatio.

Casus primus. Cum duo motus in vna eademque linea ac directione vni atque eidem puncto simul competunt.




In celeritate quadam motus celeritates duae AB et ab , qua complexae, debent proponi. Sumas eas celeritates nunc quidem aequales, ita, vt $AB = ab$ fit, eas haud dico in vno posse atque eodem spatio simul proponi. Namque, quia lineae AB et ab , quae celeritates designant, proprie spatia sunt, quae temporibus aequalibus percurrunt, compositio horum spatiorum AB et $ab = BC$, proinde lineae AC , vt summa spatiorum, summam deberet ambarum celeritatum exprimere. Sed partes AB et BC , per se quaeque, haud celeritatem $= ab$ referunt; neque enim, yti ab , tempore aequali absoluuntur. Ergo etiam duplex linea AC , quae eodem tempore absoluitur, quemadmodum linea ab , non duplicem celeritatem refert posterioris, quod tamen postulabatur. Ergo compositio celeritatum dua-

rum ad vnā directionem in eodem spatio non potest sub adspēctum subiici.

Contra, cum corpus A celeritate AB in spatio absoluto in motu proponitur, praetereaue spatio relativo celeritatem $ab = AB$ attribuo ad directionem contrariam $ba = CB$, tum hoc idem erit, ac si celeritatem posteriorem corpori ad directionem AB impertissem (Axioma I.). Sed corpus tum mouetur eodem tempore per summam linearum AB et BC $= 2ab$, quo lineam $ab = AB$ solum absoluisset, et tamen eius celeritas repraesentata est qua summa duarum celeritatum aequalium AB et ab, quod ipsum est, quod postulatum fuit.

Casus secundus. Cum duo motus in directionibus e diametro oppositis in vno debent atque eodem puncto coniungi.




AB vnus esto horum motuum et AC alter ad directionem contrariam, cuius celeritatem hoc loco sumamus priori aequalem: ipsa cogitatio, duos eiusmodi motus in vno eodemque spatio in vno atque eodem puncto vt simultaneos repraesentandi, proinde ipsa eiusmodi motuum compositio fieri non posset, quod sumptioni aduersatur.

Contra ea vero cogitatione informes motum AB in spatio absoluto, loco motus AC autem in eodem absoluto spatio, contrarium CA spatii relativi eadem celeritate, quae (ex axiom. I.) motui AC prorsus habetur aequalis, ideoque tota potest in locum eius transferri: facile possunt duo e diametro oppositi atque aequales motus eiusdem puncti tempore eodem proponi. Quoniam autem spatium relatiuum eadem celeritate $CA = AB$ ad eandem directionem cum puncto A motum est, hoc punctum, corpusue, quod illud occupat,

ratione spatii relativi locum suum haud mutat, hoc est, corpus ad directiones motum e diametro oppositas quiescit, vel, vt vniuerse dicam, motus eius aequalis est differentiae celeritatum ad directionem maioris (id quod facile potest ex iis, quae probata sunt, cogi).

Casus tertius. Cum duo motus eiusdem puncti, ad directiones, quae angulum includunt, coniuncti repraesentantur.



Duo motus dati sunt AB et AC , quorum celeritas ac directiones hisce lineis, angulus autem, quem posteriores includunt, per BAC exprimuntur (sive, ut hoc loco, rectus, sive quivis, quem velis, angulus obliquus sit). Quodsi igitur hi duo motus simul ad directiones AB et AC , et quidem in vno atque eodem spatio, fieri debeant: tamen non in hisce duabus lineis AB et AC simul fieri posset, sed tantummodo in lineis parallelis. Ergo sumendum foret, vno horum motuum in altero mutationem effici (scilicet deflexionem a via data), etiamsi vtraque directio eadem maneret. Id quod contrarium est sumtioni theorematis, quae vocabulo compositionis innuit, vtrumque motum datum tertio quodam *contineri*, proinde cum hoc eundem esse, neque, dum vnus alterum *mutat*, tertium quemdam *producere*.

Contra sumas motum AC tamquam qui in spatio fiat absoluto, loco motus AB autem motum spatii relativi ad directionem contrariam. Linea AC diuisa sit in tres partes aequales AE , EF , FC . Dum corpus A in spatio absoluto lineam AE percurrit, spatium relativum, cum eoque punctum E , spatium percurrit $Ee = MA$; interea dum corpus partes duas coniunctum $= AF$ percurrit, spatium relativum, cum eoque punctum F , describit lineam $Ff = NA$; interea dum corpus denique lineam totam AC percurrit, spatium, cum eoque punctum C , lineam describit $Cc = BA$; quibus omnibus idem efficitur, ac si corpus A , in hisce tribus temporis partibus lineas Em , Fn , et $CD = AM$, AN , AB , atque in toto tempore, quo AC percurrit, lineam $CD = AB$ percurrisset. Ergo corpus momento ultimo in puncto est D , atque in universo hoc tempore subinde in punctis omnibus lineae diagonalis AD , quae proinde tam directionem exprimit, quam celeritatem motus compositi.

Scholion I.

Constructio geometrica postulat, ut quantitas cum quantitate, aut duae quantitates in compositione cum quapiam tertia sint eadem, non ut eae qua causae gignant tertiam, id quod constructio mechanica foret. Integra similitudo atque aequalitas, quatenus duntaxat possunt in visione cognosci, est *congruentia*. Omnis constructio geometrica identitatis plenae posita est in congruentia. Haec congruentia duorum motuum coniunctorum cum quodam tertio (utpote ipso motu composito) numquam poterit locum habere, cum illi duo in vno eodemque spatio, veluti relatiuo, proponuntur. Idcirco omnes conatus illud theorema in hisce tribus casibus probandi semper tantummodo solutiones fuere mechanicae, cum scilicet causis motricibus per datum motum vnum cum altero coniunctum gigni tertia poneretur, non autem probaretur, illum cum hoc esse eundem, eumque, qua talem, posse in visione pura ex anticipatione ostendi.

Scholion 2.

Cum, vt hoc vtar, celeritas quaedam AB duplex vocatur, nihil aliud poterit intelligi, quam duabus eam simplicibus constare atque aequalibus AB et BC (vid. Fig. 1.). Quodsi autem celeritas duplex dicatur versari in motu, quo tempore eodem alterum tantum spatium absoluatur, sumitur aliquid, quod per se ipsum intelligitur, nempe, duas celeritates aequales perinde posse coniungi, ac duo spatia aequalia, nec per se manifestum est, celeritatem quamdam datam minoribus, et velocitatem quamdam tarditatibus perinde, ac spatium minoribus, constare; namque celeritatis partes non extra se sunt, quemadmodum partes spatij, et si illa debeat qua quantitas spectari, conceptus quantitatis illius, cum *intensiva* sit, alio modo construendus erit, quam conceptus quantitatis spatij *extensivae*. Sed ea constructio nullo alio modo fieri potest, quam compositione *remota* (mediata) duorum motuum aequalium, quorum alter corporis, alter spatij relatiui ad directionem contrariam, sed ob eam ipsam causam cum motu sibi aequali corporis ad directionem pristinam vnus est idemque. Namque *in eadem directione* celeritates duae aequales in corpore quodam non possunt componi, nisi causis motricibus externis, veluti naui, quae fert corpus cum vna illarum celeritatum, interea dum alia cum naui immobiliter coniuncta vis motrix corpori alteram, priori aequalem, celeritatem imprimit; in quo tamen semper sumendum est, corpus se cum prima celeritate in motu *libero* seruare, dum altera accedat; quod quidem lex physica est virium motricium, de qua neutiquam esse sermo poterit, cum tantummodo quaeratur, quomodo conceptus celeritatis qua quantitatis *construatur*. Tantum de celeritatibus ad se inuicem addendis. Cum autem sermo est de alterius ab altera subtractione, haec quidem posterior facile poterit *cogitari*, possibilitate celeritatis qua quantitatis per additionem semel concessa, verum conceptus ille non potest tam facile *confirmari*. Etenim in hunc finem duo motus, necesse est, contrarii in corpore coniungantur; sed quomodo istud

fieri debet? Proxime, hoc est, respectu eiusdem spatii quiescentis, fieri non potest, ut duo motus aequales ad directionem contrariam in eodem corpore cogitentur; sed repraesentatio impossibilitatis horum duorum motuum non est conceptus de eius *quiete*, verum de *impossibilitate constructionis* huiusce compositionis motuum contrariorum, quam tamen fieri posse in theoremate sumitur. Haec autem constructio fieri non potest, nisi motu corporis cum *motu spatii* coniungendo, uti ostendimus. Tandem compositio quidem duorum motuum, quorum directio angulum includit, itidem non poterit respectu vnus eiusdemque spatii cogitari, nisi adeo vnus eorum sumatur vi quadam *externa* continuo in eo se exerente effectus (veluti nauigium corpus quodpiam vehens), reliquos per se seruans immutatos, aut omnino, vires motrices tertiique cuiuspiam motus generatio e duabus *viribus* coniunctis constituendae sunt, quod quidem expositionem efficit *mechanicam* eorum, quae continentur conceptu, non vero *mathematica* eius *constructio* est, quae duntaxat debet sub adspectum subiicere, quid sit res obiecta (qua quantum); non quomodo natura aut arte ope certorum instrumentorum viriumque possit *produci*. — Compositio motuum, quorum ad alios relatio ut qua quantitas determinetur, necesse est, fiat ad regulas congruentiae, id quod in omnibus istis tribus casibus per solum spatii motum, vni duorum motuum datorum congruentem, et quo ambo composito congruunt, fieri potest.

Scholion 3.

Phoronomia igitur, non qua mechanica pura, sed tantummodo qua pura motus mathesis, in qua materia quoad nullam proprietatem nisi quoad solam cogitatur mobilitatem, non nisi solum hoc vnum, quod per tres illos casus illustrauimus, theorema de compositione motus, et quidem de possibilitate solum *motus rectilinei*, non curuilinei. Quoniam enim in hoc motus continuo (quoad directionem) mutatur, necesse est, causam esse huiusce mutationis arcessendam, quae quidem non

potest solum spatium esse. Quod vero vocabulo *motus compositi* vnus ille casus plerumque intelligeretur, cum directiones illius angulum includunt, eo quidem haud fere physicae, attamen principio diuidendae purae scientiae philosophicae vniuerse aliquid detrimenti illatum videtur. Namque quod physicam spectat, omnes tres illi casus in superiori theoremate tractati *solum in tertio* possunt sufficienter proponi. Etenim, si angulus, quem duo motus dati includunt, tamquam infinite parvus cogitetur, continet primum; si autem ab vna linea recta data modo infinite parum diuersus cogitetur, casum cohibebit alterum; ita, vt sane in noto illo de motu composito theoremate res omnes illi, quos diximus, casus, vt in formula quadam vniuersali, possint ostendi. Verum hoc modo mathesis motuum haud commode poterit ex vniuersis partibus suis ex anticipatione perspicui, quod vario respectu vtile videtur.

Si cui animus sit, tres illas partes vniuersalis istius phoronomici cum schemate diuisionis comparare omnium purorum conceptuum intellectualium, nominatim conceptus *quantitatis*, is animaduertet: doctrinam compositionis motuum, cum conceptus quantitatis semper complectatur conceptum compositionis similium, simul esse puram eorum mathesin, et quidem quoad tria momenta omnia, a spatio subministrata, et *unitatem* lineae ac directionis, et *multitudinis* directionum in vna eademque linea, tandem *vniuersitatis* cum directionum, tum linearum, ex quibus motus fieri possit, id quod determinationem continet motuum, qui fieri possunt, omnium, qua cuiuspiam quanti, quamquam illorum quantitas (in puncto quodam mobili) in sola consistit celeritate. Huiusce animaduersionis vsus est tantummodo in philosophia transcendentali.

CAPUT SECUNDUM

ELEMENTORUM METAPHYSICORUM SCIEN-
TIAE NATURALIS.

DYNAMICE.

Definitio I.

Materia cernitur in mobili, quatenus illud spatium replet. Spatium replere est omni mobili reagere atque obsistere, quod motu suo spatium certum quoddam nititur intrare. Spatium haud repletum est spatium vacuum.

Scholion.

Haec est definitio dynamica conceptus materiae. Ea ponit phoronomicam, sed proprietatem addit, quae qua causa ad effectum adfecta est, nempe facultatem, motui cuidam intra certum quoddam spatium resistendi, de quo in scientia antegressa non oportuit sermonem esse, ne tum quidem, cum in motibus occupabatur vnus eiusdemque puncti ad directiones contrarias. Haec repletio spatii certum quoddam spatium ab alio quodam mobili irrumpente liberum praestat, cuius motus si ad vllum locum quemdam in hoc spatio dirigatur. In quo vero resistantia materiae versus omnes partes directa posita videatur, quidque ea sit, adhuc inuestigandum videtur. Tantum autem iam ex superiori definitione patet: materiam hoc loco haud spectari, vti ea resistat et obnitatur, *si loco suo depelli debeat*, et proinde ipsa moueri (quod quidem infra, qua renisus mechanicus, ad rationem vocabitur), verum si tantummodo *spatium* suae ipsius extensionis debeat *imminui*. Vtimur verbo: *spatium occupare*, id est, in omnibus eius punctis proxime praesentem esse, vt *extensionem* cuiusdam rei in spatio eo denotemus. Quoniam autem in hoc conceptu haud definitum est, quodnam effectum, aut an omnino effectum aliquod ex hacce praesentia existat, vtrum vt aliis, quae intrare nitantur, resistatur,

an solummodo spatium designet, quod careat materia, quatenus illud in complexu cernitur spatiorum plurimum, vti quamque figuram geometricam dici potest spatium capere (extensam esse); an adeo aliquid in spatio sit, quo aliud quoddam mobile cogatur, profundius illud penetrare (alia attrahat), quoniam, inquam, conceptu occupationis spatii haec omnia indefinita videntur, *repletio spatii* propior erit determinatio conceptus *spatii occupationis*.

Theorema I.

Materia spatium replet, non sola quidem existentia, sed per peculiarem vim motricem.

Probatio.

Penetratio in spatium (in momento initii ea dicitur, nifus penetrandi) est motus. Renifus contra motum causa est deminutionis, vel etiam mutatio illius in quietem. Atqui cum nullo motu quidpiam coniungi potest, quod illum deminuat tollatue, nisi alius quidam motus eiusdem mobilis ad directionem contrariam (Phoronom. theor.). Ergo reactio, quam materia quaedam in spatio, quod replet, omni aliarum penetrationi opponit, causa est motus posterioris materiae ad directionem contrariam. Sed causa motus dicitur vis motrix. Ergo materia spatium replet per vim motricem, non vero per solam suam existentiam.

Scholion.

Lambertus aliique proprietatem materiae, qua ea spatium replet, vocarunt *soliditatem*, et voluerunt eam in quaque, quae existet, re (substantia) sumendam esse, certe in mundo sensibili externo. Ex eorum conceptibus absentia cuiuspiam *realis* in spatio, hanc resistentiam ipso suo conceptu deberet, proinde ex effato repugnantiae, in sese continere, atque efficere, vt ne quidquam aliud in spatio praesentiae rei eiusmodi simul esse queat. Sed effatum repugnantiae nullam materiam repellit, quae accedit, vt spatium aliquod penetret, quod

alia iam occupat. Tum solum, cum ei, quod spatium occupat, vim attribuo, omne mobile externum appropinquans repellendi, intelligo, quomodo fiat, ut repugnet, in spatium, quod res quaedam occupat, et aliam rem eiusdem generis penetrare. Hic mathematicus tamquam datum quoddam primum sumsit construendi conceptus materiae, quod ipsum construere amplius nequeat. Iam a quocumque, quod libuerit, dato constructionem potest conceptus instituere; ita, ut haud necesse sit, datum istud rursus enodari; neque ideo vero ei competet, ut illud pro eo declaret, quod omnis constructionis mathematicae haud capax videatur, eoque regressum impediat ad prima principia scientiae naturalis.

Definitio 2.

Vis attractrix ea vis motrix est, qua materia quaedam esse causa potest aliarum ad se appropinquationis (siue, quod idem est, qua aliarum ab se remotioni obfistit).

*Vis repellens ea est, qua materia quaedam esse causa potest aliarum ab se alienandarum remouendarumque (siue, quod eodem redit, qua aliarum ad se appropinquationi obfistit). Has posteriores etiam nonnumquam vires vocabimus *pellentes*, quemadmodum superiores *trahentes*.*

Corollarium.

Haec duae tantummodo cogitari possunt materiae vires motrices. Omnis enim, quem materia quaedam alteri potest imprimere, cum hoc respectu earum quaeque modo ut punctum spectetur, motus semper debet tamquam in linea recta inter duo puncta diuisus considerari. Sed in hac linea recta duplex duntaxat fieri motus potest: alter, quo illa puncta ab se inuicem *remouentur*, alter, quo ad se inuicem *appropinquant*. Ea vis autem, quae causa est motus superioris, dicitur *vis repulsua*, quae posteriorem efficit, *vis attractiua*. Ergo

haec duo genera virium sola possunt cogitari, qua ea, ad quae cunctae vires motrices debeant in natura materiali reuocari.

Theorema 2.

Materia replet spatia sua per vires repulsivas omnium partium suarum, id est, per peculiarem vim expansuam, quae certum quendam determinatum gradum habet, quo minores maioresue possunt in infinitum cogitari.

Probatio.

Materia spatium replet sola vi sua motrice (theor. 2.) atque ea quidem, quae irruptioni aliarum, hoc est, appropinquationi, resistat. Atque haec est vis repulsiva (definit. 2.). Ergo materia replet spatium suum solis viribus repulsiuis, et quidem omnium suarum partium, quoniam alias pars spatii (contra sumtionem) haud repleta foret, sed duntaxat inclusa. *Vis autem extensi per repulsionem omnium suarum partium vis est expansua.* Ergo materia spatium replet sola sibi propria vi extensiua; quod erat primum. Vnakuoque vi data necesse est posse cogitari maiorem; qua enim fieri nulla maior potest, ea foret, qua tempore finito spatium infinitum absolueretur (id quod fieri non potest). Iam vero sub quaque vi data necesse est posse cogitari minorem (namque minima foret ea, cuius additione ad se ipsam infinita per quodque tempus datum nulla posset celeritas finita generari, quod vero defectum notat omnium virium motricium). Ergo sub quouis vis motricis gradu dato semper oportebit posse dari minorem, id quod alterum videtur. Proinde vis expansiua, quaeque materia spatium replet, gradum habet, nec maximum vmquam nec minimum, sed quo in infinitum possunt maiores inueniri et minores.

Corollarium 1.

Vis expansiua materiae dicitur et elasticitas. Cum autem illa fundamentum sit, in qua repletio spatii, quae essentialis cuiusque materiae proprietas est, posita

- videatur, haec elasticitas dicenda erit *originaria*; propterea quod ea non potest ab ulla alia materiae proprietate deriuari. Ergo omnis materia originarie elastica est.

Corollarium 2.

Quoniam vnaquaque vi expansiua vis motrix potest maior inueniri: haec autem illi reagere potest, quo ea tum spatium posterioris coarctaret, quod haec cupit dilatare, quod si fieret, prior diceretur *vis comprimens*; sequitur, vt cuique queat materiae vis comprimens inueniri, quae a quouis eam, quod replet, spatio possit in spatium angustius cogere.

Definitio 3.

Materia in motu aliam penetrat, cum compressu spatium extensionis illius prorsus tollit.

Scholion.

Si in ocrea antliae pneumaticae aëre repleta tudicula fundo propius admouetur, materia aëris comprimitur. Quod si haec compressio tantum posset augeri, vt tudicula fundum penitus tangeret (neque tamen quidpiam de aëre elaberetur), materia aëria tum foret penetrata; namque materiae, inter quas ea est, illi nihil quidquam spatii reliqui faciunt, proinde inter tudiculam et fundum ea deprehenderetur, nec tamen spatium occuparet. Haec materiae penetrabilitas per vires comprimentes externas, quam si quis sumserit vel modo cogitauerit, posset *mechanica* vocari. Est, cur eiusmodi circumscriptione hanc materiae penetrabilitatem ab alia quadam distinguam, cuius conceptus fortasse perinde, ac prior, esse non potest, de qua tamen aliquando occasio fuerit, quaedam notandi.

Theorema 3.

Materia potest in infinitum comprimi, sed numquam, quanta illa cumque sit eius vis comprimens, penetrari.

Probatio.

Vis originaria, qua materia per spatium, quod occupat, datum ubique se expandere conatur, necesse est, minori inclusa spatio, maior sit, in spatioque compressa infinite paruo infinita. Atqui vi datae, expansivae materiae maior potest comprimens inueniri, quae hanc in spatium cogat angustius, et sic in infinitum; quod erat primum. Ad penetrationem materiae autem coactio eius in spatium infinite paruum requireretur, proinde vis comprimens infinita, quod esse non potest. Ergo materia compressu non potest ab alia penetrari; quod est alterum.

Scholion.

In hoc argumento statim initio sumsi, vim expansivam, quo magis ea in angustum cogatur, eo fortius reagere debere. Quod quidem haud ad quodque virium elasticarum, quae modo deriuatae sunt, genus valeret; sed in materia, quatenus ei qua materiae univervo, quae spatium replet, elasticitas competit essentialis, potest postulari. Etenim vis expansiva ex omnibus punctis versus omnes partes exserta adeo conceptum illius efficit. Idem quantum autem virium expansivarum in spatium coactum angustius, in quovis puncto illius necesse est eo fortius repellere, quo minor rursus retro spatium est, in quo certum quantum vis effectorem suam extendit.

Definitio 4.

Impenetrabilitatem materiae, quae posita est in resistantia, cum gradibus compressionis ad proportionem crescentis, relativam appello; eam vero, quae sumtione nititur, materiam, qua talem, nullius prorsus compressionis capacem, dicimus impenetrabilitatem absolutam. Repletio spatii impenetrabilitate absoluta dici mathematica potest, quae vero relativa fit, repletio spatii dynamica.

Scholion 1.

Secundum conceptum solum mathematicum impenetrabilitatis (qui nullam ponit vim motricem materiae qua originariam) nulla materia capax est compressionis, quam quatenus ea vacua in se spatia continet; proinde materia qua materia omni penetrationi simpliciter obfistit, et cum necessitate absoluta. Secundum nostram expositionem vero huius proprietatis impenetrabilitas posita est in causa physica. Nam vi expansiua efficitur, vt ea ipsa, qua expansum quoddam, quod repleat spatium, demum esse queat. Cum autem gradu haec vis gaudeat superante, proinde spatium expansionis minuente, id est, in illud vsque ad certum quemdam modum a vi quadam data comprimente penetrari possit, ita tamen, vt tota penetratio, quoniam vim infinitam requireret comprimentem, fieri non possit; sequitur, vt *repletio spatii tantummodo pro impenetrabilitate relativa sit consideranda.*

Scholion 2.

Impenetrabilitas absoluta fane nihil plus est minusque, quam qualitas occulta. Etenim, quae causa sit, quaerunt, cur materiae nequeant se inuicem in motu suo penetrare; et ad id respondetur; quoniam illae sunt imperuiae. Prouocatio ad vim repulsiuam libera ab hac reprehensione videtur. Namque quamquam haec quoad possibilitatem non amplius potest explicari; proinde necesse sit pro vi constitutiua valere, tamen cogitationem ea suppeditat de causa quadam efficiente eiusque legibus, quibus effectum possit, nempe resistentia in spatio repleto, quoad gradum aestimari.

Definitio 5.

Substantia materialis est id in spatio, quod per se, id est, ab omni alio, quod extra se in spatio exstat, mobile videtur. Motus cuiuspiam partis materiae, quo ea definit pars esse, dicitur diuisio. Diuisio partium materiae est diuisio physica.

Scholion.

Conceptus substantiæ ultimum denotat existentiam subiectum, id est, illud, quod ipsum haud vicissim quæ prædicatum ad aliud cuiuspiam pertinet existentiam. Atqui materia est subiectum eorum omnium, quæ in spatio possunt ad rerum existentiam numerari; præter eam enim nullum alias posset subiectum cogitari, quam spatium ipsum; quod vero conceptus est, qui nondum quidquam, quod existet, sed solas condiciones continet necessarias relationis externæ rerum, quæ esse queunt, sensibus externis subiectarum. Ergo materia, qua mobile in spatio, est substantia in illo. Sed itidem et omnes eius partes, quatenus eas ipsas possis subiecta dicere, non solum prædicata aliarum materiarum, substantiæ dicendæ erunt, proinde ipsæ rursum materiæ. Sed eae sunt ipsæ subiecta, si per se sint mobiles, ideoque et extra coniunctionem cum aliis partibus secundariis aliquid, quod in spatio existet. Ergo propria materiæ mobilitas, aut cuiuspiam partis illius, simul euincit, mobile istud, et vnquamque eius partem, esse substantiam.

Theorema 4.

Materia in infinitum diuidua est, et quidem in partes, quarum quæque vicissim materia est.

Probatio.


Materia est impenetrabilis atque imperuia (theor. 3.), hæc autem tantummodo consequens est virium repulsiuarum cuiusque puncti in spatio materia repleto. Atqui spatium, quod replet materia, in infinitum mathematicè diuidi potest, id est, eius partes in infinitum possunt variari distinguique, quamuis haud moueri, ergo nec diuelli (secundum argumenta geometriæ). In spatio vero materia repleto quæque eius pars vim continet repulsiuam, cunctis reliquis quaquauerfus reagendi, proinde eas repellendi ab iisque itidem repulsum accipiendi, id est, ad remotionem ab iis mouendi, Id-

circo quaeque pars spatii materia repleti per se ipsa mobilis est, proinde diuelli potest a reliquis qua substantia materialis per diuisionem physicam. Quam late ergo ratio spatii, quod quaedam materia replet, mathematicae diuidua patet, tam late etiam patet, quae fieri potest, diuisio physica substantiae, quae illud replet. Sed diuisibilitas mathematica pergit in infinitum, proinde etiam physica, hoc est, omnis materia diuidua in infinitum est, et quidem in partes, quarum quaeque ipsa vicissim est substantia materialis.

Scholion I.

Argumento pro diuisibilitate spatii infinita diuidua ratio materiae nequiquam videtur probata, nisi antea viceris: in vnaquaque parte spatii substantiam materialem esse, id est, partes per se mobiles. Namque, si *monadum* patronus, materiam sumeret punctis physicis constare, quorum quodque (ob id ipsum) nullas partes habeat mobiles, nihilominus tamen sola vi repulsua spatium repleat: posset confiteri, hoc quidem spatium, non autem substantiam, quae in eo agit, proinde sphaeram quidem huiusce effectiois, sed non ipsum subiectum efficiens mobile diuisione spatii simul diuidi. Ergo materiam componeret e partibus physice indiuiduis, eamque tamen statueret spatium occupare *dynamicè*.

Superiori autem argumento *monadum* patrono hocce effugium praeclusum videtur. Inde enim manifestum est: in spatio repleto nullum punctum esse posse, quod ipsum haudquaqua versum repelleret, vti id repellitur, proinde qua subiectum extra quodque aliud punctum repellens praesens atque reagens per se ipsum mobile foret, punctique, quod sola vi pulsua, neque ope aliarum itidem repulsuum virium, spatium repleat, hypothesis nullo modo fieri potest. Quod eoque et argumentum theorematis antecedentis planum fiat,



sumamus, A locum esse monadis cuiuspiam in spatio, ab sphaerae diametrum vis suae repulsiuae, proinde aA diametrum illius, in a , vbi penetrationi externae monadis in spatium, quod illa sphaera capit, restitutio, et centro eius A , fieri potest, vt punctum c indicetur (pro diuisibilitate spatii infinita). Quodsi igitur A , illi, quod in a penetrare conatur, obsistit, c quoque utrique puncto A et a , necesse est, obsistat. Nisi enim hoc esset, ea libere sibi inuicem appropinquarent, proinde A et a in puncto c concurrerent, id est, spatium penetraretur. Ergo necesse est in c aliquid esse, quod penetrationi istius A et a obsistat, ideoque monadem A repellat, vt illud etiam ab ea repellitur. Cum autem repulsus in motu cernatur, c quiddam mobile in spatio est, proinde materia, spatiumque inter A et a non poterat per sphaeram efficacitatis vnius monadis repletum esse, nec proinde spatium inter c et A , et sic in infinitum.

Cum mathematici vires repulsiuas partium materialium elasticarum, in maiori minorue illarum compressione, ad quamdam quasi rationem distantiarum suarum ab se inuicem decrecentes crescentesque cogitant, velut minimas partes aëris se ad rationem conuersam distantiarum suarum se inuicem repellere, quoniam elasticitas earum rationem seruat conuersam spatiorum, in quibus comprimuntur: tum prorsus a sensu eorum aberrant orationemque eorum calumniantur, qui ea, quae ad rationem constructionis conceptus necessario pertinent, conceptui in ipsa re obiecta attribuant. Ex illo enim quaeque contrectatio vt distantia potest infinite parua cogitari; quod in eiusmodi causis et necessario fieri debet, vbi magnum spatium paruumque per eandem quantitatem materiae, id est, per idem quantum virium repulsiuarum, vt penitus repletum cogitari debet. In infinite diuiduo propterea tamen nulla vera partium distantia, quae, vtcumque spatium totius amplificetur, semper continuum efficiunt, sumi licet, quamquam possibilitas huius amplifica-

tionis sola potest sub idea distantiae infinite paruae sub adspēctum subiici.

Scholion 2.

Mathesis quidem in usu suo interno respectu doli metaphysices frustratae aequo esse animo potest, in certaque possessione adsertionum suarum euidentium *de divisibilitate spatii infinita* constare, quae illa cumque dubia contra proferat argutatio solos conceptus rodens; verum in adhibendis, quae de spatio valent, enunciatis suis ad substantiam, quae illud replet, tamen illi ad explorationem ex solis conceptibus, proinde ad metaphysicam defleſcendum videtur. Theorema superius iam ipsum ei rei argumento est. Neque enim necessario consequitur, materiam in infinitum physice diuiduam esse, etiamsi id sit respectu mathematico, quamvis quaeque pars spatii ipsa vicissim spatium sit, ideoque semper partes extra partes complectatur, nisi possit euinci, in quavis omnium, quae possunt esse, partium huiusce spatii *repleti* etiam *substantias* esse, quae proinde etiam, separatim a cunctis reliquis, tamquam per se mobiles exstare. Ergo tamen huc vsque argumento mathematico defuit quidpiam, sine quo ad scientiam naturalem illud non poterat certo adhiberi, atque huic defectui superiori theoremate medelam inuenimus. Ac caeteri quidem metaphysices impetus ad theorema *nunc physicum* prorsus sunt philosopho a mathematico committendi, qui praeterea his dubiis se ipsum in labyrinthum coniicit, vnde perdifficulter poterit, etiam in quaestionibus se proxime spectantibus, se expedire, ideoque satis illi secum ipsi negotii erit, neque mathematico opus sit se isti negotio immiscere. Si scilicet materia diuidua in infinitum sit (sic colligit metaphysicus dogmaticus), *constabit ea ex multitudine partium infinita*; namque quiddam totum necesse est omnes partes illas ante in se continere, in quas illud possit diuidi. Hoc pronuntiātum posterius et de quoque toto, *qua re per se ipsa*, indubitato certum est, proinde cum nequeat concedi, materiam, quin ne vel ipsum quidem spatium,

infinite multis partibus constare (quoniam repugnat, multitudinem infinitam, cuius conceptus iam ita fert, ut ea numquam possit absoluta cogitari, prorsus absolutam mente et cogitatione depingere), eligendum esse alterutrum, aut ut in geometrae contemptum dicamus: *spatium haud esse in infinitum diuiduum*, aut in metaphysici ignominiam: *spatium nullam esse proprietatem rei per se ipsius*, ideoque materiam nullam rem per se ipsam, sed solum phaenomenon sensus nostri externi vniuerse, quemadmodum spatium formam illius essentialem.

Hic igitur medius in cornibus dilemmatis periculosi philosophus vrgetur. Frustra agunt, qui enunciatum superius: spatium in infinitum esse diuiduum, negant; neque enim argutando demi quidquam mathematicae potest: materiam vero tamquam rem per se ipsam, proinde spatium ut proprietatem rerum per se ipsarum considerare, et nihilominus illud pronunciatum infitiri, vnum idemque videtur. Quamobrem se sentit coactum posteriorem sententiam, utcumque frequentatam communique intelligentiae conuenientem, mittere, sed sola hac lege, ut, si materiam spatiumque solum phaenomenon statuatur (proinde spatium tantummodo formam nostrae visionis sensitiuae externae, ergo ambo non res per se, sed duntaxat subiectiuos cogitandi modos ponat rerum per se nobis ignotarum), tum quoque ex illa difficultate expediri, de *diuisibilitate infinita* materiae, quae tamen ex *infinite multis partibus* haud constet. Quod posterius quidem commode poterit per rationem cogitare, quamquam fieri non potest, ut sub adspectum subiiciatur et construatur. Namque, quod eo solum exstat, quod in repraesentatione datum est atque oblatum, eius etiam haud *plus* datum est ac propositum, quam in repraesentatione deprehenditur, id est, quam late patet repraesentationum progressus. Igitur de phaenomenis, quorum in infinitum diuisio pergit, tantummodo dici potest, partium phaenomeni totidem esse, quot earum proponere, id est, quousque diuidere velimus. Partes enim, ut ad *existentiam* phaenomeni

pertinentes, in mente modo et cogitatione existant, nempe in diuisione ipsa. Iam diuisio quidem pergit in infinitum, sed ea tamen numquam quæ infinita data est: ergo eo non efficitur, vt diuiduum vim partium infinitam *per se ipsarum* et extra cogitationem nostram in se contineat, eo quod eius diuisio tendat in infinitum. Namque haud res est, sed haec tantummodo illius repræsentatio, cuius diuisio, quamquam in infinitum potest cogitari, atque in obiecta re (per se ignota) eius etiam ratio inest, tamquam numquam absoluta poterit, proinde nec tota atque integra proponi, ideoque etiam nullam veram multitudinem infinitam in re obiecta (quod aperte pugnaret) euincit. Vir magnus atque praeclarus, qui, haud scio magis, quam quisque alius, confert ad dignitatem matheseos in Germania conservandam, saepe humero conatus metaphysicos, theoremata geometriae de diuisibilitate spatii infinita subuertendi, vero illo mōito reiecit: *spatium tantummodo ad phaenomena pertinere rerum externarum*; verum sententiam eius haud adsecuti videntur. Ceperunt istud pronunciatum, ac si dicere vellet: spatium nobis ipsis videri, alioquin illud rem esse, rerumque adfectionem quamdam per se ipsarum, mathematicum autem illud solum considerare, vt illud videatur; cum tamen illud sic debuissent accipere: spatium in nulla prorsus qualitate versari, quæ cūpiam rei *extra* sensus nostros per se adhaereat, sed modo formam subiectiuam facultatis nostræ sensitiuae, qua res sensibus externis obnoxiae, quas, quales per se sint, haud nouimus, nobis videantur, quod visum siue phaenomenon materiam appellemus. In illa calumnia spatium cogitabatur adhucdum qua qualitas rebus etiam extra facultatem repræsentandi nostram adhaerens, quam vero mathematicus tantummodo cogitet ex conceptibus vulgaribus, hoc est, confuse (ita enim fere plerumque phaenomenon explicatur, ideoque theorema illud mathematicum de diuisibilitate materiae infinita, quod enunciatum summam perspicuitatem in conceptu spatii ponit, repræsentationi confusae spatii, quam geometra constituit, tribueba-

tur, in quo quidem liberum fuit metaphysico, spatium e punctis, et materiam ex partibus simplicibus componere, atque ita (vti putabat) perspicuitatis lumen huic conceptui adfundere. Causa huiusce erroris in *monadologia* latet prauè intellecta, quæ neutiquam ad explanationem pertinet phaenomenorum naturalium, sed conceptus est mundi *Platonius* per se verus a *Leibnitio* que expolitus, quatenus mundus non quæ res subiecta sensibus, verum quæ res per se ipsa considerata, sola res est intelligentiæ proposita, quæ tamen sensuum phaenomenis fundamento subest. Iam sane quidem *compositum rerum per se ipsarum* necesse est ex simplicibus constare; hic enim partes, ante vniuersam compositionem datae sint, oportebit. Sed *compositum in phaenomeno* haud constat ex simplicibus, propterea quod in phaenomeno, quod numquam nisi compositum (extensum) dari potest et proponi, partes solum per diuisionem, nec proinde ante compositum, sed modo in composito dari possunt atque offerri. Idcirco, quantum equidem intelligo, *Leibnitii* sententia non fuit, vt spatium per ordinem naturarum simplicium pone se inuicem definiret, sed illi potius hunc tamquam consentaneum, verum duntaxat ad mundum intelligibilem (nobis ignotum) pertinentem apponeret, nihilque aliud statueret, quam quod alio loco ostendimus, scilicet spatium, vna cum materia, cuius illud forma est, non mundum rerum per se ipsarum continere, sed tantummodo illarum phaenomenon, ipsumque in sola forma versari visionis nostræ sensitiuæ externæ.

Theorema 5.

Possibilitas materiae vim attractricem postulat, alteram illius vim constitutiua.

Probatio.

Impenetrabilitas, quæ qualitas est materiae constitutiua, qua sese vt quiddam reale in spatio sensibus nostris externis primum manifestat, non est nisi vis ex-

panſiua materiae (theoremata). Atqui vis eſſentialis motrix, qua partes materiae ſe inuicem fugiunt, *primo* quidem haud per ſe ipſa poteſt circumſcribi, ſi quidem eo materia potius nititur, ſpatium, quod replet, continuo expandere, nec *deinde* ſpatio ſolo ad certum expansionis terminum collocari; hoc quidem cauſam poteſt continere, vt in amplificando volumine materiae ſe expandentis vis expansiua ad rationem conuerſam minuatur, ſed, quoniam cuiusque vis motricis eſſe gradus poſſunt in infinitum minores, numquam cauſam cohibere, vt ea vſpam exſpiret. Ergo materia ſola vi ſua repulſiua (quae cauſam continet impenetrabilitatis), et, niſi alia vis motrix illi reageret, intra nullos expansionis terminos retenta foret, id eſt, in infinitum ea diſſiparetur, in nulloque ſpatio indicanda nulla materiae quantitas deprehenderetur. Ergo in ſolis viribus materiae repulſiuis omnia ſpatia vacua forent, proinde proprie nulla prorsus materia aſſe. Igitur omnis materia ad exiſtentiam ſuam opus habet viribus expansivae contrariis, hoc eſt, comprimementibus. Quae quidem originarie haud viciffim poſſunt in reſiſtentia quaeri alius cuiuſpam materiae; quippe quae, vt materia ſit, ipſa vi indiget comprimente. Ergo vſpam vis quaedam materiae originaria, in directione agens repulſivae contraria, quae proinde ad appropinquantem tendit, id eſt, vis attractrix, ſumenda videtur. Cum igitur ea vis attractrix ad poſſibilitatem materiae, qua materiae, in vniuerſum pertineat, proinde cuncta ab illa diuerſa antecedit, ea non modo ſingulari formae illius, ſed cuique materiae vniuerſae et quidem originarie attribuenda videtur. Ergo cuique materiae attractio competit originaria, vtpote, quae ad eius eſſentiam pertineat, vis conſtitutiua.

Scholion.

In tranſeundo ab hac proprietate materiae ad alteram ſpecificè ab ea diuerſam, quae itidem ad conceptum materiae pertinet, *quamquam in eo haud eſt complexa*, ratio intelligentiae noſtrae propius conſideranda vide-

tur. Quodsi ipsa vis attractrix ad possibilitatem materiae originarie postuletur, quid causae est, cur ea haud perinde, atque impenetrabilitate, pro nota materiae prima utamur? quare haec (impenetrabilitas) proxime una cum conceptu materiae datur atque offertur, illa autem (vis attractrix) haud in conceptu cogitatur, sed duntaxat conclusionibus ei additur? Nobis per sensus nostros eam attractionem non tam proxime licere percipere, quam repulsionem renisumque impenetrabilitatis, ad difficultatem nondum idonee poterit responderi. Etenim, etiamsi eiusmodi nobis facultas foret, tamen facile intelligitur, intelligentiam nostram nihilominus repletionem spatii fore electuram, quò substantia in spatio, id est, materia, insigniatur, uti in hac *repletionē*, siue, uti alias vocatur, *soliditate*, insigne materiae, tamquam rei a spatio diuersae, ponitur. Attractione, etiamsi eam vel maxime persentisceremus, tamen nobis numquam materiam aperiret determinati *voluminis ac figurae*, sed nil nisi nisum organi nostri ad punctum aliquod extra nos (centrum corporis attrahentis) appropinquandi. Namque vis attractrix omnium terrae partium in nobis nihil pluris potest, nihilque aliud agere, quam si tota foret in centro illius conjuncta, illudque solum vim suam in sensu nostro exfereret, perinde atque attractio montis cuiuspiam, aut cuiusque lapidis, ac similibus. Atqui ea re nullum determinatum conceptum cuiuspiam rei obiectae in spatio adipiscimur, cum nec figura, nec quantitas, quin ne locus quidem, in quo ea foret, cadere in sensus nostros possit (sola attractionis directio percipi posset, quemadmodum in gravitate: sed punctum attrahens lateret, nec facile quidem intelligo, quomodo id ipsum ex conclusionibus posset, sine perceptione materiae, quatenus ea spatium repleat, inueniri). Ergo perspicuum est, primum usum conceptuum nostrorum *quantitatis* ad materiam, qua primum fit, ut nostras perceptiones externas in conceptu possimus empirico materiae qua rei obiectae uniuerse mutare, positum esse duntaxat in ea illius proprietate, qua spatium ea replet, quae, interuenien-

te tactus sensu, nobis quantitatem figuramque cuiuspiam extensi, proinde conceptum certae rei obiectae in spatio largitur, qui cunctis, quae ea de re dici poterunt, reliquis quasi quoddam fundamentum constituitur. Idem sine dubio in causa est, quare in evidentissimis vltterioribusque argumentis, attractionem pariter pertinere ad vires constitutivas oportere, ac repulsionem, nihilominus contra illam attractionem tantopere luctentur, nullasque prorsus vires motrices, praeterquam tundendo premendoque (vtrumque per impenetrabilitatem) concedere velint. Id enim, quo spatium repletur, substantia est, dicunt, illudque et sane verum videtur. Cum vero haec substantia, neque aliter, nisi per sensum illum, quo illius impenetrabilitatem percipimus, nimirum per tactum, existentiam suam manifestet, proinde in sola relatione ad contrectationem, cuius initium (in appropinquatione materiae cuiuspiam ad aliam) pulsus, perduratio autem pressio dicatur: videtur ac si vniuersa proxima, materiae in aliam actio numquam quidquam aliud possit, nisi pressio esse, pulsusue, quas duas contagiones quidem solas possumus proxime sentire, contra attractio, quae in nobis per se aut nullum omnino sensum potest, aut certe nullam determinatam rem ei subiectam ostendere, qua vis constitutiva aegre a nobis conceditur.

Theorema 6.

Sola vi attractrice, sine repulsione, nulla potest materia esse.

Probatio.

Vis attractrix est vis motrix materiae, qua ea pellit aliam, vt sibi appropinquet, proinde, si illa inter omnes materiae partes deprehenditur, materia per illam nititur ad distantiam partium ab se inuicem, proinde et spatium, quod occupant, deminuendam. Atqui nihil actionem potest vis cuiuspiam motricis impedire, nisi alia quaedam vis motrix ei contraria; haec autem, quae at-

tractioni opposita est, vis est repulsua. Ergo, sine viribus repulsuis per solam appropinquationem, omnes partes materiae sine impedimento sibi se inuicem appropinquarent, spatiumque, quod ea occupat, minuerent. Cum autem in hoc exemplo nulla partium distantia sit, in qua maior appropinquatio per attractionem ope vis cuiuspiam repulsuae impossibilis redderetur, eae versus se inuicem tamdiu mouerent, donec nulla prorsus inter eas distantia deprehenderetur, id est, in puncto mathematico illae confluerent, spatiumque vacuum foret, proinde omni omnino materia careret. Neque tamen esse materia potest solis vicibus attractricibus sine repellentibus.

Corollarium.

Ea proprietas, in qua quippe qua conditione ipsa rei cuiuspiam possibilitas interna posita est, pars eius essentialis videtur. Ergo vis repulsua ad essentiam materiae perinde pertinet, ac vis attractrix, nullaque ab altera potest in conceptu materiae diuelli.

Scholion.

Quoniam duae modo omnino possunt vires motrices in spatio cogitari, repulsio atque attractio, ad ambarum coniunctionem in conceptu materiae vniuerse ex anticipatione euincendam, antea necesse erat quamque per se solam perpendi, vt pateret, quid sola queat ad ostendendam materiam praestare. Nunc manifestum fit, et ambabus constitutis, et sola earum sumta, spatium semper vacuum manere, neque vllam in eo materiam deprehendi.

Definitio 6.

Contrectatio sensu physico est actio proxima reactioque impenetrabilitatis. Actio materiae in aliam praeter contrectationem est actio in distans. Haec actio in distans, quae fieri potest etiam sine interuentu materialium interiectarum, vocatur actio proxima in distans, siue etiam actio materiae in se inuicem per spatium vacuum.

Scholion.

Contrectatio sensu mathematico cernitur in terminis duorum spatiorum communibus, qui proinde nec vnum intra nec alterum spatium sunt. Quocirca lineae rectae se inuicem non possunt contrectare, sed punctum, si quod habent commune, cum intra vnam, tum alteram istarum linearum pertinet, cum producuntur, id est, se inuicem secant. Verum circulus et linea recta, circulus et circulus, se inuicem tangunt in puncto, superficies in linea, et corpora in superficiebus. Contrectatio mathematica in physica constituitur, sed illam sola nondum efficit, ad eam, vt physica oriatur, ratio quaedam dinamica, et quidem non virium attractricium debet, sed repulsiuarum, id est, *impenetrabilitatis*, cogitatione addi. Contrectatio physica versatur in actione reciproca virium repulsiuarum in terminis duarum materiarum communibus.

Theorema 7.

Attractio vniuersae materiae essentialis est actio illius proxima in alias per spatium vacuum.

Probatio.

Vis attractrix originaria ipsa causam continet possibilitatis materiae, vtpote rei illius, quae spatium replet in certo quodam determinato gradu, proinde ipsius adeo possibilitatis contrectationis eius physicae. Ea igitur necesse est hanc antecedit, eiusque proinde actionem oportebit liberam esse a conditione contrectationis. Atqui actio vis motricis, ab omni contrectatione liberae, etiam a repletionem spatii inter mouens et motum libera est, id est, ea, etiamsi spatium inter vtrumque repletum sit, debet locum habere, proinde quae actio per spatium vacuum. Ergo attractio originaria et vniuersae materiae essentialis actio est eius proxima in alias per spatium vacuum.

Scholion I.

Vt virium constitutiuarum possibilitas doceatur, fieri nullo modo potest; ob eam enim ipsam causam illae vocantur vires constitutivae, quoniam ab nulla possunt alia deriuari, id est, comprehendi. Nec vero vis attractrix originaria minime magis a *comprehensione remota*, quam repulsio originaria, videtur. Modo enim non tam proxime se offert sensibus, quam impenetrabilitas, ut conceptus nobis obiectarum rerum determinatarum in spatio largiatur. Quoniam ea ergo non tangi vult et contrectari, sed colligi et concludi, eatenus speciem habet vis deriuatae, quasi ea lusus tectus foret virium motricium per repulsionem. Re propius considerata magisque explicita videmus, eam omnino haud vltius posse ab vlla quapiam deriuari, omnium minime vero a vi motrice materialium per earum impenetrabilitatem, cum actio illius sit ipsa contraria huiusce impenetrabilitatis. Contra actionem proximam in distans plerumque solet obici, materiam ibi, *vbi non fit*, proxime agere non posse. Cum lunam terra, quo ea sibi appropinquet, proxime pellit, tum terra in rem agit, quod multis millibus miliaribus ab ea distat, et nihilominus agit proxime; etiamsi spatium prorsus vacuum ponatur. *Etenim*, quamuis inter duo ista corpora materia interiecta foret, tamen ea ad illam attractionem nihil confert. Ergo ea in loco, vbi non est, proxime agit: id quod specie quidem videtur pugnare. Verum tantum abest, ut illud repugnet, ut potius vnaquaeque res dici possit in aliam agere eo duntaxat loco, vbi agens non fit. Namque si in eodem loco, in quo ipsa est, agere deberet, ea res, in quam illa agit, nullo modo *extra se* foret; illud enim *extra* denotat praesentiam in quopiam loco, in quo altera non est. Etiamsi terra lunaeque inuicem se tangerent et contrectarent, tamen punctum contrectationis locus foret, in quo nec terra est, nec luna; nam ambae summa diametrorum suorum ab se inuicem abhorrent. Neque in puncto contrectationis vlla omnino pars deprehenderetur, nec terrae, nec lunae; hoc enim punctum in terminis situm est am-

borum spatiorum repletorum, quibus (terminis) nulla pars efficitur, neque vnius, neque alterius. Materias igitur in se inuicem haud agere posse proxime in distans, idem foret atque non posse eas in se inuicem proxime agere, sine interuentu virium impenetrabilitatis. Iam hoc idem foret, ac si dicerem: vires repulsivae sunt vnae, quibus possint agere materiae, aut saltem illae sunt conditiones, quibus solis fit, ut in se inuicem materiae agere queant; quo quidem declararetur, vim attractricem aut esse omnino non posse, aut semper tamen ex actione pendere virium repulsiuarum; vtraque adsertio omni destituta est ratione. Confusio contrectationis spatiorum mathematicae ac physicae per vires repulsiuas, hic in causa est erroris. Extra contrectationem se inuicem attrahere, est sibi inuicem ex lege perpetua appropinquare, nulla vi repulsiua conditionem eius in se continente, quod tamen pariter cogitari posse debet, ac se inuicem proxime repellere, id est, se inuicem ad legem perpetuam fugere, nulla vi attractrice quidpiam ad illud conferente. Quippe ambae vires motrices generis sunt longe diuersi, neque vlla causa adest, cur alteram ab altera statuas pendere, eiusque sine interuentu alterius, possibilitatem impugnes.

Scholion 2.

Ex attractione in contrectatione nullus omnino potest motus oriri; si quidem contrectatio cernitur in actione reciproca impenetrabilitatis, quae ideo omnem motum arcet. Ergo vllam quampiam contrectationem proximam extra contrectationem necesse est et proinde in distantia reperiri; alias enim ipsae vires prementes pellentesque, quae nifum debent appropinquationis producere, cum ad directionem contrariam agant cum vi repulsiua materiae, nullam possent, certe haud in natura originarie sitam materiae, causam habere. Illa quidem attractio, quae nulla fit intercedente vi repulsiua, vera attractio potest, ea vero, quae tantummodo illo modo fit, *putatitia* appellari; nam proprie quidem corpus, cui aliud propterea modo conatur appropinqua-

re, quod hoc alias pulsu ad illud fuit agitatum, nullam prorsus in hoc vim exserit attractiuam. Verum hae ipsae attractiones putativae tandem necesse est veram pro causa habeant, quoniam materia, cuius pressio pulsusue esse pro attractione debet, viribus destituta attractricibus ne materia quidem foret (theor. 5.), et proinde modus omnium appropinquationis phaenomenorum per *solam* attractionem *putativam* explicandorum in orbe circumagitur. Plerumque *Newtonus* putatur ad systema suum neutiquam opus duxisse attractione proxima materialium sumenda, sed summa matheos purae continentia, physicis in eo potestatem fecisse, possibilitatem illius pro lubitu explicandi, ita, ut pronunciata ipsius cum lusu hypothesium suo commisceant. Sed qui poterat enunciatum constituere, attractionem corporum universalem, quam in distantis aequalibus circum se exserunt, quantitati esse materiae proportionatam, nisi sumisset, omnem materiam, proinde solum qua materiam et per proprietatem suam essentialem, hanc vim motricem exserere? Nam etsi sane inter duo corpora, siue quoad materiam similia illa sint, siue non, cum unum trahit aliud, appropinquatio reciproca (secundum legem aequalitatis actionis reciprocae) semper ad rationem conuersam quantitatis materiae fieri debet, tamen ea lege tantummodo principium mechanices efficitur, non vero dynamices, id est, lex est *motuum*, qui viribus efficiuntur attractricibus, haud proportionis ipsarum *virium attractricium*, eaque de omnibus omnino viribus motricibus valet. Quodsi igitur magnes vna vice ab alio magnete aequali, alia vice ab eodem, sed in capsula lignea altero tanto incluso grauiore, trahatur, hic posterior illi priori maiorem motum relatiuum impertiet, quam in casu illo priori, quamquam, quo quantitas materiae posterioris augetur, lignum nihil quidquam addit ad vim eius attractricem, nullamque capsulae attractionem magneticam euincit. *Newtonus* (Cor. 2. Prop. 6. Lib. III. princip. philos. nat.) „si aether, inquit, aliudue corpus careret grauitate, cum „ille a quaque materia alia non nisi, quoad formam,

„differat, paullatim mutatione tarda huiusce formae in
 „materiam eius generis posset, quae in terram pluri-
 „mam grauitatem habent, mutari; atque haec posterior
 „vice versa mutatione tarda formae suae, omnem gra-
 „uitatem amittere posset, id quod pugnat cum expe-
 „rientia.“ Igitur ipse aetherem haud excepit (quanto
 minus alias materias) ab lege attractionis. Quamobrem ad
 summum hunc theoriae attractionis auctorem non pot-
 eris tamquam ad antecessorem prouocare, cum tantum
 tibi sumseris, vt attractioni verae, quam ille adseruit,
 putatitiam supponas, *necessitatemque* sumas incitamenti
 per *pulsus*, vt phaenomenon appropinquationis enode-
 tur. Is iure se ab vniuersis hypothesibus continuit,
 quo ad quaestionem responderet de causa attractionis
 materiae vniuersalis; ea quaestio enim physica est, aut
 metaphysica, non vero mathematica, et quamquam in
 praemonito secundae editionis *optices* „ne quis,“ ait,
 „*grauitatem* inter *essentiales* corporum proprietates me-
 „habere existimet, quaestionem vnā de eius causa in-
 „uestiganda subieci;“ tamen intelligitur, offensam,
 quam aequales eius, et fortasse et ille ipse, e conceptu
 caperent attractionis originariae, illi dissensum secum
 ipso creasse: neque enim vllō pacto dicere poterat, vi-
 res attractrices duarum planetarum, veluti Iouis et Sa-
 turni, quas in distantis aequalibus suorum satellitum
 (quorum molem haud nouimus) exserunt, quemadmo-
 dum quantitatem materiae corporum istorum, se habe-
 re, nisi, eas duntaxat qua materias, proinde secundum
 proprietatem earum vniuersalem, alias materias attra-
 here, sumisset.

Definitio 7.

*Vim motricem, qua materiae possunt tantummodo in
 superficie contractionis communi proxime in se inuicem
 agere, vim dico superficialem; eam autem, qua mate-
 ria in partes materiae alterius vel ultra contractionis
 superficiem potest proxime agere, vim voco penetran-
 tem.*

Corollarium.

Vis repulsiva, qua materia spatium replet, sola est vis superficialis. Partes enim se inuicem contrectantes vna terminant alterius spatium agendi, visque repulsiva nullam potest partem distantem mouere, nisi interuentu partium interiectarum, et actio materiae proxima, quae per has fiat ex obliquo, in aliam quamdam per vires expansiuas fieri non potest. Contra actio vis attractricis, cuius ope materia quaedam spatium capit, ita, ut illud haud repleat, quo proinde ad alias agit distantes per spatium vacuum, eius actio nulli terminos ponit materiae interiacenti. Sic attractionem originariam qua efficitur, ut ipsa esse materia queat, cogitari necesse est, eaque proinde vis est penetrans, eoque solo semper quantitati materiae proportionata.

Theorema.

Vis attractrix originaria, in qua ipsa materiae possibilitas, qua talis, posita est, in spatio mundi ab unaquaque parte illius ad quamque aliam proxime in infinitum porrigitur.

Probatio.

Quoniam vis attractrix originaria ad essentiam pertinet materiae, et cuique illius parti ea competit, nempe proxime vel in distans agendi. Iam ponamus, esse distantiam, ultra quam ea haud porrigatur, haec foret *terminatio* sphaerae effectiois illius aut in materia intra hanc sphaeram sita, aut tantummodo in quantitate spatii posita foret, in quod eam contagionem extendit. Illud locum non habet; quippe quae attractio in vim penetrantem proxime agit in distans, quamuis multae interiaceant materiae, per quodque spatium, qua spatium vacuum. Nec itidem locum habebit posterius. Namque, quia quaeque attractio vis motrix est, gradum habens, quo in infinitum possunt semper cogitari minores; in distantia quidem maiori ratio foret, gradum attractionis, pro modo dilatationis vis, ad ratio-

nem conuersam minuendi, numquam eam vero penitus tollendi. Cum ergo nihil sit, quod sphaeram efficacitatis attractionis originariae cuiusque partis materiae uspiam terminet, porrigitur ea ultra omnes, qui ostendi possunt, terminos ad quamque materiam aliam, proinde in spatio mundi in infinitum.

Corollarium 1.

Atque ex hac vi attractrice originaria, utpote penetrante, ab vniuersa materia, proinde ad proportionem quantitatis illius, exserta, ad omnemque materiam, in omnes, quae fieri possunt, distantias, actionem suam vi exerente, deberet, coniuncta cum vi ipsi contra agente, nimirum vi repulsua, posterioris circumscriptio, proinde possibilitas spatii in certo quodam determinato gradu repleti, deriuari, atque ita conceptus materiae dynamicus, utpote mobilis, quod spatium (gradu determinato occupat) replet, construi. Sed ad id opus est lege proportionis, cum attractionis originariae, tum repulsus, in diuersis distantis materiae eiusque partium ab se inuicem, quae, cum tantummodo in discrimine versetur directionis harum virium duarum (cum punctum pellitur, ad se aut aliis appropinquandum, aut ab iis remouendum) et in quantitate spatii nitatur, in quod quaeque istarum virium in diuersis distantis porrigitur, quaestio est pura mathematica, quae non amplius metaphysicam spectat, ne vel quoad defensionem quidem, si forte haud successerit, ut conceptum possemus materiae hoc modo construere. Ea enim rationem reddit veritatem cognitionis nostrae rationalis concessorum constructionis elementorum, de imperfectione rationis nostrae et carceribus in tractatione nullam ea rationem reddit.

Corollarium 2.

Cum vniuersa data materia gradu quodam determinato vis repulsuae debeat spatium replere, ut res determinata materialis efficiatur, sola potest attractione originaria in conflictu cum repulsione originaria effici,

vt certus quidam determinatus gradus repletionis spatii fieri queat; siue illud ex propria partium attractione materiae compressae inter se inuicem, siue ex coniunctione illius cum attractione vniuersae materiae cosmicae originem ducat.

Attractio originaria quantitati materiae est proportionalis patetque in infinitum. Ergo repletio spatii per materiam quoad modum determinata tandem ab sola attractione illius in infinitum porrecta effici potest, et cuique materiae pro modo vis suae repulsivae imperiri.

Effectum attractionis vniuersalis, quam vniuersa materia in omnes atque in omnibus distantis exserit, dicitur *gravitatio*; nifus ad directionem gravitationis maioris sese mouendi est *gravitas*. Effectum vis repulsivae perpetuae partium cuiusque datae materiae appellatur huiusce *elasticitas originaria*. Quae ergo et gravitas vnae sunt ex anticipatione perspiciendae notae vniuersales materiae, illa intus, haec extrinsecus; nam in rationibus ambarum posita est possibilitas materiae ipsius: *contextus*, si qua attractio materiae reciproca, quae duntaxat ad conditionem contrectationis adstricta est, explicatur, haud pertinet ad possibilitatem materiae in vniuersum, neque proinde ex anticipatione potest quae cum ea coniuncta cognosci. Haec ergo proprietas non metaphysica foret, sed physica, nec proinde ad praesentes meditationes nostras pertineret.

Scholion 1.

Non possum non in gratiam tentaminis constructionis eiusmodi, quae fortasse fieri possit, pauca quaedam praemonere.

1) De vnaquaque vi, in diuersas distantias proximè agente, respectuque gradus, quo ea in quodque in certa quadam distantia datum punctum vim exserit motricem, et duntaxat quantitate spatii, in qua se exten-

dere debet, vt in illud punctum agat, circumscribitur; dici potest: eam in vniuersis spatiis, in quae sese extendat, vtcumque parua sint magnaue, semper quantum quiddam efficere aequale, gradum autem actionis illius in punctum illud in hoc spatio semper ad rationem conuersam spatii sese habere, in quo debuit expandere, quo posset in illud agere. Sic exempli causa a puncto lucente quaquauersum lumen ea expandit in superficiibus orbicularibus, cum quadratis distantiae semper crescentibus, quantumque illuminationis in omnibus istis in infinitum maioribus superficiibus orbicularibus in toto semper idem est, quod autem sequitur, vt pars in hac superficie orbiculari posita aequalis quoad gradum eo minus debeat esse illuminata, quo illa superficies expansionis eiusdem quanti luminaris maior sit, atque ita in omnibus viribus legibusque aliis, ex quibus se aut in superficiibus expandant, necesse est, aut in spatiis corporeis, vt secundum naturam suam in res obiectas agant distantes. Satius erit, expansionem vis motricis ex puncto quodam in omnes distantias sic proponi, quam more consueto, vti in primis fit in optice, per radios circulares e centro quodam ex se inuicem currentes. Namque cum lineae tali modoductae numquam possint, quod permeant, spatium, nec proinde quoque, quam feriunt, superficiem replere, quotquot earum ducantur vel instituantur, quod necessario efficitur ex diuergentia illarum, ansam praebent consequentiarum molestiarum, hae vero hypothesium, quae facile posset vitari, si sola quantitas vniuersae superficiei orbicularis sub rationem vocaretur, ab eadem quantitate luminis *aequaliter* illuminandae, gradumque illuminationis in quoque loco, per naturam, ad rationem conuersam quantitatis illius ad totum sumatur, atque ita in omnia alia expansione vis cuiuspiam per spatia quantitatis diuersae.

2) Si vis est attractio proxima in distans, eo magis linea directionis non quasi a puncto ducendo instar radorum exeant, sed quasi ab omnibus punctis superfi-

ciei orbicularis cingentis (cuius diametro data illa distantia efficitur) ad punctum ducendum coëant, debet proponi. Ipsa enim linea directionis motus ad punctum, quod causa illius et scopus est, iam terminum a quo praebeet, unde linea debeat proficisci, nimirum ab omnibus punctis superficiei, unde ad centrum ducendum, neque vice versa, directionem habent: quaeque enim superficiei quantitas sola determinat copiam linearum, centrum eam indefinitam relinquit. *)

*) Fieri non potest, ut ad lineas, radiorum instar e puncto quodam diuergentes, superficies in datis distantis possint tamquam effecto earum, siue illuminatio sit siue attractio, totae repraesentari repletae. Sic in eiusmodi radiis luminaribus exeuntibus minor illuminatio superficiei cuiusdam distantis solum in eo posita foret, quod inter loca illuminata non illuminata, eaque eo maiora, quo magis superficies distat, relinquantur. *Euleri* hypothesis hoc quidem incommodum euitat, sed sane difficultate laborat eo maiori motum luminis rectilineum demonstrandi. Sed haec difficultas ex repraesentatione promanat materiae luminaris mathematica facile euitabili, tamquam coacervationis globulorum, quae sane quidem, pro situ suo multifariam obliquo versus directionem pulsus, motus luminis laterales efficeret, cum contra nihil impediat, quo minus eam materiam quasi quiddam originarie fluidum et quidem totam, nec in solida corpuscula diuisam, cogitemus. Mathematicus decrementum luminis crescente distantia demonstraturus, radiis orbicularibus utitur diuergentibus, ut in superficiei globosa expansionis eorum quantitatem spatii, in quo eadem luminis quantitas inter hosce radios orbiculares aequaliter dispergi debet, proinde deminutionem gradus illuminationis ostendat; non autem vult, eos radios spectari deberi tamquas solos illuminantes, quasi usque loca luce vacua, quae in maiori distantia maiora fiant, in iis deprehendantur. Quodsi quamque illarum superficierum cupias totam illuminatam cogitatione informare, eadem quantitas illuminationis, quae minorem tegit, in maiori aequaliter cogitari debet, ideoque, ad directionem indicandam rectilineam, a superficie sunt omnibusque punctis illius ad lineas rectas lucentes ducendae. Effectum eiusque quantitas antea esse cogitata debet, tumque causa describi. Hoc idem locum habet in radiis attractiuis, si ita dicemus, quin in omnibus virium directionibus, quae inde a quodam puncto, spatium, vel si corporeum foret, debent replere.

3) Si vis est repulsio proxima, qua punctum aliquod (in ostensione mere mathematica) spatium replet *dynamice*, quaeriturque, secundum quam legem distantiarum infinite paruarum (quae hoc loco contrectationibus aequantur) vis repulsiva originaria (cuius proinde circumscriptio duntaxat posita in spatio est, in quo ea est expansa) in diuersis agat distantis: multo minus ea vis poterit per radios repulsivos diuergentes ex summo puncto repellente ostendi, quamquam directioni motus illud terminus a quo sit, si quidem spatium, in quo vis expandenda est, ut in distans agatur, spatium est corporeum, quod debet cogitari repletum (cuius quidem rei modus, qui scilicet punctum vi motrice huius queat, id est, *dynamice*, spatium replere, nullius sane ulterioris ostensionis mathematicae capax est) radiisque diuergentibus e puncto quodam fieri non potest, ut vis repulsiva spatii corporei repleti ostendatur; sed repulsio, in diuersis infinite paruis distantis horum punctorum inuicem pellentium, simpliciter ad proportionem modo conuersam spatiorum corporeorum, quae quodque istorum punctorum replet *dynamice*, proinde cubi distantiarum eorum ab se inuicem, aestimaretur, neque tamen ea posset construi.

4) Ergo attractio materiae originaria in proportionem conuersa quadratorum distantiae in omnes partes, repulsionem efficeret. originariam in proportionem conuersa cuborum distantiarum infinite paruarum, atque eiusmodi actione et reactione ambarum virium constitutiuarum materia gradus cuiusdam determinati repletionis spatii foret possibilis; quoniam, cum repulsio in appropinquatione partium modo crescat maiori, quam attractio, termini appropinquationis, quae per attractionem datam nulla potest maior esse, proinde et gradus ille compressionis determinatus est, quo modus repletionis spatii intensius efficitur.

Scholion 2.

Ac bene quidem difficultatem sentio huiusce explicandi modi possibilitatem materiae in vniuersum,

quae consistit in eo, vt, si punctum aliquod per vim repulsuam nullum possit aliud proxime pellere, nisi simul vniuersum spatium corporeum vsque ad distantiam datam vi sua repleat, hoc tunc, quod sequi videtur, plura puncta pellentia debeat continere, quod suntioni repugnat, supraque (theorem. 4.) sub nomine sphaerae repulsionis simplicis in spatio, confutauimus. Sed interest inter conceptum spatii realis, quod dari potest atque offerri, et solam ideam spatii, quod tantummodo ad determinationem relationis spatiorum datorum cogitatur, reapse vero nullum spatium est. In putatitia illa, cuius supra mentionem fecimus, monadologia physica spatia realia perhibebantur vno puncto dinamico, nempe per repulsionem, repleta; namque exstabant, qua puncta ante omnem, quae inde fieri posset, generationem materiae, suaeque peculiari sphaera efficacitatis partem determinabant spatii replendi, ad se posset pertinere. Idcirco in illa hypothese materia non potest vt in infinitum diuidua vtque quantum continuum considerari; namque, quae proxime inuicem se repellunt, partes distantiam habent ab se inuicem determinatam certamque (summam diametrorum sphaerae repulsionis); contra, si, quo vere vsu venit, materiam cogitemus vt quantitatem continuam, nulla prorsus partium inuicem se repellentium distantia locum habet, ideo nec vlla crescens decrescensue sphaera proximae earum efficacitatis. Iam vero materiae extendi possunt vel comprimi (velut aer), tumque distantia cogitatur partium proximarum, quae crescere possunt et decrescere. Quoniam partes proximae materiae continentis inuicem se contrectant, siue latius expansa sit siue compressa, distantiae illae ab se inuicem cogitantur *infinite paruae*, et hoc spatium infinite paruum vt maiori gradu minorue per vim repulsuam repletum. Sed interualum infinite paruum prorsus non est a contrectatione diuersum, ergo sola idea spatii, quae ad amplificationem materiae, qua quantitatis continentis, facit ostendendam, quamuis reuera sic nequeat comprehendi. Quodsi itaque vires repulsuae partium inuicem se pro-

xime pellentium materiae dicuntur esse in proportionem conuersa cuborum distantiarum, istud hanc vim habet, eas esse in proportionem conuersa spatiorum corporeorum, quae inter partes cogitantur, nihilominus inuicem se proxime contrectantes, quarumque distantia ob eam ipsam causam *infinite parua* dicenda est, vt ea ab omni vera distantia discernatur. Itaque difficultatibus constructionis conceptus cuiusdam, vel potius calumnia illarum haud vtendum contra conceptum ipsum videtur; quippe quo simul ostensio proportionis mathematica, qua ad varias distantias fit attractio, perinde imputaretur, atque illae, quibus quodque punctum in toto quodam materiae se expandente vel compresso alterum proxime repellit. In vtraque causa lex vniuersalis dynamices tum haec foret: actio virium motricium, quae a quouis puncto extra se fit ad quodque aliud, rationem seruat conuersam velut spatium, in quod idem quantum vis motricis sese expandit, vt in hoc punctum proxime ageret in distantia determinata.

Igitur ex lege partium materiae originarie inuicem se repellentium ad proportionem cubicam conuersam necessario lex prorsus alia expansionis compressionisque earum, quam *mariottica* aëris, sequeretur; haec enim vires euincit fugientes partium proximarum, quae proportionem seruant conuersam distantiarum, vti *Newtonus* probat (Princip. philosoph. nat. Lib. II. propos. 23. schol.). Nec vero vis expansiua harum posteriorum poterit qua actio spectari virium *originarie* repulsiuarum, verum ea posita est in *calore*, qui non solum qua materia, quae in eas penetrauerit, sed quod sane videtur, oscillationibus suis proprias partes aëris (quibus praeterea distantiae possunt ab se inuicem concedi) cogit, vt se inuicem fugiant. Quas vero oscillationes partibus inuicem proximis vim fugientem oportere impartire, quae proportionem seruat conuersam distantiarum, facile poterit ex legibus communicandi motus per vibrationes materiarum elasticarum doceri.

Praeterea monemus, hanc expositionem legis repulsionis originariae nolle nos ad finem tractationis nostrae metaphysicae materiae necessariam spectari, neque hanc posteriorem (cui satis est, repletionem spatii ut qualitatem illius dynamicam proposuisse) controuersis onerari ac dubiis, quae illam possent attingere priorem.

COROLLARIUM GENERALE

AD

DYNAMICEN.

Si vniuersas illius tractationes respexerimus, animaduertemus: in iis *primo reale* in spatio (quod alias solidum dicitur), in illius repletionem per *vim repulsum*, *deinde* id, quod respectu prioris, utpote rei proprie perceptioni nostrae externae subiectae, *negatiuum* est, nimirum *vim attracticem*, qua, quantum in ea est, omne spatium penetraretur, proinde solidum prorsus tolleretur, *tertio circumscriptionem* vis prioris per alteram posteriorem, atque inde oriundam determinationem *gradus cuiuspiam spatii repletionis* consideratam esse, proinde *qualitatem* materiae sub titulis *realitatis*, *negationis* et *limitationis*, quantum dynamicae metaphysicae competit, plene pertractatam.

SCHOLION GENERALE

AD

DYNAMICEN.

Principium vniuersale dynamices naturae materialis cernitur in eo, ut vniuersum reale rerum sensibus externis obnoxiarum, quae id attingunt, quod non in sola spatii determinatione versatur (loco, extensione, et figura), tamquam vis motrix spectandum sit; quo proinde, quod dicitur, solidum istud, siue impenetrabilitas absoluta, ut conceptus vacuus atque inanis, e scientia naturalis relegatur, in eiusque locum vis repul-

sua collocatur, contra ea vero vera attractio et proxima contra omnes argutationes metaphysices se ipsam calumniantis defenditur, et, qua vis constitutiva, ad ipsam conceptus materiae possibilitatem necessaria declaratur. Hinc igitur efficitur, ut spatium, si quis necessarium ducat, etiam *haud dispersis* intra materiam *interuallis vacuis* fere perpetuo et nihilominus diuerso gradu possit repletum sumi. Namque pro gradu originarie diuerso virium repulsiuarum, in qua prima materiae proprietas, quippe qua spatium replet, posita est, ratio illius ad attractionem originariam (sive cuiusque materiae per se ipsius sit, sive ad coniunctam omnis materiae in vniuerso attractionem) potest infinite diuersa cogitari; propterea quod attractio multitudine materiae nititur in spatio quodam dato, cum contra vis eius expansiua in gradu posita sit illius replendi, qui specie potest admodum differre (vti fere eadem aëris quantitas in eodem volumine pro maiori minorue pondere plus minusue elasticitatis exserit); cuius quidem vniuersae haec potest ratio reddi: vera attractione *omnes partes* materiae proxime in *omnes partes* aliarum agere, *vi* autem *expansiua* solas eas in *superficie contrectationis* agere, in quibus idem sit, vtrum multae post plus an minus huiusce materiae deprehendatur. Atque ex hoc solo permagna emergit utilitas scientiae naturali, propterea quod illa ea re onere leuatur, ex repleto vacuoque mundum ad solam phantasiam fabricandi, potiusque cuncta spatia plena possunt et tamen ad modum varium repleta cogitari, quo spatium vacuum saltem *necessitatem* suam amittit, ad pretiumque et dignitatem hypotheseos reducitur, cum illud alias, sub praetextu ad explicandos varios repletionis spatii gradus conditionis necessariae, titulum posset ac dignitatem decreti sibi arrogare.

Nihilominus manifestum est, commodum metaphysices methodice hic adhibitae, in principiis metaphysicis, sed non ad obrussam critices examinatis, abolendis duntaxat *negatiuum* esse. Verumtamen indirecte

quidem scrutatori naturae campus eo amplificatur; quoniam conditiones, quibus illud antea ipse limitaret, quibusque vniuersae vires motrices originariae philosophando tollerentur, nunc valorem amittunt. Caue sis autem, ne ea, quibus, conceptus materiae vniuersalis vt omnino esse queat, efficitur, transgrediare, et singularem illam vel adeo specificam illius determinationem varietatemque cupias ex anticipatione enodare. Conceptus materiae ad solas vires motrices reuocatur, quod aliter non potuit expectari, quoniam nulla actio potest, nullaque mutatio, nec nisi solus motus cogitari. Ecquis autem cupiat possibilitatem perspicere virium constitutiuarum? Eae duntaxat possunt sumi, cum ad conceptum, quem constitutiuum esse euinci potest, qui nequeat ab vlllo alio deriuari, necessario pertinebunt, eaeque vires sunt repulsiuae iisque reagentes in vniuersum. Quarum quidem de copulatione et consequentibus fere etiam poterimus ex anticipatione iudicare, quas earum in se inuicem proportionem possint, sine pugna, cogitari, neque tamen propterea tantum nobis arrogare, vt, vnam earum exstare, sumamus, quoniam, quo iure queas hypothesin statuere, necessario postulatur, vt eorum, quae sumantur, *possibilitas* prorsus certa sit, cum tamen possibilitas virium constitutiuarum numquam possit perspicui nec comprehendi. Atque in eo quidem commodum explicandi rationis mathematico-mechanicae commodum superat metaphysico-dynamicae, quod ei non potest praeuerti, nimirum vt ex materia prorsus simili, per variam figuram partium, ope vacuorum interuallorum insperforum, permagna specifica materiarum varietas, cum quoad soliditatem, tum quoad modum agendi (accidentibus viribus alienis) conficiatur. Nam et figurarum possibilitas et interuallorum vacuorum potest cum euidencia mathematica euinci; contra, cum ipsa materia in vires constitutiuas mutatur (quarum leges nullo modo possumus ex anticipatione determinare, multo minus varietatem illarum, quae ad explicandam specificam materiae diuersitatem idonea foret, certo indicare) omni nos adiumento care-

mus, quo hunc materiae conceptum *construamus*, et quod vniuerse cogitabamus, in visione vt possibile proponamus. Sed illud commodum e contrario dupliciter perdit physica mere mathematica, propterea quod ea primo conceptum inanem (impenetrabilitatis absolutae) constituat, oportebit, deinde omnes materiae *proprias vires* relinquat, praetereaque in configurationibus materiae constitutivae originariis suis, spatiisque vacuis disseminandis, pro eo atque necessitas explicandi postulat, phantasiae in campo philosophiae maiorem libertatem, atque etiam ius concedat legitimum, quam cum cautione huiusce posteriori possit conciliari.

Loco explicationis idoneae possibilitatis materiae illiusque diuersitatis specificae ex viribus illius constitutivis, quam nequeo adferre, momenta, vt spero, plene proponam, ad quae diuersitas earum specifica cuncta erit ex anticipatione reuocanda. Scholia definitionibus interiecta vsum eorum illustrabunt.

1) Corpus, sensu physico, est *materia inter terminos definitos* (quae proinde figuram habet). *Spatium inter hos terminos, quoad quantitatem consideratum, volumen* est. Gradus repletionis cuiuspiam spatii materiae determinatae dicitur *soliditas*. Alias vocabulum *solidi* etiam absolute vsurpatur pro eo, quod haud *cauum* (bullis, et foraminibus scatens) est. Hac significatione est quaedam soliditas absoluta in systemate impenetrabilitatis absolutae, et quidem, cum materia quaedam nulla prorsus continet interualla vacua. Ad hunc repletionis spatii conceptum comparationes fiunt, materiaque altera vocatur solidior, quae minus vacui in se continet, donec ea, in qua nulla spatii pars vacua est, plene solida dicatur. Hoc posteriori verbo vti duntaxat ex conceptu possumus materiae mere mathematico, sed in systemate dinamico impenetrabilitatis merae relatiuae nullum est maximum minimumue soliditatis, et nihilominus quaeque materia vel subtilissima potest prorsus solida vocari, si spatium suum tota repleat, nec vacua

interualla contineat, proinde quiddam continuum sit, haud interruptum; sed ea tamen, comparata cum alia quadam, minus solida est, sensu dinamico, si tota quidem spatium repleat, verum haud gradu aequali. Verum etiam in posteriori systemate haud conuenit, proportionem cogitare materiarum quoad soliditatem, nisi eas inter se inuicem specificè similes cogitemus, ita, ut altera ex altera queat per solam compressionem procreari. Cum igitur posterius per se haud ita necessarium videatur ad naturam materiae vniuersae, haud facile comparatio potest locum habere materiarum dissimilium respectu soliditatis earum, veluti aquae et Mercurii, quamquam illud fieri adsolet.

2) *Attractio, quatenus solum in contractione agens cogitatur, dicitur contextus.* Ac probis quidem experimentis vincitur, eandem vim, quae in contrectatione dicitur contextus, etiam distantia admodum parua agentem deprehendi; verum attractio duntaxat contextus vocatur, *quatenus* eam tantummodo in contrectatione cogito, vulgari experientiae conuenienter, in qua ex distantis paruis ea vix percipitur. Contextus plerumque pro proprietate materiae prorsus vniuersali accipitur, non quasi ad illam iam conceptu materiae ducamur, sed quoniam experientia sese vbique demonstrat. Sed haec vniuersalitas non est *collectiue* intelligenda, quasi quaeque materia hoc attractionis genere in quamque aliam *simul* in spatio cosmico ageret — cuiusmodi est grauitationis — sed *disiunctiue*, nempe in vnam alteramue, cuiuscumque modi materiarum ea sit, quae eam contrectet. Propterea, cumque haec attractio, quod variis potest rationibus euinci, non penetrans sit, sed modo vis superficialis, cum ea ipsa qua talis ne quidem vbique ad soliditatem sese accomodet, cum ad plenum robur contextus status fluiditatis materiarum antecedens sequentisque earum rigoris necessarius sit, arctissimaque contrectatio fractarum materiarum solidarum in iisdem ipsis superficiebus, quibuscum antea tam arcte cohaerebant, veluti vitri specularis, vbi rimam duxit;

tamen gradum attractionis amplius haud concedit, quem ab rigore post fluiditatem acceperat, eam attractionem in contrectatione nullam vim materiae constitutivam duco, sed tantummodo derivatam (qua de re infra plura dicentur). Materia, cuius partes, quantumvis maxime inuicem cohaereant, tamen a quaque vel minima vi motrice possunt ad se inuicem *transmoueri*, est *fluida*. Sed partes materiae, inuicem *transmouentur*, cum, quanto contrectationis haud deminuto, modo coguntur eam inuicem permutare. Partes, ideoque materiae, *diuelluntur*, cum ea contrectatio non solum cum aliis permutatur, sed tollitur, quantumvis eius deminuitur. *Corpus rigidum illud est, cuius partes non per quamque vim ad se inuicem possunt transmoueri*, quae proinde certo gradu quodam vis transmotioni resistunt. *Impedimentum transmotionis* materiarum ad se inuicem est *frictio*. *Renisus contra diuisionem* materiarum inuicem se contrectantium est contextus. Itaque materiae fluidae nullam in diuisione sua perpetiuntur frictionem, sed, ubi ea deprehenditur, materiae sumuntur rigidae — maiori minorive gradu, quarum posterior dicitur *viscositas*, quoad partes certe suas minores. *Corpus rigidum est durum, cum eius partes non possunt ad se inuicem transmoueri, nisi rumpantur* — proinde cum earum contextus haud mutari potest, nisi simul tollatur. Falso materiarum fluidarum et solidarum discrimen in vario gradu ponitur contextus partium. Vt enim materia dicatur fluida, non e gradu pendet renisus, quam ea rupturae, sed modo transmotioni partium ad se inuicem opponit. Ille, quantum velis, esse magnus poterit, tamen hic semper in materia fluida est = 0. Contemplemus guttam aquae. Cum particula, intra illam vel maxima attractione partium vicinarem, quae illam contrectant, versus vnum latus trahitur, tamen eadem et ipsa itidem ad alterum trahitur oppositum, cumque attractiones ab vtraque parte actiones, suas tollant, particula neque facile mobilis erit, ac si ea in spatio vacuo esset, nempe, quae illam mouere debet, vi non est vincendus contextus, sed modo, quam vocant, *inertia*.

quam in omni materia, etiamsi cum nulla prorsus re cohaereret, superare deberet. Idcirco paruum animalculum microscopicum tam facile in ea mouebitur, quasi nullus prorsus esset contextus diuellendus. Illi enim reapse nullus aquae contextus tollendus contrectatioque illius inuicem deminuenda est, sed modo mutanda. Sed fingite animo, idem istud animalculum per superficiem guttae externam velle permoliri, primo notandum erit, attractionem reciprocam partium huius guttulae efficere, vt moueantur, donec in contrectationem maximam inter se inuicem, proinde in contrectationem minimam venerint cum spatio vacuo, id est, figuram globi formarint. Cum igitur istud animalculum vltra superficiem guttae permoliri conatur, figuram globi mutet, necesse est, proinde maiorem aquae spatiique vacui contrectationem, ideoque et minorem partium illius in se inuicem contrectationem efficiat, id est, earum contextum minuat, tumque illi demum aqua obsistit suo contextu, sed non intra guttam, vbi contrectatio partium inter se inuicem nullo modo minuitur; sed modo in contrectationem partium aliarum mutatur, proinde hae minime diuulsae sunt, sed duntaxat transmotae. Atque etiam ad animalculum microscopicum, idque simili de causa, adhiberi potest, quod *Newtonus* radium luminarem dicit non per materiam densam ac solidam, sed spatio duntaxat vacuo repelli. Ergo perspicuum est, aucto contextu partium cuiuspiam materiae fluiditati eius nihil quidquam deminui. Aqua in partibus suis longe arctius cohaeret, quam plerumque putatur, si experimento confidatur laminae aëreae a superficie aquae auulsae, quod nihil quidquam dirimit, quoniam hic aqua haud in superficie tota contrectationis primae, sed in longe minori, rumpitur, ad quam nimirum partibus suis transmouendis tandem peruenit, fere vti baculus e molli cera pondere appenso primo subtilior ducitur, tumque in superficie multa minori, quam initio sumtum erat, necesse est, rumpatur. Respectu nostri quidem conceptus fluiditatis discerni videtur omnino eo, quod *materiae fluidae etiam*

eae possunt definiri, quarum quodque punctum ad omnes
 directiones eadem se vi nititur mouere, qua ad ullam quan-
 tiam premitur; qua quidem in proprietate posita est lex
 prima dynamices, quae vero coaceruationi corpusculo-
 rum laeuum et praeterea solidorum, vti facillima so-
 lutio pressionis eorum secundum leges motus compositi
 ostendere potest, numquam poterit attribui, eoque ori-
 ginalitatem proprietatis, quam fluiditatem vocant,
 euincit. Quodsi ergo materia fluida minimum trans-
 motionis impedimentum, proinde et vel minimam fri-
 ctionem experiretur, haec vna cum robore pressionis,
 quo partes illius ad se inuicem comprimuntur, cresce-
 ret, tandemque pressio locum haberet, in qua partes
 huiusce materiae per quamque vim paruam nequeant
 inuicem ad se premi, velut in canali flexo binis cruri-
 bus, quorum alterum, quantum velis, laxum sit, alterum
 quantumvis angustum, modo ne sit tubulus crinalis, —
 si ambo crura cogites aliquot centenis pedibus alta, flu-
 ida materia in angusto eadem altitudine staret, atque in
 laxo, ex legibus hydrostatices. Quoniam autem pres-
 sio in fundum tubulorum, et proinde quoque in eam
 partem, qua ambos, quibuscum inuicem communicatio est,
 tubulos coniungit, in proportionem altitudinum in infi-
 nitum potest augeri et crescere, necesse foret, vt, si
 minima frictio inter partes fluidi locum haberet, altitu-
 do tubulorum inueniri queat, qua parua aquae quanti-
 tas in angustiore tubulum fusa aquam in laxiore loco
 non moueret, proinde columna aquea in hoc altior fo-
 ret, atque in illo, propterea quod partes inferiores, in
 tanta ergo se inuicem pressione, non amplius per tam
 paruam vim motricem, atque additum aquae pondus
 est, transmouerentur, quod et experientiae et ipsi con-
 ceptui fluidi aduersatur. Idem valet, si loco pressionis
 per grauitatem contextus ponatur partium, quantus il-
 le cumque videatur. Altera, quam dedimus, fluidita-
 tis definitio, in qua lex constitutiva hydrostatices posi-
 ta est, eam scilicet in proprietate versari materiae, qua
 quaeque illius pars quaquaersus eadem vi sese mouere
 nitatur, qua ad directionem datam premitur, sequitur

ex definitione priori, si cum ea principium vniuersale dynamices coniungitur, vniuersam materiam originarie elasticam esse, vbi tum haec versus quamque partem spatii, qua illa compressa est, eadem vi sese expandere, id est (cum partes cuiusdam materiae ad se inuicem transmoueri possunt per quamque vim sine impedimento, quemadmodum reapse fit in materia fluida), se mouere, necesse est, nitatur, qua pressio ad quamque directionem, quae illa cumque sit, efficitur. Ergo proprie solis materiis rigidis (quarum possibilitas praeter partium contextum alia explicandi ratione indiget) frictio debet attribui, sed frictione ipsa iam ponitur proprietas rigiditatis. Quare autem certae materiae, quamuis fortasse haud maiorem, fortasse fere adeo minorem vim contextus habeant, quam aliae fluidae, tamen transmotioni partium tam vehementer resistent, nec proinde non nisi sublato simul contextu omnium partium in superficie quadam data, queant diuelli, quod speciem parit contextus praecipui, quomodo ergo corpora rigida fieri possint; etiamnum problema est haud solutum, quam facili negotio physica vulgaris putauerit illud posse absolui.

3) *Elasticitas (vis salendi) facultas est materiae quantitatem suam figuramue, alia vi motrice mutata, ea remittente rursus adsumendi.* Ea est aut expansiva elasticitas, aut attractiua; illa, vt compressione finita pristinum volumen maius, haec vt expansione absoluta pristinum volumen minus recipiat. (Elasticitas attractiua, id quod iam ipsum verbum ostendit, manifesto derivata est. Filum ferreum, ponderibus appensis expansum, si vinculum praeseccatur, in volumen suum resilit. Per eandem attractionem, quae causa est illius contextus, aut in materiis fluidis, si calor Mercurio subito subduceretur, materia eius properaret ad pristinum volumen minus recipiendum. Quae in sola restitutione figurae pristinae cernitur, elasticitas semper est attractiua, velut in lamina flexa gladii, cum partes in superficie connexa expansae vicinitatem pristinam nituntur recipere,

atque ita parua quoque gutta Mercurii dici elastica poterit. Sed elasticitas expansiua potest originaria, verum itidem etiam deriuata esse. Sic aëris elasticitas deriuata est, interuentu materiae caloris, cum ea arctissime coniunctae, cuius quidem elasticitas fortasse originaria videtur. Contra materia constitutiua fluidi, quod aëra vocamus, tamen qua materia vniuerse, necesse est, iam per se elasticitatem habeat, quae originaria vocatur. Cuiusnam generis percepta quaedam elasticitas sit, fieri non potest, vt in casibus obuiis certe decernatur).

4) *Actio motorum corporum in se inuicem per motus communicationem dicitur mechanica; sed actio materiarum, quatenus et in quiete viribus propriis coniunctionem partium suarum reciproce mutant, vocatur chemica. Haec vis contagioque chemica appellatur solutio, quatenus ea separationem partium cuiuspiam materiae efficit* (diuisio mechanica, exempli gratia per cuneum, inter partes materiae cuiusdam pulsum, proinde, quoniam haud vi propria cuneus agit, prorsus est ab chemica diuersa): ea vero, quae separationem efficit duarum materiarum per se inuicem solutarum, est *separatio*. Solutio materiarum specificè diuersarum per se inuicem effecta, in quibus nulla pars inuenitur alterius, quin ea cum parte quadam alterius ab ea specificè diuersa in eadem proportionè, qua totae, coniuncta foret, *solutio absoluta* est, etiamque potest *penetratio chemica* nominari. (An vires soluentes, quae reapse in natura rerum deprehenduntur, plenam possint perfectamque solutionem efficere, in medio relinquatur. Hoc loco solum quaeritur, an ea duntaxat queat cogitari. Atqui manifestum est, haud minus fieri posse, vt, quamdiu partes materiae solutae sint molecule, eae soluantur, quam partes materiae maioris, quin solutionem reapse fieri oportere, si vis soluens maneat, dum nulla amplius pars adsit, quae haud ex instrumento solutionis materiaque soluenda, in proportionè, quam ambo ad se inuicem seruant in toto, composita foret. Quoniam igitur nulla esse pars potest voluminis solutionis, quae haud partem con-

tineret instrumenti soluentis, hoc necesse est, qua continuum, volumen totum replere. Pariter, quia nulla pars eiusdem voluminis potest esse solutionis, quin ea partem proportionalem contineat materiae solutae, haec etiam, oportebit, qua continuum, spatium totum repleat, quo volumen mixturae efficitur. Cum autem duae materiae, et quidem earum quaeque tota, vnum idemque spatium replent, tum inuicem se *penetrant*. Ergo perfecta solutio chemica foret materiarum penetratio, quae tamen a mechanica penitus abhorreret, propterea quod in hac posteriore cogitatur, in appropinquatione materiarum motarum maiori vim repulsivam vnius vi repulsiva alterius prorsus superari, vnaque aut vtraque expansionem neutiquam potest efficere; contra cum hic expansio maneat, ita tamen, ut materiae haud extra se, sed in se inuicem, id est, per *intusfusionem* (ut dici solet) coniunctim spatium summae soliditatis earum conueniens occupent. Contra possibilitatem huius solutionis perfectae, ideoque penetrationis chemicae, difficulter potest aliquid in medium adferri, quamquam ea diuisionem *absolutam* continet in infinitum, quae in hoc casu nullam repugnantiam inuoluit, quoniam solutio per aliquod tempus continuando fit, proinde itidem per seriem momentorum cum acceleratione, praeterea per diuisionem summae superficialium materiarum porro diuidendarum crescere potest, cum vis soluens agat perpetuo, solutio tota tempore quodam *indicando* absolui. Quod eiusmodi penetratio chemica duarum materiarum nequeat comprehendere, in causa est ratio incomprehensibilis cuiusque omnino continui in infinitum diuidui. Quodsi perfectam hanc solutionem miseris, eam sumendum erit ad certas quasdam moleculas fieri materiae soluendae, in menstruo ab se inuicem in positis distantibus natantes, neque ullam tamen adferrationem queas, quare moleculae istae, quae tamen semper materiae diuiduae sunt, haud itidem soluantur. Namque, quod menstruum haud amplius agat, causa esse in natura rerum poterit, quoad experientia pertineat; sed hoc loco tantummodo de

possibilitate loquimur vis soluentis, quae et hanc moleculam et sic porro quamque aliam, quae relinquitur, soluat, donec solutio fuerit absoluta. Volumen, quod solutio capit, summae spatiorum, quae materiae se invicem soluentes, antequam miscerentur, occuparunt, aequale potest, vel minus, vel etiam maius esse, pro eo, ac vires attractrices adfectae sunt ad repulsivas. Iis in solutione quovis per se et ambobus coniunctis *medium quoddam elasticum* efficitur. Hoc et *solum* potest rationem ostendere idoneam, quare materia soluta per gravitatem suam haud rursus a menstruo separetur. Namque attractio huiusce posterioris, cum quaquaversus aequaliter fiat, ipsa resistantiam tollit, et, ut glabrities quaedam in fluido sumatur, aduersari videtur magnae illi vi, quam eiusmodi materiae solutae exferunt, velut acores aqua diluti in corporibus aereis, quibus non solum adhaerent, quod fieri deberet, si modo in medio suo narent, sed quae permagna vi attractrice diuellunt, atque in toto vehiculi spatio dispergunt. Ut autem ars nullis viribus soluentibus chemicis huiusce generis, quae perfectam solutionem efficerent, polleret, tamen eas fortasse natura posset, in operationibus suis vegetabilibus et animalibus exferere, iisque forte materias gignere, quas, quamvis illae quidem mixtae sint, nulla ars queat rursus separare. Haec penetratio chemica vel ibi posset inueniri, ubi altera ambarum materialium per alteram non quidem diuellitur, sensuque literaliter soluitur, quemadmodum materia caloris corpora penetrat, ubi, si modo per vacua interualla dispergoretur, ipsa substantia solida maneret frigida, propterea quod ea nihil quidquam illius recipere posset. Posset item certarum materialium per alias meatus speciose liber hoc modo cogitari, veluti materiae magneticae, neque illi tamen viae patentes vacuaque interualla in omnibus, vel ipsis solidissimis materiis parari. Sed ab hoc loco alienum est, hypotheses phaenomenorum singularium inuenire, potiusque nostrum est, ut principium aperiamus, ex quo eas vniuersas possimus diiudicare. Vniuersa, quae liberant nos a necessitate ad spatia vacua

confugiendi, vero ponenda in lucro sunt scientiæ naturalis. Ea enim nimiam libertatem largiuntur phantasiæ, defectum cognitionis naturæ internæ explendi. Vacuum absolutum solidumque absolutum sunt fere eadem in physica, quæ casus fortuitus caecumque fatum in cosmologia metaphysica, nimirum obex rationis dominantis, ut aut fictio locum illius occupet, aut ea in culcitra qualitatum obscurarum consopiat.

Ratione quæstionis omnium principis in scientiæ naturali, nempe explicandæ *diuersitatis materiarum specificæ*, quæ fieri in infinitum possit, viæ duæ sunt, quæ possunt institui: vna est *mechanica*, per coniunctionem absolute plenæ cum absolute vacuo, altera huic contraria est *dynamica*, per solam diuersitatem in coniungendis vicibus originariis repulsionis et attractionis omnem materiarum diuersitatem explicandi. Illa prior via materialibus derivationis suæ *atomis* utitur *uacuoque*. Atomus pars est parua materiæ, physice indiuidua. Sed physice *indiuiduum* dicitur materia, quæ nulla vi motrice, quæ in natura rerum existat, potest superari. Atomus, quatenus per figuram ab aliis specificè discernitur, vocatur *primum corpusculum*. Sed corpus (siue corpusculum), cuius vis motrix pendet ex eius figura, nuncupatur *machina*. Explicandi ratio diuersitatis materiarum specificæ per qualitatem et compositionem partium minimarum, quæ machinarum, est *philosophia naturalis mechanica*: ea vero, quæ ex materiis, non quæ machinis, id est, solis virium motricium externarum instrumentis, sed viribus motricibus originarie ipsis propriis attractionis et repulsionis, diuersitatem materiæ specificam deriuat, *philosophia naturalis dynamica* potest appellari. Mechanica explicandi ratio, cum mathesis accommodatissima sit, sub nomine *atomistices* siue *philosophiæ corpuscularis*, facta subinde pauca mutatione, inde a vetere illo *Democrito* vsque ad *Cartesium* et vel ipsa nostra tempora dignitatem suam contagionemque cum principiis scientiæ naturalis vsque quæque obtinuit. Essentia eius cernitur in sumptione *impene-*

trahibilitatis absolutae materiae primitivae, in similitudine absoluta huius materiae, in soloque figurae discrimine relicto, atque in inuincibilitate absoluta contextus materiae in his ipsis primis corpusculis. Haec sunt *materiae* ad procreandas materias specificè diuersas, vt non solum ad immutabilitatem generum et formarum, immutabilis et tamen variegata materia prima in promptu sit, verum etiam ex figura harum primarum partium, quā machinarum (quibus nihil amplius praeterquam vis deest extrinsecus impressa) varia effecta physica *mechanice* enodentur. Prima autem ac praecipua huius systematis fides posita est in putatitia illa *necessitate* ineuitabili, ad *differentiam specificam soliditatis* materialium *vacua spatia* adhibendi, quae intra materias et inter illas particulas distribuuntur, ad proportionem, pro eo atque opus videbatur, in gratiam quorundam phaenomenorum adeo magna sumebantur, vt pars voluminis repleta, vel solidissimae materiae ad vacuum propemodum pro nihilo putanda videatur. — Vt igitur dynamica explicandi ratio introducatur (quae philosophiae experimentalis longe conuenientior est atque utilior, propterea, quod ea directe ad inueniendas ducit vires motrices materiis proprias earumque leges, contra libertatem coërcet vacua interualla primaque corpuscula sumendi certarum figurarum, quae ambo nullo possunt experimento determinari atque inueniri), non opus est, vt nouae cudantur hypotheses, sed solum postulatum istud explicandi rationis mere mechanicae: *fieri non posse, vt differentia specifica cogitetur soliditatis materialium spatiis vacuis haud admittis*, solo indicando modo, quo illa cogitari queat sine repugnantia, confutatur. — Namque si postulatum istud, quo explicandi ratio mere mechanica nititur, modo denuum vt principium declaratum sit infirmum, per se intelligitur, illud non posse pro hypothesis in scientia naturali recipi, quamdiu possibilitas relinquatur, differentiam soliditatum specificam et sine omnibus vacuis interuallis cogitandi. Sed ea necessitas posita in eo est, vt materia haud (vt physici mere mechanici sumunt) per

penetrabilitatem absolutam spatium occupet, sed per vim repulsiuam; quae gradum habet, qui varius in variis materiis esse potest, cum is per se nihil quidquam cum vi attractrice, quae quantitati materiae conuenit, habeat commune, eadem vi attractrice in diuersis materiis quoad gradum ut originario esse diuersam posse, ergo et gradus expansionis earum materiarum in eadem quantitate materiae, et vice versa quantitas materiae sub eodem volumine, id est, illius soliditas originario permagnas diuersitates specificas admittat. Hoc modo haud videretur impossibile, ut materia cogitetur (velut fere aether cogitatur), quae spatium sine omni vacuo totum repleret, et tamen longe minori quantitate materiae sub aequali volumine, quam vniuersa corpora, quae experimentis possint nostris subiici. Vis repulsiva in aethere ratione vis attractricis propriae longe maior cogitari debet, quam in cunctis aliis, quas nouimus, materiis. Illudque et vnum est, quod modo propterea fumimus, *quod cogitari potest*, duntaxat in contrarium hypotheseos (spatiorum vacuorum), quae sola nititur obtentu, eius modi *non posse* sine vacuis spatiis *cogitari*. Item praeter hoc, nec vlla quaequam lex attractricis vis, nec repulsiuae, ex coniecturis ex anticipatione ausa, verum omnia, vel ipsa vniuersalis attractio, tamquam causa grauitatis, vna cum legibus suis ex datis experientiae debent concludi. Multo minus illud in adfinitatibus chemicis aliter, quam per viam experimenti, licebit tentari. Superat enim omnino orbem rationis nostrae finientem, ut vires originarias ex anticipatione secundum earum possibilitatem perspiciamus; potiusque vniuersa philosophia rationalis cernitur in viribus datis, specie diuersis ad numerum virium facultatumque tenuiorem reducendis, ad explicandas priorum actiones idoneis, quae quidem reductio pertinet tantummodo ad vires constitutiuas, ultra quas ratio nostra haud potest progredi. Atque ita inuestigatio metaphysices, post illa, quae conceptui materiae empirico fundamento subsunt, in eum duntaxat finem utilis est, ut philosophia naturalis, quoad eius fieri possit, ad

scrutandas explicandi rationes dynamicas ducatur, quoniam haec sola spem facit legum determinatarum, proinde contextus veri explicationum.

Haec cuncta sunt, quae ad construendum conceptum materiae, proinde in gratiam adhibendae mathematicos ad scientiam naturalem, respectu proprietatum, quibus materia spatium modo determinato replet, metaphysica potest efficere, nempe ut eas proprietates spectemus ut dynamicas, neque qua positiones absolutas originarias, uti fere tractatio mere mathematica eas postularet.

Iam nota illa quaestio, de spatiis vacuis in mundo concedendis, agmen claudat. *Possibilitas* illorum haud poterit impugnari. Namque ad vniuersas vires materiae spatium requiritur, et, cum hoc etiam conditiones contineat legum dispergendarum illarum, ante omnem materiam sumitur necessario. Sic materiae tribuitur vis attractiua, quatenus spatium circum se per attractionem occupet, neque tamen illud repleat, quod proinde vel ibi, ubi materia agit, ut vacuum potest cogitari, quoniam ibi non per vires agit repulsiuas, illudque proinde haud replet. Verum spatia vacua ut vera statuamus, nulla nobis experientia potest, vel ex ea conclusio, aut necessaria quaedam hypothesis ad illa explicanda, potestatem facere. Vniuersa enim experientia spatia nobis duntaxat comparatiue vacua ostendit, quae, secundum omnes gradus ex proprietate materiae, spatium vi expansiua maiori minoriue in infinitum replendi, plene queant explicare, ita, ut spatiis vacuis neuiquam opus videatur.

CAPUT TERTIUM
ELEMENTA METAPHYSICA
MECHANICES.

Definitio I.

Materia est mobile, quatenus illud, qua tale, vim motricem habet.

Scholion.

Haec est tertia materiae definitio. Conceptus mere dynamicus materiam poterat etiam qua quietem considerare; vis motrix, quae ibi contemplabatur, solum spectabat repletionem certi cuiusdam spatii, neque tamen opus erat, ut, quae illud replet, ipsa materia qua mota consideraretur. Repulsio proinde erat vis motrix originaria, ad motum *impertiendum*; contra in mechanice vis sub rationem vocatur materiae motae, ad hunc motum alii cuiusdam *communicandum*. Sed manifestum est, mobile *per motum suum* nullas vires motrices habiturum esse, nisi viribus polleret originarie motricibus, quibus ante omnem motum proprium in vnoquoque loco, in quo illud est, agat, nullamque materiam alii cuiusdam, quae motui suo in linea directa *coram* obiecta est, motum aequalem impressuram fore, nisi utrique leges essent repulsionis, neque eam motu suo cogere aliam posse, quae *se* in linea directa *sequatur* (eam trahat), nisi utrique vires inessent attractivae. Ergo vniuersis legibus mechanicis ponuntur dynamicae, materiaeque, qua mota, nullam potest habere vim motricem, nisi ope repulsionis suae vel attractionis, in quas et cum quibus ea in motu suo proxime agat, eoque motum suum proprium cum alia quapiam communicet. Ignosces, me communicationis motus per attractionem (si forte, exempli gratia, cometa maiori, quam terra, vi praedita attractiva eam praetereundo post se traheret) hoc loco non amplius mentionem facere, sed so-

lius interuentus virium repulsiuarum, velut per pressio-
nem (vti ope contensorum elaterum), pullionemque,
cum praeterea applicatio legum vnius ad leges alterius
tantummodo respectu lineae directionis differat, caete-
roquin autem in vtroque casu eadem sit.

Definitio 2.

*Quantitas materiae cernitur in copia mobilis in
certo quodam spatio determinato. Eadem, quatenus cum-
stae partes in motu suo qua simul-agentes (mouentes) con-
siderantur, vocatur massa; materiam agere in massa di-
cimus, cum omnes partes ipsius in eadem directione motae
extra se simul vires suas motrices exserunt. Massa de-
terminatae figurae appellatur corpus (sensu mechanico).
Quantitas motus (mechanice aestimata) ea est, quae
per quantitatem materiae motae eiusque celeritatem simul
aestimatur; phoronomice spectata consistit tantummodo
in gradu celeritatis.*

Theorema 1.

*Quantitas materiae cum quauis alia comparata so-
la potest quantitate motus celeritate data aestimari.*

Probatio.

Materia in infinitum est diuidua, ergo nulla quan-
tatis eius pars poterit per quamdam multitudinem par-
tium proxime determinari. Etiam si enim hoc ratione
materiae fiat cum simili quadam comparatae, vbi quan-
titas materiae magnitudini voluminis est, proportiona-
lis, tamen hoc contrarium est ei, quod postulat theo-
rema, vt ea scilicet comparata cum alia quaque (etiam
specificè diuersa) debeat aestimari. Ergo materia, nec
proxime potest, nec interuentu, cum quaque alia com-
parata rite aestimari, quandiu a motu eius proprio nos
inmet continemus. Igitur nulla aliqua, quae vniuersè
valeat, mensura, quam quantitatis motus illius relin-
quitur. In hac autem discriminem motus, quod in varia
quantitate materialium positum est, tum tantummodo

dari poterit ac proponi, cum celeritas materiarum comparatarum sumitur aequalis, ergo et sic porro.

Corollarium.

Quantitas motus corporum est in ratione composita ex ratione quantitatis materiae suae et celeritatis, id est, idem erit, quantitatem materiae corporis cuiusdam altero tanto faciam maiorem celeritatemque retineam, an celeritatem duplicem eadem massa servata. Etenim conceptus determinatus quantitatis fieri sola potest quanti constructione. Haec autem respectu quantitatis nihil est nisi compositio aequipollentium; ergo constructio quantitatis motus versatur in compositione multorum motuum inuicem aequipollentium. Iam ex theorematibus phoronomicis, utrum singulo cuiuspiam mobili certum quemdam celeritatis gradum, an multis aequaliter mobilibus omnes gradus celeritatis impertiam minores, ex data celeritate per multitudinem mobilium diuisa effectos. Ex quo primo, ad speciem, conceptus oritur phoronomicus quantitatis motus, quae ex multis motibus extra se inuicem compositi, sed tamen in toto quodam coniunctorum, punctorum mobilium. Quodsi igitur haec puncta cogitentur ut quidpiam, quod *per motum suum* vim habeat motricem, existit inde conceptus mechanicus quantitatis motus. In phoronomia autem non potest motus cogitari ex multis aliis *extra se inuicem* motibus compositus, propterea quod mobile, cum ibi omni vi destituta motrice cogitetur, in omni compositione cum pluribus sui generis nullum discrimen efficit quantitatis motus, quae proinde in sola celeritate consistit. Quam rationem quantitas motus corporis cuiuspiam ad quantitatem motus corporis cuiusdam alius servat, eandem et quantitas servat effecti, sed, quod bene notandum, effecti totius. Illi, qui solam quantitatem alicuius spatii renisu impleti (velut altitudinem, ad quam corpus quoddam cum quadam celeritate contra gravitatem adscendere potest, aut profunditatem, ad quam idem potest materias molles penetrare) mensuram totius effecti fecerunt, aliam legem virium motricium in *verin*

motibus inuenerunt, scilicet legem proportionis compositae ex proportionem quantitatis materialium quadraticae earum celeritatum: verum neglexerunt quantitatem effecti in tempore dato, quo corpus spatium minori celeritate absoluit, et ea tamen sola potest mensura esse motus per datum quemdam renisum aequabilem exhausti. Ergo et nullum discrimen inter viua corpora et mortua locum habere potest, si vires motrices mechanice spectentur, id est, quae illae, quas corpora habent, quatenus ea ipsa in motu sunt (siue celeritas motus eorum finite siue infinite parua sit) soli ad motum nifi; potius longe conuenientius illae vires, quibus materia, etiam si ab omni proprio eius motu, atque etiam a nifu se mouendi prorsus mentem et cogitationem abducimus, in alias agit, proinde vires motrices originariae dynamices vires mortuae, sed omnes vires mechanice, hoc est, per proprium motum motrices possent vires viuae vocari, nulla habita ratione celeritatis, cuius gradus etiam infinite paruus esse poterit, si modo haec nomina virium mortuarum viuarumque retineri mererent.

Scholion.

Vt breuitati consulamus, illustrationem trium illorum enunciatorum scholio hoc comprehendemus.

Quantitatem materiae duntaxat qua multitudinem mobilium (extra se inuicem) cogitari posse, quemadmodum definitio enunciat, lex est notatu digna et fundamentalis mechanices vniuersalis. Illa enim indicatur materiam nullam habere quantitatem aliam, quam quae in multitudine variorum *extra se* consistit, ergo et nullum gradum vis motricis cum celeritate data, quae ab hac multitudine haud penderet, et solum posset quae quantitas intensiua considerari, quod sane locum haberet, si materia ex monadibus consisteret, quarum realitas omni respectu, necesse est, gradum habeat, qui maior esse minorue possit, neque tamen a multitudine partium *extra se* inuicem pendeat. Ac conceptus quae

dem massae in eadem definitione, non potest, quod fieri solet, cum conceptu qualitatis idem haberi. Materiae fluidae per motum proprium possunt in massa, sed possunt etiam in fluxu agere. In mallo, qui vocatur, aqueo appellens aqua agit in massa, id est, vniuersis partibus suis simul; quod idem etiam fit in aqua, quae, vase quodam inclusa, pondere suo, in qua consistit, lancem premit. Contra aqua riuuli molaris in rotae aquaticae haud in massa agit, id est, haud vniuersis partibus suis eam impingentibus simul, sed singulis successiue. Si igitur hic quantitas materiae, quae, certa quadam celeritate mota, vim motricem habet, debeat determinari, primo quaerendum erit *corpus aequum*, hoc est, ea quantitas materiae, quae, cum in massa agit cum celeritate quadam data (grauitate sua) idem posset effectum producere. Idcirco vocabulo *massae* plerumque intelligitur quantitas materiae *corporis solidi* (vas, quo liquidum quiddam inclusum est, tenet etiam locum soliditatis illius). In theoremate quidem denique cum adnexo corollario mirum videtur, primo secundum illud theorema, quantitatem materiae per quantitatem motus cum celeritate data, secundum hoc corollarium autem vicissim quantitatem motus (cuiuspiam corporis, quantitas enim motus puncti solo constat celeritatis gradu) eadem celeritate per quantitatem materiae motae aestimandam esse, quod in orbem agi videtur, et neque vnius neque alterius conceptum determinatum polliceri. Verum hicce putatitius orbis foret verus, si in deriuatione reciproca duorum identicorum conceptuum ab se inuicem versaretur. Iam vero eo ex vna tantum parte definitio continetur conceptus, ex altera autem definitio vsus illius ad experientiam. Quantitas mobilium in spatio est quantitas materiae; sed haec quantitas materiae (multitudo mobilium) *exferit se* ac manifestat in experientia per solam quantitatem motus celeritate aequali (veluti per aequilibrium).

Praeterea notandum est, quantitatem materiae aeterni in *quantitate substantiae* in mobili, proinde haud

in quantitate certae cuiuspiam qualitatis illius (repulsionis, vel attractionis, quae in dynamicæ adferuntur), quantumque substantiae hic non nisi solam multitudinem mobilium notare, quibus materia efficitur. Namque sola haec multitudo mobilium eadem celeritate potest discrimen efficere in motus quantitate. Vt autem vis motrix, quam quaeque materia in proprio suo motu habet, solam probet quantitatem *substantiae*, positum in conceptu est substantiae, utpote *subiecti ultimi* (quo amplius non est ullius uspiam praedicatum) in spatio, quod ob eam ipsam causam nullam habere quantitatem potest aliam, quam multitudinem similium extra se invicem. Cum igitur *proprius materiae motus* praedicatum sit, quod subiectum suum (mobile) determinat, atque in materia quadam, utpote multitudine mobilium, subiectorum modorum multitudine (celeritate aequali aequaliter) indicat, quod in proprietatibus dynamicis, quarum quantitas etiam quantitas effecti esse potest a subiecto vno (cum, exempli causa, aëris particula plus minusue poterit elasticitatis habere), locum non habet, patet inde, quomodo quantitas substantiae in materia quadam solum mechanice, id est, per quantitatem proprii illius motus, non vero dynamicæ, per quantitatem virium originarie motricium aestimanda videatur. Nihilominus *attractio originaria*, qua causa gravitationis vniuersalis, tamen potest pro mensura esse quantitatis materiae eiusque substantiae (vti reapse fit in materiis ponderando comparandis), quamquam hic non motus proprius materiae attrahentis, sed mensura dynamicæ, scilicet, vis attractiua, constituta videtur. Sed, quoniam in hac vi actio materiae cum vniuersis partibus suis proxime fit ad vniuersas partes alius cuiuspiam, ideoque (distantiis aequalibus) manifesto est partium multitudini proportionalis, corpus trahens eo quoque ipsum sibi celeritatem motus proprii impertit (per tracti renisum), qui, paribus locis externis, ipse sit partium suarum multitudini proportionalis, fit hic aestimatio, quamquam modo indirecte, reapse tamen mechanice.

Theorema 2.

Prima lex mechanices. In vniuersis mutationibus naturae corporeae quantitas materiae manet in toto eadem, haud aucta, nec diminuta.

Probatio.

(Ex metaphysica vniuersali pronuntiatur) constituitur, in vniuersis mutationibus naturae nullam substantiam nec oriri, nec interire, et hoc loco tantummodo demonstratur, quid sit substantia in materia). In quaque materia mobile in spatio est subiectum vltimum omnium accidentium materiae inhaerentium, multitudoque huiusce mobilis extra se inuicem est quantitas substantiae. Ergo quantitas materiae, quoad substantiam, nihil aliud est, quam, quibus constat, substantiarum multitudo. Proinde quantitas materiae nec augeri poterit, nec minui, nisi eo, vt noua illius substantia oriatur aut intereat. Atqui in omni successione materiae numquam nec oritur, nec interit substantia; ergo etiam quantitas materiae eo nec augetur, nec minuitur, sed eadem semper manet, et quidem in toto, id est, ita, vt vsquam in mundo in eadem quantitate perduret, quamquam haec illaue materia accedentibus vel separandis partibus augeri potest aut diminui.

Scholion.

Huius argumenti caput, quo, quae tantummodo in spatio ex eiusque conditionibus, proinde quae res sensibus externis subiecta esse potest, substantia distinguitur, cernitur in eo, vt quantitas illius nec augeri possit, nec minui, nisi oriatur substantia, vel intereat, propterea quod omnis quantitas obiectae rei, quae solum esse in spatio potest, partibus, necesse est, extra partes constet, quae proinde, si reales (aliquid mobile) sunt, necessario substantiae videantur. Contra id, quod quae res sensui interno proposita spectatur, quae substantia potest quantitatem habere, quae haud partibus extra partes efficiatur, cuius proinde partes nec substan-

tiae sint, quarum ortus vel interitus, ideoque nec ortus interitusue substantiae, esse debeat, quorum incrementum ac decrementum idcirco, saluo constantiae substantiarum principio, fieri queat. Sic scilicet conscientia, proinde claritas repraesentationum animae meae, et, pro ratione illarum, etiam facultas conscientiae, apperceptio, cum ea autem ipsa animae substantia, *gradum* quemdam habet, qui maior minorue fieri potest, neque vlla tamen substantia quaedam propterea oriri debeat vel interire. Quoniam autem hanc apperceptionis facultate successiue deminuendam necesse est tandem euanescere, tamen ipsa animae substantia successiue interitui obnoxia foret, quamquam ea natura esset simplici, eo quod facultas constitutiuia illius non potest per diuisionem (separationem substantiae a quodam composito), sed quasi extinctione, neque id momento quidem, sed remissione gradus illius successiua, qua de cumque causa fiat. Illud *ego*, correlatum apperceptionis vniuersale, ipsumque solum aliquod cogitatum, qua merum pronomen, rem denotat significationis indefinitae, nempe subiectum omnium praedicatorum, sine vlla quapiam conditione, qua repraesentatio illa subiecti, a subiecto entis in genere discerneretur, ergo substantiam, de qua, quid ea sit, per hoc vocabulum nullam prorsus cogitationem habemus. Contra conceptus materiae qua substantiae est conceptus mobilium in *spatio*. Quapropter nil mirum est, si de materia possit constantia substantiae probari, quod fieri non potest de cogitatione illius *ego*, propterea quod iam ex *conceptu* materiae, eam nimirum in mobili cerni, quod solum esse in *spatio* possit, sequitur, vt id, quod in ea quantitatem habet, multitudinem realis *extra se inuicem*, proinde substantiarum contineat, ideoque quantitas illarum duntaxat per diuisionem, quae haud fit euanescente, minui possit, sed, vt euanescat, ex lege continui nullo modo fieri posset. Contra ea vero cogitatio illa, *ego*, nullus omnino *conceptus* est, sed modo perceptio interna, ex quo proinde nihil quidquam (praeter vniuersum discrimen rei sensui interno

subiectae ab iis, quae solum qua res sensibus externis obnoxiae cogitantur), ergo nec constantia animae, qua substantiae, poterit elici.

Theorema 3.

Secunda lex mechanices. Omnis materiae mutatio causam externam habet. Quodque corpus perdurat in statu suo quietis motusue, in eadem directione cum eodemque celeritate, nisi per causam externam cogatur, ut eum flatum relinquat.

Probatio.

(Ex metaphysica vniuersali pronunciatum constituitur, omnem mutationem causam habere; hoc loco cuique mutationi materiae probabitur, necesse esse, causam semper externam videri). Materia, qua sola res sensibus externis obnoxia, nullas alias determinationes habet, quam relationum externarum in spatio, nullasque proinde mutationes experitur, nisi per motum. Quarum quidem respectu, qua vicissitudinum motus cuiuspiam cum alio, illiusue cum quiete, et rursus retro, causa, oportebit, illarum inueniatur (ex principiis metaphysicis). Haec causa autem non potest esse interna, si quidem materia nullas habet determinationes simpliciter internas nec determinandi rationes. Ergo omnis materiae cuiuspiam mutatio posita est in causis externis (id est, corpus perdurat, et sic porro).

Scholion.

Haec lex mechanica sola est lex *inertiae* dicenda; lex cuique actioni reactionis aequalis contrariae non potest hoc nomine insigniri. Haec enim enunciat, quid materia agat, illa autem duntaxat, quid ea non agat, quod verbo inertiae conuenientius videtur. Inertia materiae neque est neque significat quidpiam aliud, nisi illius, qua materiae per se ipsius, *carentiam vitae*. Vita facultas dicitur *substantiae* ex principio interno se ipsam ad actionem, *substantiae finitae* se ad mutationem,

et *substantiae materialis* ad motum sese quietemue, utpote mutationem sui status, determinandi. Atqui nulum nouimus aliud *substantiae* principium internum, status sui mutandi, quam *appetitionem*, nullamque omnino actionem internam aliam, quam *cogitationem* eaque, quae inde pendent, *sensum* iucundi vel iniucundi et *cupiditatem* seu voluntatem. Sed hae rationes determinandi actionesque neutiquam pertinent ad repraesentationes sensuum externorum, nec proinde ad *materiae* qua *materiae* determinationes. Ergo omnis *materia* qua talis vita caret et *inanima* videtur. Haec, neque alia, vis est pronunciati inertiae. Quodsi causam quaeramus vllius cuiuspiam mutationis *materiae* in vita, eam et continuo in alia quapiam, ab *materia* diuersa, quamquam cum illa coniuncta, quaerere *substantia* debemus. Namque in cognitione naturali opus est, ut antea *materiae* qua talis leges noscamus easque a societate aliarum omnium causarum efficientium depuremus, quam eas cum illis coniungamus, ut probe internoscatur, quid et quomodo quaeque earum per se sola efficiat. In lege inertiae (praeter legem constantiae substantiarum) omnis omnino posita est possibilitas propriae scientiae naturalis. Contrarium legis inertiae, ideoque et mors omnis philosophiae naturalis, foret *hylozoismus*. Ex eodem inertiae, qua solius *carentiae vitae* conceptu, sponte promanat; eam haud designare *nisum positium* status sui conseruandi. Solae naturae animatae hoc posteriori sensu dicuntur inertes, quoniam repraesentationem habent status cuiusdam alius, quem abominantur, contraque vim suam contendunt.

Theorema 4.

Tertia lex mechanica. In vniuerso motu communicando actio sunt et reactio inuicem semper aequales.

Probatio.

(Ex metaphysica vniuersali depromendum erit pronunciatum, omnem in mundo actionem externam *actionem esse mutuam*. Hoc loco, vt intra carceres nos teneamus mechanices, duntaxat ostendemus, hanc actionem mutuam simul esse reactionem; sed, salua integritate perspicientiae, hic non possum legem illam commercii metaphysicam prorsus omittere). Omnes *actiuae* materiarum in *spatio* relationes, omnesque earum relationum mutationes, quatenus eae possunt *causae* videri certorum quorundam effectuum, semper mutuae sunt cogitandae, id est, quia omnis earum mutatio in motu versatur, nullus corporis motus potest in relatione ad quoddam *absolute quietum*, quod eo etiam moueri debeat, cogitari, potiusque hoc *relatiue quietum* respectu spatii, ad quod illud refertur, cum hoc spatio vero in directione contraria cum eadem motus quantitate in spatio absoluto motum cogitandum erit, quam motum in eodem erga se habet. Namque mutatio relationis (proinde motus) in ambobus prorsus mutua est; quanto alterum corpus ad quamque partem alterius appropinquat, tanto cuique parti prioris illius alterum propius accedit, quoniamque hic non de spatio empirico, quod ambo corpora cingit, sed solum de linea agitur, inter illa interiecta (propterea quod ea corpora duntaxat quoad relationem ad se inuicem, pro contagione motus alterius cum mutatione status alterius, cum continentia ab omni ad spatium empiricum relatione, considerantur); motus eorum qua solum in spatio absoluto determinabilis spectatur, in quo quodque amborum corporum, necesse est, partem habere aequalem motus, qui alteri in spatio relatiuo attribuitur, propterea quod, cur vtri plus tribuatur, quam alteri, nulla causa apparet. Atque ita motus corporis cuiusdam A. versus aliud quodpiam quietum B. cuius respectu illud eo esse mouens potest, ad spatium absolutum reuocatur, id est, qua relatio causarum efficientium solum ad se inuicem refertur, sic spectatus, vt amb

motus, qui in phaenomeno corpori A soli tribuitur, aequaliter participes sunt, quod haud aliter fieri poterit, quam ita, vt celeritas, quae in spatio relatiuo soli corpori A attribuitur inter A et B ad rationem conuersam massarum, corpori A soli suo in spatio absoluto, sed corpori B *una cum spatio relatiuo*, in quo quiescit, in directione contraria distribuatur, quo idem motus phaenomenon plenum retinetur, effectum vero in commercio amborum corporum hoc modo construitur.



Esto corpus A cum celeritate quadam $= AB$ respectu spatii relatiui versus corpus B, quod ratione eiusdem spatii *quietum* est, in accursu. Iam celeritatem AB diuidas in partes duas, Ac et Bc , quae ad se inuicem rationem seruant conuersam, quemadmodum massae B et A, et cogites A cum celeritate Ac in spatio absoluto, sed B cum celeritate Bc ad directionem contrariam *una cum spatio relatiuo* motum: ambo motus sibi inuicem contrarii sunt et aequales, cumque mutuo se inuicem tollant, ambo corpora ad se inuicem relatiue, id est, in spatio absoluto, se mandant *quieti*. Atqui B cum celeritate Bc ad directionem BA, quae directioni corporis A, nempe AB, e diametro opposita est *una cum spatio relatiuo* fuit in motu. Si igitur motus corporis B per pulsum tollitur, tamen haud propterea motus spatii relatiui tollitur. Ergo post pulsum mouetur *spatium relatiuum* respectu amborum corporum A et B (quae in spatio absoluto nunc quiescunt), ad directionem BA cum celeritate Bc , aut, quod idem est, ambo corpora mouentur post pulsum cum celeritate aequali $Bd = Bc$ ad directionem pellentis AB. Atqui, quod superius disputauimus, quantitas motus corporis B ad directionem et cum celeritate Bc , proinde etiam motus directionis Bd cum eadem celeritate, quantitasque motus corporis A cum celeritate atque ad dire-

tionem *Ac* est aequalis: ergo effectum, id est, motus *Bd*, quem corpus *B*. per pulsum accipit in spatio relatiuo, ideoque et actio corporis *A* cum celeritate *Ac* reactioni *Bc* semper erit aequalis. Cum eadem lex (id quod mechanice mathematica docet) nullam mutationem perpetiatur, si loco pulsus in corpus quiescens, pulsus accipiatur corporis eiusdem in corpus itidem motum, itemque communicatio motus per *pulsum* a motu per *tractum* tantummodo differat directione, ad quam inuicem sibi materiae in motibus resistunt: sequitur, *ut in omni motus communicatione* actio et reactio semper videantur aequales (quemque pulsum modo ope repulsus aequalis, itemque quemque *tractum* per retractionem aequalem motum cuiuspiam corporis cum alio posse communicare). *)

*) In phoronomia, vbi motus cuiuspiam corporis duntaxat respectu spatii, qua mutatio relationis *in eo*, contemplabatur, nihil intererat, vtrum corpori in spatio, aut, loco huius, spatio relatiuo motum aequalem vellem, sed contrarium, concedere; vtrum prorsus idem phaenomenon ostendebat. Quantitas motus spatii sola erat celeritas, et proinde quantitas corporis pariter nil nisi illius celeritas (quapropter illud qua solum punctum mobile poterat spectari). Sed in mechanica, vbi corpus in motu versus aliud consideratur, ad quod per motum suum seruat *relationem causalem*, quippe ipsum mouendi, dum aut appropinquans per vim impetibilitatis, aut fugiens per vim attractionis, cum eo commercium instituit, tum permultum intererit, vtrum vni cuiuspiam corporum istorum, an spatio motum velim contrarium tribuere. Nunc enim alius quantitatis motus agitur, nempe non illius, qui solum respectu spatii cogitatur, et duntaxat in celeritate versatur, sed eius, in quo simul quantitatis substantiae (qua causae mouentis) ratio habenda videtur, neque hic amplius arbitrarium, sed *necessarium*, quodque corporum motorum qua motum accipere, et quidem, cum quantitate motus aequali ad directionem contrariam; si vero alterum relatiue ratione spatii in quiete est, motum necessarium illi *vna cum spatio* attribuere. Vnum enim in alterum non potest per motum suum proximum agere, nisi aut in appropinquatione per vim repulsivam, aut in fuga per attractionem. Cum ambae vires igitur semper ab vtraque parte ad directiones contrarias atque aequa-

Corollarium 1.

Ex his efficitur lex naturalis illa mechanicae vniuersalis quam grauissima: quodque corpus, quanta eius cumque massa sit, per pulsum alius cuiuspiam, quam paruula eius massa sit vel celeritas, esse *mobile* oportere. Namque motui A ad directionem AB necessario respondet motus aequalis contrarius B. ad directionem B A. Ambo motus inuicem pulsum tollunt in spatio absoluto. Eo autem vtrumque corpus celeritatem accipit $Bd = Bc$ ad directionem pellentis, ergo corpus B cuique vel minimae vi appulsus mobile erit.

Corollarium 2.

Haec igitur est *lex mechanica aequalitatis actionis et reactionis*, quae posita in eo est: vt nulli motus communicationi locus sit, praeterquam quatenus *commercium* istorum motuum ponatur, nullum proinde corpus pellere aliud, quod *ratione sui* quietum est, sed, si hoc sit respectu spatii, solum quatenus illud *vna cum hoc spatio* in mensura aequali, verum ad directionem contrariam motum sit, vna cum motu, qui tum priori pro sorte obtingit relatiua; demum quantitatem motus dare, quam priori in spatio absoluto tribueremus. Namque nullus, qui respectu alius cuiuspiam corporis esse *mouens* debet, motus potest *absolutus* esse: si autem est relatiuus ratione posterioris, nulla est in spatio relatio, quin ea mutua sit atque aequalis. — Est vero et alia lex, nempe *dynamica aequalitatis actionis et rea-*

liter agant, nullum corpus potest interuentu illarum per motum suum in aliud agere, nisi ipsum tantumdem, quantum alterum reagit cum quantitate motus aequali. Ergo nullum corpus potest *absolute* quiescere per motum suum motum impertire, sed hoc cum ipsa eadem quantitate motus (vna cum spatio) in motu esse, necesse est, ad directionem contrariam, quam ea est, quam per motum prioris debet atque ad eiusdem directionem accipere. — Lector facile intelliget, quamuis aliquantum insolita sit haec nostra declaratio communicationis motus, eam tamen posse reddi perspicuam, si ea modo copiose satis illustrerur.

tionis materiarum, non quatenus vna cum altera motum *communicat*, sed huic originarie *impertit* cuiusque renisu simul in se ipsa procreat. Hic similiter potest facili negotio euinci. Nam, cum materia A trahit materiam B, tum illa hanc cogit, vt sibi *appropinquet*, siue, quod idem erit, illa obsistit vi ei, qua haec *fugere* conaretur. Quoniam nihil interest, vtrum B ab A, aut A a B fugiat: hic renisus simul est renisus, quem corpus B erga A exserit, quatenus fugere illud conaretur, proinde tractus et retractus sunt inuicem sibi aequales. Pariter, si A materiam B repellit, obsistit A *appropinquationi* B. Cum autem nihil quidquam interfit, vtrum B ad A, an A ad B propius accedat, B obsistit tantumdem appropinquationi A; pressio et repressio sunt itidem ergo semper sibi inuicem aequales.

Scholion I.

Haec ergo constructio est communicationis motus, quae simul legem aequalitatis actionis et reactionis, quae conditionem illius, inuoluit; quod *Newtonus* haud ausus est ex anticipatione probare, sed ea de re ad *experientiam* prouocauit, cuius in gratiam alii vim peculiarem materiae, primo a *Keplero* vim *inertiae* nominatam, in scientiam naturalem introduxerunt, ideoque eam etiam ab experientia deriuarunt, tandem et alii in conceptu solius communicationis motus posuerunt, quam vt transitionem successiuam spectarunt motus vnus corporis in alterum, qua mouens tantumdem amittere debeat, quantum moto impertiat, vsque dum huic posteriori nullum amplius imprimat (si scilicet cum hoc iam vsque ad aequalitatem celeritatis in eadem directione peruenerit), *) quo quidem proprie vniuersam

*) Aequalitas actionis cum reactione in hoc casu falso sic dicta pariter efficitur, si in hypothese *transfusionis* motuum e corpore in corpus corpus motum A quieto vno momento totum motum suum tradere statuas, ita vt illud post pulsus ipsum quiescat, quod euitari non poterat, simulatque ambo corpora qua *absolute dura* (quae proprietas ab elasticitate probe

reactionem sustulerunt, id est, omnem vim vere reagentem pulsi erga pellens (quod fere possit elaterem contendere), praetereaque, quod istud haud probant, quod proprie in illa lege spectatur, ipsam motus *communicationem*, quoad possibilitatem, neutiquam explicant. Namque vocabulo *transfusionis* motus e corpore in corpus nihil quidquam explicatur, et, nisi fere illud (contra principium: accidentia non migrant e substantiis in substantias) ad literam fumere velis, ac si motus e corpore in corpus, velut aqua e vitro in vitrum, fundatur, hoc loco ipsum problema est, quomodo haec possibilitas possit doceri, cuius explicatio in eadem ipsa causa posita est, unde lex aequalitatis actionis et reactionis deriuatur. Nullo modo cogitari potest, quomodo motus cuiuspiam corporis A cum motu alterius B coniunctum esse necessario debeat, nisi sic, ut vires cogitentur in ambobus, quae iis (dynamice) ante omnem motum competant, exempli causa repulsionem, et euinci possit, motum corporis A appropinquando versus B, cum appropinquatione B versus A, et, si B qua quiescens spectetur, cum motu illius, *una cum eius spatio* versus A necessario coniunctum esse, quatenus corpora cum viribus suis (originarie) motricibus solum relative ad se

discernenda est) cogitarentur. Cum autem ea lex motus neque experientiae conueniret, nec sibi ipsi in applicatione, nullum aliud remedium est, nisi ut existentia corporum absolute durorum negaretur, quod idem erat, ac si fortuita huiusce legis ratio concederetur, propterea quod eam positam esse perhiberent in quantitate materiarum se inuicem mouentium peculiari. Contra in nostra huius legis declaratione prorsus idem est, an corpora, se inuicem pellentia, velis absolute cogitare, nec ne. Quomodo autem patroni *transfusionis* motus corporum *elasticorum* per pulsum velint pro more suo explicare, equidem nullo modo possum comprehendere. Etenim manifestum est, corpus quiescens non qua solum quiescens motum accipere, quem pellens amittat, sed illud in pulsu veram vim ad directionem contrariam versus pellens exserere, ut quasi *elaterem* in ambobus comprimatur, quod ex sua parte pariter verum motum (sed ad directionem contrariam) requirit, quam corpus mouens ex sua parte ad id opus habet.

inuicem in motu considerentur. Quod quidem posterius prorsus eo potest ex anticipatione perspicui, quod, siue corpus B respectu spatii empirice noscibilis quiescat, siue in motu sit, illud tamen ratione corporis A necessario qua motum, idque ad directionem contrariam motum, spectari debere; quoniam alias nulla eius contagio cum vi repulsiua amborum locum haberet, siue qua nulla omnino fieri potest actio materiarum mechanica in se inuicem, hoc est, nulla motus per pulsum communicatio.

Scholion 2.

Igitur verbum vis inertiae, salua dignitate celeberrimi eius auctoris, e scientia naturali prorsus remouendum videtur, non solum propterea, quod ea repugnantiam ipsius verbi inuoluit, vel etiam idcirco, quia lex vis inertiae (carentia vitae) eo facile cum lege reactionis posset in quouis motu communicato confundi, sed potissimum, quoniam eo error eorum, qui legum mechanicarum haud satis periti videntur, alitur et confirmatur, quo reactio corporum, de qua in verbo vis inertiae sermo est, in eo consistat, vt motus eo in mundo consumatur, minuatur deleaturue, non vero sola illius communicatio efficiatur, si quidem nimirum corpus mouens partem motus sui duntaxat deberet impendere, vt inertia quiescentis vincatur (quod iactura foret), sola parte reliqua posset posterius mouere; sin vero nihil illi relinqueretur, per pulsum suum posterius, ob magnam molem suam, nullo modo moueret. Motui nihil potest resistere, nisi motus contrarius cuiuspiam alterius, neutiquam vero eius quies. Hic ergo non materiae inertia, id est, sola se sponte mouendi imbecillitas, in causa est renisus. Peculiaris quaedam prorsus propria vis, solum qua resistatur, non qua corpus queat moueri, in verbo vis inertiae vocabulum foret omni omnino sententia destitutum. Quamobrem tres illae leges mechanicae vniuersalis conuenientius possent sic denominari: *lex subsistentiae, inertiae et antagonismi materiarum in omnibus mutationibus illarum.* Has, pro-

inde cuncta huiusque, quam in praesens tractamus, scientiae theorematum, categoriis *substantiae*, *colligationis*, *causarum commercii*que, quatenus hi conceptus ad materiam adhibeantur, exacte respondere, nulla ulteriori expositione opus videtur.

SCHOLION GENERALE

AD

MECHANICEN.

Communicatio motus fit solo interuentu earum virium motricium, quae materiae etiam in quiete insunt (impenetrabilitatis atque attractionis). Actio vis motricis in aliquod corpus temporis articulo est corporis *solicitatio*, effecta celeritas posterioris per solcitationem, quatenus ea aequali proportionem potest tempore crescere, est accelerationis *momentum* (Momentum accelerationis igitur duntaxat celeritatem, necesse est, infinite paruum contineat, quoniam alioquin corpus per illud tempore quodam dato celeritatem acciperet infinitam, quod fieri non potest. Caeterum possibilitas accelerationis vniuerse, per momentum illius continuum, posita est in lege inertiae). Solicitatio materiae per vim expansiuam (veluti compressi aëris, pondus quoddam sustinentis) fit semper cum celeritate quadam finita, quae vero alii cuidam corpori imprimitur (aut detrahatur), celeritas esse potest tantummodo infinite parua; illa enim modo vis est superficialis, siue, quod idem est, motus quanti materiae infinite parui, quae proinde celeritate fiat, oportebit, finita, ut motui corporis cuiuspiam massae finitae cum celeritate infinite parua sit aequalis. Contra attractio vis est penetrans, et qua tali quantitate materiae finitum, in quantum cuiuspiam alterius itidem finitum vim motricem exserit. Ergo sollicitatio attractionis infinite parua fit, necesse est, eo quod momento accelerationis (quod semper infinite paruum esse oportet) ea aequalis sit, id quod non est in repulsionem, cum pars materiae infinite parua parti fini-

tae debet momentum imprimere. Nulla potest attractio cogitari cum celeritate finita, nisi materia per suam ipsius vim attractiuam penetrare se ipsam cogeretur. Namque attractio, quam quantitas materiae finita vi finita quadam exserit cum celeritate finita, quamque celeritatem finitam debet, qua materia per impenetrabilitatem suam, sed tantummodo parte infinite parua quantitatis materiae suae reagit, in omnibus compressionis punctis superare. Quodsi attractio vis sit duntaxat superficialis, prout contextus cogitatur, contrarium eueniret. Sed fieri non potest, ut is ita cogitetur, si in vera debeat attractione (nec sola compressione externa) versari.

Corpus absolute durum illud foret, cuius partes inuicem se tam vehementer traherent, ut nullo pondere diuelli possent, nec *in situ suo* erga se inuicem mutari. Quoniam itaque partes materiae eiusmodi corporis inuicem se accelerationis momento trahere oporteret, quod pro momento gravitatis infinitum, pro momento massae autem finitum foret, renisus per impenetrabilitatem, qua vis expansiva, cum semper fiat quantitate materiae infinite parua, maiori, quam finita, celeritate sollicitationis fieret, necesse foret, hoc est, materia celeritate infinita se niteretur expandere, quod fieri non potest. Ergo corpus absolute durum, id est, tale, quod corpori, cum celeritate finita moto in pulsu renisum *temporis articulo* opponeret, qui toti illius vi foret aequalis, esse non potest. Igitur materia per impenetrabilitatem contextumue, vi corporis in motu finito, temporis articulo renisum obicit modo infinite paruum. Ex quo sequitur lex continui mechanica, scilicet, in nullo corpore status, quietis motusue, et in hoc celeritatis vel directionis per pulsum temporis puncto mutatur, sed modo certo quodam tempore, per infinitam statuum intermediarum seriem, quorum discrimen inter se minus est, quam discrimen primi et ultimi. Corpus motum, quod in materiam impingit, proinde eius renisu non simul, sed solum retardatione continua

in quietem, aut id, quod in quiete erat, duntaxat acceleratione continua in motum, vel e gradu quodam celeritatis in alium ad solam regulam eandem transfertur; itemque directio motus illius mutatur in eam, quae cum illa angulum faciat, non nisi ope directionum omnium possibilium interiectarum, id est, per motum ad lineam curuam (quae quidem lex simili de causa et ad mutationem status corporis per attractionem potest amplificari). Haec lex continui constituta est in lege inertiae materiae, cum e contrario lex continui *metaphysica* ad omnes mutationes (cum internas tum externas) extensa esse deberet, ideoque in solo *conceptu mutationis in uniuersum*, qua quantitatis, et generationis illius (quae necessario certo quodam tempore continuo, quemadmodum tempus ipsum, fieret), constituta foret; proinde hic nullum locum inuenit.

CAPUT QUARTUM ELEMENTA METAPHYSICA PHAENOMENOLOGIAE.

Definitio.

Materia cernitur in mobili, quatenus, qua tale, res esse potest subiecta experientiae.

Scholion.

Motus, sicuti omnia, quae per sensus repraesentantur, duntaxat qua phaenomenon datus est. Vt illius repraesentatio experientia fiat, opus est, vt quidpiam per intelligentiam cogitetur, nempe ad modum, quo *subiecto* repraesentatio inhaeret, etiam determinatio *obiectae rei* per illam. Ergo mobile, qua tale, res fit obnoxia experientiae, cum certa *res* quaedam *obiecta* (hoc loco proinde res materialis) respectu *praedicati* motus qua *determinata* cogitatur. Atqui motus est mutatio

relationis in spatio. Ergo hic semper duo sunt correlata, quorum vni perinde in phaenomeno atque alteri primo tribuitur mutatio, et aut illud dici motum potest, aut alterum, quoniam vtrumque indifferens est, vel *secundo*, quorum vnum in experientia altero excluso vt motum debet cogitari, vel *tertio*, vtrumque necessario per rationem qua simul motum repraesentandum videtur. In phaenomeno, quod nihil praeter relationem in motu (quoad illius mutationem) continet, nulla harum determinationum complexa est; si autem mobile, *qua tale*, nempe quoad motum eius, determinate debeat cogitari, id est, in gratiam cuiuspiam possibilis experientiae, necesse est, conditiones indicari, sub quibus res obiecta (materia) vno alteroue modo per praedicatum motus debeat determinari. Hoc loco non sermo est de mutatione putatitii in verum, sed phaenomeni in experientiam; namque in putatio intelligentia cum iudiciis suis rem obiectam determinantibus semper agit, quamquam facile possit subiectiuum pro obiectiuo accipere; sed in phaenomeno nullum prorsus intelligentiae iudicium inuenitur; quod non modo hoc loco, verum in vniuersa philosophia notandum est, quoniam alias, si de phaenomenis sermo sit, et hoc vocabulum quoad significationem pro eodem cum verbo putatitii accipiat, semper praeue intelligitur.

Theorema I.

Motus rectilineus materiae respectu spatii empirici, ad distinguendum eum a motu spatii opposito, solum est praedicatum possibile. Idem in nulla ad materiam extra eam relatione, hoc est, qua motus absolutus, cogitatum esse non potest.

Probatio.

Vtrum corpus in spatio relatiuo moueatur, hoc vero dicatur quiescens, an, vice versa, hoc ad directionem contrariam aequali celeritate moueri debeat, contra illud vocari quietum, nulla controuersia est de iis,

quae obiectae rei, sed modo eius ad subiectum relationi, proinde phaenomeno, non vero competit experientiae. Nam, si spectator in eodem se spatio collocat quietus, ei hoc corpus dicetur motum; si autem se (certe cogitatione) in alio spatio illudque complectente collocet, cuius respectu corpus itidem quietum est, spatium illud relatiuum vocatur motum. Ergo in experientia (cognitionis cuiuspiam, rem obiectam cunctis phaenomenis rite determinantis) nullum prorsus discrimen est inter motum corporis in spatio relatiuo, aut quietem corporis in absoluto, et contrarium motum aequalem spatii relatiui. Atqui repraesentatio obiectae rei *per* vnum duorum praedicatorum, ratione obiectae rei aequipollentium, et a sese tantummodo respectu subiecti eiusque repraesentandi modi diuersorum, non est determinatio ex iudicio *disiunctiuo*, sed solum optio ex iudicio *alternatiuo* (quorum prius illud ex duobus praedicatis *obiectiue* contrariis vnum excluso contrario, alterum autem de iudiciis, quae obiectiue quidem valent, sed subiectiue inuicem opposita sunt, contrario ab re obiecta haud excluso, — proinde per solam optionem — vnum ad illius determinationem sumit); *) hoc est, per conceptum motus, qua rei subiectae experientiae, per se incertum est indeterminatumque, proinde nihil interest, corpusne in spatio relatiuo, an hoc respectu illius qua motum cogitetur. Atqui illud, quod ratione duorum praedicatorum sibi inuicem oppositorum per se indeterminatum est, eatenus *solum possibile* est. Ergo motus rectilineus materiae cuiuspiam in spatio empirico, quo discernatur a motu opposito spatii aequali, in experientia praedicatum est solum possibile; quod erat primum.

Cum porro relatio, proinde et illius mutatio, id est, motus, res esse duntaxat possit subiecta experientiae, quatenus ambo correlata res sunt experientiae obnoxiae; sed spatium purum, quod etiam comparatum

*) De hoc discrimine oppositionis disiuunctiuae et alternatiuae plura dicentur in scholio generali huic capiti annexo.

cum relatiuo (empirico) spatium absolutum dicitur, nulla res obuia experientiae omninoque nihil sit: motus rectilineus sine relatione ad vllum quidpiam empiricum, hoc est, motus absolutus, nullo prorsus esse modo potest; quod erat alterum.

Scholion.

Hocce theoremate modalitas motus determinatur respectu phoronomiae.

Theorema 2.

Motus orbicularis materiae, vt a motu spatii discernatur opposito, verum materiae praedicatum est; contra motus oppositus spatii relatiui pro motu corporis sumtus, nullus verus motus est corporis, sed, si pro eo reputetur, solum motus putatiuius.

Probatio.

Motus orbicularis est (vti quisque motus curuilinearis) mutatio continua rectilinei, cumque hic ipse mutatio continua sit relationis respectu spatii externi, motus orbicularis mutatio est mutationis harum relationum externarum in spatio; proinde ortus continuus motuum nouorum. Iam quia ex lege inertiae motus, quatenus oritur, causam externam habeat, necesse est, nihilominus autem corpus in quouis puncto huius orbis (ex eadem lege) per se ad lineam rectam orbem contrectantem progredi conatur, qui motus causae illi externae reagit, quodque corpus in motu circulari per modum suum vim demonstrat motricem. Atqui motus spatii vt a motu corporis distinguatur, solum est *phoronomicus*, nullamque vim motricem habet. Ergo iudicium, hic aut corpus, aut spatium, ad directionem contrariam in motu esse, iudicium est *disiunctiuum*, quo, cum membrum vnum, nempe motus corporis, ponitur, alterum, scilicet spatii motus, excluditur; igitur motus corporis circularis, quo a motu spatii discernatur, *verus* motus est, ergo posterior, etsi quoad phaenomenon.

nomenon conuenit cum priori, tamen in contextu omnium phaenomenorum, hoc est, experientia possibili, huic repugnans est, proinde non nisi putatitius.

Scholion.

Hoc theorema determinat modalitatem motus ratione *dynamices*; namque motus, qui non potest locum habere sine contagione vis motricis externae continuo agentis, euincit interuentu vel proxime vires motrices materiae originarias, siue attractionis siue repulsionis. — Caeterum scholion *Newtoni* ad definitiones, quas principiis philosophiae naturalis mathematicis praemisit, sub finem, potest ea de re consuli, ex quo planum est, motum circularem duorum corporum circum centrum commune (proinde et versatio axis terrae) in ipso spatio vacuo, ergo sine omni per experientiam possibili comparatione cum *spatio externo*, tamen oportere ope experientiae posse cognosci, proinde motum, qui mutatio est relationum externarum in spatio, empirice dari posse atque proponi, quamquam hoc spatium ipsum non empirice datum est, neque obnoxium experientiae, quod paradoxon dignum est, quod soluatur.

Theorema 3.

In quoque corporis motu, quo illud ratione alius cuiuspiam mouens est, motus oppositus aequalis posterioris necessarius est.

Probatio.

Ex tertia lege mechanices (theor. 4.) communicatio motus corporum fieri potest per solum commercium virium illorum originarie motricium, et hoc per motum ab vtraque parte oppositum atque aequalem. Ergo motus amborum est verus. Cum autem existentia horum motuum non (quemadmodum in theoremate se-

cundo) in contagione posita sit virium externarum, sed ex conceptu relationis moti in spatio ad quodque aliud eo *mobile* proxime et necessario consequatur, motus posterioris *necessarius* est.

Scholion.

Hoc theorema modalitatem motus determinat ratione mechanices. — Caeterum his tribus theorematibus motum materiae respectu *possibilitatis*, et *existentiae*, et *necessitatis*, proinde, respectu omnium trium categoriarum *modalitatis* determinari, sponte in oculos incurrit.

SCHOLION GENERALE

AD

PHAENOMENOLOGIAM.

Hic igitur tres apparent conceptus, quorum usus in vniuersali scientia naturali ineuitabilis, quorum diligentior determinatio propterea necessaria, quamquam haud ita fere facilis comprehensu est, nimirum conceptus *motus in spatio relatiuo* (mobili), deinde conceptus *motus in spatio absoluto* (immobili), tertio conceptus *motus relatiui* vniuerse, quo discernatur ab absoluto. Omnibus conceptus spatii absoluti constituitur. Quomodo autem conceptum tam singularem nanciscimur, et in quo posita est usus illius necessitas?

Is nulla esse res potest subiecta experientiae; si quidem spatium sine materia nulla res est perceptioni obnoxia, et tamen est conceptus necessarius rationalis, proinde nil nisi mera *idea*. Etenim, vt motus vel qua phaenomenon dari possit atque offerri, opus spatii repraesentatione empirica, cuius respectu mobile debeat relationem suam mutare, sed spatium, quod percipi debet, necesse est, materiale esse, proinde, pro eo, atque conceptus materiae vniuerse postulat, ipsum mobile vide-

ri. Vt igitur illud cogitemus motum, cogitandum erit qua complexum in spatio compagis maioris, et hoc sumendum quietum. Quod ipsum vero respectu spatii amplioris rursus poterit itidem considerari, et sic in infinitum, ita, vt numquam ad spatium immobile (immateriale) per experientiam perueniamus, cuius respectu vlli cuiuspiam materiae simpliciter motus quiesue attribuitur, sed conceptus harum determinationum relativarum semper erit mutandus, prout mobile cum vno aut altero istorum spatiorum comparabitur. Cum igitur conditio, aliquid quietum motumue spectandi, in spatio relatiuo in infinitum semper vicissim ex conditione pendeat, inde patet *primo*: motum omnem quietemue esse solum relatiuum posse, nullum absolutum, id est, materiam solum in relatione ad materiam, numquam vero respectu solius spatii sine materia, motam posse vel quietam cogitari, proinde motum absolutum, hoc est, eum, qui sine omni relatione materiae ad quamdam aliam cogitetur, simpliciter fieri non posse: *deinde*, ob eam ipsam causam nullum etiam posse conceptum motus quietisue in spatio relatiuo esse, qui *de omnibus phaenomenis* valeat, sed spatium cogitatione informari debeat, in quo istud ipsum qua motum queat cogitari, quod vero pro determinatione sua ulterius ex nullo alio spatio empirico pendeat, ideoque haud vicissim conditioni adstrictum, id est, spatium absolutum, ad quod vniuersi motus relatiui possint referri, in quo cuncta empirica mobilia sint, eadem de causa, vt in eo omnis motus materialium qua solum ad se inuicem relativarum, qua alternatiue mutuus,*) nullus autem qua mo-

*) In logica istud *aut* — *aut* semper denotat iudicium *disiunctiuum*; vbi tum, si alterum verum est, alterum sit falsum, necesse erit. Veluti corpus *aut* in motu est, *aut* non in motu, id est, in quiete. Ibi enim loquimur tantummodo de relatione cognitionis ad rem obiectam. Longe aliter est in phaenomenologia, vbi de relatione agitur ad subiectum, vt ex eo relatio rei obiectae determinetur. Tamen enim enun-

tus absolutus quiesce (vbi, dum vnum in motu esse dicitur, alterum, cuius respectu illud motum est, nihilominus qua simpliciter quietum cogitatur) valere queat. Itaque spatium absolutum non, qua conceptus rei obiectae verae, sed qua idea, quae esse pro regula debeat, vniuersi motus in eo solum qua relatiui considerandi, necessarium est, omnisque motus et quies ad spatium absolutum reducendus, si phaenomenon illius in determinato quodam conceptu empirico (omne phaenomenon coniungente) debeat mutari.

Sic motus corporis rectilineus in spatio relatiuo ad spatium absolutum reducitur, si corpus quaper se quietum, illud spatium autem in absoluto (quod non sub sensu cadit) ad directionem oppositam motum, et hanc repraesentationem qua eam cogito, quae idem ipsum phaenomenon ministret, quo tum vniuersa, quae esse possunt, phaenomena motuum rectilineorum, quae corpus fere simul habent, ad conceptum empiricum, qui ea cuncta coniungit, nempe conceptum solius motus quietisque relatiui, reuocantur.

ciatio: corpus aut motum est spatiumque quietum; aut vice versa, non pronunciatum est disiunctiuum in relatione obiectiua, sed solum subiectiua, et ambo, quae illo continentur, iudicia valent *alternatiue*. In eadem phaenomenologia, vbi motus non solum phoronomice, sed potius dynamicè consideratur, e contrario enuntiatio disiunctiua sumenda est significatione obiectiua; id est, pro conuersione cuiuspiam corporis non poterit illius quies, contraque motus spatii oppositus sumi. Vbi autem motus adeo *mechanice* spectetur (velut si corpus impingit aliud ad speciem quietum) vel iudicium quoad formam disiunctiuum ratione rei obiectae *distributiue* usurpandum est, ita, vt motus non *aut* vni; *aut* alteri, sed cuique pars aequalis attributur. Quae quidem distinctio determinationis conceptus *alternatiuae*, *disiunctiuae*, et *distributiuae*, respectu praedicatorum oppositorum, grauissima est, sed hoc loco non potest vltius exponi.

Motus circularis, quoniam, ex theoremate secundo, etiam sine relatione ad spatium externum empirice datum qua motus verus potest in experientia proponi, nihilominus reapse motus absolutus esse videtur. Et enim motus relatiuus respectu spatii externi (velut conuersio axis terrae in relatione ad coeli stellas), *phaenomenon* est, in cuius locum motus huiusce spatii (coeli) contrarius in eodem tempore, qua illi prorsus aequipollens, collocari potest, qui autem secundum hoc theorema in experientia neutiquam debet in eius locum reponi, proinde et ille motus circularis haud debet qua externe relatiuus cogitari, quod perinde sonat, ac si hoc motus genus pro absoluto accipiendum videatur.

Sed probe notandum est: hoc loco de *motu* vero (exstante) sermonem esse, qui tamen haud qua talis *videtur*, qui proinde, si eum duntaxat ad relationes ad spatium empiricas diiudicare velis, possit pro *quiete* reputari, id est, de *motu vero*, qui discernatur a *putatio*, non vero de eo qua motu absoluto cum relatiuo comparato, ergo motus circularis, quamquam nullam locorum in phaenomeno mutationem, id est, nullam phoronomicam, ostendit relationis moti ad *spatium* (empiricum), tamen mutationem per experientiam docendam continuam dynamicam relationis materiae in *spatio suo*, veluti perpetuam deminutionem attractionis per nisum effugiendi, qua veram motu circulari, ostendere eoque discrimen illius a putatio certo designare. Velut terram in spatio infinito vacuo poteris qua circum axem conuersam cogitare, eumque motum etiam per experientiam euincere, quamquam relatio partium terrae ad se inuicem, nec ad spatium extra illam, phoronomie, hoc est, in phaenomeno mutatur. Nam respectu illius prioris vtpote spatii empirici nihil quidquam in terra locum mutat, et ratione huius posterioris, quod prorsus vacuum est, nulla omnino potest relatio externa mutata, proinde et nullum phaenomenon cu-

iuspiciam motus locum habere. Verum, cum cauernam profundam versus centrum terrae porrectam cogito, lapidemque in ea demitto, sed inuenio, lapidem cadentem, quamuis in quaque a centro distantia grauitas semper ad hunc inclinet, nihilominus a directione verticali cadendo perpetuo et quidem ab occidente ad orientem declinare, tum concludo, terram esse ab occidente ad orientem conuersam. Vel cum etiam extra lapidem a superficie terrae longius remoueo, neque is supra eodem puncto manet superficiei, sed ab eo recedit ab oriente versus occidentem, tum ad eandem conuersionem axis terrae concludam, vtraque perceptio argumento erit existentiae huiusce motus idoneo, quo haud sufficit mutatio relationis ad spatium externum (coelum stellatum), propterea quod ea in solo phaenomeno versatur, quae causas habere duas potest reapse contrarias, neque cognitio est ex ratione explicandi omnium phaenomenorum huius mutationis deriuata, hoc est, experientia. Quod autem hic motus, etsi in nulla mutatione cernatur relationis ad spatium empiricum, tamen nullus motus absolutus, sed mutatio continua relationum materialium ad se inuicem, quamquam in spatio absoluto cogitatus, proinde reapse modo relatiuus atque etiam idcirco solum verus motus sit, positum in repraesentatione est mutuae distantiae continuae cuiusque partis terrae (extra axim) a quaque alia in distantia a centro aequali e diametro opposita. Hic enim motus in spatio absoluto verus est, propterea quod eo defectus illius distantiae, quem per se sola grauitas corpori contraheret, et quidem sine omni causa dynamica repulsiua (vti ex exemplo disci potest ab *Newtono* Princip. philos. nat. pag. 10. Edit. 1714. *), proinde per verum motum, sed ad spatium intus mate-

*) Ibidem „motus quidem, ait, veros corporum singulorum „cognoscere et ab apparentibus actu discriminare difficillimum est: propterea, quod partes spatii illius immobilis, „in quo corpora vere mouentur, non incurrunt in sensus.

riam motam (nempe centrum illius) conclusum, non vero ad externum spatium relatum, continuo refarcitur.

Quod *tertium* tandem *theoremata* attinet, non opus est, ad veritatem motus mutuo oppositi atque aequalis amborum corporum etiam nullo respectu habito spatii empirici docendam, ne contagione quidem dynamica per experientiam data (grauitate vel filo intenso), sed sola possibilitas dynamica eiusmodi contagionis, qua proprietatis materiae (repulsio vel attractio), in motu vnus, aequalem motum atque oppositum alterius simul in-se cohibet, et quidem ex solis conceptibus motus relatiui, si is in spatio absoluto, id est, ex veritate spectetur, ideoque, vti cuncta, quae ex solis possunt conceptibus euinci, lex est motus contrarii simpliciter absoluteque necessarii.

Ergo etiam nullus motus absolutus est, quamuis corpus in spatio vacuo respectu alterius qua motum cogitur; motus vtriusque hic non relatiue ad spatium se cingens, sed ad spatium in ipsis interiectum, quo solo relatio illorum erga se inuicem externa determinatur, qua spatium absolutum consideratur, ideoque rursus relatiuum videtur. Quocirca motus absolutus is modo foret, qui corpori cuidam sine relatione ad ullam quampiam materiam competeret. Eiusmodi solus foret motus rectilineus *uniuersitatis rerum*, id est, syste-

„Causa tamen non est prorsus desperata.“ Tum duos facit per filum coniunctos globos circum centrum commune in spatio vacuo conuertiatque ostendit, quomodo existentia motus illorum cum directione eorum tamen queat per experientiam aperiri. Et ego quoque in terra circum axim suam conuersa sub conditionibus paullo immutatis demonstrare conatus sum:

matris omnium materiarum. Namque, si extra materiam quampiam vlla quaequam alia, per ipsum spatium vacuum seiuncta materia esset, motus foret iam relativus. Idcirco quodque argumentum legis cuiuspiam motus, quod eo redit, vt contrario illius motus debeat totius rerum vniuersitatis effici, argumentum est apodicticum de veritate illius; ob eam solam causam, quoniam inde efficeretur motus absolutus, qui nullo modo fieri potest. Cuiusmodi quidem lex est *antagonismi* in commercio materiae motusque vniuerso. Quaeque enim ab ea declinatio centrum grauitatis commune vniuersae materiae, proinde vniuersum mundum loco moueret, quod e contrario, si mundum qua circum axim conuersum cogitares, non fieret, qui proinde motus cogitari poterit, neque tamen, quantum intelligi possit, si sumatur, vllam vtilitatem adferret.

Ad varios illos motus viriumque motricium conceptus adfecti sunt conceptus varii de *spatio vacuo*. Spatium vacuum respectu *phoronomico*, quod etiam absolutum vocatur, merito non dici spatium vacuum deberet; est enim duntaxat idea spatii, in quo ab omni singulari materia, qua illud res efficitur experientiae subiecta, cogitationem abduco, vt in illo spatium materiale, vel quoduis empiricum, adhuc qua mobile eoque motum cogitem, non solum ex vna parte; qua absolutum, sed semper mutuum; qua praedicatum solum relatiuum. Ergo illud nihil est omnino, quod ad existentiam rerum, sed tantummodo ad determinationem conceptuum pertinet, atque eatenus nullum exstat spatium vacuum. Spatium respectu *dynamico* illud est, quod haud est repletum, id est, in quo penetrationi mobilium nihil aliud mobile resistit, in quod nulla proinde vis agit repulsua, illudue vel spatium vacuum *mundanum*, vel, si mundus vt finitus repraesentetur, vacuum *extramundanum* esse potest; prius etiam aut vt vacuum *disseminatum* (quo pars tantummodo materiae efficitur), aut vt

vacuum coaceruatum (quo corpora, velut corpora coelestia, ab se inuicem separantur) potest repraesentari; quae quidem distinctio, cum modo in discrimine locorum posita sit, quae spatio vacuo mundano adsignantur, haud fere essentialis est, sed vario tamen respectu usurpatur, prius, ut discrimen densitatis, posterius, ut possibilitas motus ab omni renifu externo liberi in spatio mundano inde deriuetur. Vacuum spatium *respectu priori* haud *necessario* accipi debere, iam in scholio vniuersali ad dynamicen ostendimus; illud autem fieri non posse, ex solo eius conceptu, per principium repugnantiae, nullo modo euinci potest. Nihilominus, etiamsi hic nulla eius reiiciendi ratio mere logica deprehenderetur, tamen ratio physica vniuersalis illius ex physica relegandi adesse posset, nempe ratio possibilitatis compositionis materiae in vniuersum, si modo materiae naturam melius perspectam haberemus. Et enim, si *attractio*, quae ad explicandum materiae contextum sumitur, tantummodo putatitia, non vera attractio est, potiusque fere solum effectum *compressionis* per materiam externam in spatio mundano ubique dispersam (aetherem), quae ipsa tantummodo per attractionem vniuersalem et originariam, nempe gravitationem, ad premendum cogatur, quae sententia nonnullis poterit rationibus sulciri, spatium vacuum intra materias, quamquam haud logice, tamen dynamicè et proinde physice impossibilis foret, quoniam quaeque materia in spatiis vacuis, quae intus in ea fumerentur (cum vi eius expansivae hic nihil resistat), sponte se expanderet, eaque semper repletet. Spatium vacuum *extramundanum*, si mundus intelligatur complexus omnis materiae, in primis attractivae (magnorum corporum coelestium), iisdem de causis impossibile foret, quoniam pro eo, ac distantia ab his crescit, etiam vis attractrix in aethere (qui corpora illa cuncta includit, ab illaque pellitur, ea densa servat per compressionem) ad rationem conuersam decrescit, hic proinde ipse tantummodo in infinitum densitate decresceret, nusquam

vero spatium prorsus vacuum faceret. Interim hanc omnem spatii vacui remotionem in sola hypothese positam esse, nemo mirabitur; si quidem et eius adscriptio hypothese nititur. Illi, qui hanc quaestionem dogmatice audent dirimere, siue id aiendo agant, siue negando, solis postremo sumtionibus metaphysicis inniuntur, vti ex dynamice potest disci, et certe necessarium erat, hoc loco ostendi, hos non posse de illa quaestione quidquam decernere. Ac spatium quidem vacuum *respectu mechanico* est vacuum coaceruatum intra rerum vniuersitatem, vt corporibus cosmicis liber motus impertiatur. Facile intelligitur, possibilitatem vel impossibilitatem eius non esse positam in rationibus metaphysicis, sed arcano naturae difficulter aperiendo, quomodo materia vi suae ipsius expansivae carceres ponat. Nihilominus tamen, si, quod in scholio ad dynamicen generali de expansione materiarum specificè diversarum in infinitum maiori possibili, eadem (quoad pondus) quantitate materiae, dictum est, concedatur, sane quidem inutile fuerit, ob liberum duranteque motum corporum cosmicorum, spatium vacuum sumi, propterea, quod renisus, in ipsis spatiis prorsus repletis, tamen tum, quantulum cumque velis, poterit cogitari.

Atque ita doctrina corporum metaphysica finitur in *vacuo* ob eamque ipsam causam incomprehensibili, in quo quidem eius *fatum* idem est, atque aliorum omnium rationis conatum, cum ea in regressu ad principia primas rerum causas inuestigat, vbi, quoniam ita fert natura, numquam aliud quid, nisi quod sub datis conditionibus determinatum sit, comprehendi potest, proinde ea nec in eo, quod e conditione pendet, consistere potest, nec, quod ab omni conditione vacuum

est, comprehendere, illi, si discendi ardor eam excitet, nihil relinquitur, quam ut ab obiectis rebus ad se ipsam regrediatur, quo, pro ultimis rerum terminis, ultimos carceres facultatis suae sibi ipse relinquit ac determinet.

CONSTITUTIO
METAPHYSICES
MORUM.

P R A E F A T I O.

Vetus philosophia graeca in tres partes fuit diuisa, scilicet in *physicam*, *ethicam* et *logicam*. Quae quidem diuissio naturae rei exacte consentanea est, neque quidquam in ea emendandum, quam ut solum fere eius principium adiungatur, quo hoc modo partim de illius plenitudine certi esse possimus, partim sub diuisiones necessarias recte determinare.

Vniuersa rationalis cognitio aut *materialis* est, vltamque rem quampiam obiectam considerat; aut *formalis*, cui subiecta est sola intelligentiae ipsiusque rationis forma, regulaeque cogitandi vniuersales generatim, nullo habito rerum discrimine. Philosophia formalis vocatur *logica*, sed materialis, quae rebus certis determinatisque et legibus, quibus hae subiectae sunt, versatur, itidem duplicis generis videtur. Etenim eae leges vel *naturam* attingunt, vel *libertatem*. Scientia legum naturae dicitur *physica*, sed scientia legum libertatis *ethica* appellatur; illa etiam doctrina naturae nuncupatur, haec doctrina morum.

In logica nulla pars empirica inesse potest, hoc est, ea, in qua leges rogitandi vniuersales necessariaeque e rationibus penderent depromtis ab experientia; alias enim ea haud foret *logica*, hoc est, canon intelligentiae rationisue, qui in omni cogitatione valet locumque habet et demonstrandus videtur. Contra cum naturalis, tum moralis philosophia, suam quaeque partem poterit empiricam habere; quoniam illa naturae, ut rei experientiae subiectae, haec vero voluntatis humanae, quatenus ea per naturam mouetur atque adficitur, leges

determinare debet, illas quidem vt leges, ex quibus vniuersa eueniunt, has vt tales, ex quibus omnia fieri debent, sed tamen perpenſis quoque conditionibus, quibus efficitur, vt nonnumquam haud fiat.

Vniuerſa philoſophia, quatenus rationibus experientiae nititur, dici *empirica* poteſt, quae vero ſolum ſecundum principia ex anticipatione dogmata proponit, *pura philoſophia* vocari. Quae poſterior, ſi ſolum formalis ſit, *logica* dicitur; ſin vero ad determinatas res adſtricta ſit intelligentiae ſubiectas, *metaphyſica* appellatur.

Tali modo idea exiſtit metaphyſices duplicis, et *metaphyſices naturae*, et *metaphyſices morum*. Quamobrem phyſicae non modo pars empirica erit, ſed etiam rationalis; item ethica; quamquam eius pars empirica ſpeciatim poſſet *anthropologia practica* vocari, ſed rationalis proprie *philoſophia moralis*.

Omnes quaerſtus, omnia opificia, artes omnes per magnam vtilitatem ceperunt ex diſtributione laborum, cum ſcilicet non omnia vnus conficit, ſed ad certum quiſque laborem, quoad tractandi modum, ab aliis admodum diuerſum ſe adſtringit, quo opera poſſint eo perfectiora atque abſolutiora, maioriue facilitate effici. Vbi labores haud ita diſcernuntur ac diſtribuuntur, vbi quiſque mirus vult artifex videri, ibi commercia adhuc in ſumma barbarie videntur. Quamuis autem hoc ſane dignum foret conſideratione, quaerſtioneque: anne philoſophia pura in vniuerſis partibus ſuis ſingularem, qui ſe elaboret, virum deſideret, de vniuerſoque docto commercio melius actum ſit, ſi, qui rem empiricam cum rationali, ad guſtum populi, ex variis ſibi ipſis

ignotis rationibus, mixtam, vendere solent, sese meditando, alios vero, qui in sola parte rationali versantur, rimatores vocantes, monerentur, ne duo simul negotia curent, in tractandi modo tantopere diuersa, ad quorum quodque fortasse peculiari dono opus est, quorumque in vno homine coniunctione mali artifices nascuntur: tamen hic solum quaero, anne natura scientiae postulet, vt pars empirica ab rationali diligenter separetur, propriaeque (empiricae) physicae praemitenda metaphysica naturae sit, sed anthropologiae practicae metaphysica morum, quae ab omni ratione empirica accurate deberet purgata esse, vt sciremus, quantum in vtraque causa pura ratio efficere posset, ex quibusque fontibus ipsa institutionem hauriret ex anticipatione, siue caeteroquin hoc posterius negotium ab vniuersis morum doctoribus (quorum nomen legio est), siue ab nonnullis, qui se ad id natos intelligant, tractetur.

Cum hoc loco proprie spectem philosophiam moralem, propositam quaestionem ad hunc modum adstringam: anne putes, summe necessarium esse, vt tandem aliquando de philosophia morali pura laboremus, ab vniuersis, quae esse empirica possunt et ad anthropologiam pertinere, prorsus depurata, eam enim esse oportere, sponte manifestum est, ex idea officii legumque moralium communi. Quisque fateatur, necesse est, legem, si moraliter, id est, vt ratio obligationis, valere debeat, necessitatem in se cohibere absolutam oportere; praeceptum: noli mentiri, haud fere solum ad homines valere, quam vero naturae aliae rationes haud curare debere; rationemque proinde obligationis hic non in natura hominis, temporibusque mundi, in

quibus constitutus sit, quaeri debere, verum ex anticipatione tantummodo in conceptibus rationis purae, et quodque aliud praeceptum, in principiis solius experientiae constitutum, atque etiam praeceptum quodammodo vniuersale, quatenus ex minima parte, fortasse modo quoad momentum, in rationibus empiricis nitatur, regulam quidem practicam posse, numquam vero legem moralem appellari.

Ergo leges morales, cum principiis suis, in omni cognitione practica a cunctis reliquis, in quibus quodpiam empirici inest, non solum essentialiter distinguuntur, verum vniuersa philosophia moralis posita prorsus est in parte morali, ad hominemque adhibita, ne minimum quidquam ab eius cognitione (anthropologia) mutuatur, sed leges ei, vt naturae rationique, dicat ex anticipatione, quae sane quidem vi iudicandi opus habent per experientiam exacuta, vt partim discernatur, in quibusnam causis earum vsus sit, partim vt iis aditus in voluntatem hominis aperiatur, visque ad exercendum impertiatur, cum haec, vt ipsa, a tot propensionibus pulsa atque adfecta, ideae rationis purae practicae capax quidem sit, neque tamen tam facile queat efficere, vt ea in vita in singulo efficax reddatur.

Quamobrem metaphysica morum maxime necessaria est, non solum propter momentum contemplatiuum, vt fons principiorum practico-um, quae ex anticipatione in ratione nostra insunt, inuestigetur, sed quoniam mores ipsi variae corruptioni obnoxii manent, donec filum illud ductitium norma-que rite diiudicandorum illorum suprema nondum aperta est. In iis enim, quae esse moraliter bona debent, non sufficit, ea cum lege morali *conuenire*, sed necesse etiam est facta esse *propter*

illam; alias conuenientia illa solum admodum fortuita erit et dubia, quoniam ratio (moralis) inhonesta subinde quidem legitimas, plerumque vero legi contrarias actiones efficiet. Atqui lex moralis, in puritate sua ac sinceritate (ex qua ipsa in actionibus cuncta maxime pendent), nusquam alibi, quam in philosophia pura, quaerenda videtur, ergo haec (metaphysica) antecedit, oportebit, et absque ea nulla omnino potest philosophia moralis esse; ea ipsa, quae principia pura illa empiricis immiscet, nomine philosophiae indigna erit (quippe quo ea se ipso discernit a communi cognitione rationali, quod ea, quae haec tantummodo commixta continet, in separata arte ac scientia proponit), multo minus titulo philosophiae moralis, quoniam hac ipsa confusione vel ipsi morum puritati derogat, suoque ipsius fini aduersatur.

Noli putare, quae hoc loco postulantur, iam in propaedeutica celeberrimi *Wolffii* philosophiae morali praemissa, nimirum in *philosophia practica vniuersali*, quam dicit, nosmet obtinuisse, ideoque hic haud fere nouum campum perlustrandum proponi. Verum ob eam ipsam causam, quoniam ea esse debuit philosophia practica vniuersalis, voluntate caruit vllius cuiuspiam generis, eius fere, quae sine vllis momentis empiricis, prorsus ex principiis ex anticipatione, determinaretur, quae posset voluntas pura dici; sed illi propositum est velle generatim spectatum, cum vniuersis actionibus conditionibusque, quae illi vniuersali sensu illo competunt, eoque ea distinguitur a metaphysica morum, vti logica vniuersalis a philosophia transcendentali, quarum illa functiones regulasque cogitationis *in vniuersum*, haec autem solum functiones regulasque singulares co-

gitationis *purae* ac genuinae proponit, hoc est, eorum, quibus fit, vt res prorsus ex anticipatione cognoscantur. Etenim metaphysicae morum idea et principia voluntatis, quae esse possit, *purae* inuestiganda sunt, non vero actiones conditionesque voluntatis humanae generatim, quae maximam partem e psychologia hauriuntur. In philosophia practica vniuersali (quamquam contra ius fasque) etiam de legibus moralibus officioque sermonem esse, nihil quidquam sententiae meae officit. Namque auctores illius scientiae in eo quoque ideam suam presso pede sequuntur; neque momenta, quae, qua talia, prorsus ex anticipatione solum per rationem proponuntur proprieque moralia sunt, ab empiricis distinguunt, quae intelligentiâ comparatis experientiis ad conceptus vniuersales tollit, sed considerant ea, nullo habito respectu fontium eorum, duntaxat ex maiori minoriue summa illorum (propterea quod cuncta vt similia spectantur) eoque conceptum efformant *obligationis*, qui sane quidem nihil minus, quam moralis, ita tamen comparatus est, vti postulari poterit a philosophia, quae de *origine* omnium, qui esse possunt, conceptuum practicorum, vtrum iis etiam ex anticipatione, an solum ex adsumto atque aduentitio locus sit, nihil quidquam decernit.

Cum animus sit, aliquando metaphysicam morum edere, hanc constitutionem praemitto. Ac proprie quidem nulla illius alia constitutio est, quam *critica rationis purae practicae*, vt metaphysices critica rationis purae contemplatiuae. Verum, partim illa non tam necessaria videtur, quam haec, si quidem ratio humana in rebus moralibus, in ipsa intelligentia communi, facile poterit ad magnam perfectionem plenitudinem-

que perduci, cum e contrario in usu theoretico, sed puro, quanta quanta dialectica sit: partim ad criticam rationis purae practicae requiro, ut, si absoluta esse debeat, unitas eius cum contemplatiua in principio quodam communi simul proponatur; quoniam tandem vna poterit eademque ratio esse, quae solum in usu distinguitur, necesse est. Ad tantam vero perfectionem non poteram hic eam euehere, nisi res maxime alienae adducerentur, atque ita lectores confunderentur. Idcirco pro titulo *critices rationis purae practicae*, libellum inscripsimus *constitutio metaphysices morum*.

Quoniam autem porro etiam metaphysica morum, quamquam titulus posset terrere, tamen permagnae popularitatis capax est, conuenientiaeque cum intelligentia communi, e re esse duco, hanc praeuiam constitutionem ab ea separari, ut, quae non possunt in ea vitari, subtilitates haud facilioribus praeceptis necesse sit adiungi.

Sed hac nostra constitutione non, nisi conquisitio constitutioque *supremi moralitatis principii* continetur, quae sola negotium efficit, pro consilio eius, totum ab omnique alia inuestigatione morali separandum. Atque his meis adsertionibus quidem de hac quaestione principe sane grauissima minime satis huc usque exposita, eodem adhibito principio ad vniuersum systema, multum luminis, et per sufficientiam, quae ubique in eo emicat, magnam confirmationem acciperent: sed abstinendum ab hoc commodo fuit, quod vere quoque magis philautiam spectaret, quam utilitatem communem, quoniam facilitas vsus opinataque principii sufficientia nullum prorsus certum argumentum est veritatis illius, sed potius certum quoddam studium excitat, eius non

per se ipsius, nullo habito ad consequens respectu, quantum fieri queat, seuerissima explorandi ponderandique.

Eam vero viam ac methodum in hoc libello secutus sum, quam, opinor, esse conuenientissimam, si a cognitione communi ad determinationem principii illius analytice et rursus retro ab examinatione istius principii eiusque fontibus ad cognitionem communem, in qua illius vsus deprehenditur, synthétique velis iter instituerre. Proinde haec libelli erit diuisio:

1. *Sectio prima*: transitio a cognitione rationali morali communi ad philosophicam.
 2. *Sectio secunda*: transitio a philosophia morali populari ad metaphysicam morum.
 3. *Sectio tertia*: passus a metaphysica morum ad criticam rationis purae practicae postremus.
-

SECTIO PRIMA

TRANSITIO

A COGNITIONE RATIONALI MORALI COMMUNI

AD

PHILOSOPHICAM.

Nihil vspiam in mundo quidpiam, quin omnino et extra illum cogitari potest, quod sine vlla circumscriptione queat bonum reputari, quam solum *voluntas bona*. Intelligentia, ingenium, iudicandi vis et quae caeterae mentis poterunt *dotes* vocari, aut animi, mentis praesentia, constantia in proposito, vt proprietates *temperamenti*, sine dubio haec omnia certo respectu boni sunt dignaque, quae expetantur; ea vero et maxime meli poterunt et perniciofa fieri, si, quae his naturae muneribus vti debet, cuiusque natura propria ac peculiaris idcirco *character* dicitur, voluntas haud bona videatur. Eadem ratio est *munerum fortunae*. Opes, diuitiae, honor, ipsaque recta valetudo et vniuersa salus atque animus sorte sua contentus, quae *felicitatem* vocamus, animos erigunt, eoque saepe numero factum atque protervitatem gignunt, nisi bona voluntas adsit, quae vineorum in animo, et simul quoque vniuersum agendi principium corrigat, et vniuersae consentaneum reddat; vt taceam, spectatorem prudentem et aequum vel ipso adspectu salutis perpetuae naturae, ex qua nulla voluntatis purae bonaeque scintilla emicat, haud quaquam posse oblectari, atque ita voluntate bona conditionem effici necessariam videri, qua dignus fiat felicitate.

Nonnullae proprietates adeo hanc voluntatem bonam ipsae promouent eiusque opus possunt admodum leuare, nihilominus tamen nullum habent pretium internum absolutum, sed iis bona voluntas supponitur, quae aestimationem, qua caeteroquin iure eas prosequimur, circumscribit coërcetque, neque eas simpliciter

bonas reputari concedit. Moderatio cupiditatum ac perturbationum, imperium sui sobriaque deliberatio non solum vario respectu bonae sunt, sed partem adeo pretii *interni* personae videntur efficere; verum permultum abest, ut eae possint sine ulla limitatione bonae declarari (quantumvis simpliciter sint absoluteque a veteribus collaudatae). Etenim sine decretis principiisque bonae voluntatis maxime poterunt malae euadere, et homo sceleratus seueritate non solum longe periculosior redditur, verum etiam nobis magis abominandus, quam alias videretur.

Ac voluntas bona quidem haud per ea bona est, quae efficit, haud per rationem idoneam ad vllum quodpiam propositum attingendum, sed solum volitione, id est, per se, et in se ipsa spectata multo maioris aestimanda, quam cuncta, quae per eam cumque possent in gratiam vllius cuiuspiam propensionis, quin summae propensionum omnium effici. Et si singulari fortis inuidia, parcaque collocatione naturae, nouercae instar inlustae, voluntas prorsus destituta foret viribus ad propositum obtinendum; si, ut maxime allaboret, tamen nihil quidquam ea efficeret, solaque voluntas bona (sane haud fere quidem solum desiderium, sed omnium adiutorum, quatenus ea penes nos sint, conquisitio) relinqueretur: tamen ea, instar gemmae, per se ipsa exsplendesceret, tanquam aliquid, quod pretium in se ipsa cohibet. Vtilitate vel sterilitate huic pretio neque addi quidquam poterit, neque detrahi. Ea tantummodo instar marginis foret, quo in vita communi melius possit tractari, aut attentio eorum, qui nondum sunt satis periti, ad sese conuerti, non vero ut peritis commendetur eiusque pretium constituatur.

Nihilominus in hac idea de pretio absoluto solius voluntatis, nulla habita in aestimando illo ratione, adeo quiddam miri inest, ut, quamvis summa sit ipsius rationis communis cum ea consensus, tamen suspicio oriatur, necesse sit, solum fortasse delirationem altiora petentem occulte fundamenta, naturaeque finem, qua-

re voluntati nostrae rationem praefecerit moderatricem, praeue intellectum videri. Idcirco hanc ideam ab ea parte explorabimus.

In dotibus naturae organicae, id est, naturae vitae conuenienter constitutae, ut principium sumimus, nullum ulli cuiuspiam fini destinatum instrumentum in ea inesse, quin illud ei conuenientissimum maximeque consentaneum videatur. Quodsi igitur in ente, ratione praedito et voluntate, eius *conseruatio*, *salusque*, et vno verbo *felicitas* proprius naturae finis scopusque foret, pessime in eo egisset, quod rationem naturae creatae elegerit, quae consilium istud exsequeretur. Omnes enim actiones, quas edere eum in finem debeat, totaque vitae regula ei longe accuratius per impetum naturae, quem instinctum vocant, delineari ac praescribi possent, et finis ille multo certius eo attingi, quam vnumquam fieri per rationem possit, quaeque, si praeterea naturae creatae impertita foret, ei tantummodo propterea vsui esse debuisset, ut de felici indole naturae suae contemplationes institueret, eam admiraretur, de eaque gauderet, gratamque se causae beneficae exhiberet; non vero, ut facultatem appetendi debili isti ac fallaci duci submitteret, in consilioque naturae operam male consumeret; vno verbo, ea cauisset, ne ratio in *usum practicum* exorbitaret, audacterque tenui intellectu suo ipsam ei formam descriptionemque felicitatis, adiumentorumque eius consequendae, excogitaret; natura tum non solum optionem finium, verum etiam ipsorum adiumentorum in sese suscepisset, atque vtrumque sapienti cura impetui animali credidisset.

Ac profecto quidem inuenimus, quo magis ratio exulta in fine vitae felicitatisque perfruendae occupetur, eo etiam longius hominem a vera tranquillitate recedere ac remoueri, ex quo in multis, iisque peritissimis in ea vtenda, si modo ingenue velint confiteri, certus quidam modus *misologiae* oritur, id est, odium rationis, propterea quod subductis calculis vniuersae utilitatis, quam, ne dicam ex artibus vniuersis luxus

vulgaris inuentis, sed adeo ex scientiae partibus (quae iis tandem itidem intelligentiae luxus videntur) capiunt, tamen intelligunt, sese reapse sibi plus miseriae contraxisse, quam felicitatis comparasse, et propterea vulgus hominum, ad ductum solius impetus naturae propius accedentium, rationique non multum contagionis cum agendis mittendisque concedentium, potius inuidia prosequuntur, quam contemptu. Atque eatenus fatendum est, iudicium eorum, qui gloriosas laudationes vtilitatum, quas nobis respectu felicitatis tranquillitatisque vitae parare ratio deberet, admodum temperant ac fere ad nihilum reuocant, nullo modo triste ac morosum esse, vel erga benignum mundi regimen ingratum, verum istis iudiciis occulte ideam alius cuiuspiam longeque dignioris consilii existentiae fundamento subesse, ad quod, non vero ad felicitatem, ratio proprie destinata sit, cuique idcirco, vt conditioni supremae, consilium hominis singulare ac priuatum maximam partem debeat postponi.

Cum enim ratio haud satis idonea sit ad voluntatem respectu rerum ei subiectarum, omniumque (quae ipsa partim augeat atque multiplicat) desideriorum nostrorum explendorum certo ducendam, quæ quippe ad finem innatus naturae impetus multo certius perduxisset, nihilo tamen secius ratio nobis, vt facultas practica, hoc est, ea, quae vim debeat in *voluntatem* habere, tributa sit; sequitur, vt nobis eum in finem data illa atque concessa sit, quo voluntatem ea gignat pariatque, haud alio fere respectu *vt adiumentum*, sed *per se ipsam bonam*, quo necessario opus fuit ratione, sin alias in distribuendis dotibus conuenienter natura versata sit. Haec igitur voluntas haud vnum et vniuersum debet, at summum tamen bonum sit, necesse est, omniumque reliquorum, ipsius vniuersi felicitatis desiderii conditio, in quo quidem commode poterit cum sapientia naturae conciliari, si animaduerneris, cultura rationis, ad primum finem et absolutum necessaria, adeptionem finis alterius, semper ad conditionem adstrictum, ni-

mirum felicitatis, hac certe in vita, varie circumscribi, quin ipsum posse ad nihilum reuocari, neque tamen in eo inconuenienter rationem agere, quoniam ratio, quae summum finem suum practicum in constituenda voluntate bona agnoscit, in fine illo adsequendo tantummodo tranquillitatis capax est peculiaris generis, nempe ex repleto fine, rursus ab ratione proposito, etiam si istud cum aliqua coniunctum iactura sit finium propensione statutorum.

Vt autem conceptus voluntatis per se ipsam magni aestimandae et sine ullo ulteriori respectu bonae, uti is iam intelligentiae inest communi, neque tam doceri debet, quam potius duntaxat collustrari, ut igitur iste conceptus, qui in vniuerso actionum nostrarum pretio statuendo semper locum principem capit conditionemque efficit caeterorum omnium, explicetur; conceptum *officii* capiamus, qui conceptum in se continet voluntatis bonae, quamquam cum certis quibusdam limitationibus impedimentisque subiectiuis, quibus vero, tantum abest, ut ea occultetur atque obscureretur, ut potius iis emineat, eoque clarius exsplendescat.

Sed hoc loco mittam actiones vniuersas, quas iam officio contrarias cognoscimus, quamuis ad hunc illumue finem possint conducere: in iis enim ne quaeritur quidem, an *propter officium* facta sint, cum huic adeo repugnent. Neque eas quoque actiones adferam, quae reapse cum officio conueniunt, ad quas vero homines haud proxime sunt *propensi*, sed eas tamen patrant, alia quadam propensione concitati. Ibi enim facile poterit internosci, vtrum actionem officio consentaneam *propter officium* susceperint, an studio propriae utilitatis adducti. Longe difficilius discrimen istud animaduertetur, cum actio congruens officio est, subiectumque agens praeterea ad eam *proxime* propensione tenetur. Sic, ut hoc vtar, sane quidem officio conuenienter fit, ut institor emtorem imperitum adhibita orationis vanitate iustoque cariori pretio dicto ne

defraudet, neque, vbi multa negotiatio et ampla est, mercator prudens istud sibi permittet, statutumque pretium vniuersis commune tuebitur, ita vt paruuli tam bene ab eo emerè possint, quam alius quisque. Igitur probe nobiscum sincereque agitur; verum propterea haud poterit putari, mercatorem sic per officium atque ex principiis probitatis egisse; eo quod vtilitati eius sic conueniebat; eum vero praeterea proxime animi adfectu erga emtorem ferri, vt quasi amore ductus nullum alii praeponat, hic nullo modo poterit sumi. Ergo actio illa neque propter officium, neque per proximam propensionem animi facta erat, sed tantummodo studio propriae vtilitatis.

Contra, vt quisque vitam tueatur, in officio est, et cuique praeterea istud est a natura tributum. Nec vero propterea diligentia illa saepenumero anxia atque sollicita, quam maxima pars hominum in se conseruando adhibet, vllum habet pretium internum, regulaeque subiectivae eorum nullus valor inest moralis. Vitam quidem *officio conuenienter* custodiunt, nec tamen *propter officium*. Contra ea vero, cum aduersitates aerumnaeque desperatae oblectationem vitae funditus sustulere: si calamitosus, forti potius animo forti suae succenset, quam animum despondet aut abiicit, mortemque expetit, et tamen vitam tuetur, quamuis eam haud amet, non animi propensione ductus metuue, sed propter officium; tum in regula subiectiua eius valor moralis inest.

Vt, vbicumque fieri possit, beneficus sis, in officio est, et sunt praeterea animi ita ad communionem facti ab natura et constituti, vt, vel sine vlllo alio vanitatis vtilitatisue momento, intus voluptatem capiant ex laetitia ad alios transferenda, quique aliorum tranquillitate, quatenus ab se eam profectam vident, possint oblectari. Verum eas actiones contendo, quantopere officio congruenter fiant, quantopere dignae amore videantur, tamen nullum verum pretium morale continere, parique eum aliis propensionibus passu ambulare,

veluti cum studio honoris, quod, si forte fortuna in ea inciderit, quae ad vtilitatem publicam conferunt officioque conuenienter fiunt, proinde digna honore videntur, laudem quidem atque adhortationem, non vero aestimationem merentur; regula enim subiectiua valore morali destituta sunt, qui in actionibus inest, quae non ex propensione animi, sed *propter officium* suscipiuntur. Fac igitur, animum studiosi hominum propria aegritudine obnubilatum, omnem cum aliorum forte communionem exstinguente, videre, sed ei adhuc opes esse, quibus possit miseris occurrere, eorumque aerumnas leuare, verum illum aliena miseria haud commoueri, propterea quod satis in suis aerumnis occupetur, nunc autem nulla amplius propensione animi provocatum, ex letali se torpore excitare, actionemque citra omnem propensionem suscipere, sola officii cogitatione adductum, tum ea demum genuinum habebit pretium morale. Iam vero, si per naturam nulla cum aliis conuenientia coniunctioque (quam Graeci vocant *συμπάθεια*) huius illiusue animo insita foret, si (caeteroquin vir probus) natura difficulter moueatur, ad aliorumque miseras indifferens esset, quia fortasse singulari patientiae munere constantique robore in suis calamitatibus perferendis polleret, quod item in quouis alio supponit; si natura eiusmodi virum (qui profecto haud in pessimis illius effectis foret) non proprie ad humanitatem informasset, nonne is in sese fontem inueniret, vnde sibi ipsi posset longe maius pretium impertire, quam pretium est naturae bene informatae? Ita sane! ab eo ipso pretium ac dignitas morum siue characteris proficiscitur, quod morale absoluteque summum sit, nimirum, vt beneficus sit, non per procliuitatem animi, sed propter officium.

Vt suae quisque felicitati prospiciat, in officio est (certe indirecte), si quidem ex inopia animi sorte sua contenti, in turba multarum anxietatum, mediisque vitae necessitatibus haud fatiatis facile permagna posset *ad officia migranda sollicitatio* existere. Verum, nullo

hic habito officii respectu, omnibus hominibus iam per se vehementissima atque intima inest ad felicitatem procliu-
tas, quoniam in hac ipsa idea omnes propensiones in vna summa congregantur. Sed praeceptum felicitatis plerumque ita comparatum videtur, vt permultum eo quibusdam propensionibus derogetur, neque tamen homo possit de summa omnium earum explendarum vllam determinatam sibi certamque cogitationem informare; idcirco nil mirum est, vnam, respectu eorum, quae pollicetur, temporisque, quo ea possit expleri, determinatio ideam vagam vacillantemque queat praeponderare, hominemque, velut qui podagrae doloribus excrucietur, eligere cibos posse, quorum sapore delectetur, et quoad fieri possit, qui inde excitantur, cruciatus perferre, propterea quod, subducta ratione, hic certe, nulla fortasse vana felicitatis, quae in recta inesse valetudine putatur, expectatione, fruitione se praesentis temporis priuarit. Verum in hac quoque causa, nisi vniuersali ad felicitatem procliuitate voluntas eius determinaretur, nisi recta valetudo, illi certe, tam necessario ad illam computationem pertineret, tamen hic, vti in omnibus aliis causis, lex relinquitur, nimirum vt felicitatem suam promoueat, non per propensionem, sed propter officium, et tum demum actioni eius proprium pretium morale accedit.

Sic etiam sine dubio loci scripturae sacrae debent intelligi, quibus iubemur, vt homines, atque ipsos hostes, amemus. Namque amor, profectus ab inclinatione, non potest imperari, sed beneficentia propter officium ipsum, nulla ad eam propensione stimulante, atque etiam auersione naturali inuictaque reluctante, amor *practicus* est, non vero *pathologicus*, amor in voluntate situs, non in inclinatione sensationis, in decretis principiisque actionis, non vero in communione liquefcente; sed ille amor practicus solum potest praecipari atque imperari.

Altera deinde haec enuntiatio est: actionis propter officium pretium morale, *haud in fine* inest scopo.

que, quem debeas consequi, verum in regula subiectiva, ex qua ea decernitur, proinde neutiquam pendet ex existentia rei actioni subiectae, sed solum ex *principio volendi*, ex quo, nullo habito respectu rerum facultati appetendi propositarum, actio facta videtur. Ex iis, quae supra disputauimus, manifestum est, fines, quos nobis possimus in agendo propositos habere, eorumque effecta, vt scopos atque elateres voluntatis, nullum absolutum posse et morale pretium actionibus impertire. Igitur in quonam pretium istud inesse poterit, nisi in voluntate, respectu sperati effecti, debeat consistere? Nuspiam esse alibi poterit, *nisi in principio voluntatis*, nulla habita ratione finium, qui possunt effici eiusmodi actione; voluntas enim medium tenet inter principium ex anticipatione suum, quod formale est, et inter elaterem ex adsumto et aduentitio, qui est materialis, quasiue in triuio constituta est, cumque tamen re vlla quapiam determinetur ea, necesse sit, per principium voluntatis formale, oportebit, vniuerse determinetur, cum propter officium actio suscipietur, ybi ei vniuersum principium materiale ereptum est.

Tertia tum enunciatio, vt consequens ambarum superiorum, sic sonat: *Officium cernitur in necessitate cuiuspiam actionis propter aestimationem legis*. Ac *propensio* quidem actioni propositae esse subiecta poterit, non vero *aestimatio*, ob eam ipsam causam, quoniam ea solum in effecto, non autem in actione voluntatis versatur. Pariter propensionis generatim, siue mea sit, siue alius cuiuspiam, mihi non poterit aestimatio esse, ad summum in illa causa probare illam possum, in altera nonnumquam adeo amare, id est, eam proprie vtilitati meae consentaneam spectare. Id solum, quod tantummodo, vt causa cum ratione, numquam vero vt effectum cum voluntate mea coniunctum est, quod haud inclinationi meae inseruit, sed eam pondere vincit, certe hanc ab hyperpondio in optione prorsus arcet, proinde lex per se sola esse res potest aestimationi subiecta, eoque praeceptum. Atqui actio propter officium contagio-

nem propensionis, cum eaque quamque rem voluntati obnoxiam penitus secernere debet ac separare, ergo voluntati nihil relinquitur, quo possit determinari, nisi, obiectiue, *lex*, et subiectiue, *aestimatio pura* huiusce legis practicae, proinde regula, *) eiusmodi legi, vel cum ipso omnium propensionum mearum dispendio, obediendi.

Quocirca pretium actionis morale haud in effecto inest, quod inde expectatur, nec proinde in vltio quopiam actionis principio, quod momento indigeat ab hocce effecto expectato depromendo. Vniuersa illa quippe effecta (iucunditas status sui, atque etiam alienae felicitatis promotio) aliis quoque causis poterant produci, neque ideo ad id opus erat voluntate naturae rationisque; in quo quidem nihilominus summum absolutumque bonum solum poterit deprehendi. Idcirco nulla realia, nisi *repraesentatione legis* per se ipsius, quae *sane quidem solum in naturis locum habet ratione praeditis*, quatenus ipsae, non vero speratum effectum, in ratione voluntatis determinandae versantur, bonum tam eximium poterit, quod nosmet morale dicimus, effici, quod in ipsa iam persona, quae ad illud agit, praesens est, non vero ex effecto demum debet expectari. **)

*) *Regula* est principium volendi subiectiuum; sed principium obiectiuum (id est, id, quod omni naturae rationique etiam subiectiue foret pro principio practico, si rationi plena potestas est in facultatem appetendi) cernitur in *lege practica*.

**) Posset mihi quispiam obiicere, quasi in vocabulo *aestimationis* confugium quaererem in tactu quodam obscuro, cum per conceptum rationis in quaestione distincte debuisssem docere. Verum etsi aestimatio posita in tactu sit, tamen ea est in tactu posita per contagionem *accepto*, sed per rationis conceptum *sponse effecto*, ideoque ab omni tactuum genere acceptorum, qui ad propensionem possunt metumue reuocari, speciatim diuerso. Quidquid proxime vt legem mihi propositam cognosco, id cum aestimatione agnosco, quae solum denotat conscientiam voluntatis meae legi cuipiam *subordinandae*, nullis interuenientibus aliis cum sensu meo

Sed quatenam tandem esse lex poterit, cuius re-
praesentatione, nullo habito respectu effecti inde exspe-
ctati, voluntas debeat determinari, ut haec absoluta,
neque vlla cum adiunctione, bona queat appellari?
Cum voluntatem omnibus stimulis priuauerim, quae ex
vlla quadam lege seruanda ei possint existere, nihil re-
linquitur, quam vniuersalis illa actionum cum lege con-
uenientia, quae sola debeat voluntati pro principio es-
se, hoc est, numquam aliter agere debeo, nisi ita, *ut*
etiam velle possim, ut regula mea lex vniuersalis constitua-
tur. Hic igitur sola cum lege conuenientia omnino
(haud vlla quapiam ad certas quasdam actiones deter-
minata lege constituta) id erit, quod voluntati pro prin-
cipio sit, et esse quoque necesse sit, nisi officium om-
nino in opinione inani debeat conceptuque commentiti-
o versari; quocum et intelligentia communis in diui-
dicatione practica quoque accurate conspirat, illudque
principium semper habet ob oculos collocatum.

Fingamus, quaestionem proponi: anne mihi, ad
angustias redacto, licebit, promissum facere, quod,
sententia stet, me non seruaturum? Hic facile pro eo,

contagiiis. Proxima voluntatis per legem determinatio
eiusque conscientia vocatur *obseruantia*, ita ut haec ut *effectio*
legis in subiecto, non vero ut *causa* illius consideretur. Proprie
obseruantia cernitur in repraesentatione cuiusdam pretii, phi-
lantiae meae detrahentis. Itaque res obseruantiae subiecta
solum *lex* est, et ea quidem, quam *nobis ipsi* et tamen ut per
se necessariam iniungimus. Ut legi, illi subiecti sumus,
ita ut haud liceat philantiam consulere; ut lex nobis a no-
bismet ipsis imposita, tamen ea consequens est voluntatis
nostrae, habetque priori respectu similitudinem (analogiam)
metus, sed posteriori obseruantia. Omnis personae inclina-
tionis proprie solum obseruantia legis est (probitatis, id ge-
nus aliarum), cuius illa nobis exemplar proponit. Quo-
niam itidem in officio est, ut dotes ingenii excolamus, sit,
ut in persona, naturae muneribus instructa, nobis etiam
quasi quoddam *legis exemplar* (ut ei nosmet reddamus simil-
es) cogitando informemus, eaque nostra efficitur obseruan-
tia. Omne *inuitamentum*, quod dicunt, morale tantummo-
do in obseruantia legis consistit.

ac potest esse, quaestionis sententia distinguo, vtrum prudenter, an officio conuenienter fiat, promissum falsum facere. Illud quidem, dubium non est, quin saepe numero eueniat. Intellico quidem, non satis esse, hoc memet effugio ex praesenti difficultate expediri, sed probe deliberandum esse, an ne ex hoc mendacio longe maior possit incommoditas ad me redundare, quam quibus nunc memet liberem, cumque consequentia per omnem, qua mihi pollere videor, *versutiam* haud queant tam facile praeuideri, vt ne aliquando fiducia perdita multo mihi esse possit perniciosior, quam cuncta mala, quae nunc cogito vitare, an ne *prudenter* agatur, vt in eo regulam vniuersalem sequar, et ita memet componam, vt nihil quidquam promittam, quod nolim seruare. Verum mox animaduertam, eiusmodi regulae consequentia illa metuenda solum fundamento subesse. Atqui longe aliud est, propter officium veracem esse, quam per metum consequentium noxiorum; propterea quod, vt propter officium veracitati studeam, actionis conceptu per se ipso iam lex mihi proposita continetur; sed si per metum consequentium noxiorum veracem me debeam ostendere, mihi demum aliunde circumspectendum est, quae ratione mei esse effecta coniuncta possint. Quod si enim ab officii praecepto deflectam, profecto malum erit; sin vero a regula prudentiae defecerim, poterit istud mihi tamen nonnumquam utile esse, quamuis tutius sit, si in ea perseuerem. Interim vt discam, quomodo respondendum sit ad quaestionem propositam, an promissum mendax officio conuenienter fiat; memet ipsum quaero: an tandem in eo acquiescerem, vt regula mea (promisso falso faciendo memet ex difficultate expediendi) instar legis debeat vniuersalis valere, et num mihimet ipse dicere possem: quisque promissum falsum faciat, si in angustiis versetur, vnde haud aliter queat emergere. Tum mox intellico, me quidem mendacium posse, non vero legem mentiendi villo modo expetere; si quidem ex tali lege proprie nullum omnino promissum exstaret, quoniam frustra fieret, si respectu actionum mearum

Voluntatem meam aliis declararem, qui tamen isti declarationi nullam fidem tribuerent, aut si per praecipitantiam hoc mihi concederent, par pari mihi referrent, proinde regulam meam, si lex ea vniuersalis euaderet, se ipsam, necesse esse, euersuram.

Quid igitur mihi faciendum sit, vt volitio mea moraliter bona sit, nulla opus est subtilitate altius repete, vt aperiarn. Imperitus ratione euentorum mundi, et ad singula euenta paratum esse inidoneus, memet solum interrogo: tune etiam velle poteris, vt regula tua lex fiat vniuersalis? sin minus, ea reprobanda erit, idque haud quidem propter incommodum ad te aliosue inde enasciturum, sed quoniam ea non potest vt principium cuique, quae esse possit, legislationi communi aptari ad eamque quadrare, huius autem aestimationem proximam ratio mihi extorquet, quam quidem, in quo positam esse et constitutam (id quod philosophus anquirat), nondum *perspicio*, sed certe tamen tantum intelligo, aestimationem pretii esse, quod vniuersum eorum, quae a propensione commendantur, pretium pondere longe vincat, necessitatemque actionum mearum per aestimationem *puram* legis practicae in eo versari, quo officium efficiatur, cui quodque momentum aliud cedere debeat, quoniam ea in condicione cernatur voluntatis *per se* bonae, cuius pretium cuncta superat atque excellit.

Ita in cognitione morali rationis hominum communis vsque ad principium illius peruenimus, quod sane quidem haud ita in forma vniuersali separatum cogitatione sibi informat, sed semper tamen reapse ob oculos habet, normaue diiudicandi vtitur. Hoc loco facile posset ostendi, quomodo magnete, nauali instructa, in vniuersis causis obuiis bene possit discernere, qui bonum malumue, quidue officio consentaneum aut contrarium sit, si, neutiquam quidquam eam noui docentes, Socratem imitemur, eamque ad principium illius proprium aduertamus, ideoque nulla opus scientia esse ac philosophia, vt sciamus, quid agendum sit, quo probi

bonique, atque etiam sapientes honestique simus. Atque iam vero in antecessum posset suspicari, cognitionem eorum, quae cuique homini facienda sint, proinde quoque scienda, ea etiam cuius, vel ipsius de plebe infima hominis rem fore. Hic non potest sine admiratione conspici, quantum facultas iudicandi practica theoreticae praestet in intelligentia communi. Quodsi in facultate iudicandi theoretica ratio communis audeat, a legibus empiricis sensuumque perceptionibus deflectere, non nisi in incomprehensibilia incidit ac pugnantia cum se ipsa, certe in chaos quoddam ambiguitatis, obscuritatisque atque inconstantiae. Sed in practica iudicandi vis tum deum se optime exserit, cum intelligentia communis omnes sensitiuos elateres ab legibus practicis secludit et arcet. Ea tum adeo subtilitatibus indulget, siue cum conscientia sua ludat, aliisve petitionibus respectu eius, quod recta dici debeat, siue etiam pretium actionum in se ipsa instituenda ingenue velit statuere, in quo quidem constituendo in primis eodem iure sperare poterit, se rite versaturam, quo umquam philosophus sperauerit, quin propemodum in eo certior sit, quam philosophus, quippe qui nullo possit alio principio uti, sed iudicium suum, per vim alienarum deliberationum, rem minus attingentium facile confundere atque ab recta directione auocare. Nonne igitur magis e re foret, in rebus moralibus in iudicio rationis communis acquiescere, atque ad summum philosophum intexere, ut morum systema eo plenius faciliusque comprehensum, itemque regulae illius ad usum (multo magis autem ad disputationem) aptiores proponantur, non vero ut ipso respectu practico intelligentia communis a simplicitate sua felici deducatur, et per philosophiam in nouam viam inuestigationis institutionisque ducatur?

Praeclara res innocentia est, sed modo dolendum est, eam haud commode custodiri posse, facileque seduci. Idcirco sapientiae — quae caeteroquin magis in agendo mittendoque, quam in sciendo versatur — tamen et

scientia opus est, non ut ab ea discat atque edoceatur, sed ut praecepto suo aditum aperiat durationemque comparet. Homo in se ipso gravissimum pondus sentit contra vniuersa praecepta officii, quod ratio ei tanti aestimandum proponit, in necessitatibus suis et propensionibus, quarum satiationem vniuersam verbo felicitatis comprehendit. Atqui ratio praecipit, etsi in eo neutiquam quidquam propensionibus polliceatur, necessario, proinde quasi reiectis neglectisque importunis istis et tamen specie aequitatis fallentibus petitionibus (quae nullo sese tolli praecepto volunt). Inde vero *dialectica naturalis* oritur, hoc est, inclinatio, contra illas leges officii seueras argutandi, earumque valorem, certe puritatem seueritatemque sub dubium vocandi, easque, si fieri possit, desideriiis nostris ac propensionibus accommodatiores reddendi, id est, eas funditus corrumpendi, omnique dignitate priuandi, quod tamen ipsa ratio practica communis demum haud poterit probare.

Sic igitur *humana ratio communis* haud vlla quam necessitate contemplationis (quam, dum ei satis sit, solum se rationem sanam esse, numquam sentit), sed ipsis rationibus practicis impellitur, ut gyrum suum relinquat, gradumque faciat in campum *philosophiae practicae*, quo de fonte principii sui veraque eius determinatione cum regulis comparati collatique, quae in necessitate nituntur ac propensione, notitiam dilucidamque institutionem capiat, ut e difficultate liberetur ob vtriusque partis petitiones, neque periculum subeat, per ambiguitatem, in quam ea facile incidit, vniuersis sese genuinis principiis moralibus priuandi. Ergo in ratione communi practica, si se ipsam excolit, pariter sensim paulatimque *dialectica* emergit, qua cogitur, ut ab philosophia praesidium petat, atque illi accidit in usu theoretico, illaque proinde aequae minus, atque haec altera, vspiam alibi, quam in plena critica rationis nostrae quietem inueniet.

S E C T I O S E C U N D A.

TRANSITIO

A PHILOSOPHIA MORALI POPULARI

AD

METAPHYSICAM MORUM.

Quamquam, quem hucusque tractauimus, officii conceptum ex rationis nostrae practicae communi deduximus, tamen inde nullo modo poterit colligi, nos eum ut conceptum empiricum tractasse. Potius, si ad experientiam eorum, quae agunt homines mittuntque, animum aduertamus, frequenter videmus et, quod nos ipsi concedimus, iuste queri, quod adeo nulla certa possint consilii ex officio puro agendi exempla adferri, ut, etsi nonnulla ei, quod *officium* praecipit, *conuenienter* fiat, tamen etiam nunc dubium esse, an proprie *propter officium* fiat, eique proinde pretium morale insit. Idcirco omni tempore fuere philosophi, qui veritatem huius consilii in actionibus humanis penitus negarent, omniaque philautiae plus minusque excultae ac perpolitae tribuerent, neque tamen de veritate conceptus moralitatis dubitarent, potiusque cum intimo dolore mentionem facerent fragilitatis impuritatisque naturae humanae, quae satis quidem generosa sit, ut ideam sibi adeo dignam aestimatione praecipiat, sed simul tamen infirmior atque imbecillior, quam ut eam sequatur, et ratione, quae sibi esse legislationi deberet, tantummodo utatur ad inuitamentum propensionum, siue singularum, siue, ad summum, maxime inter se inuicem concordium, curandum.

Profecto nullo modo fieri potest, ut per experientiam vel de vna causa prorsus certo decernatur, cum regula actionis alioquin officio conuenientis solum in rationis moralibus posita fuit, atque in officii repraesentatione. Etenim nonnumquam quidem accidit, ut

in nobismet feueriffime examinandis nihil quidquam offendamus, quod praeter rationem officii moralem satis valuerit, ad hanc illamue actionem bonam tum tamque iacturam faciendam nos mouendos; sed inde nullo modo poterit certo elici, reapse nullum prorsus occultum philautiae stimulum, sola idea illa ostensa, veram voluntatis determinandae causam fuisse, vbi tum libenter patimur momento nobiliori, sed falso arrogato demulceri, re vero ipsa per feuerissimam explorationem numquam penitus possumus occultos illos elateres aperire, propterea quod, cum de pretio morali sermo est, non de actionibus agitur, quas videmus, sed de principiis illis earum internis, quae haud conspiciuntur.

Iam iis, qui vniuersam moralitatem, vt solam rem commentitiam ex phantasia humana per arrogantiam se ipsam transuolante ortam, rident, nil facere gratius poteris, quam vt iis concedas, conceptus officii (quemadmodum sibi per ignauiam libenter persuadent, eandem et reliquorum omnium rationem conceptuum esse) solum deriuari ab experientia oportere; eo enim illis indubitato triumphus paratur. Memet humanum praebebo et largiar, plerasque actiones nostras officio fieri conuenienter; verum si curas eorum cogitationesque propius adspexeris, vbique earum illud *ipse* eminet atque conspicitur, in quo, non vero in seuro illo officii praecepto, quod plerumque abnegationem sui ipsius postularet, consilium eorum nititur. Non est, quod virtutis inimicus videre, sis modo serius obseruator et aequus, qui desiderium boni ardentissimum haud continuo pro eius existentia accipiat, vt (praesertim prouectiori aetate, iudicandique vi per experientiam maturata, partim vero etiam ad obseruandum acuata) certis temporibus dubius fias, num vere quoque vspiam in mundo virtus inueniatur. In quo quidem nihil nos ab omni defectu potest ab ideis nostris officii tutos praestare, nihilque quidquam aestimationem legis in mente conseruare, quam animi firmitas euidens, quamuis numquam actiones exstiterint, ex puris eiusmodi lim-

pidisque fontibus ortae, tamen hic quoque neutiquam sermonem esse, vtrum hoc an illud fiat, sed rationem per se ipsam ab vniuersisque phaenomenis liberam, quid fieri debeat, praecipere, proinde actiones, quarum fortasse adhuc nondum prorsus exemplum existerit, quarumque de possibilitate vel is adeo, qui cuncta in experientiam constituit, admodum dubitauerit, tamen per rationem necessario imperatas esse, puramque, vt hoc vtar, probitatem in amicitia nihilominus a quoque homine postulari posse, etiamsi huc vsque nullus amicus probus existerit, si quidem officium istud, vt officium vniuerse, ante vniuersam experientiam, in idea rationis inest, voluntatem per causas ex anticipatione determinantis.

Cui si addideris, si haud omnem omnino cogitationis de moralitate veritatem adfectionemque ad vllam aliquam, quae possit esse, rem obiectam velimus impugnare, legis illius sententiam tam late patere, vt non solum ad homines, sed ad omnes *omnino naturas ratione praeditas*, non modo cum adiunctionibus fortuitis atque exceptionibus, sed *absolute necessario* valere oportere; manifestum erit, nullam posse experientiam ansam praebere, vel modo ad possibilitatem talium legum apodicticarum concludendi. Quo enim iure ea, quae forsitan cum adiunctionibus fortuitis naturae humanae valent, vt praeceptum vniuersale possumus cuique naturae rationique, ad aestimationem immensam euehere, et quomodo leges voluntatis *nostrae* determinandae debebunt leges voluntatis determinandae naturae rationisque vniuerse, et solum qua tales, etiam nostrae reputari, si duntaxat empiricae forent, nec prorsus ex anticipatione ab ratione pura, sed practica proficiscerentur?

Neque etiam prius posset moralitati consuli, quam si eam ab exemplis depromeres. Quodque enim exemplum illius, quod mihi proponitur, ipsum antea ex principiis moralitatis atque honesti diiudicandum videtur, an quoque dignum videatur, quod exemplo origi-

nario sit, hoc est, typo, neutiquam vero illud poterit
 conceptum illius primum suppeditare. Ipse sanctus il-
 le euangelii antea conferri debet cum ideali nostro per-
 fectionis moralis, antequam pro eo cognoscatur; de se
 ipso quoque dicit: quid me (quem videtis) bonum di-
 citis, nemo bonus (prototypum boni) est, nisi vnus deus
 (quem vos haud videtis). Vnde vero nobis est concep-
 tus dei, vt summi boni? Solum ex *idea*, quam ratio
 ex anticipatione delineat de perfectione morali, et cum
 conceptu voluntatis liberae arctissime coniungit. In re-
 bus moralibus nullus omnino imitationi locus videtur,
 exemplaue tantummodo ad incitandos animos faciunt,
 hoc est, possibilitatem eorum, quae lex imperat iubet-
 que, extra dubitationem ponunt, sub adspēctumque id
 subiiciunt, quod regula practica generalius enunciat,
 numquam autem poterunt potestatem facere, veri,
 quod in ratione inest, typi negligendi, et sese ad exem-
 pla componendi.

Quodsi igitur nullum genuinum principium mo-
 ralitatis supremum sit, quin ab omni experientia libe-
 rum solum niti debeat in ratione pura, haud opus esse
 duco, vt vel modo quaeratur, conducatur, hosce con-
 ceptus; ita vti, vna cum principiis suis, ex anticipa-
 tione rati sunt fixique, in abstracto proponi, si scilicet
 cognitio a vulgari communique discerni debeat, et phi-
 losophica vocari. Sed nostris quidem temporibus sane
 opus fuerit. Etenim, si suffragia colligerentur, vtrum
 cognitio rationalis pura ab omni re empirica seiun-
 cta ac separata, proinde metaphysica morum, an philo-
 sophia practica popularis praeferenda videatur, facile
 suspicabere, quae pars victura foret.

Ac sane quidem ea ad conceptus populares demis-
 sio admodum laudabilis erit, facta prius ad principia ra-
 tionis purae eleuatione satisque impetrata, idque foret,
 mores prius in metaphysicam *constituere*, eique vero,
 sit firma stet et fixa, posthac per viam popularem *adi-
 tum* parare. Verum maxime absurdum est, si in prima
 statim inuestigatione, vnde omnis veritas principiorum

pendet, populari ratione indulgeas. Non solum propterea, quod ea ratio rarissimam illam vere *popularitatis philosophicae* numquam poterit sibi vindicare, si quidem nulla arte indigeas, quo ab vulgo possis intelligi, si universam doctam perspicientiam neglexeris; verum etiam taediosus farrago observationum vndique corrosarum principiorumque argutantium ea re producitur, quo ingenia obtusa delectantur, quoniam in eo insunt, quae ad confabulationes conducant quotidianas, in quo vero homines perspicaces confusionem sentiunt, atque indignantes oculos auertunt, quamquam, qui praestigias illas penetrant, philosophi parum audiuntur, cum ad quoddam tempus ab opinata popularitate auocant, quo parva deinceps perspicientia certa ac determinata iure iis esse populares liceat.

Consideremus modo pericula de moralitate ad illam rationem adamatam instituta, et modo peculiarem naturae humanae determinationem (subinde vero etiam ideam naturae rationisque generatim), modo perfectionem, modo felicitatem, hic sensum moralem, illic reuerentiam dei, quiddam huius, quiddam etiam illius, mira confusione inueniemus, ita ut neminis animum quaestio subeat, num etiam omnino in cognitione naturae humanae (quam tamen solum ab experientia possumus depromptam habere) moralitatis principia quaerenda videantur, et, hoc si minus sit, si principia honesti prorsus ex anticipatione, ab omni re empirica libera, simpliciter in conceptibus puris rationalibus, neque uspiam alicubi, ne ex minima parte quidem, deprehendantur, consilium capiendum sit, huiusce investigationis, ut philosophiae purae practicae, siue (si nomen tantopere diffamatum liceat nuncupari) ut metaphysicae *) morum, potius prorsus separandae, quam

*) Poteris, si velis (perinde atque mathesis pura ab applicata, logica pura ab applicata distinguitur, ita), puram morum philosophiam (metaphysicam) ab applicata (nempe ad naturam humanam) discernere. Quo quidem vocabulo continuo monemur, principia moralia non esse in proprietatibus

per se solam ad absolutam perfectionem perducendae, populique, qui viam popularem exoptat, vsque ad euentum huiusce negotii.

Eiusmodi vero metaphysica morum prorsus solitaria, cum nulla anthropologia, nullaue theologia, nulla item physica vel hyperphysica, multo minus cum qualitatibus occultis (quas hypophysicas dicere possis) commixta, non solum est substratum necessarium vniuersae cognitionis theoreticae officiorum, certo determinatae est, verum simul quoque desideratum maximi momenti ad praecepta illius vere obseruanda. Namque purae et cum nulla aliena accessione stimulorum empiricorum mixtae repraesentationis officii, omninoque legis moralis, cum animo humano per viam rationis solius (quae in eo primum, se per se ipsam quoque posse practicam esse, intelligit) eo maior contagio est, atque cunctorum aliorum elaterum, *) qui in campo possint

humanae naturae constituta, sed per se ex anticipatione consistere debere, ex iis vero, vti cuique naturae rationique, ita quoque humanae, regulas practicas esse deriuandas.

*) Epistolam teneo, excellentissimi beati *Sulzeri*, in qua ex me quaerit; quid tandem causae sit, quare doctrinis virtutis, quanta illarum cumque vis sit ad euidetiam et persuasivem ratione quoque, tamen tam parum efficiatur. Responso mea, parando memet comparandoque ad plenam illam absolutamque exhibendam, fuit retardata. Verum ea nulla alia est, quam idcirco, quoniam doctores ipsi conceptus suos non satis expoliuere, et, dum rei consulere vellent, eo, quod vndique momenta ad honestum moraliterue bonum conquirent, medicinam, quam eo reddi fortiolem crederent, perderent. Docet enim vel maxime triuialis obseruatio, si actionem quamdam probitatis proponas, vti ab omni omnino studio cuiuspiam commodi vtilitatisque, in hoc alioque mundo, seiuncta, in ipsius erum narum incitamentis illectionumue, forti animo edita est, quamque aliam actionem, vel per minimum elaterem alienum adfectam, longe post se relinquere atque obscurare, animumque eleuare, et desiderium excitare, vt etiam sic agere queamus.

empirico euocari; vt eos dignitatis suae conscia despi-
 ciat, paulatimque superare queat; cuius quidem loco
 doctrina morum, ex elateribus tactuum propensionum
 que simulque ex conceptibus rationalibus composita,
 animum inter momenta, quae nulli possint principio
 subordinari, quae tantum fortuito ad bonum possunt;
 saepius vero etiam ad malum ducere, incertum faciat
 vacillantemque inesse est.

Ex his, quae modo attulimus, perspicuum est:
 omnes conceptus morales prorsus anteceptos in ratione
 sedem atque originem habere, et in ratione quidem
 communi hominum de infima plebe, pariter atque in
 summo modo rationis contemplatiuae; eos non posse
 ab vlla cognitione empirica ideoque solum fortuita se-
 parari et abstrahi; in hac puritate originis ipsam esse
 eorum dignitatem sitam, quo nobis esse queant pro
 principiis practicis supremis; quoties quidquam empi-
 ricum addatur, tantum etiam contagioni illorum genui-
 nae immensoque actionum pretio detrahi; non solum
 summam necessitatem respectu theoretico, si solum de
 contemplatione agatur, postulare, verum etiam summi
 momenti practici esse, conceptus legesque vt ex ratione
 pura hauriantur, purique atque limpidi proponantur,
 quin ambitus atque compages vniuersae istius cogniti-
 onis practicae vel purae rationalis, determinetur, in eo
 autem, quamquam philosophia contemplatiua illud
 concedit, atque adeo nonnumquam necessarium videt,
 principia ad peculiarem rationis humanae naturam ad-
 stringantur, sed eo, quod leges morales ad quamque
 debent naturam rationem generatim valere, iam ex
 conceptu naturae rationisque vniuersali deriuentur
 vniuerso, et tali modo vniuersa philosophia moralis,
 quae ad *usum* sui ad homines transferendum opus habet
 anthropologia, primum ab hac libera vt philosophia
 pura, hoc est, metaphysica, plene (quod in hoc genere

Ipsi liberi aetatis mediae hanc vim sentiunt, iisque officia
 quoque numquam aliter deberent ostendi.

cognitionum prorsus seiunctarum commode fieri potest) proponatur, probe consci, nisi eam possideamus, frustra esse, vt, ne dicam, moralem officii rationem, in vniuersis quae officio conuenienter fiunt, diligenter diiudicationi contemplatiuae destinemus; verum adeo in vsu solum vulgari et practico, in primis institutione morali, fieri non posse, vt mores in genuinis principiis suis constituentur, eoque consilia animi pura moralia efficiantur ad summamque mundi salutem animis implantentur.

Vt autem in hac tractatione non solum a diiudicatione vulgari morali (qui istio perquam digna aestimatione videtur) ad philosophicam, vti quondam factum est, sed a philosophia populari, quae non longius progreditur, quam palpando possit, interuentu exemplorum venire, vsque ad metaphysicam (quae nulla sese re empirica longius sinit retineri, cumque vniuersus cognitionis rationalis huiusce generis complexus ei dimetiendus est, fere vsque ad ideas progreditur, vbi ab ipsis deserti nos exemplis videmur) per gradus naturales progrediamur, facultatem rationalem practicam inde ab regulis illius determinantibus vniuersalibus, vsque eo, vbi ex ea conceptus oritur officii, persequi debemus dilucideque proponere.

Quaeque res naturae efficiendo leges sequitur. Sola natura ratioque facultate gaudet, *ex repraesentatione* legis, id est, ex principiis, agendi, siue *voluntate*. Cum ad actiones a legibus deriuandas *ratione* opus sit, sequitur, vt voluntas nihil aliud, quam ratio practica videatur. Quod si ratio voluntatem necessario determinet, actiones eiusmodi naturae, quae vt obiectiue necessariae agnoscuntur, etiam subiectiue necessariae sunt, hoc est, voluntas cernitur in facultate, *ea solum* eligendi, quae ratio a propensione libera, vt practice necessaria, hoc est, vt bona agnoscit. Sin vero ratio per se sola voluntatem haud idonee determinet, si voluntas praeterea conditionibus subiectiuis (certis quibusdam stimulis atque elateribus), non semper obiecti-

vis consentaneis, obnoxia sit; vno verbo, si voluntas haud *per se* rationi prorsus congrua atque conueniens sit (id quod vere locum habet in hominibus); tum actiones, quae obiectiue vt necessariae agnoscuntur, subiectiue fortuitae videntur, et determinatio eiusmodi voluntatis, legibus obiectiuis consentanea, *coactio* erit, id est, adfectio legum obiectiuarum ad voluntatem haud omnino bonam repraesentatur vt determinatio voluntatis naturae rationisque per causas quidem rationis, quibus veroea voluntas per naturam suam haud necessario obsequatur.

Repraesentatio principii cuiusdam obiectiui, quatenus voluntatem cogit, praeceptum (rationis) vocatur, praeceptique formula *imperatiuus*.

Omnes imperatiui enunciantur per *debere*, eoque adfectionem indicant legis obiectiuae rationalis ad voluntatem, per naturam subiectiuam eo nondum necessario determinatam (coactionem). Bene, aiunt, fore, vt aliquid agatur, vel omittatur, verum id voluntati aiunt, qui haud propterea aliquid facit, quod ei bene ac recte fieri ostenditur. Sed praetice *bonum* est, quidquid voluntatem determinat per repraesentationes rationis, proinde non ex causis subiectiuis, sed obiectiuis, id est, ex rationibus, quae ad quamque naturam valent rationemque, qua talem. Distinguitur illud a *incundo*, vtpote eo, cuius cum voluntate contagio sit, solum interuentu sensationis de causis mere subiectiuis, quae solum ad huius illiusue sensum valent, non vero vt principium rationis, quod ad vniuersos valeat. *)

- *) Dependētia facultatis appetendi a sensationibus appellatur propensio, eaque proinde semper arguit *indigentiam* quamdam. Dependētia voluntatis fortuito determinabilis sed a principiis rationis vocatur *inuitamentum* (interesse). Hoc igitur solum in voluntate altunde pendente locum habet, quae haud sponte rationi semper consentanea sit; in voluntate diuina nullum poterit cogitatione inuitamentum informari. Verum et voluntas humana potest *inuitamentum* ex aliqua re capere, neque tamen propterea *ob inuitamen-*

Quocirca voluntas perfecte bona itidem legibus (boni) obiectiuis subesset, neque eo tamen ut ad actiones legi consentaneas *coacta* posset repraesentari, quoniam sponte et gratuito, secundum naturam suam subiectiuam, solum per repraesentationem boni potest determinari. Quare ad *diuinam* omninoque ad *sanctam* voluntatem nulli valent imperatiui; hic *debere* alieno loco erit, quoniam *velle* iam sponte cum lege necessario conspirat. Idcirco imperatiui tantummodo in formulis versantur, quibus adfectio legum obiectiuarum volendi generatim ad imperfectionem voluntatis subiectiuam huius illiusue naturae rationisque, exempli gratia voluntatis humanae, enuncietur.

Itaque omnes *imperatiui* aut *hypothetice* imperant, aut *categorice*. Illis necessitas practica cuiusdam, quae possit fieri, actionis ut adiuumentum ad quidpiam aliud, quod appetimus, adipiscendum (vel certe fieri possit, ut appetamus) proponitur. Imperatiuus categoricus vero is erit, qui actionem ut per se ipsam, sine respectu alius cuiuspiam finis, ut obiectiue necessariam ostendat.

Quoniam quaeque lex practica actionem, quae fieri possit, ut bonam et idcirco, subiecto per rationem practice determinabili, ut necessariam proponit, propterea omnes imperatiui in formulis cernuntur determinandae actionis, ex principio voluntatis in vilo quodam genere bonae necessariae. Si igitur actio solum *ad*

tum agere. Illo notatur inuitamentum *practicum* ex actione; hoc alterum inuitamentum *pathologicum* ex re actioni proposita. Illud modo declarat, voluntatem solum pendere ex principiis rationis per se ipsius; hoc indicat eam ex principiis rationis pendere in gratiam propensionis, cum scilicet ratio tantummodo regulam practicam ostendat, quomodo indigentiae propensionis medeatur. In priori causa inuitamentum capio ex actione, in altera ex re actioni proposita (quatenus ea mihi iucunda sit). Prima sectione vidimus, in actione propter officium non inuitamentum debere, quod ex re capitur, sed solum quod ex actione ipsa eiusque principio in ratione (ex lege) spectari.

aliud quid, vt adiumentum, bona foret, imperatiuus erit *hypotheticus*; sin ea vero vt *per se bona* ostendatur, proinde vt necessaria in voluntate per se rationi consentanea, vt principium illius, tum is *categoricus* videtur.

Imperatiuus docet igitur, quaenam actionum, quae possint per me fieri, bona foret, regulamque practicam in relatione proponit ad voluntatem, quae propterea haud continuo actionem suscipit, quod ea bona sit, partim quoniam subiectum, quid bonum sit, haud semper nouit, partim, quia, si id sciret, regulae illius nihilominus possent cum principiis rationis practicae obiectiuis pugnare.

Ergo imperatiuus hypotheticus tantummodo enunciat, actionem ad finem quemdam, *qui possit esse*, vel *re fit*, bonam videri. Si ad finem possibilem esse bonam actionem declarat, *problematicus* erit; sin vero ad verum finem, principium *adsertorie* practicum videtur. Imperatiuus categoricus, actionem nullo habito cuiuspiam finis respectu, id est, etiam absque vlllo quodam fine alio per se vt obiectiue necessariam declarans, vt principium *apodicticum* (practicum) valet.

Ea, quae solum per vires vllius cuiuspiam naturae rationisque fieri possunt, poterunt quoque vt fines vlli cuiuspiam voluntati possibiles cogitari, ideoque principiorum actionis, quatenus haec vt necessaria cogitentur, ad vllum quempiam finem possibilem per eam attingendum, reapse infinita vis est. Omni scientiae vlla quaedam pars practica est, ex quaestionibus constans, vllum quempiam finem nobis esse posse, atque ex imperatiuis, quomodo is queat attingi. Qui quidem proinde generatim possunt imperatiui *dexteritatis* vocari. Num finis rationi consentaneus sit bonusque, hic minime quaeritur, sed modo quid faciundum sit, vt eum consequare. Praecepta medici, ad aegrotum certo sanandum, et venefici, ad eum indubitato interficiendum, quatenus, vt finis penitus attingatur, quodque

conducit, pari sunt pretio aestimanda. Quoniam, qui fines nobis in vita possent obtingere, matura iuuentute constituti haud nouimus, parentes liberos curant *per multa variaque* edoceri, prouidentque *dexteritati* in adiumentis ad cuiusque generis fines *arbitrarios* vtendis, quorum an quidam vllus reapse aliquando alumno fere queat proponi, nesciunt, interim tamen *feri poterit* vt olim proponatur, eaque tanta est sedulitas, vt plerumque non curent, iudicium eorum de pretio rerum, quas forte sibi pro finibus statuturi sint, formare atque corrigere.

Nihilominus tamen quidam finis est, quem in vniuersis queas naturis ratione praeditis supponere (quatenus imperatiui ad eos, nempe vt naturas dependentes, quadrant,) proinde consilium, quod iis haud fere solum *possit* propositum est, sed quod indubitato sumi queat cunctis per certam quamdam naturae necessitatem propositum est, idque est consilium scopusque *felicitatis*. Imperatiuus hypotheticus, necessitatem actionis practicae, vt instrumenti felicitatis promouendae ostendens, *adsertorius* est. Qui quidem non vt ad incertum quemdam finem, solumque possibilem necessarius debet proponi, verum ad scopum, qui certo possit atque ex anticipatione in quouis homine supponi, quoniam ad eius naturam pertinet. Atqui *dexteritatem* ad propriam summam salutem adiumentorum eligendorum possis *prudentiam* *) sensu augustissimo appellare. Ergo imperatiuus, adiumenta spectans ad propriam *felicitem* optanda, id est, prudentia, semper erit *hypothetica*; actio haud simpliciter absoluteque, sed tantum

*) Vocabulum prudentiae sensu duplici sumitur, primo *capot-* erit prudentia mundana, deinde prudentia priuata vocari. Illa in dexteritate hominis versatur, vim exserendi in alios, quibus ad scopos nostros vtamur. Haec continetur perspicacia, omnes fines hosce ad propriam vtilitatem stabilem coniungendi. Ad quam quidem posteriorem ipsum prioris pretium reuocatur, quique in genere priori sapit, non vero in hoc altero posteriori, is melius dici posset *calidus et versutus*, omnino tamen vero imprudens.

vt instrumentum alius cuiuspiam finis. consequendi praecipitur.

Tandem et imperatiuus est, qui, nullo alio per certam actionem consequendo sine vt conditione constituto, hanc actionem proxime imperat. Hic imperatiuus est *categoricus*. Qui quidem haud attingit actionis materiam, et quid ex ea debeat consequi, sed formam principiumque, vnde ea ipsa sequitur, interna-que illius bonitas in mente cernitur animique consilio, quaecumque inde euentum promanet. Hic poterit imperatiuus honesti seu *moralitatis* vocari.

Volitio ex hisce triplicis formae principiis etiam per *inaequalitatem* voluntatis cogendae perspicue distinguitur. Quae vero vt itidem discernatur, ordini suo maxime conuenienter principia, opinor, possent denominari, si ea diceres aut *regulas* dexteritatis esse, aut *consilia* prudentiae, aut *praecepta* (leges) honesti siue moralitatis. Sola enim *lex* conceptum *necessitatis absolutae*, et quidem obiectivae ideoque vniuerse valentis in se continet, praeceptaque in legibus versantur, quibus obtemperandum est, hoc est, vel inuito contraque propensionem praestandum obsequium videtur. In *consultatione* necessitas quidem inest, quae vero solum cum adiunctione subiectivae rata poterit, hicne vel ille homo hoc illudue ad felicitatem suam adnumeret, valere; contra imperatiuus categoricus nulla potest conditione limitari, atque vt absolute quamquam practice necessarius proprie praeceptum vocari. Illos imperatiuos primos etiam *technicos* (ad artem pertinentes) posses, alteros *pragmaticos* *) (salutem attingentes) tertios deni-

*) Propria vocabuli *pragmatici* significatio, sic accuratissime poterit, opinor, determinari. Namque *sanctiones* vocantur pragmaticae, quae proprie haud ex iure ciuitatum, tamquam leges necessariae, verum ex cura prouidentiaeque salutis publicae promanant. *Historia* pragmatice conscripta dicitur, cum ea *prudenter* reddit, hoc est, homines docet, quomodo vtilitatem melius possint, certe pariter, atque maiores, curare.

que *morales* (actionem liberam generatim, hoc est, mores spectantes) appellare.

Iam oritur quaestio: quomodo isti omnes imperatiui esse possint? Cuius quidem quaestionis haud ea vis est, quomodo actionis, ab imperatiuo praeceptae, executio, sed quomodo solum voluntatis coactio, ab imperatiuo in problemate enunciata, possit cogitari. Quomodo queat esse imperatiuus dexteritatis, nullius indiget expositionis peculiaris. Qui vult finem, vult etiam (quatenus rationis est cum actionibus eius efficax contagio), quod penes se est, adiumentum ad illum finem necessarium. Hoc pronunciatum, quantum attinet ad volitionem, analyticum est; namque in appendenda re quadam obiecta, ut effecto meo, ianiam causalitas mea, ut causae agentis, id est, subsidiorum usus cogitatur, et imperatiuus conceptum actionum necessariarum ad hunc finem iam ex conceptu huiusce finis expetiti euoluit (ut ipsa ad finem quemdam propositum adiumenta determinantur, sane opus erit enunciationibus syntheticis, quae vero non rationem attingunt actus voluntatis efficiendi, sed rei obiectae pariendae). Ut linea ex certo quodam principio in duas partes aequales diuidatur, ex partibus illius extremis binos esse arcus obliquos faciendos, sane quidem mathesis solum per enunciata synthetica docet; verum, si, per eam solum actionem posse effectum fieri, sciam, me, si effectum plenum cupiam, etiam actionem velle ad id necessariam, analyticè enunciatur; namque quodpiam, quod quodam modo fieri per me queat, effectum, et memet, ratione illius, illo modo agentem repraesentare, prorsus idem videtur.

Imperatiui prudentiae, si modo facile possit conceptus felicitatis determinatus adferri, iidem forent qui imperatiui dexteritatis, cum iisque prorsus conuenirent, atque pariter analytici forent. Perinde enim hic atque illic praeceptum foret, ut, qui finem vult, velit etiam (rationi conuenienter necessario) vna adiumenta

ad illum, quae sunt in eius potestate. Verum pessime accidit, ut felicitatis conceptus adeo incertus sit atque indeterminatus, ut quisque homo, quamuis cupiat ea potiri, tamen numquam certo possit determinateque et secum ipso congruenter dicere, quid proprie expetat ac velit. In causa est, quod omnia, quae ad conceptum felicitatis pertinent, elementa omnino empirica sunt, hoc est, ab experientia depromenda, quod nihilominus ad ideam felicitatis totum absolutum quiddam, maximum salutis, cum in praesenti, tum in vnoquoque futuro statu postulatur. Iam fieri non potest, naturam perspicacissimam simulque maxime viribus polentem, sed tamen finitam certam posse determinatamque cogitationem informare de eo, quod hic proprie velit. Si cupiat diuitias, quantam curam inuidiamque, insidias quantas sibi eo poterit contrahere? Si multam cognitionem expetat et perspicientiam; fortasse eo reddi possit perspicacior, ut mala, quae nunc illi occultantur, neque ei euitari possunt, ei sese tum terribiliora ostendant, aut cupiditatum indigentia potest augeri. Si diuturnam vitam exoptet, equis illi cauebit, ne diuturna miseria futura sit? Si saltem rectam valetudinem velit; quam saepius corporis infirmitas a flagitiis detinuit, in quae per valetudinem rectissimam incidisses? Ad summam, non poterit, ex vilo quopiam decreto prorsus certo definiri, quo vere felix reddi possit, eo quod ad hoc opus omniscientia foret. Igitur non poteris ex certis determinatisque principiis agere, ut felix euadas, sed solum ex consultationibus empiricis, veluti diaetae, parsimoniae, humanitatis, reticentiae et sic porro, quibus experientia docet salutem omnino maxime promoueri. Ex quo sequitur, imperatiuos prudentiae, ut vere dicam, nullo modo praecipere, id est, actiones obiectiue ut praetice *necessarias* proponere posse, eos potius pro consiliis, quam pro praecceptis habendos esse; ad quaestionemque quae, quibus actionibus felicitas naturae rationisque promoueatur, ut certo vniuerseque definiatur, desiderat, nullo prorsus modo responderi posse, proinde respectu illius nul-

lum esse imperatiuum posse, qui id, quo felix reddare, agendum praecipiat, propterea quod felicitas non in ideali rationis versatur, sed phantasiae, solummodo in rationibus empiricis positum, quibus frustra expectatur actionem quampiam determinari, quo ad vniuersitatem queas serici consequentium reapse infinitae pertinere. Interim, si sumseris adiumenta felicitatis certo posse indicari, hic imperatiuus prudentiae entinctio analytice practica foret; is enim ab imperatiuo dexteritatis eo solum distinguitur, quod in hoc finis tantummodo possibilis, sed in illo datus videtur: verum cum ambo duntaxat instrumenta praecipiat ad id, quod sumseris tibi pro fine propositum esse; fit, vt imperatiuus, qui appetitionem adiumentorum, ei, qui finem vult, praecipit, in vtraque causa analyticus videatur. Quamobrem possibilitas eiusmodi imperatiui nulla quoque difficultate laborat.

Contra, quomodo imperatiuus possit *moralitatis* fieri, sine dubio vna quaestio est indigens solutionis, si quidem is neutiquam hypotheticus est, ideoque necessitas obiectiue repraesentata nulla potest sumtione niti, quemadmodum in imperatiuis hypotheticis. Modo ne obliuiscare, *nullo* vmquam *exemplo* posse, proinde empirice decerni, an vsquam omnino eiusmodi imperatiuus inueniatur, sed potius metuendum esse, vniuersos, qui categorici esse videntur, tamen occulte sint hypothetici. Veluti cum dicitur: noli quidquam promittere per fallaciam dolumque; cumque sumitur, necessitatem huiusce amissionis haud fere in consilio vllius cuiuspiam alius mali versari, ita vt forte sic intelligatur: noli quidquam per mendacium promittere, ne, si forte aperiatur, fidem perdas; sed actionem eius generis per se ipsam debere vt malam considerari, proinde imperatiuum prohibiti categoricum esse; tamen per nullum quodpiam exemplum potest certo euinci, voluntatem in eo sine alio stimulo quodam atque elatere, solum per legem, determinari, quamuis ita videatur; etenim sane poterit fieri, occulte metum pudoris, fortasse quoque

metum obscurum aliorum discriminum vim suam exerant in voluntate. Equis enim non esse causam quampiam per experientiam poterit doceri, quippe quae nihil quidquam amplius declarat, quam non a nobis eam percipi? Tum autem imperatiuus, qui dicitur, moralis, qui ut talis categoricus videtur et absolutus, reapse praeceptio modo pragmatica foret, qua ad utilitatem nostram attenti reddamur, solumque ut eam custodiamus, edoceamur.

Quamobrem possibilitatem imperatiui *categorici* prorsus ex anticipatione debemus inuestigare, cum nobis hic haud commodum suppetat existentiae illius per experientiam datae atque propositae, ideoque possibilitas non ad stabiliendum necessaria foret, sed solum ad explicandum. Interim tantum poterit in antecessum perspici: imperatiuum categoricum solum ut *legem* practicam sonare, cunctos reliquos vero *principia* voluntatis quidem posse, non vero *leges* vocari; quoniam, quod solum ad finem consequendum arbitrarium necessario agendum est, per se potest ut fortuitum spectari, a praeceptoque nos semper esse liberi poterimus, si finem mittamus, contra ea vero praeceptum voluntati nullum liberum arbitrium concedit respectu contrarii, proinde eam solum in se necessitatem continet, quam ad legem postulamus.

Deinde in hoc imperatiuo categorico seu lege moralitatis permagna quoque causa est difficultatis (possibilitatem illius perspicendi). Est is enunciatio synthetico-practica *) ex anticipatione, cumque possibili-

*) Coniungo cum voluntate, nulla posita conditione ex ulla quapiam propensione, actionem, ex anticipatione, proinde necessario (quamquam tantummodo obiectiue, id est, sub idea rationalis, potestatem in vniuersas causas mouentes subiectiuas exercentis). Hoc igitur pronunciatum practicum est, volitionem actionis haud ex alia volitione iam praevisa analytice deriuans, (neque enim voluntate tam perfecta utimur), sed cum conceptu voluntatis ut naturae rationisque proxime, ut aliquid, quod in ea non continetur, coniungens.

tas eiusmodi enunciationum perspiciendarum in cognitione theoretica tanta difficultate laboret, facile poterit intelligi, eam in cognitione practica haud minori difficultate laboraturam fore.

Atque in hoc problemate primo experiemur, anne fortasse solus conceptus imperatiui categorici etiam formulam eius suppeditet, quae enunciatum contineat, quod solum possit imperatiuus categoricus videri; quomodo enim eiusmodi praeceptum absolutum esse queat, etiamsi, quomodo illud sonet, sciamus, peculiari opera atque ardua opus est ostendere, quam in sectionem ultimam differemus.

Cum imperatiuum *hypotheticum* generatim cogito, haud praescio, quid eo contineatur, donec mihi data conditio sit. Verum si imperatiuum *categoricum* cogito, scio continuo, quid eo contineatur. Namque cum praeter legem solum necessitatem regulae *) imperativus in se cohibeat, cum illa lego conueniendi, lex autem nullam conditionem contineat, ad quam esset adstricta, nihil relinquitur, praeter vniuersalitatem legis generatim, cui norma agendi esse congrua debet, quaeque conuenientia solum imperatiuum proponit vt proprie necessarium.

Ergo imperatiuus categoricus tantummodo vnus est, et quidem hic: *solum age ad eam normam, quam simul velle possis legem vniuersalem fieri.*

Quodsi igitur ex hoc vno principio omnes officii imperatiui, tamquam ex principio suo, poterunt derivari, tamen certe poterimus, quid eo cogitemus, quae-

*) *Regula* est principium agendi subiectiuum, debetque a principio obiectiuo, nimirum lege practica, distingui. Illa continet normam practicam, quam ratio conditionibus subiecti conuenienter (saepius ignorantiae vel etiam propensionibus eius) determinat, ideoque decretum est, ex quo subiectum agit; lex autem cernitur in principio obiectiuo, quod ad quamque valet naturam rationemque, decretumque, ex quo ea agere debet, hoc est, imperatiuus.

que huic conceptui viâ inest, indicare, quamquam in medio relinquimus, anne id, quod officium dicitur, omnino in conceptu inani versetur.

Quoniam vniuersalitate legis, ad quam actiones eueniunt, id efficitur, quod proprie *natura* sensu maxime vniuersali (quoad formam), id est, existentia rerum vocatur, quatenus secundum leges vniuersales determinata est, imperatiuus officii vniuersalis etiam sic posset enunciari: *sic age, ac si norma actionum tuarum per voluntatem tuam fieri deberet lex naturae vniuersalis.*

Nunc officia quaedam recensebimus, ad consuetam illorum descriptionem, in officia erga nosmet ipsos, et erga alios homines, in officia perfecta et imperfecta. *)

1) Quispiam, qui per catenam malorum, usque ad desperationem accumulata, taedium vitae percipit, usu adhuc rationis pollet, quatenus se ipsum possit percontari, anne forte contra officium erga se ipsum sit, vitam finire. Nunc experitur: num norma actionis suae possit fere lex naturae fieri vniuersalis? Verum norma eius est: mihimet ipse per philautiam principium constituo, vitam, si longius propagata plus malorum minetur, quam iucunditatem ostendat, finiendi. Iam solum quaeritur: an principium philautiae istud fieri lex naturae queat vniuersalis? Tum vero mox intelligitur, naturam, cuius lex ea foret, ut per eandem sensationem, quae data nobis est, ad vitam propagandam, ipsa vita euertatur, secum ipsam pugnaturam, nec pro-

*) Hoc loco probe notetur me descriptionem officiorum futurae *morum metaphysicae* prorsus seruare, eam proinde hic solum ut arbitratiam (ad exempla ordinanda) proponi. Ceterum hoc loco officium perfectum illud dico, quod nullam in gratiam propensionis exceptionem concedit, ac tum quidem non solum externa *officia* erunt, verum etiam interna *perfecta*, id quod consuetudini verborum in scholis receptae contrarium videtur, cuius vero causam hic dicendam non esse existimo, propterea quod ad finem mihi propositum nihil interest, an ea res mihi concedatur, nec ne.

inde ut naturam constitutam fore, proinde fieri non posse, ut ista norma qua vniuersalis lex naturae locum habeat, ideoque illi cuiuscumque officii principio supremo prorsus repugnare.

2) Alius quis necessitate se coactum sentit ad pecuniam mutuo sumendam. Ac probe quidem nouit, sese non soluturum fore, verum tamen quoque intelligit, a nemine se quidquam accepturum mutuo fore, nisi sancte adseueret, statim se se redditurum. Ac lubet quidem istud promittere: tanta tamen adhuc ei religio est, ut se percontetur: nonne illicitum est officioque contrarium, ut tali modo me ex miseriis eripiam? Fac, cum nihilominus illud decernere, tum regula actionis illius sic se haberet: si inopia me credam pecuniae laborare, pecuniam mutuo sumam, et pollicebor, eam me soluturum, quamuis norim, id nunquam esse futurum. Atqui istud philantiae principium, propriaeue utilitatis, cum vniuersa salute mea futura fortasse poterit facile conciliari, verum in praesentia solum quaeritur: rectene fit? Ergo desiderium philantiae in legem commuto vniuersalem, itaque quaestionem instituo: qualis tum status rerum futurus sit, si norma mea lex fieret vniuersalis? Tum statim intelligo, eam nunquam ut legem naturae vniuersalem valere posse et secum ipsam conuenire, sed necessario debere sibi met ipsi repugnare. Namque vniuersalitate legis, quae quemque praeciperet, prout sese versari in miseriis putaret, polliceri posse, quae in mentem venirent, quae tamen sibi proposuisset haud seruanda, efficeretur, ut nec promissum, neque, quem in eo tibi proposueris, ipse finis esse possit, propterea quod nemo, quae sibi promissa forent, crederet, sed omnes eiusmodi sermones, ut vana atque inania verba, rideret.

3) Tertius quidam indolem se dotemque naturae deprehendit, qua aliquantum culta ac perpolita omnino possit homo utilis euadere. Sed videt sese in sorte constitutum commoda, optatque potius voluptatem sequi,

quam in amplificandis augendisque et emendandis naturae muneribus operam consumere. Sed adhuc sese percontatur: an praeter concentum normae suae dotum negligendarum ingenii cum inclinatione sua ad delectationem, ea etiam conspiratione teneatur cum eo, quod officium appellatur. Tum vero intelligit, naturam quidem ad legem eiusmodi vniuersalem posse consistere, quamuis homo (quemadmodum incolae maris australis) dotem ingenii rubigine consumi sineret, vitamque solum ad otium, oblectationem, procreandi libidinem, vno verbo ad fruitionem impendere curaret; verum fieri non poterit, ut *velit* eam legem fieri legem naturae vniuersalem debere, aut qua talem animis nostris ut naturae impetum nobis insitam esse. Nam ut natura ratione utens necessario vult, omnes in sese facultates euolui, quoniam ad varios, qui esse possint, fines utiles sunt, eique datae.

Iam vero quispiam *quartus*, cui res ex voluntate cedunt, dum alios videt cum summis calamitatibus (quibus etiam mederi queat) confluentes: quid ad me attinet? quisque tam felix fit, quam deo placuerit, quamque reddere se ipsum queat, equidem ei nihil quidquam detraham, quin ne inuidebo quidem; verum ad salutem eius, auxiliumue in rebus aduersis non lubet quidpiam adferre! Iam sane quidem, si eiusmodi animi constitutio lex fieret naturae vniuersalis, humanum genus commode posset consistere, et melius sine dubio, quam si quisque de communione et beneuolentia loquatur, operamque det, occasione data sic agere, contra vero quoque, ubi copiam habere poterit, decipiat, ius hominum vendat, aut alias illi detrahat. Verum, etsi fieri possit, ut ex norma illa lex vniuersalis naturae queat consistere; tamen fieri non poterit, ut *velis*, eiusmodi principium ut legem naturae vbiuis gentium valere. Namque, quae istud decerneret, voluntas secum ipsa pugnaret, propterea quod subinde possunt causae existere, ubi is aliorum amore indigeat et communione, atque ubi eiusmodi lege naturae ex sua ipsius vo-

luntate exorta, se ipsum omni spe auxilii, quod in votis habet, priuaret.

Atque haec nonnulla sunt ex multis illis officiis veris, certe ab nobis pro iis reputatis, quorum descriptio ex vno illo adlato principio perspicue in oculos incurrit. *Posse velle* debebis, normam actionis tuae legem fieri vniuersalem; is canon est diiudicationis moralis illius in genere. Nonnullarum actionum ea ratio atque natura est, ut norma earum sine pugna ut lex vniuersalis naturae ne cogitari quidem possit; tantum abest, ut praeterea *velle* queamus, eam fieri talem *debere*. In aliis vero illa quidem possibilitas interna neutiquam inest, sed tamen fieri non poterit, ut *velis*, earum normam ad vniuersalitatem legis naturae euehi, quoniam eiusmodi voluntas secum ipsa pugnaret. Facile intelligitur: priorem illam seuero angustioriue (irremissibili) officio repugnare, alteram laxiori (merito); atque ita vniuersa officia, quoad genus obligationis (non rem actioni subiectam), his exemplis ex hoc vno principio pendentia plene proposita videri.

Quodsi igitur in vnoquoque officio migrando ad nosmet ipsos animum aduertamus, inueniemus, nos reuera nolle, ut norma nostra lex euadat vniuersalis, id enim fieri non potest, sed contrarium illius potius debeat vniuersae lex manere; sed sumimus tantum hanc nobis licentiam, ut in gratiam nostri, aut (etiam hac modo vice) in gratiam nostrae propensionis ab ea *discedamus*. Ergo, cunctis ab vna eademque parte, nimirum ab ratione, perpensis, repugnantiam in propria voluntate nostra deprehenderemus, nempe certum quoddam principium obiectiue ut legem vniuersalem necessariam esse, et tamen subiectiue haud vniuersae valere debere, sed exceptiones concedere. Tum autem actionem nostram primo ex parte voluntatis rationi prorsus consentaneae congruentisque, tum vero deinde quoque eandem actionem ex parte voluntatis per propensionem pulsae adfectaeque consideremus, reapse hic nulla repugnantia apparet, sed sane quidam renisus

propensionis contra rationis praeceptionem (antagonismus) quo vniuersalitas principii in solam generalitatem mutatur, qua principium practicum rationis norma quae debet in via dimidia conuenire. Quod quamquam ex nostra ipsorum sententia aequo animo instituta non potest defendi, tamen probat, nos valorem imperatiui categorici vere agnoscere, nobisque (salua illius aestimatione) nonnullas solum, et ex opinione nostra leues nobisque extortas exceptiones permittimus.

Igitur illud saltem vicimus, officium, si conceptus sit, qui vim potestatemque et veram legislationem actionum nostrarum continere debeat, solum in imperatiuis categoricis, nullo modo vt in hypotheticis enunciarri posse; itemque, quod sane multum videtur, complexum imperatiui categorici, qui omnis officii principium (si omnino eiusmodi foret) complecti deberet, perspicue et ad quemque vsum determinatum proposuimus. Nondum vero eo progressi sumus, vt ex anticipatione doceamus, eiusmodi imperatiuo locum esse, legemque practicam exstare, necessario et sine vllis stimulis atque elateribus per se praecipientem, et observationem huiusce legis in officio videri.

In quo quidem persequendo cautio maximi momenti erit, ne realitatem istius principii ex *peculiari humanae naturae proprietate* cupiamus deriuare. Namque officium in necessitate actionis practicae absoluta cerni debet; proinde ea ad vniuersas naturas ratione praeditas (quas vnquam poterit imperatiuus attingere) valeat, necesse est, et *solum propterea* omni quoque voluntati humanae lex videatur. Quidquid e contrario ex singulari indole humanae naturae, quidquid ex certis quibusdam tactibus et inclinatione, atque adeo, si fieri possit, ex peculiari directione, rationi humanae propria, neque necessario ad voluntatem cuiusque naturae rationisque valente, deriuatur, nobis quidem norma poterit, non vero lex esse, et principium subiectiuum, ex quo ad agendi licentiam natura praeconi ferimur, non ve-

ro obiectuum, ex quo ad agendum *iussi* essemus, et si omnis nostra propensio inclinatioque et ordo naturae refragarentur, adeo, ut eo magis excellentiam dignitatemque praecepti internam in officio euincat, quo minus causae subiectivae faueant, quo magis aduersentur, neque vlla ex parte coactione per legem debilitata, neque valori eius imminuto.

Hic philosophiam conspiciamus in statione sane anticipiti collocatum, quae firma debet et stabilis esse, quamvis neque in coelo, neque in terra, vispiam appensa, aut quapiam re suffulta videatur. Hic puritatem suam ostendere debet, ut conseruatricem legum suarum, non ut praeco earum, quas sensus quidam insitus, aut nescio quae natura tutoria insufurrat, quae cunctae, quamvis iis melius nobis consulatur quam nullis, tamen numquam poterunt pro principiis esse, ab ratione dictatis, quarum necessario prorsus ex anticipatione fons, eoque simul dignitas imperatoria sit, necesse est: ut nihil a propensione hominis, sed cuncta a summa potestate legis, debitaque illius aestimatione expectentur, aut homo contra ad se ipsum despiciendum intusque auersandum condemnetur.

Quidquid igitur empiricum est, illud ut additamentum ad principium moralitatis, non solum prorsus inutile est, verum etiam ipsi morum puritati maxime perniciosum, in quibus proprius supraque omne pretium excellens valor voluntatis absolute boni, in eo ipso consistit, ut principium actionis liberum sit ab omni contagione rationum fortuitarum, quas umquam possit experientia suppeditare. Contra hanc negligentiam vel adeo humilitatem animi in indagando principio ex momentis legibusque empiricis, haud nimium poterit iustoque saepius moneri, propterea quod ratio humana delassata lubenter in hac culcita capit quietem, in somnioque dulcium ostentationum (quibus tamen sit, ut nubem ea pro Iunone amplectatur,) moralitati nothum supponit, e membris stirpis prorsus diuersae confutum, cunctis, quae in eo videre cupias, similem, ne soli mo-

do virtuti, ex sententia illius, qui formam eius veram conspexit. *)

Igitur quaestio hæc est: estne lex *cuique naturae rationique* necessaria, ut actiones suas semper ex iis normis diiudicent, quas ipsi velle possint ad leges debere vniuersales valere. Quam, si talis sit, necesse erit (prorsus ex anticipatione) iam cum conceptu voluntatis naturae rationisque generatim coniunctam videri. Ut ea vero coniunctio aperiatur, gradus erit, quantopere contra renitare, vltius faciendus, scilicet ad metaphysicam, quamquam in ditionem illius, a philosophia contemplatiua diuersam, nimirum in metaphysicam morum. In philosophia practica, vbi nihil attinet, rationes sumere eorum, quae *fiunt*, sed leges eorum, quae *feri debent*, quamuis numquam fiant, hoc est, leges obiectiue practicas, non est, rationes inuestigamus; cur placeat aliquid vel displiceat, quemadmodum voluptas ex sola sensatione saporis, atque an his ab vniuersali rationis approbatione quidpiam differat; in quoniam tactus voluptatis dolorisque positus sit, et quomodo exinde cupiditates propensionesque, ex his vero, adiuuante ratione, normae oriantur: hæc enim cuncta psychologiam empiricam attingunt, qua altera pars physices eliceretur, si ea ut *philosophia naturae* consideretur, quatenus in *legibus empiricis* constituta videatur. Sed hoc loco de lege obiectiue practica sermo est, proinde de adfectione voluntatis ad se ipsam, quatenus ea sese per rationem determinat, vbi tum cuncta rationem empiricam spectant, sponte cessant; quoniam, si *per se solam ratio* actionem determinat (cuius quidem possibi-

*) Forum virtutis verum oculis cernere, nihil est aliud, quam honestatem siue moralitatem ab omni admixtione sensitua, omnique spurio fucatoque mercedis ornatu, aut philautia, exutam, proponere. Quantopere tum ea cuncta, quae propensionibus pulcra videntur, obscurerit obruatque, quisque poterit vel per minimum rationis ad omnem abstractionem haud prorsus deprauatae, facile intelligere.

litatem iam in eo ipso sumus vt anquiramus), necessario id ea ex anticipatione debet instituere.

Voluntatem vt facultatem cogitamus, *repraesentationi certarum legum conuenienter*, se ipsam ad agendum determinandi. Atque eiusmodi quidem facultas non potest nisi in naturis ratione praeditis deprehendi. Atqui id, quod voluntati est pro ratione se ipsam determinandi, *finis* erit, qui, si per solam rationem detur, ad quamque aequaliter naturam rationemque valeat, necesse est. Contrá quod solam rationem continet possibilitatis actionis, cuius effectio in fine versatur, *adiumentum* vocatur. Ratio appetendi subiectiua *elater* dicitur, sed obiectiua volendi ratio vocatur *momentum*; vnde discrimen promanat inter fines subiectiuos, qui e stimulis pendent et elateribus, et obiectiuos, qui in momentis positi sunt, quae ad quamque valent naturam rationemque. Principia practica sunt *formalia*, cum a cunctis ea sese continent finibus subiectiuis; ea vero *materialia* sunt, quando hos, proinde certos quosdam elateres, constituunt. Fines, quos natura ratioque vt *effecta* actionum suarum suo sibi arbitratu proponit (fines materiales), cuncti sunt relatiui; si quidem sola illorum ad singularem quamdam adfectam appetendi facultatem subiecti relatione pretium iis impertitur, quod proinde haud ad quamque volitionem valentia principia et necessaria, id est, leges practicas, poterit suppeditare. Idcirco hi omnes fines relatiui solum in ratione versantur imperatiuorum hypotheticorum.

Vt autem quidpiam sit, *cuius existentiae per se ipsi* valor absolutus videatur, quod, vt *finis per se ipse* esse ratio queat legum determinatarum, tum in eo, et quidem duntaxat in eo solo, ratio inesset imperatiui, qui esse possit, categorici, hoc est, legis practicae.

Iam hominem aio omninoque quamque naturam rationemque vt finem per se ipsum *exstare*, non vero solum vt *instrumentum* ad vsum huius illiusue voluntatis arbitrarium, verum in vniuersis, quae cum ad se ip-

sum, tum ad alias naturas ratione praeditas spectant, actionibus, semper *simul*, necesse est, *ut finis* consideretur. Vniuersarum rerum propensionibus subiectarum solum pretium hypotheticum est: nisi enim propensiones forent, earumque necessitates in iis constitutae, res iis obnoxia omni pretio foret destituta. Ipsae autem propensiones, ut indigentiae necessitatisque fontes tantum abest, ut pretio absoluto gaudeant ad sese expetendas, ut potius, iis vacare, commune cuiusque naturae rationisque desiderium esse oportere videatur. Ergo pretium cunctarum per actionem nostram *pariendarum* obiectarum rerum semper hypotheticum videtur. Naturarum vero, quarum existentia haud pendet ex voluntate nostra, sed ab natura, tamen est, si ratione destitutae sunt, pretium relatiuum erit, ut instrumentorum, ideoque *res* appellantur, contra naturae ratione praeditae dicuntur *personae*, quoniam iam per naturam suam ut fines per se ipsi, hoc est, ut quidpiam, quod haud solum ut adiumentum licet vsurpari, distinguuntur, proinde eatenus omne arbitrium coercetur (atque aestimationi obnoxiae videntur). Qui proinde haud fines sunt solum subiectiui, quorum existentiae, ut effecti actionis nostrae, *respectu nostri* pretium est, sed *fines obiectiui*, id est, res, quarum existentia per se ipsa finis est, et is quidem, cuius loco nullus finis possit alius reponi, cui *solum* ut adiumenta queant seruire, si quidem alius nihil omnino quidquam, cuius *pretium absolutum* foret, vsquam inueniretur; si vero omne pretium hypotheticum, proinde fortuitum, esset, nullum omnino principium supremum practicum inueniretur rationi.

Quapropter si summum quoddam principium practicum, respectuque voluntatis humanae, imperatius categoricus esse debeat, tale sit, necesse est, quod ex repraesentatione eius, quod necessario cuique pro fine est, quoniam *finis per se ipse* est, principium voluntatis obiectiuum efficiat, proinde legi possit esse practicae vniuersali. Ac ratio quidem huiusce principii haec est: *natura ratioque exstat ut finis per se ipsa*. Sic necessario

cogitat homo existentiam suam; atque catenus principium est *subiectivum* actionum humanarum. Verum sic quoque cogitat alia quaeque natura ratioque existentiam suam, propter eandem rationem, quae ad me quoque valet;*) ergo illud simul est principium *obiectivum*, ex quo, tamquam ex ratione practica suprema omnes, necesse est, voluntatis leges posse derivari. Igitur imperativus practicus hic erit: *sic age, ut humanam naturam, cum in te, tum in quovis alio, semper simul ut finem, numquam solum ut merum adiumentum usurpes*. Quod an effici possit, nunc, age, videbimus.

Ut in superioribus exemplis maneamus,

Primo, ex conceptu officii necessarii erga se ipsum, is, qui de morte oppetenda cogitat, se percontetur, an actio sua cum idea humanae naturae, *ut finis per se ipsius propositi* simul possit consistere. Si, ut statum effugiat molestum, sibi ipse vim adfert, persona utitur, solum ut *adiumento*, ad conservandum statum tolerabilem usque ad vitae exitum. Sed homo nulla res est, nec proinde quidpiam, quo uti queas *solum* ut instrumento, sed in omnibus actionibus suis semper est ut finis per se ipse spectandus. Ergo de homine in persona mea nihil quidquam potero statuere, ad eum vel mutilandum, vel corrumpendum, vel interficiendum. (Propiorem huiusce decreti determinationem ad omnem evitandam calumniam erroremque, veluti amputationis membrorum ad memet conservandum, periculi cui, ad tuendam vitam meam, eandem expono, et id genus aliorum, hoc loco cogor praeterire; ea enim propriam attingit philosophiam moralem).

Deinde, quod officium attinet necessarium debitumue erga alios, is, cui animus est aliis falso quidpiam promittere, continuo perspiciet, se uti homine alio velle solum ut *instrumento*, qui haud simul finem in se contineat. Etenim is, quo per eiusmodi promissum

*) Hoc pronuntiandum hoc loco ut postulatum propono. *Sectione ultima rationes illius reperiens.*

cupio abuti, fieri non potest, vt in rationem meam secum agendi conspiret atque ita ipse finem huius actionis contineat. Apertius haec pugna principio aliorum hominum in oculos incurrit, cum exempla petita libertatis aliorum possessionisque adferuntur. Tum enim manifestum est, eum, qui iura violat hominum, persona vti aliorum velle vt instrumento, nec considerare, eas, vt naturas ratione praeditas semper simul vt fines, hoc est, solum qua tales, qui eiusdem actionis finem in se quoque debeant posse continere, aestimandus videri. *)

Tertio, respectu officii fortuiti (meriti) erga se ipsum haud sufficit, actionem naturae humanae in nostra persona, vt fine per se ipsa, haud repugnare, debet ea quoque *cum ea conspirare*. Atqui in natura humana dotes sunt perfectionis maioris, quae ad finem naturae pertinent respectu humanae naturae in nostro subiecto; quos si neglexeris, fere quidem cum *conseruanda* natura humana, vt fine per se ipsa, consisteret, non vero cum fine hocce *promouendo*.

Quarto, officii quidem bene de aliis promerentis finis naturae, qui in cunctis hominibus inest, propria ipsorum felicitas videtur. Iam natura quidem humana constare posset, ne nemo homo quidpiam ad alterius felicitatem conferret, praeterea ei nihil de industria detraxeretur; verum tamen haec duntaxat negatiua conspiratio est, non vero positiua ad *naturam humanam*, vt *finem per se ipsam*, etiamsi quisque, quantum in se sit, alio-

*) Noli putare, hoc loco tritum istud sermone prouerbum: quod tibi non vis fieri, alteri ne feceris, esse pro norma principum posse. Illud enim, quamquam varie circumscriptum, ex eo deriuatum videtur; nulla potest lex vniuersalis esse, si quidem haud rationem continet erga se ipsum officiorum, neque humanitatis erga alios, (namque multis placeret, alios haud debere sibi benefacere, si modo sese aliis beneficium praebere haud teneretur), neque tandem debiti erga se invicem officii; ex hac enim ratione maleficus posset contra iudices poenam dictantes argumentari.

rúm fines promouere studeret. Namque fines subiecti, quod per se ipsum finis est, si illa repraesentatio vim in me omnem debeat exserere, etiam, quantum fieri possit, necesse est, *mei* fines videantur.

Quod quidem principium naturae humanae, et cuiusque naturae rationisque generatim, *ut finis per se ipse* (quae conditio est suprema limitans libertatem actionum in vnoquoque homine), non est ex experientia depromptum, primo, propter vniuersalitatem suam, cum ad quamque naturam rationemque vniuerse pertineat, de qua ut quidpiam statuatur, nulla est experientia idonea; deinde, quoniam in eo natura humana non ut finis hominum (subiectiue) id est, qua res obiecta, quam tibi sponte reapse proponas, verum ut finis obiectiuus, qui, qualescumque nobis fines propositi sint, ut lex conditionem supremam circumscribentem omnium finium subiectiuorum debeat efficere, proinde ex ratione pura oriri. Nimirum ratio legislationis practicae vniuersae *obiectiue in regula* inest formaque vniuersalitatis, qua fit ut lex (certe lex naturae fere) esse queat (ex principio primo), *subiectiue* autem in *fine*; subiectum autem finium omnium quaeque est natura ratioque, ut finis per se ipsa (ex principio secundo): ex quo nunc tertium voluntatis principium practicum sequitur, ut conditio suprema conspirationis illius cum ratione practica vniuersali, *idea voluntatis cuiusque naturae rationisque ut voluntatis vniuerse legislatoriae.*

Vniuersae normae, quae non possunt cum propria legislatione voluntatis vniuersali consistere, ex hocce principio reiciuntur. Igitur voluntas legi haud solum subiicitur, sed ita subiicitur, ut etiam *ut ipsa legislatoria*, et ob eam ipsam causam demum legi (cuius se ipse potest auctorem considerare) subiecta, spectanda videatur.

Imperatiui, prout eos supra proposuimus, nempe conuenientiae actionum vniuerse *ordinis naturae* similis, *sive principatus finis vniuersalis naturarum* ratione pol-

lentiuni per se ipsarum, ab auctoritate sua imperante omnem secluserunt admixtionem ullius cuiuspiam inuitamenti, vt elateris ac stimuli, eo ipso, quod vt categorici proponerentur; verum tantummodo vt categorici *sumebantur*, quoniam eiusmodi sumendi erant, si conceptum velles officii definire. Esse autem enunciationes practicas, categorice praecipientes per se haud posset probari, vti omnino in hac sectione etiam hoc loco nondum fieri potest; aliud illud tamen fieri potuisset, nimirum abdicationem ab omni inuitamento in volitione propter officium, vt nota specialis discernendi imperatiui categorici et hypothetici, in imperatiuo ipso, per ullam quampiam determinationem, quam contineret, simul indicari, idque fit in hac praesenti formula tertiae principii, nimirum *ideae voluntatis cuiusque naturae, rationisque, vt voluntatis vniuerse legislatoriae.*

Quod si enim talem cogitemus, quamuis, *quae legibus subfit*, voluntas praeterea interuentu inuitamenti cuiuspiam ad hanc legem adstricta sit, tamen fieri non poterit, vt voluntas, quae ipsa sit suprema legislatoria, eatenus ex ullo quopiam inuitamento pendeat; eiusmodi enim voluntas pendens ipsa adhuc alius cuiuspiam legis indigeret, quae inuitamentum philantiae eius ad conditionem adstringeret valoris ad legem vniuersalem.

Ergo principium cuiusque voluntatis humanae, vt *voluntatis per cunctas normas suas vniuerse legislatoriae*,*) cuius caeteroquin si salua res esset, in eo quidem *facile aptum* foret ad imperatiuum categoricum, quod, propter ipsam legislationis vniuersalis ideam, in *nullo inuitamento constitutum* est, ideoque in cunctis, qui esse possint, imperatiuis solum potest *absolutum* videri; vel potius, dum sententiam conuertimus, si imperatiuus categoricus sit (id est lex cuique voluntati lata naturae ra-

*) Hoc loco exemplis huiusce principii illustrandi adferendis possum supersedere; quae enim primo imperatiuum categoricum eiusque formulam illustrant, vniuersa possunt hoc loco ad eundem finem adhiberi.

tionisque) solum is praecipere potest, ut omnia faciamus ex norma voluntatis, ut talis, quae simul sibi ipsa ut legislatoria esse proposita posset; tum enim solum principium practicum imperatiuusque, cui obsequitur, absolutum est, propterea quod nullum ei prorsus subesse fundamento potest inuitamentum.

Nunc mirum non est, si ad omnes, qui huc usque innotuere, conatus ad inueniendum moralitatis principium respexerimus, eos cunctos esse in cassum factos. Videbant hominem per officium ad leges adstrictum, nec vero animum subibat, eum *solum propriae suae et tamen uniuersali legislationi* esse subiectum, solumque obstrictum teneri ad propriae voluntati suae, ex sine naturae vero uniuersae legislatoriae conuenienter agendum. Siquidem, si etiam duntaxat ut legem (quae illa cumque sit) subiectam cogitares; haec tamen vllum quodpiam, necesse erat, inuitamentum, ut adlectionem coactionemue contineret, quoniam ea haud ut lex ex *sua* voluntate oriebatur, sed haec legaliter ab *ulla re alia quapiam* cogeatur, ut certo modo quodam ageret. Hac autem consecutione prorsus necessaria factum est, ut omnis opera in suprema officii ratione anquirenda prorsus frustra collocaretur. Numquam enim inde promanauit officium, sed necessitas actionis ex certo quodam inuitamento; siue proprium istud inuitamentum esset, siue alienum. Tum autem necesse erat, ut imperatiuus semper hypotheticus existeret, neque idoneus esset ad praeeptum morale. Hoc igitur decretum vocabo principium *autonomiae* voluntatis, contrarium cuique alii, quod propterea ad *heteronomiam* adnumerero.

Conceptu cuiusque naturae rationisque, quae se se per normas voluntatis suae ut uniuersae legislatoriam considerare debet, quo ex hac statione se suasque actiones diiudicet, ad fecundissimum, qui inde pendet conceptum ducimur, nimirum ad conceptum *regni finium*.

Sed *regnum* dico coniunctionem systematicam diversarum naturarum rationalium per leges communes. Quoniam autem legibus fines determinantur quoad valorem vniuersalem, sequitur, vt, si a discrimine naturarum rationalium personali, itemque ab omni materia finium illarum priuatorum, nosmet continemus, totum quiddam finium omnium (cum naturarum rationalium vt finium per se, tum vero etiam finium, quos sibi quaeque ipsa proponere possit, priorum), in contextu systematico, hoc est, regnum finium possit cogitari, quod fieri poterit ex superioribus principiis,

Namque naturae ratione praeditae cunctae subsunt legi, vt earum quaeque se ipsa omnesque alias *numquam solum vt adiumentum sed semper simul vt finem per se ipsum* debeat tractare. Ex quo vero coniunctio colligatioque existit systematica naturarum rationalium per leges obiectiuas communes, hoc est, regnum, quod, cum his legibus haec ipsa harum naturarum ad se inuicem, vt fines et adiumenta, adfectio proposita sit, regnum poterit finium (sane quidem solum ideale) appellari,

Sed natura ratioque vt *membrum* siue articulus ad regnum finium pertinet, si in eo quidem vniuerse legislatoria sit, verum quoque his ipsis legibus subsit. Pertinet ad illud *vt caput*, si vt legislatoria nulli alius cuiuspiam voluntati subiecta sit.

Natura rationalis semper se vt legislatariam in regno finium per libertatem voluntatis possibili consideret, oportebit, siue vt membrum, siue vt caput. Locum capitae vero non solum per normam voluntatis suae, sed tum duntaxat poterit obtinere, cum natura prorsus libera absolutaque, sine indigentia ac circumscriptione facultatis suae voluntati aequabilis et adaequatae videtur.

Ergo honestum siue moralitas cernitur in relatione omnium actionum ad legislationem, qua sola fieri pot-

erit, vt regnum finium exstet. Haec legislatio vero in quaque natura rationeque, necesse est, deprehendatur, ex eiusque possit voluntate exsistere, cuius proinde principium erit: vt nullam actionem suscipiat ad ullam normam aliam, quam sic, vt cum ea possit consistere, legem eam vniuersalem esse, ideoque solum ita, *vt voluntas per normam suam se ipsam simul queat vt vniuerse legislatariam spectare.* Quodsi igitur normae cum hoc principio naturarum rationalium obiectiuo, vt vniuerse legislatoriae, haud per naturam suam iam necessario consentiant, tum necessitas actionis ex vilo principio coactio practica, hoc est, *officium* appellatur. Officium haud capiti in regno finium competit, verum sane quidem cuique membro, et quidem vniuersis aequabiliter,

Necessitas practica ex hisce principiis agendi, id est, officium, posita minime est in tactibus, stimulisque et propensionibus, sed solum naturarum rationalium ad se inuicem adfectione, in qua voluntas naturae rationisque semper simul vt *legislatoria spectanda* est, quoniam alias se non posset *vt finem per se ipsum* cogitare. Quocirca quamque voluntatis normam vt vniuerse legislatariam ratio ad quamque aliam voluntatem refert, etiamque ad quamque actionem erga se ipsam, idque non propter vllum aliud momentum quodpiam aut commodum futurum, sed ex idea *dignitatis* naturae rationisque, nulli legi parentis, nisi quam simul sibi ipsa praeceperit.

In regno finium cuncta aut *pretium* habent, aut *dignitatem*. Quod pretium habet, in huius loco etiam aliud quid collocari potest; contra quod supra omne pretium elatum eminet, proinde non concedit, quod eius loco ponatur, id dignitatem habet et excellentiam.

Quod propensiones necessitatesque humanas spectat vniuersales, illi *pretium nundinale* est; id, quod, etiam nulla posita necessitate atque indigentia, cum certo,

quodam gustu, id est, oblectatione in lapsu solo phantasiae temerario conuenit, ei *pretium est dilectionis*; id vero, quo conditio efficitur, qua fit sola, vt quidpiam queat finis per se ipsum esse, non modo pretium relativum habet, verum etiam internum, id est, *dignitatem* atque excellentiam.

Atqui moralitas conditio est, qua sola fit, vt natura ratioque finis esse per se ipsa queat; quoniam solum per eam fieri potest, vt membrum legislatorium in regno finium videatur. Ergo moralitas naturaque humana, quatenus illius capax est, illud est, quod solum dignitate gaudet. Dexteritatis et diligentiae in laborando pretium nundinale videtur: ingenii, phantasiae vegetae et facetiarum pretium est dilectionis: contra fidei in promissis, benivolentiae ex decretis (non ex impetû animi quodam atque ardore), pretium inest internum. Neque natura quidpiam neque ars continet, quod si desideretur moralitas, in eius possit locum reponi; si quidem pretium illarum non in effectis, quae inde existunt, cernitur, in commodis et vtilitatibus, quam pariunt, verum in animi consiliis, hoc est, in normis voluntatis, quae promptae sunt hoc modo ad sese in actionibus ostendendum, etiamsi euentus minus iis faueret. Iam eae actiones nullius indigent commendationis ab vlla quapiam dispositione subiectiua gustu-ve, eas cum proxima gratia quadam atque approbatione spectandi, nulliusque inclinationis proxima tactus illarum: voluntati illae, quae eas profert, vt rem proponunt obseruantiae proximae subiectam, quo non nisi ratione opus est, vt voluntati *iniungantur*, non vero blanditiis ab ea *eliciantur*, quod quidem praeterea in officiis pugnaret. Ergo haec obseruantia pretium ostendit eiusmodi animorum consilii vt dignitatem, supraque omne illud pretium immensum quantum extollit, quocum nullo modo potest conferri et comparari, nisi illius quasi sanctitas violetur.

Et quid tandem est illud, quod animi consilio honesto moraliterque bono virtutiae copiam potestatem.

que facit tanta petendi? Nihil illud minus est *communionis* illa *legislationis vniuersalis*, in quam vocat naturam rationemque, eoque illam reddit idoneam ad membrum in regno finium possibili, quo iam per naturam suam destinata erat, vt finis per se ipsa, ob eamque ipsam causam vt legislatoria in finium regno, respectu omnium legum naturae vt libera, illis duntaxat solis obediens, quas ipsa praecipit atque ex quibus norma illius ad *legislationem vniuersalem* (cui ea sese simul ipsa submittit) possunt pertinere. Neque enim vllum cuiuspiam pretium est, quam quod lex illi statuit. Ipsa vero *legislatio*, pretium omne statuens atque determinans ob eam ipsam causam, oportebit, dignitate polleat, hoc est, pretio absoluto atque incomparabili, cui vocabulum *obseruantia* solum est verbum pretii statuendi, quod natura rationalis possit de ea decernere. Ergo *autonomia* fundamentum dignitatis est et humanae cuiusque naturae rationisque.

Verum tria illa, quae attulimus genera, principium honesti moralitatisque proponendi proprie totidem formulae sunt legis vnius atque eiusdem, quarum vna alteras duas sponte in sese coniungit. Interim tamen quaedam in iis diuersitas inest, qui quidem subiectiue potius quam obiectiue practica est, nimirum, ad ideam rationis visioni (ad certam quamdam similitudinem) eoque tactui propius adinouendam. Namque vniuersis normis est

1) *Forma* quaedam, quae cernitur in vniuersalitate, tumque formula imperatiui moralis sic enunciat: normas ita esse eligendas, quasi vt leges naturae debeant vniuersales valere;

2) *Norma* quaedam, nempe finis, et tum formula pronunciat: naturam rationemque, vt finem naturae suae, proinde vt finem per se ipsum, cuique normae seruire oportere pro conditione circumscribente omnium duntaxat relatiuorum finium et arbitrariarum;

3) *Plena* normarum omnium per illam formulam *determinatio*, scilicet: omnes normas ex *legislatione* pro-

pria ad finium, quod esse possit, regnum, vt regnum naturae *) debere conspirare. Hic fit progressus, velut per categorias *unitatis* formae voluntatis (vniuersalitatis illius) *multitudinis* materiae (rerum obiectarum, hoc est, finium,) atque *vniuersitatis* siue totalitatis systematis earum. Verum satius erit, si in *diuidicatione* morali semper ad viam methodumque seueram agatur, formulae vniuersalis imperatiui categorici constitutur: *age secundum normam, quae sese ipsam possit legem vniuersalem statuere.* Quodsi autem cupias legi morali simul *aditum* parare; permultum proderit, vnam eandemque actionem per omnes tres illos conceptus perduci, eoque illos, quantum fieri possit, propius ad visionem adiuuere.

Ac nunc quidem ibi possumus finire, vbi initio sumus profecti, nempe in conceptu voluntatis absolute bonae. Ea voluntas *absolute bona* est, quae haud mala esse, cuius proinde norma, si ea lex vniuersalis statuatur, numquam potest secum ipsa pugnare. Hoc igitur principium illius quoque lex suprema est: semper age secundum eam normam, cuius vniuersalitatem vt legis simul velle possis; quae vna quidem conditio est, quacum voluntas numquam possit sibi ipsa repugnare,isque imperatiuus categoricus est. Quoniam valor voluntatis, vt legis vniuersalis, quae fieri queunt, actionum similitudinem habet cum coniunctione vniuersali existentiae rerum ex legibus vniuersalibus, fit, vt imperatiuus categoricus sic etiam possit enunciari: *age secundum normas, quae sibi et ipsae possint simul vt leges naturae vniuersales propositae videri.* Sic igitur se habet formula voluntatis absolute bonae.

*) Teleologia naturam contemplatur vt regnum finium, sed doctrinam moralem regnum finium possibile vt regnum naturae. Illic regnum finium in idea versatur theoretica, ad explicanda ea, quae adsunt atque apparent. Hic illud in idea practica cernitur, vt ea, quae non adsunt, sed agendo per nos mittendoque vere existere possunt, et quidem eidem ipsi ideae conuenienter, efficiantur.

Natura rationalis a caeteris eo distinguitur atque
 iis eminet, quod sibi ipsa finem proponit. Qui quidem
 materia foret cuiusque voluntatis bonae. Cum vero
 in idea voluntatis ab omni conditione circumscribente
 (huius illiusue finis attingendi) vacuae absoluteque bo-
 nae ab omni nos omnino sine *consequenda* oporteat con-
 tineamus, (quippe quo quaeque voluntas duntaxat rela-
 tive bona redderetur), finis hoc loco haud ut conse-
 quendus, verum ut finis *in sese consistens*, proinde solum
 negative, debet cogitari, quem quippe numquam agi
 contra debet, qui proinde numquam solum ut adiu-
 mentum, verum semper simul ut finis in quavis voli-
 tione aestimandus videtur. Hic igitur nihil aliud esse
 potest, quam omnium, quae possunt esse, finium sub-
 iectum ipsum, quoniam hoc simul subiectum est volun-
 tatis, quae esse queat, absolute bonae; quippe quae
 nulli rei obiectae alii potest sine pugna postponi. Prin-
 cipium: respectu cuiusque naturae rationisque (tui ip-
 sius et aliorum) ita age, ut in norma tua simul ut finis
 per se ipsum illud valeat, proprie proinde idem erit
 cum decreto: age secundum normam, quae suum cu-
 iusque naturae rationisque proprium valorem vniuersa-
 lem in se continet. Etenim, quod normam meam in
 adiumentis ad quemque finem adhibendis ad conditio-
 nem debeam vniuersalitatis, ut legis cuiuspiam cuique
 subiecto competentis adstringere, idem erit, ac subie-
 ctum finium, id est, ipsa natura ratioque, numquam
 solum ut adiumentum, verum ut suprema adstringens
 conditio in vniuersis adiumentis vtendis, id est, sem-
 per simul ut finis, cunctis actionum normis constituen-
 dum videtur.

Iam inde consequitur necessario, ut quaecque na-
 tura ratioque, ut finis per se ipsa, debeat se respectu
 legum omnium, quibus ea cumque possit subiecta esse,
 simul ut vniuerse legislatoriam posse spectare, propter
 ea quod hac eadem normarum illius cum legislatione
 vniuersali conuenientia ut finis per se ipsa distinguitur,
 itemque ut dignitas eius et excellentia (praerogatiua).

prae cunctis solis naturae entibus ita ferat, ut normas suas semper ex statione sui ipsius, sed simul quoque cuiusque alius naturae rationisque ut legislatoriae (quae idcirco quoque persona vocatur) debeat spectare. Atqui tali modo mundus intelligibilis ut regnum finium esse potest, et quidem per propriam omnium personarum ut membrorum legislationem. Ergo cuique naturae rationique ita agendum erit, ac si ea per normas suas semper membrum legislatorium foret in regno finium vniuersali. Principium formale harum normarum hoc est: sic age, quasi norma tua simul esse legi (omnium naturarum rationalium) debeat vniuersali. Igitur regnum finium solum esse potest ad similitudinem regni naturae, sed illud modo ex normis, hoc est, regulis sibi met ipsi iniunctis, hoc tantummodo ex legibus causarum efficientium extrinsecus coactarum. Nihilominus toti quoque naturae, quamquam ut machina spectatur, tamen, quatenus naturas spectat ratione praeditas, ut eius fines, propterea nomen tribuitur regni naturae. Eiusmodi igitur regnum normis, quarum regulam omni naturae rationique imperatiuus categoricus praecipit, vere efficeretur, *si vniuersae eae retinerentur*. Verum, quamquam natura ratioque non poterit sperare, etiamsi ea ipsa huic normae obsequeretur, propterea alia quaeuis illi obtemperaturam fore, itemque regnum naturae illiusque ordinem conuenientem, secum, ut cum membro idoneo, ad regnum finium per se ipsum possibile conspiraturum, hoc est, expectandae felicitati fauturum fore; tamen manet lex illa: age secundum normas membri vniuerso legislatorii ad regnum solum possibile finium, in vi sua plena, quoniam categorice ea praecipit. Atque in eo quidem mirabile illud inest: solam dignitatem humanae naturae, ut naturae rationalis, sine ullo quodam fine alio eo consequendo aut emolumento, proinde aestimationem solius ideae, tamen praeceptioni voluntatis esse irremissibili debere, in ipsaque hac independentia normae ab omnibus stimulis eiusmodi et elateribus excellentiam illius praestantiamque versari, dignitatemque cu-

iusque subiecti ratione praediti, locum membri in finium regno legislatorii capiendi; alias enim duntaxat vt legi indigentiae suae physico subiectum deberet proponi. Etiam si regnum cum naturae tum finium vt sub capite quodam coniunctum cogitaretur, eoque regnum finium haud amplius sola idea maneret, sed veram realitatem acciperet, eo quidem illi accessio fortis stimuli atque elateris, numquam vero incrementum pretii illius interni prodesset; namque nihilominus hic vnus legislator absolutus semper sic oporteret ostendi, vti pretium naturarum rationalium solum ex actionibus earum ab vtilitatis studio alienis, duntaxat ex illa idea iis ipsis praeceptis. Essentia rerum externis earum adfectionibus nihil quidquam mutatur, et quibus solis pretium hominis absolutum efficitur, ex iis a quouis, quisquis sit, vel ab ipso ente summo erit diiudicandus. Igitur *moralitas* cernitur in adfectione actionum ad autonomiam voluntatis, id est, ad possibilem legislationem vniuersalem per normas illius. Ea, quae cum autonomia voluntatis consistere potest, actio *licita* est; quae haud cum ea conuenit, *illicita*. Voluntas, cuius normae necessario cum normis autonomiae concinunt, est voluntas *sancta*, absolute bona. Voluntatis haud absolute bonae a principio autonomiae dependentia (coactio moralis) est *obligatio*. Haec igitur non potest ad naturam sanctam referri. Necessitas actionis obiectiua ex obligatione appellatur *officium*.

Ex iis, quae modo disputauimus, facile poterit enodari, qui fiat, vt, etsi in conceptu officii subiectionem sub legibus cogitemus; eo tamen nobis simul quamdam excellentiam *dignitatemque* in ea persona, quae cuncta seruat officia, repraesentemus. Namque nulla quidem in ea prorsus excellentia inest, quatenus *subiecta* legi morali videtur, sed sane quidem, quatenus respectu eiusdem simul *legislatoria* est et solum propterea illi subordinata. Supra etiam docuimus, neque in metu, nec propensione, sed in sola legis obseruantia, eum elaterem versari, qui actioni possit pretium mora-

le impertire. Propria voluntas nostra, quatenus, solum cum adiunctione legislationis vniuersalis per normas suas possibilis, actura foret, haec voluntas in idea nobis possibilis, res proprie est aetimationi subiecta, dignitasque humanae naturae in hac ipsa consistit facultate, vniuerse leges ferendi, quamquam cum hac adiunctione vt eidem ipsi legislationi simul subiecta videatur.

AUTONOMIA VOLUNTATIS

VT

SUMMUM MORALITATIS PRINCIPIUM.

Autonomia voluntatis cernitur in ea voluntatis qualitate, qua illa sibi ipsa (ab omni rerum volitioni subiectarum qualitate libera) lex est. Igitur sic se habet autonomiae principium: vt ne aliter eligamus, quam sic, vt normae eius eligendi in eadem volitione simul vt lex vniuersalis comprehendantur. Eam regulam practicam imperatiuum esse, id est, voluntatem cuiusque naturae rationisque ad eam vt conditionem necessario esse adstrictam, per solam conceptuum in eo obuorum analysin non potest probari, quoniam enunciatum syntheticum est; vltra rerum obiectarum cognitionem ad criticam subiecti, hoc est, rationis purae practicae progrediendum foret, si quidem necesse est, enunciationem hanc syntheticam, apodictice praecipientem prorsus posse ex anticipatione cognosci, sed hoc negotium sectionem praesentem nihil attinet. Verum principium istud antinomiae solum esse principium philosophiae moralis, facile poterit per solam conceptuum moralitatis synthefin euinci. Eo enim deprehendimus, principium illius imperatiuum esse categoricum oportere, quem vero nihil plus minusue quam hanc ipsam autonomiam imperare.

HETERONOMIA VOLUNTATIS

VT

 FONS PRINCIPIORUM MORALITATIS OMNIUM
 SPURIORUM:

Cum in vlla *re quapiam alia*, quam in normis ad propriam suam legislationem aptis atque idoneis, proinde cum, vltra se ipsam progrediens, in qualitate naturae vllius cuiuspiam rei sibi obnoxiae voluntas legem quaerit, qua ea debeat determinari, tum semper *heteronomia* orietur. Voluntas tum sibi haud ipsa, sed res obiecta per suam ad voluntatem adfectionem huic legem fert. Qua quidem adfectione, siue in propensione posita sit, siue in repraesentationibus rationis, fit, vt solum esse queant imperatiui hypothetici: debeo propterea quidpiam agere, *quod aliud quid cupio*. Contra imperatiuus moralis, proinde categoricus enunciat: debeo sic et sic agere, etsi nihil aliud vellem. Velut ille dicit: non debeo mentiri, si bene velim audire; hic autem enunciat: debeo non mentiri, quamuis mihi eo ne minima quidem turpitudinis macula contrahatur. Qui quidem posterior ab omni sibi re obiecta temperet, necesse est, quo huius nulla sit cum voluntate *contagio*, ne ratio practica (voluntas) solum administret inuitamentum alienum, sed vt ea propriam modo auctoritatem imperantem, vt legislationem supremam, euincat. Sic, exempli gratia, alienam debeo felicitatem promouere, non quasi eius existentiam curem (siue per propensionem proximam, siue propter approbationem indirecte per rationem), sed solum propterea, quod, qua ea excluditur, norma non in vna eademque volitione, vt lege vniuersali potest comprehendi.

DIVISIO

OMNIUM, QUAE POSSUNT ESSE, MORALITATIS PRINCIPIORUM

EX

SUMTO CONCEPTU CONSTITUTIVO
HETERONOMIAE.

Ratio humana hoc loco, uti ubiuis in usu puro suo, dum critica careret, ante omnes, quae possunt esse, vias erroneas tentauit, quam sibi obtingeret, ut vnam veram inueniret.

Omnia, quae hoc possunt respectu ostendi, principia vel *empirica* sunt, vel *rationalia*. Principia *empirica*, ex principio *felicitatis*, in tactu sunt physico moraliter constituta: sed principia rationalia, ex principio *perfectionis*, aut in conceptu rationali illius, ut effecti possibilis, aut in conceptu perfectionis in sese consistentis (in voluntate dei), ut causa voluntatis nostrae determinandae, fundata videntur atque constructa.

Principia empirica omnino haud idonea sunt ad leges morales in iis constituendas. Namque vniuersalitas, qua ad omnem sine discrimine naturam rationemque valere debent, necessitas practica absoluta, perit, cum ratio illius a *peculiari humanae naturae constitutione*, temporibusue fortuitis, quibus ea posita est, depromitur. Verum tamen principium *felicitatis propriae* omnium maxime reprobandum videtur, non solum propterea, quod illud falsum est, et experientia pugnat cum opinione, ac si bona sortis conditio semper bonam actionem sequatur, neque solum, quia illud omnino quidquam confert ad moralitatem constituendam, si quidem longe quiddam aliud hominem reddere felicem quam bonum, eumque prudentem efficere ad suamque utilitatem acutum, quam honestum virtutisque studiosum: sed quoniam moralitati istud supponit elateres, eam

potius subducentes omnemque illius excellentiam euer-
tentes, propterea quod momenta virtutis vitiique in
vnam classem collocant, solumque melius docent cal-
culum ducere, sed vtriusque discrimen speciale pror-
sus delent; contra tactus moralis, *) (quam tenuis at-
que exilis prouocatio ad eum sit, eo quod, qui non va-
lent *cogitando*, in iis ipsis, quae solum ex legibus vni-
versalibus pendent, exitum inuenire *tangendo* credunt,
quam parum etiam tactus, qui gradu per naturam in-
finite sunt inter se inuicem diuersi, esse pro mensura
possint boni malique, praeterea vnus ex tactu suo pro
aliis nequeat rite iudicare,) tamen moralitati dignitati-
que illius eo propior manet, quod tantum virtuti tri-
buit, vt approbationem illius obseruantiamque *proxi-
me* illi acceptam ferat, neque illi quasi in os dicat, non
eius pulcritudinem esse, sed solum vtilitatem, quae
illi nosmet adiungat.

In causis moralitatis rationalibus, conceptus *per-
fectionis* ontologicus (quantopere vanus atque inanis,
quantum indeterminatus, proinde inutilis sit, ad ma-
ximam summam nobis congruam in immenso realitatis
possibilis campo inueniendam, quantopere quoque ad
realitatem, de qua hic sermo est, speciatim ab vlla alia
discernendam, pronus feratur ad sese in gyrum verten-
dum, moralitatemque, quam explicare debet, clam po-
nendam, haud euitare queat,) tamen melior est con-
ceptu theologico, ad eam a voluntate diuina omnium
perfectissima deriuandam, non solum propterea, quod
perfectionem eius tamen haud videmus et intuemur,
sed eam a conceptibus nostris, quorum princeps est

*) Principium tactus moralis numero in principio felicitatis,
quoniam quodque inuitamentum empiricum per iucundita-
tem, quam vllum quidpiam largitur, siue proxime nulla ha-
bita emolumentorum ratione, siue illorum respectu fiat, ad
salutem quidpiam collaturum sese pollicetur. Principium
item veniendi in communionem felicitatis aliorum, cum
Hutchesono, ad eumque sensum moralem ab eo acceptum
videtur accensendum.

conceptus moralitatis, solum deriuare possumus, verum quia, nisi hoc fecerimus, (vti vero, si fieret, ingens in definiendo orbis foret), conceptus voluntatis illius adhuc nobis reliquus ex proprietatibus studii honoris atque imperii, cum metuendis cogitationibus potentiae aemulationisque coniunctis, necesse foret, vt fundamentum constitueret systematis morum moralitati directo contrarium.

Quodsi autem in conceptibus et sensus moralis et perfectionis in genere (qui ambo moralitati certe haud quidpiam derogant, quamuis minus apti sint ad eam vt fundamenta suffulciendam), mihi eligendum foret, conceptum perfectionis optarem, quoniam, cum saltem quæstionem dirimendam a facultate sensitua abducatur ad forumque rationis purae mittat, quamuis nec hic quidpiam decernat, tamen ideam (voluntatis per se bonae) indeterminatam integram seruat propius determinandam.

Caeterum fusiore omnium horum systematum consutatione posse me supersedere puto. Ea tam facilis est, ab ipsisque illis, quibus per muneris rationem vnus earum theoriae formarum suscipiendum patrocinium est (siquidem auditores iudicii dilationem solent auerfari), facile sine dubio intelligitur, in eo operam superuacaneam collocari. Sed magis nostra interest, vt sciamus, principiis iis omnino nihil quidquam praeter heteronomiam voluntatis ad primum moralitatis fundamentum proponi, eaque ob id ipsum necessario oportere scopo suo destitui.

Vbicumque locorum res voluntati subiecta fundamento constituenda est, quo huic regula praescribatur, quae eam determinet, ibi regula nihil est, nisi heteronomia; imperatiuus hypotheticus est, nimirum: *si* aut *quoniam* rem eam cupias, debes sic et ita agere; proinde numquam is moraliter poterit, hoc est, categorice praecipere. Siue rem obiectam illam interuentu inclinationis, vti in principio propriae felicitatis volunta-

tem determinet, siue rationis ope res voluntati nostrae possibili obnoxias omnino spectantis, in principio perfectionis, numquam se ipsam *proxime* voluntas determinat actione cogitanda, sed stimulo atque elatere, ex praeuiso actionis effecto in voluntate; *debeo quidpiam facere, propterea quod aliud quid volo*, atque hic et alia lex in subiecto meo constituenda videtur, ex qua hoc alterum necessario cupiam, quae quidem lex rursus imperatiui indiget, normam eam circumscribentis. Quoniam enim, quem cogitatio obiectae rei per vires nostras possibilis per subiecti naturam debet in eius voluntate efficere, impulsus ad naturam subiecti pertinet, siue ad vim sensitiuam (inclinationem gustumque) siue intelligentiam rationemque, quae per peculiarem naturae constitutionem in re obiecta quadam oblectantur, proprie natura legem ferret, quae, qua talis, non solum per experientiam cognosci debet et probari, proinde per se fortuita est, et ad regulam practicam apodicticam, cuiusmodi debet moralis esse, eo inepta redditur, verum *semper tantummodo heteronomia* voluntatis est, neque enim sibi ipsi fert, sed impulsus alienus legem, per naturam subiecti ad eius receptiuitatem intentam.

Voluntas absolute bona, cuius principium esse imperatiuus categoricus debet, proinde, ratione obiectarum rerum omnium, indeterminate, solam *volitionis formam* vniuerse continebit, et quidem vt autonomiam, id est, vtilitas normae cuiusque voluntatis bonae, ad se ipsam constituendam legem vniuersalem, ipsa lex vna solaque est, quam sua cuiusque naturae rationisque voluntas sibimet ipsi iniungit, ita vt nullum quempiam elaterem nullumque inuitamentum illius fundamento substernat.

Quomodo eiusmodi enunciatio synthetica practica ex anticipatione fieri possit, et quare necessaria sit, quaestio est, cuius solutio haud amplius inter fines et terminos metaphysices morum sita videtur, neque veritatem illius hoc loco haud adseruimus, multo minus declarauimus.

mus, quodpiam illius in nostra potestate esse. Conceptu moralitatis vniuersis consueto enodando tantummodo ostendimus: autonomiam voluntatis necessario illi adhaerere, vel potius fundamento esse. Qui igitur moralitatem quidpiam existimat, non vero ideam commentitiam veritate destitutam, is principium illius, necesse est, simul concedat. Quamobrem haec sectio itidem ac prima solum analytica fuit. Moralitatem vero non versari in fetu phantasiae inani, quod tum consequitur, cum imperatiuus categoricus, cum eoque autonomia voluntatis, verus, utque principium ex anticipatione absolute necessarius est, *usum* postulat *syntheticum possibilem rationis purae practicae*, quem vero nobis haud licet audere, haud ipsa *critice* huiusce facultatis rationalis praemissa, cuius sectione vltima potiora lineamenta ad consilium nostrum idonea proponenda videntur.

SECTIO TERTIA.

TRANSITIO

A B

METAPHYSICA MORUM AD CRITICEN RATIONIS PURAE PRACTICAE.

CONCEPTUS LIBERTATIS

CLAVIS EST

EXPLICANDAE AUTONOMIAE VOLUNTATIS.

Voluntas est species causalitatis naturarum animalium, quatenus praeditae sunt ratione, *libertasque* ea foret huiusce causalitatis proprietas, qua ab alienis causis sese *determinantibus* libera efficere potest; quemadmodum *necessitas physica* in ea cernitur proprietate causalitatis omnium naturarum rationalium, qua ex

contagione potest cum causis alienis ad actionem determinari.

Proposita libertatis definitio *negatiua* est, et proinde ad essentiam eius perspiciendam inutilis: verum conceptus illius *positiuus* ex ea promanat eo vberior ac fecundior. Cum conceptus causalitatis in sese conceptum cohibeat *legum*, ex quibus, per quidpiam, quod nosmet causam vocamus, aliud quid poni necesse sit, scilicet consecutionem; sequitur, vt libertas, etsi ea haud quidem proprietas voluntatis sit ex legibus physicis, tamen idcirco haud prorsus a legibus vacua sit, sed potius in causalitate versetur ex legibus immutabilibus, sed singularis generis; alias enim voluntas libera nulla foret. Necessitatem physicam vidimus heteronomiam esse causarum efficientium; quippe quodque effectum ostendimus fieri posse solum ex lege, quae aliud quid ponit causam efficientem ad causalitatem determinare: quid tandem libertas voluntatis aliud esse poterit, quam autonomia, id est, ea voluntatis proprietas, qua sibi ipsa lex videatur? Pronunciatum autem: voluntas in cunctis actionibus sibi ipsa lex est, tantummodo principium designat, secundum aliam normam agendi, nisi quae sibi ipsa possit vt lex vniuersalis proponi. Quae quidem ipsa formula est imperatiui categorici principii-que moralitatis: ergo voluntas libera eadem est cum voluntate legibus moralibus obnoxia.

Posita igitur libertate voluntatis, moralitas vna cum principio suo inde consequitur per solam analysin conceptus. Interim tamen pronunciatum posterius semper syntheticum est: voluntas absolute bona ea est, cuius norma semper se ipsam, vt legem vniuersalem spectatam, in se potest continere; si quidem ex analysi conceptus voluntatis absolute bonae illa non poterit normae proprietas inueniri. Sed eiusmodi enunciationes syntheticae eo solum fieri possunt, vt ambae notitiae per coniunctionem cum tertia, in qua vtraque deprehenditur, inuicem copulentur. Conceptus libertatis *positiuus* tertium illud suppeditat, quod non, vti in cau-

fis physicis, natura mundi sensibilis esse potest (in cuius conceptu conceptus alicuius rei vt causae, ad *aliud quid* vt effectum adfectae, conueniunt). Quid hoc tertium sit, quod nobis libertas ostendit, cuiusque ex anticipatione ideam habemus, statim non poterit hoc loco indicari, neque deductio conceptus libertatis ex ratione pura practica, vnaque possibilitas imperatiui categorici doceri, sed adhuc indiget alicuius praeparationis.

LIBERTAS

VT PROPRIETAS VOLUNTATIS CUIUSQUE NATURAE RATIONISQUE SUPPONENDA EST.

Haud sufficit, nos voluntati nostrae, ob quam illam cumque causam fiat, libertatem attribuere, nisi eamdem et vniuersis reliquis naturis rationalibus tribuendi idoneam causam nacti fuerimus. Etenim cum moralitas solum nobis, vt *naturis rationalibus* legi sit, sequitur, vt ea ad vniuersas naturas valeat, instructas ratione, cumque ea solum debeat ex proprietate libertatis deriuari, cogitur, vt libertas quoque vt proprietate voluntatis omnium naturarum rationalium probanda videatur, neque satis sit, eam e certis quibusdam opinatis experienciis humanae naturae euinci (quamquam hoc quoque nullo modo fieri potest, solumque potest ex anticipatione probari,) sed vt ad actionem naturarum ratione voluntateque ornatarum necessaria vniuerse erit probanda. Iam equidem dico: quaeque natura, quae non potest nisi *sub idea libertatis* agere, propter id ipsum, respectu practico, re ipsa libera est, hoc est, ad eam valent cunctae leges, cum libertate arctissime coniunctae, perinde, ac voluntas eius etiam per se ipsam, et in philosophia theoretica probata, libera declaratur. *) Atqui adfirmo: nos cuique naturae rationique,

*) Hanc viam, libertatis solum, vt ab naturis rationalibus in actionibus solum *in idea* constitutae, ad consilium nostrum

voluntate praeditae, necessario quoque libertatis ideam, qua sola agat, dare mutuam debere. Namque in natura eiusmodi rationem inesse cogitamus practicam, hoc est, eam, quae gaudeat causalitate respectu rerum sibi subiectarum. Iam fieri nullo modo potest, ut ratio cogitetur, quae una cum conscientia sua propria respectu iudiciorum suorum aliunde directionem accipiat; tum enim subiectum non rationi suae determinationem facultatis iudicandi attribueret, sed impulsioni. Se ipsam, necesse est, auctorem principiorum suorum consideret, liberam ab aliena contagione, ergo ut ratio practica, siue ut voluntas naturae rationisque, ab se ipsa libera spectetur; hoc est, voluntas illius sola potest sub libertatis idea propria voluntas esse, ideoque respectu practice vniuersis est naturis rationalibus attribuenda.

DE

INVITAMENTO

IDEIS MORALITATIS ADHAERENTE.

Conceptum moralitatis determinatum definitumque ad libertatis ideam postremo reuocauimus; hanc vero, ut aliquid quod in veritate rerum adpareat, ne in nobismet quidem ipsis in naturaque humana potuimus euincere; vidimus duntaxat, nos eam supponere oportere, si naturam nobis ratione praeditam conscientiaque instructam causalitatis suae respectu actionum, id est, voluntate ornatam, cogitatione depingere velimus, atque ita videmus, nos ob eandem ipsam causam cuique naturae ratione voluntateque instructae eam

idoneae sumendae, propterea ingredior, ne fidem in me recipiam, libertatis etiam respectu theoretico euincendae. Etenim etiamsi hoc posterius in medio relinquatur, tamen eadem leges ad naturam valebunt, quae non possit nisi sub idea propriae ipsius suae libertatis agere, quae naturam, quae reapse libera foret, obligarent. Igitur hic nosmet onere possumus leuare, quo theoria premitur.

proprietalem, sese sub idea libertatis suae ad agendum determinandi, attribuere oportere.

Verum ex idea hac sumpta promanare quoque vidimus conscientiam legis agendi: decreta actionum subiectiua, id est, normas, semper sic esse accipienda, ut etiam obiectiue, id est, vniuerse ut principia valere queant; proinde propriae nostrae legislationi vniuersali inferuire. Quid autem causae est, cur isti principio memet, et quidem ut naturam rationemque in vniuersum debeam, proinde eo quoque vniuersas alias ratione praeditas naturas subiicere? Concedam, nullo me ad id inuitamento *impelli*, ex quo quippe nullus imperatiuus categoricus existeret, verum tamen ex eo mihi inuitamentum quoddam *capiendum* erit, et, quomodo istud fiat, perspicendum; namque hocce debere proprie est quoddam velle, quod cum adiunctione valet ad quamque naturam rationalem, si ratio in ea nulla re impediretur, quo minus practica foret; naturis, quae, uti nos, sensu, ut elateribus aliis generis, adficiuntur, in quibus haud semper fit, quod ratio per se sola actura foret, necessitas actionis illa duntaxat debere vocatur, necessitasque subiectiua ab obiectiua distinguitur.

Itaque in idea libertatis proprie legem moralem, nimirum ipsum autonomiae voluntatis principium solum videmur supponere, nec realitatem eius necessitatemque obiectiuam per se non posse probare, ac tum quidem haud parum eo lucri fecisse, quod certe genuinum principium accuratius, atque alias factum fuerit, determinassemus, sed respectu valoris eius practicaeque necessitatis nosmet illi subiiciendi, ne digitum longius esse progressi; namque haud idonei quidquam ei possemus respondere, qui nos interrogaret, curnam vniuersalitas normae nostrae, ut legis, esse conditio debeat, ad quam actiones nostrae adstringantur, atque in qua pretium constituamus, quod huic agendi modo attribuiamus, quod tantum esse debeat, ut nullum omnino alius queat inuitamentum esse, quique fiat, ut eo solo

dignitatem personalem suam credat persentiscere, quacum dignitas iucundi status vel iniucundi comparata pro nihilo reputanda videatur.

Ac sane quidem videmus, nos ex qualitate quadam personali capere inuitamentum posse, cui nullum quoddam status inuitamentum inest, si modo illa reddamur capaces hoc posteriori potiundi, si quando eueniat, ut ratio illius distributionem efficiat, id est, solam dignitatem felicitatis, etiam absque momento huiusce felicitatis potiundae, per se posse nosmet ad se rapere: verum ea sententia reapse consequens est sumtae legum moralium grauitatis (si per libertatis ideam nosmet ab omni inuitamento empirico seiungimus), verum nosmet ab eo nos seiungere, id est, liberos in agendo nos spectare, atque ita nos tamen ut certis quibusdam subiectos legibus putare debere, ut pretium quoddam dignitatemque solum in nostra persona deprehendamus, quod omnem nobis iacturam eorum queat, quae statui nostro pretium quoddam impertiunt, compensare, et quomodo istud fieri possit, proinde *unde lex moralis obliget*, tali modo nondum possumus perspicere.

Atque hoc quidem loco, ingenue fatendum est, genus quoddam orbis adparet, unde haud posse exitus inueniri videtur. Liberos nos in ordine causarum efficientium sumimus, ut in ordine finium nosmet sub legibus moralibus cogitemus, et postea nos ut his legibus subiectos cogitamus, quoniam nobis libertatem voluntatis attribuimus, namque libertas et propria voluntatis legislatio ambae in autonomia versantur, proinde in conceptibus mutuis, quorum quidem alter ob id ipsum non poterit ad alterum explicandum ad eiusque rationem reddendam adhiberi, verum ad summum modo, ad repraesentationes eiusdem rei obiectae, quae respectu logico diuersae videntur, ad vnum conceptum (velut diuersas fractiones eiusdem materiae ad notas minimas) reuocandas.

Verum vnus nobis adhuc exitus relinquitur, nimirum vt quaeramus: an, si nosmet, per libertatem, vt causam ex anticipatione efficientem cogitemus, aliam stationem occupemus, quam si nosmet ipsos ex actionibus nostris vt effecta, quae ante oculos conspiciamus, cogitatione informemus?

Haud opus est acuto subtilique motu animi, sed ipsa vere communis intelligentia, quamquam, per naturam suam, obscura facultatis iudicandi distinctione, quam tactum vocat, videtur idonea esse, vt animadvertat: omnes repraesentationes, haud ad nostram libidinem fictas et sine arbitratu nostro nobis obuias (velut repraesentationes sensuum,) res obiectas non aliter nobis cognoscendas dare atque proponere, quam quatenus nos pellunt atque adficiunt, in quo quidem, quid per se ipsae sint, nobis ignotum manet, proinde id, quod hoc genus repraesentationum attinet, eo nos, cum summa attentione animi ac perspicuitate, quam vnquam possit intelligentia adiungere, tamen tantummodo ad cognitionem *phaenomenorum* posse, numquam vero *rerum per se ipsarum* pertinere. Quo quidem discrimine (solum fere per perceptam diuersitatem repraesentationum, quae nobis aliunde dantur atque offeruntur, in quibusque patibiles versamur, ab iis, quas solum ex nobis ipsis producimus, in quibusque actionem nostram exserimus) semel constituto, sponte consequitur, sub phaenomenis visisue tamen aliquid quoque, quod haud phaenomenon sit, nimirum res per se ipsis concedi sumique oportere, quamuis sponte largiamur, nos non posse, cum numquam nobis innotescere queant, sed tantum pro eo, ac moneamur iis atque adficiamur, propius ad eas accedere, et quid per se sint, numquam nosse. Ex quo, rudis quidem, necesse est, distinctio existat *mundi sensibilis* et *intelligibilis*, quorum prior pro diuersa in variis mundi contemplatoribus facultate sensitiua, admodum quoque varius diuersusque esse potest, cum alter interea intelligibilis, qui illi fundamento subest, semper idem manere videatur. Atque

etiam se ipsum et quidem quoad, quam per sensationem internam sui habet, notitiam homini haud licet ut sese, qualis per se ipse sit, cognoscere sibi arroget. Cum enim haud quasi se ipsam creet, conceptumque suum haud ex anticipatione, verum empirice accipiat, sequitur, ut sui quoque notitiam per sensum internum ideoque solum per phaenomenon naturae suae, modumque, quo conscientia adficitur, haurire posse, quamvis nihilominus praeter hanc ex meris phaenomenis compositam sui ipsius subiecti qualitatem aliud quid fundamento constitutum, nempe suum illud ego, ita uti illud esse per se comparatum sit, necessario sumere debeat, atque ita respectu solius perceptionis receptiuitatisque sensationum ad *mundum sensibilem*, sed respectu eius, quod in eo actio pura fuerit (eius, quod nullo modo ex pulsis adfectisque sensibus, sed proxime ad conscientiam peruenit), ad *mundum sese intellectualem*, quem tamen haud amplius nouit, debeat referre.

Ac sic quidem meditabundus homo, necesse est, ad vniuersas res sibi obuias concludat; eiusmodi, opinor, conclusio, vel in intelligentia communi deprehendatur, quam, notum est, admodum pronam ferri ad quodpiam, quod haud sub aspectum cadat, sub rebus sensibus subiectis latens, quodque per se ipsum activum sit, expectandum, tamen in eo peccare, quod hocce oculorum obtutum fugiens mox sibi ad sensum reuocat, hoc est visioni subiicere vult et proponere, eoque proinde nihilo quidquam prudentior euadit.

Iam in se reapse homo facultatem deprehendit, qua ab vniuersis rebus aliis, quin ab se ipso, quatenus rebus obiectis mouetur atque adficitur, distinguitur, eaque *ratio* videtur. Quae quidem, ut spontaneitas, adeo in eo *intelligentiam* superat atque antecellit, quod, etsi haec quoque in spontaneitate versetur, neque, velut sensus, solum repraesentationes contineat, quae tum modo, cum rebus pulsati atque adfecti (proinde patibiles) sumus, oriuntur, tamen ex actione sua nullos potest conceptus procreare, quam qui solum seruiunt *repraes-*

sentationibus sensitiuis sub regulas vocandis coque in vna conscientia atque indiuidua coniungendis, sine quo vfu facultatis sensitiuae nihil ea omnino quidquam cogitaret, cum e contrario ratio nomine idearum spontaneitatem ostendat adeo puram, vt ea longe supra vniuersa, quae sensu illi poterunt proponi, progrediatur, praecipuumque negotium in eo ponat, vt mundus sensibilis ab intelligibili discernatur, coque vero ipsi intelligentiae carceres praescribantur.

Idcirco natura ratioque se ipsam, *vt intelligentia* (proinde haud a parte virium inferiorum), non debet vt ad mundum sensibilem, sed ad intelligibilem pertinentem spectare; proinde illi duae stationes erunt, vnde se ipsam consideret, legesque vtendarum virium suarum cognoscere possit, proinde omnium actionum suarum, *primo*, quatenus ad mundum sensibilem pertinet, sub legibus physis (heteronomia), *deinde*, vt mundum spectans intelligibilem, sub legibus ab natura vacuis liberisque, haud empirice, sed solum in ratione constitutis.

Vt natura ratione instructa, proinde ad mundum intelligibilem pertinens, homo numquam potest causalitatem suae ipsius voluntatis nisi sub idea libertatis cogitare; namque vacuitas a causis mundi sensibilis determinatis (cuiusmodi sibi ipsa semper ratio tribuat, oportebit), libertas est. Iam cum idea libertatis conceptus *autonomiae* necessario coniunctus videtur, cum hoc vero principium moralitatis vniuersale, quod in idea vniuersis actionibus naturarum *rationalium* perinde fundamento subest, ac lex naturae phaenomenis vniuersis.

Nunc, quam supra monebamus, remota suspicio est, quasi orbis quidam occultus in conclusione nostra ex libertate ad autonomiam, atque ex hac ad legem moralem inesset, nos nempe fortasse ideam libertatis solum ob legem moralem constituere, quo hanc posthac vicissim ex libertate elicereimus, proinde illius nullam prorsus adferre rationem possemus, sed eam modo vt

principium precarium, quod nobis animus bene ab natura informatus libenter quidem concedet, quod verò numquam ut pronunciatum possemus, quod probari queat, proponere. Nunc enim videmus, nos, si nosmet liberos cogitemus, tum ut membra in mundum intelligibilem transferre, autonomiamque voluntatis, cum, quae inde consequitur, moralitate cognoscere; quodsi vero nosmet ut obligatos obstrictosque cogitemus, tum nos contemplamur ut eos, qui ad sensibilem quidem, et tamen simul ad intelligibilem mundum pertineant.

QUI FIT VT ESSE POSSIT IMPERATIVUS CATEGORICUS?

Natura ratioque ut intelligentia ad mundum se intelligibilem numerat, solumque ut causa ad hanc perti-
nens, causalitatem suam *voluntatem* adpellat. E contrario tamen ea quoque sibi sui conscia est ut partis mundi sensibilis, in quo actiones suae, ut sola phaenomena illius causalitatis, inveniuntur, quorum vero possibilitas ex hac, quam haud nouimus, non poterit perspicui, verum cuius loco actiones illae ut per alia phaenomena determinata, nimirum cupiditates inclinationesque, ut quae ad mundum sensibilem pertinent, perspiciendae videntur. Ut solius membri in mundo intelligibili omnes actiones meae principio autonomiae voluntatis purae accurate forent consentaneae; ut solius partis mundi sensibilis eadem prorsus essent legi naturae cupiditatum inclinationumque; proinde heteronomiae naturae congruentes accipiendae. (Illae in summo principio moralitatis, hae in decreto felicitatis, positae forent). Quoniam *mundus intelligibilis fundamentum continet rationemque mundi sensibilis, proinde etiam legum illius continet*, proinde respectu voluntatis meae (quae tota pertinet ad mundum in-

telligibilem) proxime legislatorius est, ideoque etiam ut talis cogitari debet, memet ut intelligentia, etsi e contrario ut natura ad mundum sensibilem pertinens, tamen legi illius, hoc est, rationi, quae in idea libertatis legem illius continet, ideoque autonomiae voluntatis subiectum cognoscere, ergo leges mundi intelligibilis mihi ut imperatiuos actionesque huic principio consentaneas ut officia spectare debebo.

Atque ita fieri possunt imperatiui categorici, eo, ut idea libertatis me membrum reddat mundi intelligibilis, quo, si tale solum essem, omnes actiones meae autonomiae voluntatis semper consentaneae forent, cum vero memet simul ut membrum mundi sensibilis intuear, esse consentaneae debent, quod debere categoricum pronunciatum efficit syntheticum ex anticipatione, eo, quod, praeter voluntatem meam per cupiditates sensituios pulsam adfectamque, etiam idea eiusdem, verum ad mundum intelligibilem pertinentis, voluntatis purae, per se practicae accedit, quae conditionem prioris ex ratione supremam continet; uti fere ad visiones mundi sensibilis conceptus accedunt intelligentiae, qui per se ipsi nihil quidquam aliud designant quam formam legalem in vniuersum, iisque fit ut esse queant enunciationes syntheticae ex anticipatione, in quibus vniuersa naturae cognitio posita videtur.

Veritas huius deductionis usu practico rationis humanae communis confirmatur. Nemo homo est, ne vel ipse maleficorum pessimus, si modo alioquin uti ratione soleat, quin, propositis exemplis in consiliis, constantiaeque in seruandis normis bonis, et communionis ac beneuolentiae vniuersalis (praetereaque cum magna emolumentorum commoditatisque iactura facta coniunctae), cupiat, eodem sese animo esse. Quod vero ob inclinationes suas stimulosque difficulter potest in se

conficere, et tamen simul optat ab eiusmodi sibi ipsi molestis inclinationibus liberum videri. Itaque is demonstrat, se cum voluntate, a stimulis sensuum libera, mente sese et cogitatione in longe alium rerum ordinem transferre, quam cupiditatum suarum in campo facultatis sensitivae, quoniam a voto illo nullam cupiditatum oblectationem, proinde nullum statum ullum quempiam, quae vere sint aut excogitari queant, inclinationum suarum satiantem potest (quippe quo ipsa idea, quae desiderium illud sibi elicit, principatum amitteret), sed maius modo pretium personae suae internum expectare. Hanc meliorem se putat personam esse, cum in stationem sese collocat membri in mundo intelligibili, quo quidem per ideam libertatis, hoc est, vacuitatis et independentiae a causis mundi sensibilis *determinantibus* inuitus cogitur, et in qua sibi conscius est voluntatis bonae, quae voluntati malae suae, ut membri mundi sensibilis, uti ipsa confitetur, legem constituit, cuius auctoritatem novit, dum eam migrat. Ergo debere morale est proprium necessarium velle ut membri in mundo intelligibili, de illoque tantummodo ut debere cogitatur, quatenus id sese simul ut membrum mundi sensibilis contemplatur.

DE

 FINIBUS AC TERMINIS EXTREMIS
 VNIVERSAE PHILOSOPHIAE PRACTICAE.

Omnes homines cogitatione sese quoad voluntatem liberos depingunt. Inde omnes existunt sententiae de actionibus ut iis, quae fieri *debuissent*, quamvis *haud factae videantur*. Nihilominus haec libertas nullus conceptus empiricus est, neque esse potest; is enim conceptus permanet, etsi experientia contrarium ostendat eorum postulorum, quae posita illa ut necessaria re-

praesentantur. Ex altera parte pariter necesse est, ut quae fiunt atque eueniunt, cuncta ex legibus physicis necessario determinata videantur, neque haec quoque necessitas physica in conceptu empirico versatur, ob eam ipsam causam, quia conceptum in se cohibet necessitatis, proinde cognitionis praeconceptae. Verum hic naturae conceptus per experientiam confirmatur, ipseque necessario supponendus est, si fieri possit experientia, hoc est, cognitio rerum sensibus subiectarum ex legibus vniuersalibus cohaerens. Idcirco libertas solum *idea* rationis est, cuius realitas obiectiua per se dubia videtur, natura vero in *conceptu intellectu*ali versatur, qui realitatem suam in exemplis per experientiam propositis euincit necessarioque euincere debet.

Quamquam inde dialectica rationis oritur, cum libertas voluntati attributa pugnare cum necessitate physica videtur, in eoque triuio *respectu contemplatiua* viam necessitatis physicae multo munitiorem vtilioremque ratio videt, quam semitam libertatis; tamen *respectu practico* trames libertatis vnus est solusque, quo fieri possit, ut in agendo mittendoque ratione utaris; quamobrem per subtilissimam philosophiam fieri aequè minus poterit, ac per rationem humanam communem, ut argutando libertas tollatur. Haec igitur sine dubio, necesse est, supponat: nullam veram pugnam libertatem inter et necessitatem physicam earumdem actionum humanarum inueniri, ea enim aequè minus potest sese a conceptu naturae ac libertatis abdicare.

Interim haec repugnantia putatitia certe euidenter tollenda erit, quamuis, qui esse libertas queat, numquam comprehendere possis. Etenim si adeo cogitatio de veritate sibi met ipsa, naturaeque, quae pariter necessaria est, repugnet, pro necessitate physica prorsus ea mittenda videbitur.

Fieri autem non poterit, ut eam repugnantiam effugas, si, quod se liberum existimat, subiectum se ipsum *eodem sensu, eademue relatione* cogitaret, cum se liberum dicit, quam cum se respectu eiusdem actionis legi naturae subiectum sumit. Idcirco quaestio est necessario philosophiae contemplatiuae proposita: ut saltem doceatur, illusionem eius de repugnantia positam in eo esse, quod hominem alio sensu cogitemus aliaque relatione, cum liberum eum dicimus, quam cum illum, ut partem naturae, ut legibus naturae subiectum putamus, atque utrumque non solum una *posse* consistere, verum ut *necessario coniunctum*, cogitari in eodem subiecto debere, quoniam alioquin haud posset ratio adferri, quare rationem idea oneremus, quae, quamquam sine *repugnantia* queat cum alia quadam satis probata coniungi, nos tamen negotio implicit, quo ratio in usu suo theoretico admodum ad incitas redigitur. Hoc vero officium soli incumbit philosophiae contemplatiuae, ut practicae via muniatur. Ergo neutiquam ex libidine pendet philosophi, utrum opinatam velit repugnantiam tollere, an intactam relinquere; namque si illa intacta relinquatur theoria illius bonum vacans erit, cuius possessionem fatalismi patronus iure possit ad se rapere omnemque philosophiam moralem ex opinato fundo sine titulo possesso expellere.

Neque hic tamen dici poterit fines incipere philosophiae practicae. Illa enim concertationis compositio nullo modo ad eam pertinet, verum modo postulat ab ratione contemplatiua, ut haec discordia, qua in quaestionibus theoreticis implicitur, componatur, ut tuta ac secura ab externo impetu ratio practica praestetur, qui territorium ei, in quo accollere vult, dubium redere possit.

Ius vero, ipsius rationis communis, in libertatem voluntatis, constitutum est in conscientia concessaque

sumptione rationis a causis solum subiectiue determinatis vacuae, quibus cunctis efficitur id, quod solum attingit sensationem, proinde nomen facultatis sensitiuae vniuersale. Homo, sic se vt intelligentiam considerans, eo sese in alium rerum ordinem transfert in relationemque ad rationes determinantes generis prorsus alius, cum se vt intelligentiam voluntate praeditam, proinde causalitate ornatam cogitat, quam cum sese vt phaenomenon percipit in mundo sensibili (id quod reuera quoque is erit) suamque causalitatem, quoad determinationem externam, legibus physicis subiicit. Nunc mox intelligit, vtrumque locum habere posse, quin adeo oportere. Etenim, *rem in phaenomeno* (quod ad mundum sensibilem pertinet,) certis quibusdam legibus subiectam esse, a quibus eadem, *vt res naturae per se ipsa*, vacua est ac libera, nullo modo pugnat; se ipsum vero duplici hac ratione sibi cogitatione depingendum esse, nititur, quatenus vt phaenomenon se spectat, in conscientia sui ipsius vt rei obiectae sensibus pulsae atque adfectae, quatenus se vt rem per se ipsam considerat, in conscientia sui ipsius vt intelligentiae, hoc est, vt vacuae liberaeque in vsu rationis ab impressionibus sensitiuis (proinde vt ad mundum intelligibilem pertinentis).

Hinc fit, vt homo sibi voluntatem arroget, quae nihil quidquam patitur sibi culpae verti, quod solum cupiditates suas inclinationesque attingit, contraque actiones per se vt possibiles atque adeo necessarias, cogitat, quae non possunt, nisi neglectis cupiditatis vniuersis stimulisque sensitiuis fieri. Causalitas illarum inest in eo vt intelligentia in legibusque effectuum actionumque ex principiis mundi intelligibilis, de quo quidem nihil quidquam nouit amplius, quam solum in eo rationem, et quidem puram, a sensuque liberam rationem, legem ferre, itemque cum ibi duntaxat qua intelligentia proprium illud ipse (qua homo vero tan-

tummodo sui ipsius phaenomenon) fit, illas leges proxime illum et categorice attinere, ita vt, quo inclinationes stimuli que alliciunt (proinde vniuersa mundi sensibilis natura) legibus voluntatis suae vt intelligentiae, nihil queat derogari, atque etiam vt illorum non rationem reddat, neque sibi ipsi, hoc est, voluntati suae eos culpa det, sane vero conuiuentiam, quae eos exciperet, si, cum detrimento legum voluntatis rationalium, vim iis in norma sua concederet.

Eo vero, quod ratio practica cogitatione sese in mundum intelligibilem *transfert*; nullo modo terminos suos migrat, quod quidem fieret, si *videndo intuendoue aut sentiendo* in illum sese vellet transferre. Illud tantummodo cogitatio negatiua est, respectu mundi sensibilis, nullas in determinanda voluntate rationi leges ferentis, solumque in hoc vno positiua videtur, quod libertas illa, vt determinatio negatiua, simul coniuncta fit cum facultate (positiua) quadam adeoque cum causalitate rationis aliqua, quam voluntatem nominamus, ita agendi, vt principium actionum qualitati essentiali causae rationalis, hoc est, conditioni vniuersalitatis normae, vt legis, consentaneum videatur. Quod si ea vero praeterea *rem voluntati obnoxiam*, id est, momentum e mundo intelligibili peteret, tum suos ea terminos migraret, sibi que quidpiam sese cognoscere, quod omnino eam latet, arrogaret. Ergo conceptus mundi intelligibilis tantummodo *locus* est, quem ratio sese coactam sentit praeter phaenomena sumere, *vt se ipsam vt practicam* cogitet, quod, si contagiones sensus homini forent determinantes, fieri non posset, quod vero tamen necessarium est, nisi illi conscientia sui ipsius, vt intelligentiae, proinde vt causae rationalis per rationemque agentis, hoc est, libere efficientis debeat denegari. Qua quidem cogitatione sane idea alius ordinis legislationisque, quam mechanisismi phisici, mundum sensibilem attingentis, arcessitur, conceptusque mundi

intelligibilis (hoc est, totum naturarum rationalium, ut rerum per se ipsarum) redditur necessarius, ita tamen, ut nihil quidquam hic quaeratur ulterius, quam ut solum quoad conditionem illius formalem, id est, vniuersalitatem normae voluntatis, ut legis, proinde autonomiae voluntatis, quae sola potest cum libertate consistere, conuenienter cogitemus; cum e contrario ex legibus vniuersis, ad rem quampiam obiectam determinatis, heteronomia emergat, quae solum potest in legibus physicis deprehendi, etiamque duntaxat mundum sensibilem attingere.

Tum vero omnes terminos suos et carceres ratio transiliret, cum *explanare* institueret, *quomodo* ratio pura esse practica possit, quod prorsus idem cum problemate foret, quod poscit, ut explicetur, *quomodo esse libertas queat*.

Neque enim quidquam nos possumus enodare, nisi quod reuocare ad leges queamus, quibus quae subiecta est, res per possibilem possit experientiam offerri ac proponi. Verum libertas in mera idea versatur, cuius realitas obiectiua nullo modo poterit ex legibus physicis, nec proinde in vlla quapiam experientia possibili, euinci, quae ideo propterea, quod sibi ipsi numquam queat exemplum subiici ex vlla quapiam similitudine, numquam comprehendi potest, vel modo perspicui. Vim ea habet solummodo ut sumtio rationis necessaria in natura, quae voluntatis, id est, facultatis ab sola appetendi facultate diuersae, (nempe ad agendum se ut intelligentiam, proinde ex legibus rationis, ab omni naturae impetu libere determinandi), sibi se esse consciam autumat. Vbi autem determinatio ex legibus physicis definit, ibi quoque nulla *explanationis* copia est, nihilque quidquam relinquitur, quam *defensio*, id est, dubiorum depulsio illorum, qui profundius prae se ferunt in naturam rerum inspexisse, et propterea audacter de-

clarant, non posse libertatem esse. Solum iis poterit ostendi, repugnantiam, quam se aperuisse opinantur, vs-
piam alibi inesse, atque in eo, vt, cum legi physico re-
spectu actionum humanarum vim valoremque concilia-
rent, hominem, necesse erat, vt qua phaenomenon
considerarent, et nunc, cum poscimus, vt eum qua in-
telligentiam etiam vt rem per se ipsam, cogitent, et-
iamnum eam tum vt phaenomenon spectent, vbi sane
seiuunctio causalitatis eius (id est, voluntatis illius) ab
vniuersis legibus mundi sensibilis physicis in vno eo-
demque subiecto pugnaret, quod vero non erit, si se
ipsi commonere velint aequae ac se reuocare, quodque
aequum foret, fateri, sub phaenomenis tamen res per
se ipsas (quamuis clanculum) fundamento subesse debe-
re, cuius efficiendi leges non possis postulare easdem
esse debere, quibus phaenomena earum subsunt.

Impossibilitas subiectiua libertatem voluntatis *eno-*
dandi, eadem est atque impossibilitas *inuitamenti* *) in-
veniendi docendique, quod homo capere ex legibus

*) Inuitamentum (*ininteresse*) dicitur id, quo ratio practica fit,
hoc est, causa voluntatem determinans. Idcirco sola natu-
ra ratioque dicitur inuitamentum ex re quapiam capere, in
brutis non nisi stimuli sensitiui insunt. Inuitamentum pro-
ximum tum solum ex actione ratio capit, cum normae il-
lius vniuersalitas ratio idonea est voluntatis determinandae.
Tale inuitamentum solum purum videtur. Cum ea vero
voluntatem potest duntaxat interuentu alius rei appetitioni
propositae obiectaeque, aut sumto quodam subiecti tactu pe-
culiari determinare, tum ratio ex actione inuitamentum
capit remotius, cumque ratio per se sola neque res volunta-
ri obnoxias subiectasque, neque peculiarem quemdam ta-
ctum fundamento constitutum possit absque experientia in-
venire, hoc inuitamentum posterius (remotum) duntaxat
empiricum foret, nullumque purum rationis inuitamentum.
Inuitamentum rationis logicum (notitiarum suarum promo-
vendarum,) numquam proximum est, sed fines scoposque
supponit vsus illius.

moralibus possit; et nihilominus inde inuitamentum capit reapse, cuius fundamentum in nobis sensum moralem adpellamus, qui falso ab nonnullis pro norma diuinationis nostrae moralis perhibetur, cum potius pro effectiōne legis *subiectiua* in voluntate accipiendus videtur, quo ratio sola causas suppeditet obiectiuas.

Vt ea velis cupiasue, ad quae ratio sola naturae rationique sensitiue adfectae debitum praecipit, sane opus erit facultate rationis quadam, *sensum* quemdam *iucundi instillandi* aut adprobationis officii faciendi, proinde causalitas illius, facultatis sensitiuae principiis suis conuenienter determinandae. Fieri autem nullo modo potest, vt perspiciamus, hoc est, vt ex anticipatione doceatur, quomodo sola cogitatio, quae ipsa nihil quidquam, quod ad sensum pertineat, in se continet, sensationem doloris taediique producat: ea enim peculiaris causalitatis species est, de qua, vti de vniuersa causalitate, nullo modo quidquam possumus ex anticipatione decernere, sed solam de ea experientiam consulere debemus. Quae vero cum nullam queat causae ad effectum relationem suppeditare, vt duarum rerum experientiae obuiarum obiectarumque, hic vero ratio pura per meras ideas (quae nullae prorsus sunt res experientiae obnoxiae,) causae esse debeat effecti, quod sane situm in experientia est, per nos homines fieri nullo pacto potest, vt quomodo et qua de causa *vniuersalitas normae vt legis*, proinde moralitas, nosmet inuitet, explanetur. Tantummodo certum videtur: eam ad nos haud idcirco valere, *quoniam inuitat* (id enim heteronomia est ac dependentia rationis practicae a facultate sensitiua, nimirum tactu quodam constituto, in quo ea numquam posset moraliter legislatoria esse), verum eam inuitare, propterea quod ad nos valet vt homines, cum ex voluntate nostra vt intelligentia, proinde ex nostro illo proprio Ipse, exorta sit; *quidquid autem ad solum visum siue phaenomenon pertinet, ab ratione necessario qualitati rei per se ipse subordinatur.*

Itaque ad quaestionem: quomodo fieri queat imperatiuus categoricus, poterit quidem responderi, quatenus vna possit sumtio indicari, qua ille sola fieri possit, nempe idea libertatis, quatenus item poterit necessitas huiusce sumtionis perspicui, quod ad *usum* rationis *practicum*, hoc est, ad persuasionem de *valore huius imperatiui*, proinde quoque legis moralis, idoneum videtur, quomodo vero haec sumtio ipsa fieri queat, per nullam vnquam poterit rationem humanam perspicui. Sed sumta libertate voluntatis, vt intelligentia, *autonomia* illius, vt conditio formalis, qua sola potest ea determinari, necessario consequitur. Haec autem voluntatis libertas, fieri etiam non solum commode poterit, vt sumatur (sine pugna cum principio necessitatis in phaenomenis mundi sensibilis coniungendis, vti potest philosophia contemplatiua docere), verum etiam vt practice, hoc est, in idea omnibus actionibus arbitrarij, qua conditio, subternatur, naturae rationique, causalitatis suae sibi per rationem, proinde voluntatis, a cupiditatibus diuersae, consciae, sine vltiori conditione *necessarium* videtur. Quomodo autem ratio pura, sine aliis elateribus, aliunde vsipiam desumtis, per se ipsa practica esse possit, id est, quomodo solum *principium vniuersalitatis omnium normarum illius vt legum* (quod sane in forma foret rationis purae practicae), sine vlla voluntatis materia (re obiecta) ex qua in antecessum liceat vllum quodpiam inuitamentum capi, per se ipsum pro elatere esse, atque, quod pure *morale* vocaretur, inuitamentum efficeret, siue breuius, *quomodo ratio pura esse practica queat*, fieri per vniuersam rationem nullo modo poterit, vt explanetur, omnisque opera in anquenda ea enodatione perdita videtur.

Perinde est, vt si perscrutari velim, quomodo libertas ipsa vt causalitas voluntatis esse possit. Tum enim rationem enodandi philosophicam defero, praeter quam nullam aliam habeo. Possem quidem nunc in

mundo intelligibili, qui mihi relinquitur, in mundo intelligentiarum oberrare; verum, quamuis eius mihi *idea* sit probe constituta, tamen illius mihi ne minima quidem notitia videtur, ad eamque, vtcumque enitar, per facultatem rationis numquam possum pertinere. Ea solum quidpiam denotat, quod reliquum fit, vniuersis, quae mundum sensibilem attingunt, a rationibus determinandae voluntatis meae seclusis, vt duntaxat principium momentorum e campo facultatis sensitivae coerceatur, eo quod illud finio, atque ostendo, non omnia illud in omnibus in se complecti, sed praeter illud plura esse: verum haec plura haud amplius novi. De ratione pura hoc ideale cogitante, cuncta materia seiuncta ac separata, hoc est, cognitione obiectarum rerum, nihil mihi quidquam relinquitur, praeter formam, nimirum legem practicam vniuersalitatis normarum, huicque conuenienter, rationem respectu mundi intelligibilis vt possibilem efficientem, hoc est, voluntatem determinantem, causam cogitandi; hic elater omnino desit, necesse est; nisi forte haec idea mundi intelligibilis ipsa sit elater, siue id, ex quo ratio originarie quodpiam inuitamentum caperet; quod vero vt demonstratur, ipsum propositum est, quod non possumus enodare.

Hic igitur fines supremi sunt ac termini vniuersae inuestigationis moralis; qui vt determinentur, vel iam idcirco permagni momenti erit, ne ratio partim in mundo sensibili, in perniciem morum, supremum momentum atque inuitamentum comprehensibile sed empiricum anquirat, partim vero in spatio vacuo sibi atque inani conceptuum transcendentium, nominatim mundi intelligibilis, frustra alias vibret, neque tamen loco moueatur, ac sese in fetibus phantasiae immergat. Caeterum idea mundi intelligibilis puri, vt totius cuiuspiam omnium intelligentiarum, ad quas nosmet ipsi, qua naturae rationales, (quam ex alia parte simul membra mundi sensibilis), pertinemus, semper idea

manet utilis atque concessa ad fundandam fidem rationi congruam et conuenientem, etsi in terminis illius vniuersae scientiae finis sit, vt per ideale excellens regni *finium per se ipsorum* (naturarum ratione praeditarum) vniuersalis, quod tum solum possumus vt membra attingere, cum ad normas libertatis, quasi leges forent naturae, diligenter nosmet componimus, inuitamentum ei lege morali viuendum capiendum in nobis efficiatur.

SCHOLION FINALE.

Vsu rationis contemplatiuo, *respectu naturae*, ad necessitatem vllius cuiuspiam causae *mundi* supremae ducimur; sed vsu rationis practico, *respectu libertatis* etiam ad necessitatem absolutam mittimur, verum duntaxat *legum actionum* naturae rationisque, qua talis. Iam *principium* vsus vniuersi rationis nostrae essentiale est, vt cognitionem vsque ad conscientiam *necessitatis* illius (ea enim destituta nulla cognitio rationis foret), excolamus. Verum quoque itidem essentialis eiusdem rationis *circumscriptio* videtur, qua fit, vt neque eorum, quae sunt fiuntue, neque eorum, quae fieri debent, possit necessitatem perspicere, nisi, qua sint fiantue, aut fieri debeant, *conditio* fundamento constituatur. Sed hoc modo conditione continuo percontanda, exsatiatio rationis longius protrahitur ac differtur. Quapropter ea indefessa absolute necessarium anquirat, idque sese coactam intelligit sumere, quamuis illi nusquam quidpiam adiumentum sit, quo possit illud comprehendere; praeclareque de ea actum videtur, si modo conceptum inuenire queat, cum hacce sumtione congruum et consentaneum. Igitur non cadit in deductionem nostram principii moralitatis reprehensio, sed vitium est, quod generatim rationi humanae obiiciendum foret, cum legem practicam absolutam (cuiusmodi imperatiuus categoricus sit, necesse est) non potest quoad necessitatem eius absolu-

tam docere atque explanare; neque enim illi poterit vitio verti, quod non vult ea per conditionem efficere, nempe interuentu vllius cuiuspiam inuitamenti constituti, siquidem tum nulla foret moralis, hoc est, suprema lex libertatis. Atque ita fit, vt necessitatem quidem absolutam practicam imperatiui moralis haud comprehendamus, verum tamen comprehendimus eius *incomprehensibilitatem*, quod quidem omnino ex aequitate poterit a philosophia, quae vsque ad terminos rationis humanae in principiis tendit, postulari.

IMMANUELIS KANTII
R E L I G I O
INTRA TERMINOS
SOLIUS RATIONIS,

PRAEFATIO PRIOR.

Philosophia moralis, quatenus in conceptu hominis constituta est, ut naturae liberae, sed ob id ipsum quoque per rationem suam ad leges sese ipsam absolutas adstringentis, neque ideae alius cuiuspiam naturae supra se, ad cognoscendum officium indiget, nec alio elatere ad illud faciendum, quam legis ipsius. Certe per suam ipsius culpam fit, si eiusmodi necessitas in eo deprehendatur, cui vero tum nulla alia re is poterit mederi; quoniam, quod haud ex eo ipso et libertate eius oritur, non defectum moralitatis compensare. — Ea igitur in gratiam sui ipsius (cum obiectivae, ratione volitionis, tum subiectivae, respectu potentiae) nullo modo *religionis* indiget, verum, vi rationis purae practicae, sibi ipsa sufficit. — Cum enim leges suae per solam formam legalitatis uniuersalis normarum inde capiendarum, ut conditionis supremae (ipsius absolutae) finium omnium, obligent; ei nulla omnino opus est determinandi liberi arbitrii ratione materiali, *) hoc est, nullo fine, neque ut quid in officio sit, cognoscatur, neque

*) Ii, quibus non satis ratio determinans solum aliena (legalitatis) in genere, in conceptu officii ad rationem determinandi, tamen tum fatentur, eam non posse in *philauria* deprehendi ad propriam *salutem* intenta. Tum enim duntaxat duae determinandi rationes relinquuntur, una rationalis, nimirum propria *perfectio*, et alia empirica, *felicitas* aliena. — Si igitur illam superiorem haud iam intelligant moralem, quae solum esse una potest (nempe voluntatem legi absolute simpliciterque obedientem), in quo quidem per orbem definirent, eos necesse foret perfectionem intelligere hominis naturalem, quatenus ea capax incrementi sit, quarumque esse multae possunt (velut dexteritas in artibus ac scientiis, gustus, corporis velocitas, id genus alia). Id vero duntaxat semper hypothetice bonum est, nimirum, cum adiunctione, ne usus earum cum lege morali pugnet

vt ad illud faciendum impellamur: verum ea sane potest, et, si de officio agatur, debet etiam ab vniuersis sese finibus continere. Velut, vt sciam, an coram iudice in testimonio veritatem sequi, vel in repetendo boni alieni mihi concrediti iustitiam colere debeam (vel etiam possim), nullo modo opus est anquirendo fine, quem forte sectandum mihi proposuerim; nil enim interest, qualis ille sit; potius is, qui, dum ab eo confessio iure postulatur, adhuc opus habet, vt vllum aliquem finem circumspiciat, in hoc iam nequam est.

Quamquam autem philosophia moralis in suum ipsius vsum haud indiget finium repraesentationis, quae voluntatem deberet determinandam antecedere, tamen fieri potest, vt eiusmodi finem necessario spectet, nimirum haud vt rationem causamque, sed vt consequentias necessarias normarum, quae illis conuenienter capiuntur. Namque sine vlla omnino finium relatione nulla prorsus potest voluntatis determinatio locum habere, quoniam ea haud omnino potest effecto carere, cuius repraesentatio, etsi haud vt ratio determinandi arbitrii, vtque finis hoc respectu antecedens, tamen vt finis in consequentiam veniens posse debet recipi, sine quo arbitrium, quod nullam sibi, nec obiectiue nec subiectiue determinatam rem obiectam (quam habet, vel habere deberet), ad actionem propositam cogitando

(quae sola absolute praecipit); ergo ea, in finem proposita, haud principium esse conceptuum officiorum. Idem quoque valet de fine consilioque aliorum hominum felicitatem spectante. Namque actio ante per se ipsa, oportebit, ex lege morali pendatur, quam ad aliorum felicitatem dirigatur. Cuius proinde promotio tantummodo hypothetice in officio est, neque esse pro principio supremo potest normarum moralium.

addit, uti quidem illud est, non vero quo sibi agendum sit, edoctum, sibi ipsum non potest satis facere. Sic philosophiae morali nullo quidem fine ad recte agendum opus est, verum lex ei sufficit, conditionem formalem utendae libertatis generatim continens. Verumtamen ex philosophia morali finis emergit; neque enim fieri potest, ut rationis nihil quidquam intersit, quomodo ad quaestionem respondeatur: quid tum ex recte agendo ad nos redundet, et quo, quamvis istud haud omnino penes nos fuerit, tamen ut ad finem actionem nostram omissionemque dirigere possemus, ut saltem cum eo conspiremus. Sic quidem duntaxat idea est cuiuspiam rei obiectae, quae conditionem omnium finium, qui nobis esse propositi debent, formalem (officium), et simul omnia, quae cum ea conveniunt, hypothetica eorum finium omnium, qui nobis sunt propositi (felicitatem illi servandae consentaneam), coniuncta in se cohibet, hoc est, idea summi in mundo boni, ad cuius possibilitatem natura nobis praestantior, moralis, sanctissima atque omnipotens sumenda est, quae sola possit utrumque in se elementum coniungere; nec vero haec idea (practice spectata) vacua atque inanis est; quoniam a naturali nostra necessitate cuiusque actionis nostrae omissionisque omnino vllum quempiam scopum, qui ab ratione defendi possit, cogitandi, nos liberat, quo quidem alias in consilio capiendo morali impediremur. Verum, quod hoc loco caput est, haec idea emergit ex philosophia morali, neque illius fundamentum est; finis, qui, ut proponatur, iam principia moralia supponit. Igitur fieri non potest, ut nihil quidquam philosophiae morali intersit, an sibi cogitationem de scopo omnium rerum (quocum si concinat, numerus officiorum haud quidem augetur, sed iis tamen singularis quidam relationis lo-

cus omnium finium coniungendorum comparatur) informet nec ne; quoniam eo solum potest formae finali ex libertate cum forma finali naturae coniungendae realitas obiectivae practica impertiri. Fac homini, legem moralem colenti, in mentem cogitationem venire (id quod aegre poterit euitari), quemnam mundum per rationem practicam ductus foret creaturus, si in potestate sua positum sit, et ita quidem, ut se ipse ut articulum in eum collocaturus, non modo talem illum eligeret, qualem moralis illa de summo bono idea postulat, si ipsi solum optio relicta fuerit, verum etiam cuperet, mundum omnino existere, quoniam lex moralis vult, ut summum per nos possibile bonum efficiatur, quamquam se ipsum ex hac idea conspiciat periculo expositum, pro se felicitatis permagnam iacturam facienda, quia fieri potest, ut fortasse huiusce desiderio, quod ratio praecipit conditionem, haud respondeat; proinde se intelligeret per rationem coactum, ut ab omni studio alienus iudicium istud, ut ab alieno latum, tamen simul suum agnosceret, quo homo necessitatem moraliter in sese effectam probat, ad officia sua praeterea scopum quoque, ut illorum eventum, cogitandi.

Igitur philosophia moralis necessario ad religionem ducit, quo ea sese ad ideam legislatoris moralis potentis extra hominem dilatat, *) in cuius voluntate id sco-

*) Enunciatio: deus est, proinde est summum bonum in mundo, si (ut pronunciatum fidei) solum debeat e philosophia morali emergere, synthetica est ex anticipatione, quae, quamvis duntaxat respectu practico accipitur, tamen conceptum officii, quem doctrina morum continet (quique nullam arbitrii materiam, sed solum leges illius formales supponit), transcendit, ideoque ex hoc non potest analytice euolui. *At quomodo fieri potest eiusmodi enunciatio ex anticipatione?* Contentus cum sola idea legislatoris moralis om-

pus (creati mundi) est, quod simul scopus hominis et potest esse et debet.

nium hominum identicus quidem est cum conceptu morali officii generatim, atque eatenus enunciatur, huncce contentum praecipiens, analyticum foret. Verum sumtio existentiae illius plus in se cobibet, quam solam eiusmodi rei possibilitatem. Clauem huius quaestionis enodandae, quantum opinor intelligere, hoc loco tantummodo iudicare possum, neque erit cur vberius exponam.

Finis semper in re versatur *inclinationi* cuidam subiecta, id est, in cupiditate proxima rei per actionem potiundae; vti *lex* (practice praeciptions) in re cernitur *obseruantiae* proposita. *Finis* obiectiuus (id est, is, quem nobis habere propositum debemus) is est, qui nobis ab sola ratione quatales praecipitur. *Finis* conditionem ineuitabilem simulque idoneam omnium reliquorum continens est *scopus*. Propria felicitas posita in scopo subiectiuo est naturarum mundanarum rationalium (quem vna illarum quaeque pro natura sua ex rebus sensibus obnoxiiis pendente sequitur, et quem dici absurdum foret, non proponi debere), omnesque enunciationes practicae, quibus hic *scopus* fundamento subest, syntheticae sed simul empiricae videntur. Verum vnumquemque, summum, in mundo possibile, bonum sibi proponere pro *scopo* debere, pronunciatum practicum est syntheticum ex anticipatione, et quidem obiectiue practicum, per rationem puram praeceptum, propterea quod pronunciatum est, conceptum officiorum in mundo superans ac transcendens, illorumque consequentiam (effectum) addit, quae non in legibus moralibus continetur, ideoque ex iis non potest euolui. Hae scilicet absolute simpliciterque praecipunt, quaecumque euentum fuerit, quin adeo cogunt, vt cogitationem omnem ab eo auocemus, si de actione agatur singulari, eoque officium summae venerationi subiiciunt, nullo nobis fine (scopoque) proposito ac praecepto, qui forte commendationi illius esse et pro elatere officii faciendi. Omnibus hoc quoque hominibus suppetere posset, si (pro eo ac deberent) solam sequerentur in lege praeceptionem rationis purae. Quid opus est, eos scire euentum actionum omissionumque, quem cursus mundi adferet? Iis satis est, suum se facere officium; vt dum hac terrestri vita omnia desinant, atque adeo vel in hac ipsa felicitas dignitasque fortasse numquam conueniant. Iam vero in limitationibus



Cum philosophia moralis in sanctitate legis rem agnoscit summae *venerationi* obnoxiam, tum in gradu religionis in causa summa, leges illas exsequente rem proponit adorationi subiectam atque in maiestate sua conspicitur. Verum omnia, etiam summum quodque maximeque sublime, in manibus hominum minuitur ac decrescit, cum ideam illius in usum suum conuertunt.

hominis (fortasse quoque aliarum naturarum mundanarum) eiusque facultatis rationalis practicae haud euitandis est, ut in omni actione euentum ex ea circumspiciat, in quo aliquid inueniat, quod sibi pro scopo sit etiamque puritatem queat finis consiliique probare, qui in nexu quidem effectivo ultimum, sed in nexu finali primum est. In hoc fine igitur, etsi per solam rationem sibi proponatur, homo quaerit aliquid, quod possit *amare*; lex ergo, quae illi solum *obseruantiam* instillat, quamquam ea illud ut necessitatem haud agnoscit, tamen sese in eius gratiam dilatat ad scopum rationis moralem ad rationes determinantes suas recipiat, id est, pronunciatam: constitue summum in mundo possibile bonum tibi scopum; pronunciatum syntheticum est ex anticipatione, quod per legem moralem ipsam introducit, et quo nihilominus ratio practica se ultra hanc moralem legem dilatat, id quod eo fieri potest, quod illa ad proprietatem hominis naturalem, sibi actionum omnium praeter legem etiam finem cogitatione informandi, refertur (quapropter is redditur res experientiae obnoxia), et (velut theoreticae et insuper syntheticae enunciationes ex anticipatione) solum eo fieri potest, quod principium ex anticipatione continet cognitionis rationum liberi arbitrii in experientia generatim determinandi, quatenus haec, effecta moralitatis exhibens in finibus, conceptui moralitatis, ut causalitatis in mundo, realitatem comparat obiectiuam, quamvis solum practicam. — Si vero accuratissima legum moralium observatio ut causa debeat arcessendi summi boni (ut finis) cogitari: oportebit, ut, facultas humana haud sufficit, ad efficiendam felicitatem in mundo consentaneam cum dignitate felicitatis perfruendae, ens morale omnipotens ut moderator mundi sumatur, quo providente istud efficiatur, id est, doctrina morum necessario ducit ad religionem.

Quod eatenus modo vere coli potest, quatenus eius veneratio libera est, cogitur, ad eas sese formas ut accommodet, quibus solum per leges coactiuas potest auctoritas conciliari, et quod sponte se publicae cuiusque hominis criticae exponit, id sese debet criticae, potestatem tenenti, hoc est, censurae subiicere.

Interim, cum praeceptum: obsequere magistratui! tamen etiam morale sit, eiusque observatio, uti officiorum omnium, possit ad religionem vocari, decet disputationem, quae conceptui religionis determinato destinata est, ut ipsa quoque exemplo sit huius obedientiae, quae vero non per attentionem ad legem vnus in ciuitate instituti solum potest, verum etiam veneratione omnium coniuncta probari. Iam theologus libros iudicans vel ut talis esse constitutus potest, qui duntaxat salutem curet animorum, vel etiam ut talis, qui simul saluti prospiciat scientiarum; ille iudex solum ut clericus, hic simul ut eruditus. Huic posteriori ut articulo instituti publici, cui (sub titulo vniuersitatis) scientiae omnes excolendae contraque iniuriam tuendae concreditae sunt, incumbit, ut arrogantias prioris ad conditionem adstringat, ut ne censura eius nullam in campo scientiarum vastationem excitet, et cum ambo biblici sunt theologi, posteriori ut vniuersitatis articulo ab eo ordine, cui haec theologia tractanda demandata est, censura princeps competat; quoniam, quod rem priorem (salutem animorum) attinet, utrique idem munus est; quod vero alteram spectat posteriorem (scientiarum salutem), theologo ut docto in vniuersitate constituto munere adhuc peculiari defungendum videtur. Quod si ab hac regula discesseris, tandem eo, necesse est, deferaris, ubi iam alias (velut tempore Ga-

lilei) fuit, nimirum vt theologus biblicus, ad compescendam scientiarum superbiam fastumque parcendumque labori in iis, audeat adeo in astronomiam, aliasue scientias, velut geographiam veterem inuadat, vtque populi, qui in se ipsi vel nec facultatis, vel nec studii satisprehendunt, se contra impetus expectatos defendunt, omnia circa se in deserta conuertunt, omnes intelligentiae humanae conatus prohibeant.

Verum theologiae biblicae in campo scientiarum ex aduerso stat theologia philosophica, quae in bonis est alii cuidam ordini concreditis. Quae, si modo intra terminos solius sese rationis continet, et ad confirmandas illustrandasque sententias suas historia, linguis, librisque omnium populorum, ipsisque libris sacris utitur, sed modo pro se, neque hisce sententiis in theologiam biblicam illatis, neque huius doctrinis publicis, de quibus clericus priuilegio gaudet, mutatis, libertate plena polleat, oportebit, sese, quoad sua scientia pertinet, expandendi, et quamquam, si certum est, priorem *reapse* terminos suos migrasse, in theologiamque biblicam inuasisse, theologo (solum vt clerico spectato) non potest ius censurae impugnari, tamen, simulac de illo adhuc dubitatur, ideoque quaestio oritur: vtrum per scripturam illud, an alia tractatione publica philosophi factum sit, solum theologo biblico, vt membro ordinis eius, suprema potest censura competere, quoniam hic quoque, alterum reipublicae inuitamentum, scilicet incrementum scientiarum curare iussus est, pariterque valide ac prior constitutus videtur.

Atque in eiusmodi causa quidem huic ordini, non vero philosophico, prima censura competit; quoniam

ille solus est de certis quibusdam doctrinis privilegio ornatus, hic vero liberum suarum commercium exercet, proinde ille tantummodo de eo queri potest, quod iuri suo proprio derogetur. Verum dubitatio de laesione iuris, quamvis utriusque sibi inuicem doctrinae propius accedant, metuaturque ne a parte theologiae philosophicae termini migrentur, facile euitari potest, si modo consideres, hanc perturbationem non eo effici, quod philosophus aliquid ab theologia biblica mutuatur, quo ad finem suum utatur (neque enim theologia biblica inficiabitur, sese multa, quae sibi cum doctrinis folius rationis communia sunt, praeterea quoque nonnulla, quae ad historiam aut philologiam ad earumque censuram pertinent, continere); ut etiam iis, quae ex ea mutuatur, in significatione utatur soli rationi consentanea, sed huic fortasse haud placente, sed tantummodo quatenus huic aliquid inferat, eoque eam ad alios fines dirigere velit, quantum huius conditio permittit. — Sic, exempli gratia, non potest dici, doctorem iuris naturalis, qui quaedam classica vocabula formulasque in usum iurisprudentiae philosophicae suae ex codice iuris Romani mutuatur, hoc violare, etiamsi iis, uti saepenumero fit, haud accurate in eodem sensu utatur, in quo secundum interpretes istius, accipienda fuerint, modo nolit, ut proprii iuris doctores aut adeo fora iudicialia iisdem eodem sensu uti debeant. Quod enim nisi ad ius eius pertineret, et vicissim posset theologus biblicus, vel iure consultus statutarius inculari, eos infinitis modis possessionem philosophiae violare, quoniam ambo, cum ratione, et ubi de scientia agitur, philosophia nequeant carere; saepenumero ex ea, quamquam in suum, utriusque usum, coguntur mutuari. Quodsi vero illius prioris consilium eo spectet, ut,

quantum fieri possit, in rebus religiosis nullum sibi negotium sit cum ratione, facile poterit praeuideri, cuiusnam in parte iactura futura videatur; namque religio, sine vlla haesitatione bellum inferens, contra eam haud ita diu sese tuebitur. — Atque eam audeo proponere: anne vtile foret, si absoluta institutione academica in theologia biblica, semper insuper singularis schola explicaretur de doctrina religionis philosophica pura (quae cuncta, etiam libros diuinos, in vsum suum conuertit), ad filum quoddam, quemadmodum hic fere libellus (vel etiam alius, si melior possit eiusdem generis haberi), vt ad candidatum penitus exornandum necessaria, in fine adiiciatur. — Namque scientiae solummodo proficiunt ex separatione, quatenus quaeque primo per se totum quiddam constituit, et tantummodo tum demum periculum fiat, eas in coniunctione contemplandi. Tum theologus biblicus cum philosopho consentiat, aut eum sese oportere confutare credat; si modo illum audiat. Sic enim solum esse armatus poterit contra omnes difficultates, quas illi hic obstruxerit. Has vero difficultates occultare, vel adeo vt profanas in crimen vocare, miserum adminiculum est, quod se non poterit tueri. Vtramque autem miscere, et ex parte theologi biblici data solum occasione leuiter oculos eo conuertere, defectus doctrinae est ac subtilitatis, in quo in fine nemo sciat, quod sibi de religionis doctrina omnino videatur.

Quatuor earum, quae sequuntur, disputationum, in quibus nunc ad adfectionem religionis ad naturam humanam, partim bonis dotibus partim malis praeditam, ostendendam, rationem boni malique principii, quasi duarum per sese consistentium, vim suam in ho-

minibus exferentium, caufarum efficientium propono, prima iam in menſtruis Berolinenſibus April. 1792. fuit inferta, neque tamen, propter accuratam materialium connexionem, ab hoc libello poterat, cuius vberior expositio his tribus nunc accedentibus continetur, arceri.

PRAEFATIO POSTERIOR.

In hac altera huius libri editione nihil quidquam mutatum est. Accesserunt quaedam additamenta, quae notata textui ſubiecta ſunt.

De titulo huius operis (nam de conſilio ſub eo latente, quoque ſunt dubia prolata) praeterea moneo: cum reuelatio quoque ſaltim poſſit religionem rationalem puram in ſeſe continere, ſed non rurfus retro haec rationem historicam illius ſuperioris, iliam vt ampliorem ſphaeram fidei, quae hanc poſterioſiorem, vt anguſtiorem complectatur (non vt duos, qui extra ſe ſint, ſed vt concentricos orbes), potero conſiderare, intra quarum poſterioſiorem philoſophus ſeſe pro puro rationis doctore (ex meris principiis ex anticipatione) gerere debeat, in eo proinde ab omni experientia cogitationem auocare. Ex hoc loco igitur alterum facere periculum queo, nimirum vt ab vlla quadam pro tali reputata reuelatione profeſtus, dum ab religione rationali pura (quatenus ea ſyſtema in ſeſe conſiſtens conſtituit) me met contineo, relationem, vt ſyſtema historicum, cum conceptibus moralibus duntaxat particulatim comparem videamque, anne hoc idem ſyſtema rationale religioni purum reducat, quod non quidem reſpectu theoretico

(quem in finem etiam technico-practica, viæ methodique instituendi, vt doctrinae adnumeranda est), sed tamen respectu morali-practico substantialiter et in vsum religionis propriae, quae, qua conceptus rationalis, ex anticipatione qui cunctis missis empiricis relinquitur), hoc solum respectu locum habet, sufficere videatur. Quod cum contigerit, dici poterit, inter rationem et scripturam non solum facilitatem, verum etiam concordiam deprehendi, ita vt, qui vnā (dūctū conceptuum moralium) sequitur, haud defuturus sit etiam cum altera conuenire. Si haud sic accideret, aut duas in vna persona religiones haberes, quod absurdum est, aut *religionem cultumque*, vbi tum, cum cultus haud (perinde ac religio) finis per se sit, sed eius tantummodo qua adiumenti pretium sit, ambae saepenumero concutiendae forent, vt ad breue tempus coeant et coniungantur, continuo vero instar olei et aquae rursus separarentur, et pars moralis pura (religio rationalis) innutaretur.

Quam coniunctionem vel illius periculum munus esse indagatori religionis philosophico iure optimo competens, neque violationem iurium theologi biblici priorum, iam in praefatione priori monui. Postea hanc sententiam in doctrina morum beati *Michaelis* (P. I. p. 5—11.) viri in vtroque loco bene versati, laudatam, et per totum eius opus pertractatam inueni, neque tamen ordo theologicus vmquam in ea quidquam reperit iuri-
bus suis perniciosum.

Iudiciorum de hoc libello dignissimorum hominum, partim qui nomina sua professi sunt, partim reticuerunt, in hac altera editione, cum (vti omnes res litterariae externae) in nostris regionibus serius inno-

tescant, non potuit rationem habere, vti sane quidem optauerim, in primis quod *annotationes quasdam theologias* attinet celeberrimi *Storrii*, Tubingensium professoris, qui eum pro consueto acumine suo, diligentiaque atque aequitate animo summa grati animi significatione maxime digna ex animo subiecit, ad quas quidem animus est respondere, quod vero propter molestias, quas senectus, maxime tractandis ideis abstractis, obii- cit, non audeo polliceri. — Iudicium, quod in nouis criticis *Gripswaldensibus* parte 29 inest, eadem breuitate expedire possum, quam ipse censor in iudicando scripto fecit. Illud enim ex sententia eius non nisi responsio est ad quaestionem mihimet a me ipso propositam: „qui fieri systema dogmatices ecclesiasticum in „conceptibus suis et theorematibus potest ex ratione „pura (theoretica et practica)? — Hoc proinde tenta- „men omnino haud ad eos pertinere, qui systema eius „(ecclesiasticum) tam minus norint atque intelligant, „quam posse istud cupiant, ideoque respectu eorum, „quasi haud exstet, spectandum videri.“ — Ad haec sic respondeo: ad hunc librum intelligendum quoad materiam essentialem opus est duntaxat vulgari morum doctrina, neque est, quod criticam rationis practicae sollicites, multo minus theoreticae, et cum, exempli gratia, virtus, vt habitus actionum officiosarum (quoad legalitatem suam) virtus phaenomenon, eadem vero, vt mens constans talium propter *officium* actionum (ob moralitatem earum) virtus noumenon dicitur, tum istis vocabulis tantummodo scholae causa vtimur, res ipsa vero in institutione paruulorum maxime populari, sacrae oratione, quamuis aliis verbis, continetur et facile potest intelligi. Quod posterius si dici itidem de mysteriis ad doctrinam religionis adnumeratis de natura di-

vina posset, quae, quasi tota popularia sint, in catechismum inferuntur, serius demum autem in conceptus morales conuertenda sunt, si ab vnoquoque debeant intelligi! Regiomonti, prid. vii. Calend. Februar. MDCCCLXXXIII.

CAPUT PRIMUM

DE

INHABITATIONE PRINCIPII MALI

IUXTA BONUM

SIVE

DE MALO RADICALI

IN

NATURA HUMANA.

Mundum in malo versari: querela est tam vetus, quam historia, vel ipsa vetustior poesis, quin pariter vetus atque omnium fictionum vetustissima, religio sacerdotalis. Omnes nihilominus mundum faciunt a bono promordia capientem: ab seculo aureo, a vita in paradiso, vel a beatiore quadam, in communione naturarum coelestium. Sed eam felicitatem mox faciunt instar somnii euanescentem; et nunc lapsum in malum (morale, quocum physicum semper pari passu ambulavit) ad peius citato acceleratoque lapsu festinantem: *) ita ut nunc (sed istud nunc tam vetus est, quam historia) tempore extremo viuamus, diesque extremus et mundi interitus immineat, in nonnullisque Hindostanorum regionibus iudex mundi atque vastator *Ruttrenus* (alias et *Siba* seu *Siuvenus* dictus) iam ut in praesens, potestatem tenens deus colatur, conseruatore mundi *Wischnu* munere, quod a creatore *Brama* in se receperat, defatigato, multisque abhinc seculis otium secuto.

*) Aetas parentum, prior auis, tulit
Nos nequiores, mox daturos
Progeniem vitiosiore.

Horat.

Recentior, sed multo minus dispersa, contraria sententia heroica est, qui fere solum in philosophis, et nostris temporibus maxime in paedagogis, locum obtinuit: mundum scilicet ipsa directione conuersa, nimirum a peiori ad melius, assiduo (quamuis vis animadvertatur) progredi, certe initia illius in natura humana deprehendi. Quam sententiam profecto haud ex experientia hauscrant, si de bono *moralis* maloue (non vero de cultura et politura) sermo est: tum enim omnium temporum historia maximopere contra eos testatur; verum sine dubio sumtio doctorum morum est, ab bona mente profecta, inde ab Seneca vsque ad *Ruffianum*, vt ad indefessam culturam flaminis boni fortasse nobis insiti impellamur, si modo de fundamento naturali illius possimus in homine certi videri. Huc accedit: quod, cum homo per naturam (id est, vti nasci solet), respectu corporis, sit sanus sumendus, non sit, cur haud itidem quoad animum eodem iure ab natura sanum eum bonumque sumere debeamus. Ad haec initia boni in nobis moralia efformanda, nos proinde naturam ipsam iuuare. „Sanabilibus aegrotamus malis, nosque *in re*. „*Etum genitos natura*, si sanari velimus, adiuuat:“ verba sunt *Senecae*.

Quoniam tamen sane fieri posset, vt in vtraque experientia putatitia errare potueris; quaeritur: an certe medium quiddam fieri queat, nimirum: hominem in suo genere nec bonum esse nec malum; aut fere etiam vnum proinde atque alterum, ex parte bonum, ex parte malum esse posse? — Sed homo malus dicitur, non idcirco, quia actiones patrat, quae malae (legibus contrariae) sunt; verum propterea, quod hae ita comparatae sunt, vt ex iis ad malas in eo normas concludi queat. Atqui actiones legibus contrarias possumus quidem per experientiam animaduertere, etiam (certe per se ipsas) cum conscientia legibus contrarias esse; sed normae haud possunt obseruari atque animaduerti, adeo haud semper in se ipsae, proinde iudi-

cium, qui eas perpetrat, malum hominem esse, non certo potest in experientia constitui. Ergo ex vna, quin vna cum conscientia actione mala, necesse foret, vt ex anticipatione ad normam malam, quae fundamento sublit, atque ex hac ad causam in subiecto vniuersi sitam omnium singularium normarum malarum moralium, quae ipsa vicissim norma sit, posset concludi, vt homo queat malus appellari.

Ne vero statim vocabulo *naturae* offendare, quod, si (vt solet) contrarium causae actionum ex libertate significaret, cum praedicatis *moraliter* boni maliue, pugnaret; notandum est: hoc loco naturam hominis duntaxat causam subiectiuam vtendae libertatis generatim (sub legibus moralibus obiectiuis) quae omnem, quae sub sensus cadit, actionem antecedit, denotari; vbi ista cumque causa lateat. Haec causa subiectiua vero semper vicissim ipsa esse actus libertatis debebit (alioquin enim vsus abususue arbitrii hominis respectu legis moralis, illi posset imputari, nec bonum in eo malumue morale dici). Proinde in nulla re arbitrium per inclinationem *determinante*, in nullo appetitu naturali, sed solum in regula quadam, quam arbitrium sibi ipsi in usum libertatis suae praecipit, nimirum in quadam norma, potest mali causa inesse. De qua igitur haud vltius quaeri posse, oportebit, quaenam ratio causaque illius sumendae, nec potius contrariae normae, subiectiua in homine videatur. Etenim si haec causa ratioque postremo ipsa nulla amplius norma, sed solus naturae appetitus esset; vsus libertatis totus posset ad determinationem per causas naturales reuocari; id quod ei vero repugnat. Cum igitur dicimus: homo natura bonus est, aut, natura malus est: tum duntaxat hanc vim habet: is continet in sese causam primam (nobis haud peruestigabilem) *) normarum bonarum, vel ma-

*) Causam rationemque sumendarum normarum moralium subiectiuam haud peruestigabilem esse, iam ex eo in ante-

larum (legibus contrariarum) sumendarum; et vniuerse quidem qua homo, proinde sic, vt iis simul notam et characterem generis sui exprimat.

Quamobrem de vno horum characterum (hominis ab aliis, quae esse possunt, naturis rationalibus distinguendi) dicemus: illi *innatus* est atque *insitus*; et tamen praeterea fatebimur, haud culpam naturae esse (si malus sit) nec laudem (si bonus videatur), sed hominem esse ipsum illius auctorem. Quoniam vero ratio prima normarum nostrarum adipiscendarum, quae ipsa vicissim sita in libero arbitrio sit, necesse est, nullum esse factum potest, quod dari per experientiam posset; bonum malumue in homine (vt ratio prima subiectiua huius illiusue normae constituendae, respectu legis moralis in eo solum sensu innata atque insita vocatur, quo istud ante omnem usum libertatis in experientia datum (in iuventute prima retro vsque ad partum) fundamento ponitur, atque ita vt cum partu simul in homine praesens, repraesentatur; non vero partum fere eius causam videri.

Scholion.

Pugnae ambarum supra propositarum hypothesium enunciatio disiunctiua fundamento subest: *homo (natura) aut moraliter bonus est aut moraliter malus.* Verum cuique facile in mentem venit, interrogare: an quoque ea disiunctio vera sit; et num haud quispiam possit con-

cessum potest intelligi: quod, cum haec sumtio adoptatioque libera sit, causa eius (quare, vt hoc vtar, malam normam, nec potius bonam adoptauerim) in nullo elatere naturae, sed semper rursus in norma quadam quaerenda est; et, cum haec quoque causam habeat, necesse sit, praeter normam autem *ratio determinandi* arbitrii liberi nec debeat adferri nec possit, in serie rationum determinandi subiectivarum in infinitum vsque longius retro amandamur, neque vniquam possumus ad causam rationemque primam pertinere.

tendere, hominem natura neutrum esse; alii vero: eum vtrumque simul esse, nimirum in quibusdam partibus bonum, in aliis malum. Atque adeo experientia medium istud in hisque duobus extremis confirmare videtur.

Verum doctrinae morum omnino permultum interest, ut nullae res morales mediae, neque in actionibus (adiaphora) neque in characteribus humanis, quoad eius fieri possit, concedantur: quoniam in tali ambiguitate (amphibolia) omnes normae in discrimen vocantur, determinationis suae firmitatisque perdendae. Il, qui hanc severam sententiam sequuntur, plerumque (nomine, quod vituperium debet in se continere, reapse vero laudi cedit) *rigoristae* vocantur; et sic eorum adversarii atque quasi antipodes queunt *latitudinarii* dici. Hi igitur vel latitudinarii sunt neutrarum partium, et *indifferentistae* dicantur, vel coalitionis, et *syncretistae* vocentur. *)

*) Cum bonum est $=a$, tum illi e disiunctis contrarium, non bonum, est. Hoc igitur consequens est vel solius defectus rationis boni $=o$, vel rationis positivae contrarii illius $=-a$; in hac posteriore causa non bonum etiam malum positivum dici potest. (Respectu voluptatis et doloris est quiddam medium eiusmodi, ita ut voluptas $=a$, dolor $=-a$ et status, in quo neutrum deprehenditur, ratio media atque aequa $=o$ sit). Si igitur lex moralis in nobis non esset elater arbitrii; moraliter bonum (convenientia arbitrii cum lege) $=a$, non-bonum $=o$, hoc vero solum consequens deficientis elateris moralis $=a \neq o$ foret. Atqui ea in nobis elater $=a$ est; ergo defectus convenientiae arbitrii cum ea ($=o$) duntaxat ut consequens determinationis arbitrii realiter oppositae, hoc est, cuiuspiam *renisus* illius $=-a$, nimirum tantummodo per arbitrium malum, fieri potest; et inter malam mentem et bonam (principium normarum internum), ex qua etiam actionum moralitas diiudicanda est, nihil quidquam medium est. Actio moraliter indifferens (adiaphoron morale) actio foret solum ex legibus naturalibus proficiens, quae proinde ad legem moralem, ut legem libertatis, neutiquam adfecta est; propterea quod

Responsio quaestionis, cuius modo mentionem fecimus, ad modum decidendi rigorosum *) in obserua-

ca in nullo facto posita est, eiusque respectu nec *praeceptum*, nec *veritum*, nec *permissio* (*potestas* legalis) locum habet, nec opus videtur.

*) Celeberrimus *Schillerus* in dissertatione scite conscripta (*Thalia* 1793. Pars III.) de *gratia* in philosophia morali et *dignitate* eiusdem hanc obligationis repraesentandae rationem improbat, quasi tenorem mentis in se cohibeat similem carthusiani; verum, cum de grauissimis principiis conveniamus, nec in hoc quoque discrepantiam concedere; modo mentem nostram nobis inuicem possimus explicare. — Lubenter fateor: me *conceptui officii*, ob ipsam dignitatem eius nullam posse *gratiam* adiungere. Is enim coactionem absolutam continet, cui gratia directo repugnat. Maiestas legis (instar sinaiticae) reuerentiam instillat (non timorem, qui repellit, neque illecebras, quae inuitant ad familiaritatem) quae *obseruantiam* subditi erga imperantem, sed in hac causa, cum hic in nobis ipsis insit, *sensum sublimitatis* propriae destinationis nostrae excitat, qui plus nos abripit quam omnis pulcritudo. — Sed *virtus*, id est, mens firmiter constituta officii accurate faciendi, in effectis suis magis quoque *benefica* est, quam vniuersa, quae ab natura vel arte possunt in mundo praestari; et praeclara humanae naturae imago, in hac forma sua proposita, facile concedit *gratiarum* concomitantiam, quae vero, dum de officio solo sermo sit, propius accedere verecundantur. Sin vero grata consequentia spectentur, quae virtus, si vbiq; aditus sibi pateret, in mundo dispersura foret, tum ratio moraliter directa sensualitatem (per phantasiam) excitat. Solum monstris deuictis *Hercules* fit *Musagetes*, quem laborem bonae forores illae reformidant. Hae Veneris Vraniae comites amicae sunt a Venere stipatae Dione, simulatque se determinando officio immiscere volunt eiusque elateres suppeditare. — Si igitur quaeratur: qualis est natura *aesthetica*, quasque *temperamentum virtutis*, animosa proinde *laeta*, an anxie demissa et tristis? vix erit, quod opus sit responsione. Hic posterior animi tenor seruilis numquam potest sine occulto quodam legis odio locum habere, laetusque in officio *faciendo* animus (non vero sensus in *agnoscendo* illo gratus) signum est probitatis mentis honestae, vel in ipsa *pietate*, quae non in peccatore poenitente sese ipsum excruciante se prodit (quod res est admodum ambigua et plerum-

tionem nititur philosophiae morali grauissima: libertas arbitrii hanc naturam habet prorsus peculiarem, vt nullo possit elatere ad actionem quamdam determinari, *nisi quatenus eum homo in normam suam receperit* (sibi illud pro regula vniuersali constituerit, ad quam sese componeret); sic solum elater, quicumque sit, cum spontaneitate arbitrii absoluta (libertate) potest consistere. Verum lex moralis per se ipsa in iudicio rationis elater est, et, qui ea pro norma vitur, is *moraliter* bonus est. Cum igitur lex cuiuspiam arbitrium, respectu actionis eam spectantis, nihilominus haud determinat; tum necesse est, vt elater ei contrarius vim habeat in arbitrio illius; et, cum hoc per functionem eo solum fieri queat, vt hunc (proinde et declinationem a lege morali) homo in normam suam recipiat (quoposito homo malus est); meus eius animique sententia respectu legis moralis numquam erit indifferens (numquam neutrum, nec bonus, nec malus).

Nec vero homo in quibus partibus moraliter bonus, in aliis simul malus esse potest. Etenim si in vna re bonus est, legem moralem in normam suam recepit; si igitur in alia re simul malus esset, tum, quoniam lex moralis faciendi officii omnino non nisi vna est et vniuersalis, norma ad eam relata vniuersalis, sed simul duntaxat singularis foret: id quod secum pugnat. *)

que interna reprehensio de peccato contra regulam prudentiae commisso) verum in firmo consistit proposito olim melius agendi, quod per bonum successum incensum, non potest non laetum animi tenorem efficere, sine quo numquam certi sumus, nos boni *amorem suscepisse*, hoc est, in normam illud nostram recepisse.

*) Veteres philosophi morales, qui omnia fere, quae dici de virtute possunt, exhaustere, duas quaestiones illas itidem haud intactas reliquerunt. Superiorem sic enunciarunt: an virtus disci debeat (homo proinde natura ad eam vitumque indifferens sit)? Altera haec erat: an plures vna virtute videantur (proinde haud fere eueniat, vt homo in quibusdam partibus honestus, in aliis turpis sit)? Vtraque cum

Vnum alteramue animi sententiam vt qualitatem insitam atque innatam ab natura habere, hoc loco hanc vim habet, ac si ab homine, qui eam fouet, haud acquisita sit et comparata, id est, non auctor sit; sed eam tantummodo haud in tempore acquisitam partamque esse (eum vnum alterumue *semper esse a iuuentute*). Sententia animi, hoc est, ratio prima subiectiua normarum adoptandarum, non nisi vna esse potest, vniuerseque totum libertatis vsum spectat. Sed ea ipsa quoque per liberum arbitrium adoptata sit, necesse est, alias enim ea non posset imputari. Et huius quidem adoptandae ratio subiectiua causae haud vicissim potest cognosci (quamquam euitari non potest, quin eam anquiramus; siquidem alias rursus norma deberet adduci, in quam ea mens atque sententia recepta sit, cuius itidem ratio sit, oportebit). Itaque cum eam mentem atque sententiam, vel eius potius rationem supremam ab vilo quodam temporis actu arbitrii nequeamus deriuare, eam dicimus qualitatem arbitrii, quae ei (quamuis/reapse in libertate fundata sit) natura competat. Nos vero iure posse in homine, quem natura bonum dicimus malumue, non singulum intelligere (vbi tum vnus natura posset bonus, alter malus sumi), sed totum genus: non nisi vltcrius probari potest, cum in inuestigatione anthropologica patebit, rationes, quibus ducti homini vltcrutrum characterem tribuimus, ita comparatas esse, vt haud sic, cur aliquem hominem excipiamus, eumque proinde de genere valere.

summa ac rigorosa diligentia negabatur, et iure quidem; siquidem virtutem *per se* spectabant in idea rationis (quomodo homo esse debeat). Cum vero hanc naturam moralem, hominem *in phaenomeno*, id est, quomodo eum nobis experientia ostendit, moraliter diiudicare volueris: tum ad vtramque quaestionem poteris aiendo respondere: tum enim non ad rationis purae libram (coram iudicio diuino iudicatur), sed ex mensura empirica (ab iudice humano) iudicatur. De quo infra adhuc disputabitur.

L

DE INITIIS BONI ORIGINARIIS IN NATURA HUMANA.

Ea vero initia, respectu finis eorum, commodè possunt ad tres classes, ut elementa hominis determinandi reuocari.

- 1) Initia *naturae* hominis *animalis*, ut *uiui*.
- 2) *Naturae humanae* illius, ut *uiui* et simul *rationalis*.
- 3) *Personalitatis*, ut *naturae* ratione praeditae et simul *imputationis capatis*. *)

1) Initia *animalis naturae* in homine ad titulos generales philautiae physicae possunt et solum *mechanicae*, hoc est, eiusmodi reuocari, ad quam haud ratio postulatur. Ea triplicis generis sunt: *primo* ad conseruationem sui ipsius; *deinde*, ad propagationem generis per appetitum sexus, et ad ea conseruanda quae ex con-

*) Haec non possunt, ut iam in conceptu superiorum completa spectari, sed necessario sunt ut peculiaria initia consideranda. Inde enim quod natura ratione praedita est, minime sequitur, ea et facultatem contineri, arbitrii, per solam repraesentationem qualificationis normarum illius ad legislationem vniuersalem, absolute determinandi, et ut proinde practica possit: certe quantum intelligere possumus. Natura mundana omnium maxime ratione excellens tamen semper posset certorum quorundam elaterum, ex rebus inclinationi propolitis ad sese redundantium, ad determinandum arbitrium, indigere; ad id vero deliberationem prudentissimam adhibere, cum quoad maximam elaterum summam, tum adiumenta quoque, finis eo determinati consequendi: neque tamen vel possibilitatem modo eiusmodi, quam lex moralis est simpliciter imperans, quae sese ut ipsum elaterem, et summum quidem adnunciat, diuinando adsequi. Quam legem, nisi data in nobis foret, qualem per nullam umquam rationem argutando inueniremus, aut arbitrio adfingere: et tamen haec lex una est, qua fit, ut arbitrii nostri a determinatione per omnes elateres alios (libertatis nostrae) vacui, eoque simul imputabilitatis omnium actionum nobis conscii simus.

iunctione cum eo procreantur; *tertio* ad communionem cum aliis hominibus, in quo cernitur appetitus societatis. — In iis varia possunt vitia implantari (quae vero non ex illis initiis, instar radicum, sponte enascuntur). Ea vitia *ruditatis* naturae possunt adpellari; a summoque deflecentes sine naturae *vitia belluina* evadunt et *vinolentiae*, et *voluptatis* et *ferae* effrenataeque *legum despicientiae* (respectu aliorum hominum) nomina induunt.

2) Initia *naturae humanae* ad titulum generalem philautiae possunt physicae quidem, sed tamen *comparantis* (ad quam ratione opus est) reuocari; ad se ipsum scilicet tantummodo cum aliis comparatum ut felicem vel infelicem diiudicandi. Ex iis descendit inclinatio, *sibi ex aliorum sententia pretium comparandi*; idque originarie *aequalitatis*: ut nullum te patiari superiorem, perpetuoque metuas, ne alii te superare conentur; unde fere concupiscentia iniusta existit alios vincendi. — In quo quidem, nempe in *zelotypia* et *aemulatione*, maxima possunt vitia, et occultarum et apertarum offensarum erga omnes, quos nobis pro alienis putamus, implantari; quae tamen proprie neutiquam ex natura, ut radice sua, sponte progerminant; sed, dum metuas, ne alii odiosam prae te excellentiam ambiant, inclinationes sunt, propter securitatem, tibi met ipsi quo caueas, principatus potiundi: cum tamen natura ideam eiusmodi aemulationis (amorem mutuum per se haud excludentis) vellet tantummodo ut elaterem adhibere culturae. Vitia proinde, quae in hac inclinatione implantantur, possunt quoque vitia *culturae* dici; summoque prauitatis gradu (ubi tum solum in idea versantur maximi prauitatum, naturam humanam superantium), velut in *invidia*, in *animo ingrato*, *gaudio de malis alienis*, et id genus aliis, *vitia diabolica* adpellantur.

3) Initia *personalitatis* consistunt in receptiuitate obseruentiae erga legem moralem, ut *elaterem arbitrii per se idoneum*. Receptiuitas solius erga legem moralem

obseruantiae in nobis sensus foret moralis, quo per se nondum finis initiorum naturalium efficitur, sed modo quatenus ea in elatere arbitrii versatur. Quod cum tantummodo eo fieri queat, quod liberum arbitrium eam in normam suam recipit; qualitas eiusmodi arbitrii in charactere bono cernitur; qui, uti quisque omnino character liberi arbitrii, quidpiam est, quod solum possit acquiri, cuius vero possibilitatis tamen, necesse est, initia in nostra natura adesse, in quibus nullo modo potest quidquam mali implantari. Idea legis moralis sola, cum obseruantia ab ea inseparabili, haud facile potest *initiorum personalitatis* nomine notari; ea est personalitas ipsa (idea humanae naturae prorsus intellectualiter spectata). Verum, quod hanc aestimationem pro elatere in normas nostras recipimus, eius quidem ratio causaque subiectiua additamentum esse ad personalitatem videtur, quod proinde dignum sit nomine initiorum in usum illarum.

Hisce, quae diximus, tribus initiis ex conditionibus possibilitatis consideratis, deprehendimus, *primis* rationem nullam, *secundis* practicam quidem, sed aliis tantummodo elateribus seruientem, *tertiis* vero solum per se ipsam practicam, hoc est, absolute legislatariam rationem pro radice videri: cuncta haec in homine initia non solum (negatiue) *bona* sunt (haud ea pugnant cum lege morali), verum quoque *boni* initia sunt (boni sequelam promouent). Ea sunt *originaria*; pertinent enim ad possibilitatem humanae naturae. Homo quidem duobus primis uti peruerse potest, sed nulla illorum delere atque euertere. Nomine initiorum cuiusdam naturae cum partes constitutiuas necessarias intelligimus, tum formas coniunctionis illarum, ut talis natura videatur. Eae sunt *originariae*, cum ad possibilitatem eiusmodi naturae necessario pertinent; sed *fortuitae*, cum etiam iis vacua eiusmodi natura possibilis foret. Praeterea notandum est, hoc loco sermonem de nullis aliis initiis esse, nisi de iis, quae proxime facultatem adpetendi spectant usumque arbitrii.

II.

DE PROPENSIONE AD MALUM IN NATURA HUMANA.

Propensionem dico rationem subiectiuam possibilitatis inclinationis (concupiscentiae), quatenus humanae naturae generatim fortuita est. *) Ea in eo ab initiis distinguitur, quod esse quidem innata atque insita potest, verum tamen non qua talis debet repraesentari: sed etiam (si bona est) ut parta et *acquisita*, aut (si mala est) ut ab ipso homine sibi *contracta* potest cogitari. — Verum hoc loco duntaxat de propensione ad proprie, scilicet moraliter malum sermo est; quod, cum tantummodo ut determinatio liberi arbitrii fieri possit, hoc vero ut bonum malumue solum queat ex normis diiudicari, necesse est, ut in ratione causaeque possibilitatis normarum a lege morali desectendarum subiectiua consistat, et, cum haec propensio ut vniuerse ad hominem (proinde, ut ad characterem generis eius) pertinens sumi potest, propensio *naturalis* hominis ad malum vocabitur. — His addi poterit, capacitatem vel incapacitatem arbitrii ex propensione naturali orientem, legis moralis in normas suas recipiendi, vel minus, *animum bonum* dici *malumue*.

- *) *Propensio* proprie tantummodo in *praedispositione* ad adpetendam fruitionem consistit, quae, si subiectum expertum fuerit, *inclinationem* ad eam producit. Sic cunctis hominibus rudibus propensio inest ad res inebriantes; nam, etsi multi illorum ebrietatem minime norint, ideoque nullam omnino cupiditatem habeant rerum, eam efficientium, tamen semel tantum potestatem iis eius experiendae facere poterimus, ut cupiditas in iis vix exstirpanda excitetur. — Inter propensionem et inclinationem, quae notitiam supponit rei appetitioni subiectae, medius est *instinctus*, quae in necessitate consistit sensu percepta, faciendi quidpiam eoue fruendi, cuius tamen nullum conceptum habeas (velut instinctus technicus bestiarum, vel instinctus sexus). Inde ab inclinatione denique gradus quoque est facultatis adpetendi, *passio* (non *adfectus*, quippe qui pertinet ad sensum voluptatis et taedii), quae in inclinatione versatur, imperium in se ipsum excludente.

Tres illius gradus possunt diuersi cogitari. *Primo* infirmitas humani animi in sequendis normis probatis in vniuersum continetur, siue *fragilitas* humanae naturae; *alter* deinde propensionem complectitur ad elateres non morales cum moralibus (vel si bono consilio, et ex normis boni fieret) miscendos; hoc est, *impuritatem*; *tertius* propensionem attingit ad normas malas accipiendas, nimirum *vitiositatem* naturae humanae, siue humani animi.

Primo, fragilitas humanae naturae ipsa est in querela apostoli complexa: voluntas quidem mihi est, sed deest effectio; hoc est, bonum (legem) in normam arbitrii mei recipio; verum hoc, quod obiectiue in idea (in thesi) elater inuictus est, subiectiue (in hypothesi), si sequi debet norma, infirmior est elater (cum propensione comparatus).

Deinde, *impuritas* (improbitas) humani animi in eo consistit, quod norma secundum rem obiectam (propositam legem seruandam) quidem bona et fortasse quoque ad actionem satis valida, non vero pure moralis est; hoc est, haud, pro eo ac fieri deberet, legem *solam* pro elatere idoneo in sese recepit: sed plerumque (fortasse semper) et aliis praeter eam elateribus indiget, ad arbitrium ad id, quod in officio est, determinandum. Aliis verbis, quod actiones officio consentaneae haud purae propter officium fiunt.

Tertio, vitiositas (prauitas), aut, si malueris, *corruptio* animi humani cernitur in propensione arbitrii ad normas, elateres ex lege morali aliis (non moralibus) postponendi. Potest ea quoque peruersitas animi humani vocari, quoniam ordinem moralem respectu elaterum *liberi* arbitrii peruertit, et, quamquam etiamnum possunt actiones legales cum eo consistere, tamen mens eo animique sententia in radice sua (quod mentem moralem attinet) corrumpitur, et homo propterea vt malus denotatur.

Animaduertes, propensionem ad malum hic in homine, vel in optimo (quoad actiones) proponi, quod etiam fieri debet, si vniuersalitas propensionis ad malum in hominibus, siue, quod hoc loco eandem vim habet, eam cum natura humana contextam esse, euinci debeat.

Sed inter hominem bene moratum, et moraliter bonum, quantum conuenientiam actionum spectat cum lege, nullum discrimen est (saltem nullum esse debet); modo earum in vno haud fere semper, fortasse nunquam, lex, in aliis vero *semper* ea sit pro vno soloque ac summo elatere. De illo superiore dici potest, cum sequi legem quoad *literam* (id est, quod actiones spectat, ab lege praeceptas); alter autem dici poterit legem seruire ex *mente* animoque (mens legis moralis consistit in eo, quod ea sola est ad elaterem idonea). *Quidquid non ex hac fide fit, peccatum est* (quoad mentem animique sententiam). Etenim, si aliis elateribus opus sit ad arbitrium ad actiones *legales* determinandum, quam ipsa lege (veluti ambitione, philautia in genere, quin adeo instinctus probus, cuiusmodi commiseratio est; solum fortuito fit, vt hae cum lege conueniant; possent enim pariter ad transgressionem impellere. Norma, ex cuius bonitate omne personae pretium morale aestimandum est, proinde tamen illegalis est, et homo nihilominus in actionibus bonis omnibus malus erit.

Quae nunc sequitur, illustratio necessaria est, vt conceptum queas huiusce propensionis determinare. Omnis propensio atque procliuitas aut physica est, nimirum ad arbitrium pertinet hominis vt naturae physicae; aut moralis, id est, ad arbitrium eius vt naturae moralis. — Priori sensu nulla est ad moraliter malum propensio; hoc enim ex libertate oriatur, necesse est; et propensio physica (in impulsione sensitiuis fundata) ad vllum quempiam libertatis vsum, siue ad bonum siue ad malum, pugnat. Ergo propensio ad malum non potest, nisi morali arbitrii facultati adhaerere. Iam nihil moraliter malum (id est, quod imputari queat) est,

quam quod nostrum *factum* proprium sit. Contra in conceptu propensionis rationem determinandi arbitrii subiectiuam intelligimus, *unum quodque facinus antegressam*, quae proinde ipsa nondum facinus sit; ubi tum in conceptu solius propensionis ad malum repugnantia inesset, nisi hoc vocabulum forte duplici significatione diuersa, quae tamen vtraque potest cum libertatis conceptu coniungi, sumi posset. Verum vocabulum facinoris in genere cum de eo potest libertatis vsu valere, quo norma suprema (legi conuenienter vel aduersum) in arbitrium recipitur, tum de eo quoque, cum actiones ipsae (quoad materiam, id est, res spectantes arbitrio subiectas) illi normae congruenter fiunt. Propensio ad malum autem facinus est in superiori significatione (peccatum originarium), simulque ratio formalis cuiusque facinoris illegalis sensu posteriori sumta, quod quoad materiam ei repugnat, et vitium (peccatum deriuatiuum) adpellatur; priorque culpa manet, licet altera (ex elateribus contractae, qui non in lege ipsa consistunt) saepenumero euitaretur. Illud facinus intelligibile est, solum per rationem sine omni conditione chronica cognoscibile; hoc sensibile, empiricum, in tempore datum (*factum phaenomenon*). Illud prius igitur praesertim cum altero comparatum, sola propensio dicitur, atque innatum, quoniam haud extirpari potest (cuius quippe norma suprema esse norma boni deberet, quae ipsa vero vt mala in illa propensione sumitur); maxime autem idcirco, quia aeque minus: cur malo in nobis ipsa norma illa suprema corrupta fuerit, quamquam hoc nostrum proprium facinus est, haud vltiorem docere causam possumus, atque proprietatis constitutivae, ad nostram naturam pertinentis. — In iis, quae modo dicta sunt, rationem inuenies, quare in hac sectione statim in principio tres illos mali moralis fontes tantummodo in eo quaereremus, quod ex legibus libertatis rationem supremam adipiscendarum sequendarumue normarum nostrarum, adficit, non vero sensibilitatem (qua receptiuitatem).

III.

HOMO NATURA MALUS EST.

Vitiis nemo sine nascitur. Horat.

Sententia: homo *malus* est, ex iis, quae in superioribus disputata sunt, nullam vim potest aliam habere, quam: sibi conscius est legis moralis, et tamen (occasione data) transgressionem legis in normas suas recipit. *Natura* malus est, hanc vim habet: valet istud de eo in genere spectato; non quasi eiusmodi qualitas posset e conceptu eius generico (hominis generatim) elici (tum enim ea necessaria foret) verum non potest pro eo, ac per experientiam nascitur, aliter diiudicari, aut in vnoquoque homine, vel optimo potest, ut subiective necessarium supponi. Quae igitur propensio, cum ipsa queat ut moraliter mala, proinde non ut in initiis naturae, verum ut aliquid, quod homini imputari possit, considerari, proinde in normis, oportebit, arbitrii illegalibus consistat; hae vero, propter libertatem, per se ut fortuitae spectandae sint, quod rursum non potest cum vniuersalitate huius mali conciliari, nisi ratio subiectiua suprema omnium normarum cum natura ipsa humana, quocumque fiat, contexta sit in eaque quasi radicibus infixae: poterit propensio ad malum naturalis, et cum ipsa semper ex sua ipsius culpa contracta esse debeat, ipsa *malum radicale*, innatum (nihil tamen fecius a nobis ipsis contractum) in natura humana vocari.

Eiusmodi autem propensionem corruptam altis esse in homine radicibus infixam, de eius rei veritate facile possumus probatione supersedere, cum vim videamus exemplorum clamitantium, quae experientia nobis *in factis* hominum ob oculos proponit. Quod si ex eo statu habere cupias, in quo nonnulli philosophi bonam indolem naturalem humani ingenii potissimum deprehendere sperabant, nempe e *statu*, quem vulgo dicunt *naturali*; spectacula crudelitatis haud sollicitatae in cae-

dibus *Tofoae, nouae Selandiae, insularumque nauigatoriarum*, et numquā cessantes caedes in magnis desertis illis Americae septemtrionalis (quarum mentionem facit *Hearnius* centurio), vbi adeo nemo ne minimum quidem commodi inde lucratur, *) cum illa hypothefi licet comparari, et vitia habebis ruditatis plura, quam opus est, ad hanc sententiā dimittendam. Quod si autem sententiae faueas eorum, qui putant, naturam humanam melius posse in statu morato (in quo initia illius plenius possunt euolui) cognosci; tum longa tibi tristisque querela humanae naturae incusandae audienda erit: et improbitatis occultae in ipsa familiaritate intima, ita vt temperantia fiducia in mutua patefactione vel optimorum amicorum pro norma habeatur vniuersali prudentiae in consuetudine; et propensionis, eum odio habendi, cui obstrictum te sentias, ad quam semper quisque benefactor esse debeat paratus; et beneuolentiae ex animi sententia profectae, quae tamen locum concedit obseruationi, „in rebus aduersis optimorum amicorum nostrorum inesse quidpiam, quod „nobis haud displiceat;“ et multorum aliorum sub specie virtutis occultatorum, nedum eorum vitiorum, quae minime occultantur, quoniam is iam eos bonos dicit, qui *homo malus est ex classe communi*: eique satis erit vi-

- *) Quemadmodum belli perpetui Indianos inter Arathapenos et Handribbenos nullum aliud consilium est, quam occisio. Fortitudo bellica summa virtus ferorum est, ex eorum opinione. Etiam in statu morato ea res est admirationi obnoxia ratioque obseruantiae praecipuae, quam is ordo postulat, cuius haec vna laus est; neque tamen haud sine omni causa in ratione posita. Namque, quod homo aliquid habere sibi que possit pro fine proponere, quod pluris faciat, quam vitam (honorem), in quo omni vtilitatis propriae se studio abdicat, id tamen certam quamdam excellentiam ac sublimitatem probat in eius initiis. Verum ex suauitate ac dulcedine qua victores de rebus magnis ab se gestis (occisionum, transfixionumque sine vlla clementia, et id genus aliorum) gloriantur, intelligitur, solum potentiam suam superiorem vastationemque atque euersionem, quam efficere poterant, nullo fine alio sibi proposito, id esse, quo sese proprie oblectant.

tium *culturae* et *politurae* (quod omnium maxime sollicitat), ut adspectum potius a vita hominum auertat, ne sibi ipsa aliud vitium, nimirum odium hominum contrahat. Quodsi autem in hoc nondum adquiescat, contempletur modo statum populorum ex vtrisque mire compositum, hoc est, externum, ubi populi exculti politique ad se inuicem adfecti sunt ex ratione status naturalis rudis (status belli perpetui), sibi que etiam proposuerunt, eum numquam relinquere; et principia societatum magnarum, quas *status* vocamus, *) quas nondum ullus potuit philosophus cum morum doctrina conciliare, neque tamen (quod malum est) meliores ostendere, qui possent cum humana natura coniungi: ita ut *chialismus philosophicus*, statum sperans pacis aeternae, in pacto gentium, ut *republica* mundana constitutum, perinde ac *theologicus*, totius generis humani emendationem expectans moralem absolutam, pro fanatismo queat vniuerse explodi.

Ratio huius mali vero 1) non, ut plerumque perhibere soleat, in hominis *sensualitate*, inclinationibus-

- *) Quorum historiam si tantummodo ut phaenomenon initiorum humanae naturae interiorum maximam partem occultorum spectaueris, certum quoddam naturae iter poteris, ex finibus, qui non illorum (populorum) fines sunt, sed fines naturae, animaduvertere. Quisque status, dum alium iuxta se habet, quem licet sperari posse se vincere, nititur hunc sibi subiiciendo sese amplificaturum, ideoque ad monarchiam tendit vniuersalem, quae in statu cernitur, in quo vniuersa libertas, cum eaque (quod inde sequitur) virtus gustusque ac scientia exstingeretur. Verum portentum istud (in quo leges paullatim vi sua priuantur), vniuersis finitimis deuoratis, tandem denique sponte solutum diuiditur, rebellione et dissidiis, in plures status minores, qui, cum niti debeant ad statuum vnionem (republicam populorum liberorum sociorum), rursus a sua quisque parte eundem lusum denuo instituunt, ne bellum (quod generis humani flagellum est), desinat, quamuis illud haud malum tam insanabile sit, quam tumulus monarchiae vniuersalis (vel etiam pactum gentium, ad despotiam in omnibus statibus retinendam) tamen, uti quempiam docere memini, plures homines malos reddit, quam tollit.

que naturalibus inde oriundis poni potest. Nam non solum, quod harum nulla recta adfectio est ad malum (potiusque eius, quod mentem moralem potest in vi eius ostendere, virtutis copiam faciunt; non tenemur ad existentiae earum rationem reddendam (neque etiam possumus; quoniam vt innatis nos haud reddimus auctores), sed sane propensionis ad malum, quae, dum moralitatem attingit subiecti, proinde in eo, vtpote natura libere agente deprehenditur, vt ei ipsi contracta imputari possit ei, oportebit: quantumvis maxime profunde radices eius in arbitrio haereant infixi, quocirca dici debet, eam natura in homine deprehendi. — Nec vero ratio huius mali 2) in *corruptione* potest rationis moraliter legislatoriae poni: quasi haec auctoritatem ipsam legis debere possit, obligationemque ex ea negari; id quod fieri nullo modo potest. Se vt naturam libere agentem, et tamen ab lege, eiusmodi conueniente (moralis), vacuum cogitare, idem foret, atque causam cogitare, sine vllis legibus efficientem (nam determinatio ex legibus naturalibus cessat ob libertatem): id quod secum pugnat. — Vt igitur ratio indicetur moraliter mali in homine, *sensualitas* perparum continet; namque hominem ea, elateribus, qui oriri ex libertate possint, sublatis, reddit solum *animalem*; contra ratio a lege morali absoluens, quasque *malitiosa ratio* (voluntas simpliciter mala) nimium continet, quoniam eo pugna ipsa cum lege ad elaterem (neque enim sine omnipotest elatere arbitrium determinari) eueheretur, atque ita subiectum in naturam *diabolicam* verteretur. — Neutrum vero potest ad hominem adhiberi.

Et si vero existentia huius ad malum propensionis in natura humana, per argumenta empirica pugnae in tempore verae humani arbitrii cum lege posset euinci, tamen haec nos non propriam naturam illius edocent, causamque et rationem istius pugnae; sed haec, cum relationem spectet arbitrii liberi (proinde talis, cuius conceptus haud empiricus sit) ad legem moralem vt elaterem (in qua conceptus itidem pure intellectualis est),

ex conceptu mali, quatenus fieri possit ex legibus libertatis (obligationis et imputabilitatis) ex anticipatione cognoscendum videtur. Iis, quae sequuntur, euolutio conceptus continetur.

Homo (ipse pessimus), quibus illud cumque ex normis fiat, ab lege se morali haud quasi per rebellionem (misso obsequio) abdicat. Haec illi se potius, si initiorum illius moralium, maxime obtrudit; et nisi nullus alius elater contra ageret, eam quoque ut rationem determinandi arbitrii idoneam in normam suam supremam reciperet, hoc est, moraliter bonus foret. Is vero etiam praeterea, per initia naturae itidem culpa vacua, pendet ex elateribus sensualitatis, eosque (secundum principium philautiae subiectiuum) etiam in normam suam recipit. Quum eam vero, *ut per se solam idoneam* ad arbitrium determinandum in normam suam reciperet, nullo respectu habito legis moralis (quam tamen in sese habet); moraliter malus foret. Cum vero per naturam ambo in eam recipiat; cum etiam quamque per se, si sola foret, ad determinandam voluntatem idoneam inueniret: si normarum discrimen solum ex discrimine penderet elaterum (materiae normarum), nimirum, vtrum lex, an impulsus sensitivus esse eiusmodi queat; moraliter bonus malusque simul foret; quod (ex institutione) pugnat. Ergo necesse est, discrimen, bonusne homo an malus sit, in discrimine insit elaterum, quos in normam suam recipit (non in materiam huius) verum in *subordinatione* (formae illius): *utram alterius faciat conditionem*. Ergo homo (vel optimus), eo duntaxat malus est, quod ordinem elaterum moralem, in iis in normam suam recipiendis, inuertit; legem moralem quidem iuxta legem philautiae in eam fuscipit; cum aut animaduertat, vnam cum alia non posse consistere, sed alteram alteri, ut conditioni supremae suae subordinandam esse, elaterem philautiae eiusque inclinationes conditionem facit seruandae legis moralis, cum hac posterior potius ut *conditio suprema*

explendarum priorum in normam arbitrii vniuersalem vt vnus solusque elater recipi deberet.

In hisce elateribus per normas inuertendis, contra ordinem moralem, tamen possunt actiones tam legales euenire, quasi ex genuinis ortae principiis forent: cum ratio vnitatem normarum, legi morali propria, eoduntaxat vtitur, vt in elateres propensionis, sub nomine *felicitatis*, vnitatem normarum, quae alioquin non potest iis competere, inferatur (veluti veracitate, si pro principio adoptaretur, nosmet liberari ab sollicitudine atque anxietate, mendaciorum nostrorum conuenientiam conseruandi, nec nos ipsos in tortuosis illorum flexibus implicandi); vbi tum character empiricus bonus est; sed intelligibilis etiam nunc malus.

Ad quod cum propensio inest in natura humana, tum in homine propensio ad malum naturalis est; eaque ipsa propensio, quoniam in fine tamen in libero arbitrio quaerenda est, proinde imputari potest, moraliter mala est. Idque malum est *radicale*, quia fundamentum omnium normarum corripit; simul quoque vt propensio naturalis, per vires humanas nullo tempore *extirpanda* est, quippe quod fieri non posset, nisi per normas bonas, quod, ratione omnium normarum subiectiua suprema vt corrupta supposita, non potest locum habere; nihilominus autem fieri posse, necesse est, vt *vincatur*, quoniam in homine deprehenditur qua natura libere agente.

Itaque vitiositas naturae humanae non tam *malitia* est, hoc verbo sensu stricto sumto, nimirum vt mens consiliumque (principium normarum subiectiuum, mali *qua mali* pro elatere in normam recipiendi (haec enim diabolica est); sed potius *peruersitas* animi dicenda est, qui nunc, ob consequentiam, *animus malus* vocatur. Id quod cum voluntate, generatim bona, consistere potest; oritur ex fragilitate naturae humanae, haud satis validae ad principia constituta sequenda, coniunctae cum impuritate, elateres (ipsarum actionum bono consi-

lio susceptarum) non ad regulam moralem discernendi, ideoque postremo, ad summum, solum earum cum lege conuenientiam, non vero deriuationem ab ea, hoc est, hanc qua vnum solumque elaterem spectandi. Et si autem haud fere semper actio illegalis ad eamque propensio inde, nimirum *vitium*, oritur; tamen mens consiliumque absentiam eius iam pro conuenientia *mentis* cum lege officii (pro *virtute*) accipiendi (quippe in quo neutiquam elater in norma, sed solum lex ad literam obseruanda spectatur) ipsa iam peruersitas radicalis in animo humano dicenda est.

Hic reatus *innatus*, qui idcirco ita dicitur, quia tam mature, quam vsus libertatis in homine exferitur, percipi potest, et nihilo tamen secius ex libertate ortus sit, oportebit, ideoque imputari potest; in duobus primis gradibus (et fragilitatis et impuritatis vt inuoluntarius (culpa), in tertio vero vt voluntarius (dolos) potest diiudicari; et charactere distinguitur certo quodam *dolo malo* animi humani, se ipsum per propria bona malae consilia decipiendi, et, si modo malum haud consequentia sit actionum, quod pro normis earum sane esse possit, de consiliis suis haud dolendi, sed coram lege potius iustum se reputandi. Inde venit tranquillitas conscientiae in tot hominibus (vt sibi videntur, religiosi), cum in mediis actionibus, in quibus lex haud consideretur, saltem haud maximam vim haberet, tantummodo malis consequentibus elaberentur adeoque opinio de merito laudeque, nullorum eiusmodi peccatorum reatum sentiendi, quibus alios vident oneratos: neque tamen explorent, anne forte solum meritum fortunae sit, et pro consilio, quod sane in intimo animo aperire possent, si modo velint, non paria vitia perpetraverint, nisi impotentia, temperamento, educatione, temporisque et loci rationibus, quae tentent (quae cuncta imputari nequeunt), ab iis fuissent retenti. Haec improbitatis, sibi ipsi fucum faciendi, quo impediunt, quo minus consilium morale probum in nobis constituitur, et extrinsecus sese ad falsitatem illusionemque

aliorum dilatat; quae, si haud dici malitia debeat, certe tamen digna est abiecta vocari; in maloque inest humanae naturae radicali, quo (propterea quod iudicandi vim moralem, ratione eius, quod homo reputari debeat, deprauat, imputationemque et intus et extrinsecus sine omni dubio incertam reddit) macula generis nostri putrida efficitur, quae, quam diu eam haud eluamus, furculo boni officit, ne, uti alias faceret, sese euoluat.

Collegae senatus magni Anglicani feruore dicendi sententia excidit: „sua cuiusque hominis merces est, quae sese tradit.“ Si hoc verum est (quod quisque apud se poterit decernere); si nulla omnino virtus est, cuius non queat certus quidam tentandae gradus reperiri, quo ea possit euerti; si, bonus malusue genius nos parti suae conciliet, tantummodo ex eo pendet, quinam plurimum offerat, praesentissimamque pecuniam soluat: sane quidem vniuerse valere possit de homine, quod apostolus dicit: „hic nullum discrimen est, omnes sunt peccatores — nullus est, qui bonum sequatur (ex mente legis), ne vnus quidem.“ *)

*) De hac sententia condemnatoria rationis moraliter iudicantis proprium argumentum non hac, sed superiori sectione continetur; haec tantummodo confirmationem illius per experientiam continet, quae vero non potest radicem mali, in norma suprema liberi arbitrii respectu legis, aperire, quae, ut *actio intelligibilis* vniuersam experientiam antecedit. — Ex quo, nimirum ex vnitae normae supremae, quam spectat, potest quoque intelligi: cur diiudicationi intellectuali purae hominis decretum medii in bonum malumque exclusi esse fundamento debeat; interea dum diiudicationi empiricae ex *actione sensibili* (vera actione atque omissione) principium subiici potest: inter haec extrema medium quoddam esse, partim negatiuum indifferentiae, ante omnem efformationem, partim positium mixturae, ut ex parte bonus sis, ex parte malus. Sed haec posterior duntaxat diiudicatio est moralitatis hominis in phaenomeno, priorique in iudicio decisiuo subiecta est.

VI.

DE ORIGINE MALI IN NATURA HUMANA.

Origo (prima) consistit in deriuatione effecti a causa prima, hoc est, ea, quae haud vicissim in effectis est causa alius cuiuspiam de genere eodem. Ea vel ut *origo rationis* potest, vel ut *origo temporis* spectari. Superiori significatione solum *existentia* effecti consideratur; altera illius *effectio*, proinde illud ut euentum ad causam in tempore refertur. Cum effectum ad causam, quae tamen cum eo ex legibus libertatis coniuncta est, refertur, id quod locum habet in malo morali; tum determinatio arbitrii ad illud producendum non ut cum ratione determinante sua in tempore, sed modo in repraesentatione rationali, coniuncta cogitatur, neque ut ab ullo quodam statu *antegresso* potest deriuari; quod e contrario semper debet fieri, cum actio mali ut *euentum* in mundo ad causam naturalem suam refertur. Quamobrem actionum liberarum, qua talium, originem chronicam (quasi effectorum naturalium) inuestigare, pugnat; proinde quoque qualitatis moralis in homine, quatenus ut fortuita spectatur, quippe quae rationem denotat *utendae* libertatis, quae (perinde ac ratio determinandi liberi arbitrii in genere) solum in repraesentationibus rationalibus anquirenda videtur.

Vt cumque autem cum origine mali moralis in homine comparatum sit, tamen omnium repraesentationis rationum, de dispergendo illo continuandoque per omnia generis nostri membra, in omnibusque generationibus, ineptissima est, qua illud ut per *haereditatem* a primis parentibus ad nos propagatum, cogitatur; namque de mala morali idem potest dici, quod poeta de bono pronunciat:

— genus, et proavos, et quae non fecimus ipsi, ...
vix ea nostra puto. *) —

*) Tres illi ordines (in vniuersitatibus), qui vocantur, superiores, suo quisque more, hanc per haereditatem propagationem, sibi ipsi explicarent: nimirum, aut ut *morbum* *huc*

Praeterea notandum est: nos in indaganda origine mali initio nondum propensionis ad illud (vt peccatum in potentia) rationem habere, sed modo verum et actuale malum actionem datarum, quoad possibilitatem internam, et ea, quae ad illud perpetrandum in arbitrio concurrere debet, considerare.

Vnaquaeque actio mala, in inuestiganda illius origine rationali, ita spectanda est, quasi homo proxime ex statu innocentiae in eam incidisset. Etenim, qualis illa cumque vita ante acta fuerit, quamque varia secum causarum naturalium contagio sit, itemque intus in eo an extra eum deprehendantur; tamen actio eius libera est, et per nullam causarum earum determinata, proinde vsus arbitrii *originarius* et potest iudicari et debet. Deuisset eas omittere, quibuscumque temporibus et coniunctionibus fuerit; neque enim per vllam causam definere potest natura libere agens videri. Iure quidem dicimus: homini ea quoque imputantur, quae ex

reditarium, aut *reatum haereditarium*, aut *peccatum haereditarium*: 1) Ordo medicus malum haereditarium fortasse cogitaret vt taeniam, quam reapse nonnulli scrutatores naturae, cum ea alias neque in elemento quodam extra nos, nec (eiusdem generis) in vlllo alio animante deprehendatur, in primis iam parentibus fuisse censent oportere. 2) *Ordo iureconsultorum* illud consequentiam iuridicam adeundae *haereditatis* nobis ab his relictæ, sed graui delicto oneratae spectaret (neque enim aliud nasci est, quam vsum bonorum terrestrium, quatenus ad perduratiorem nostram necessaria sunt, acquirere). Igitur solutio praestanda est (luendum nobis est), et postremo nihilominus (per mortem) ex hac possessione eiicimur. Idque iure optimo. 3) *Theologorum* ordo istud malum vt communionem contemplaretur personalem parentum primorum in defectione hominis abiecti seditiosi: vel quod nos (quamquam nunc quidem illius nobis haud conscii) tum ipsi vna egimus; vel nunc modo sub eius (vt principis huius mundi) imperio nati, nobis bona illius nobis plus patimur placere, quam summum imperium moderatoris caelestis, neque sat fidei habemus, ad nosmet ab eo liberandos, sed idcirco quoque aliquando in communionem venire sortis eius nos oportebit.

actionibus suis superioribus liberis, sed legibus contrariis sunt consecuta; id quod vero hanc modo vim habet: non necesse esse, ut ad istud effugium respondeamus, statuamusque, consequentia libera sint nec ne, quoniam iam in concessa actione libera, quae illorum causa fuit, ratio ad imputandum idonea adest. Quod si quis autem usque ad actionem liberam proxime instantem vel maxime malus fuerit (usque ad consuetudinem ut alteram naturam): tamen illius non solum fuit in officiis, meliorem esse; verum etiamnum eius in officiis, sese emendare: igitur quoque possit, necesse est, et, si non facit, imputationis momento actionis pariter capax est eique obnoxius, ac si, naturali boni initio (ab libertate inseparabili) ornatus, ex statu innocentiae ad malum fuerit transgressus. — Igitur haud origo chronica, sed solum rationalis huiusce actionis anquirenda erit, ut inde propensionem, id est, rationem, si qua sit, vniuersalem subiectiuam transgressionis in normam nostram recipiendae, determinemus; et, si fieri possit, enodemus.

Quocum et repraesentandi modus, quo vtitur sacra scriptura, ad mali originem, ut eius initium in genere humano depingendam, optime consentit; idcirco, quia eam in historia proponit, in qua quae quoad rem (nullo respectu habito conditionis chronicae) ut prima cogitanda sunt, qua talia in tempore videntur. Secundum modum illum malum haud incipit a propensione fundamento posita, quoniam alioquin illius initium haud oriretur ex libertate; verum a *peccato* (quo transgressio legis moralis ut *praecepti diuini* intelligitur); status vero hominis, ante omnem ad malum propensionem, status *innocentiae* adpellatur. Lex moralis, uti etiam in homine, ut natura haud pura, sed per inclinationes tentata, esse oportet, ut *vetitum* antecessit (Genes. II, 16. 17.). Quamvis igitur huic legi, ut elateri idoneo (soli absolute bono, in quo nulli amplius dubitationi locus est) ipsi debuisset parere, tamen et alios elateres homo circumspexit (Genes. III, 6.), qui

tantum cum adiunctione possunt (nempe quatenus legi ea re haud quidquam dérogetur) boni esse, sibi que, si actionem ut cum conscientia ex libertate orientem cogitamus, pro norma constituit, legi officii non propter officium, sed fere etiam respectu aliorum finium obtemperandi. Proinde initium cepit a severitate praecepti, contagionem cuiusque elateris excludentis in dubium vocanda, deinde processit ad obsequium illi debitum argutando *) ad obsequium solum hypotheticum (sub philantiae principio) adiumenti ad formam dedignandum, ex quo tandem vis impulsorum sensitivarum elaterem e lege superans, in normam agendi recepta, atque ita peccatum est (Genes. III, 6.). Mutato nomine de te fabula narratur. Nos quotidie sic agere, proinde „in Adamo omnes peccasse,“ et etiamnum peccare, e superioribus manifestum est; hoc tamen discrimine, ut in nobis iam propensio ad transgressionem innata, sed in primo homine non talis, verum innocentia, quoad tempus, supponitur, idcirco transgressio in hoc *lapsus* adpellatur: cum e contrario in nobis peccatum, ut ex prauitate naturae nostrae iam innata eueniens, repraesentetur. Quae vero propensio nihil aliud denotat, quam nos, si enodationem mali, secundum *initium chronicum* eius, tendemus, in vnaquaque transgressione voluntaria causas in tempore vitae pristina retro usque ad illud, quo rationis usus nondum esset euolutus, proinde usque ad propensionem (ut fundamentum naturale) mali, quae idcirco innata dicitur, fontem mali persequi debemus: quod in homine primo, qui iam facultate plena

*) Omnis obseruantia legi morali declarata, nisi huic, ut elateri per se idoneo, in norma vim omnes alias arbitrii determinandi rationes vincentem concedamus, simulata est, propensioque ad id falsitas interna, id est, propensio ad se ipsum in interpretanda lege morali in detrimentum eius mentiendum (Genes. III, 5.); quocirca etiam scriptura sacra (ex parte christiana) auctorem mali (qui in nobis ipsis inest), mendacem a principio vocat, atque ita hominem respectu eius, quod praecipuum mali fundamentum ei inesse videtur, designat.

rationis vtendae ornatus cogitatur, nec opus est, nec fieri pōtest; quoniam alioquin fundamentum illud (propensio mala) creatione inditum esse oporteret; quocirca peccatum eius, proxime vt per innocentiam genitum, proponitur. — Sed qualitatis moralis, nobis imputandae, nulla est origo chronica anquirenda; quamuis istud euitari nequeat, si existentiam eius fortuitam velimus *explicare* (quamobrem eam scriptura sacra quoque, huic imbecillitati nostrae conuenienter, sic forte ostenderit).

Verum origo rationalis arbitrii nostri sic deprauati respectu modi, elateres subordinatos in normas recipiendi, hoc est, huiusce ad malum propensionis, nobis manet inaccessa, quoniam ipsa nobis imputanda est, proinde ratio suprema illa omnium normarum vicissim opus haberet norma mala recipienda. Malum non potuit nisi e malo morali (non e solis naturae nostrae carceribus) oriri; et tamen initia originaria (quae etiam a nemine potuerunt nisi ab ipso homine corrumpi, si haec corruptio ei deberet imputari) in initiis boni versantur; nobis igitur nulla, quae comprehendere possit, ratio adparet, vnde malum morale in nobis primum exortum esse possit. — Haec incomprehensibilitas, cum accuratiori determinatione prauitatis generis nostri scriptura sacra in narratione historica *) eo depingit,

*) Quae hic diximus, haud accipienda sunt, quasi interpretatio scripturae sacrae iis debeat contineri, quae quippe extra terminos potestatis posita est solius rationis. Poteris mentem de modo declarare, quo narrationem historicam in vsum tuum conseras; neque quidquam ea de re statuere, vtrum is sensus quoque scriptoris sit, an nos illum inferamus; si modo per se, et absque omni argumento historico verus sit, sed praeterea simul vnus, quo ex loco quodam scripturae nobis quidquam possimus ad emendationem eruerre, qui alias non nisi accessio inutilis foret ad historicam nostram cognitionem. Haud temere de re quadam eiusque auctoritate historica certandum est; quid, sic an aliter intelligatur, nihil confert ad hominem emendandum, si, quod ad id conferre potest, etiam sine argumento historico cogno-

vt malum, in initio mundi quidem, sed tamen nondum in homine, verum in *spiritu* quodam genioe destinationis originarie excellentis ac sublimis praemittat: quo proinde *primum* vniuersi mali initium in vniuersum vt nobis incomprehensum (vnde enim malum in spiritu?), homo autem vt *ex deceptione* in malum prolapsus, ergo non *radicitus* (vel secundum ipsum primum boni initium) corruptus, sed vt adhuc emendationis capax, in contrarium *spiritus* decipientis, id est, naturae eiusmodi, cui tentatio carnis nequeat ad diminuendum reatum imputari, repraesentetur, atque ita homini, qui praeter animum corruptum tamen etiam vitur bona voluntate, spes ad bonum reuertendi, vnde discessisset, relinquatur.

SCHOLION GENERALE.

DE INITIIS BONI ORIGINARIIS IN VI SUA INSTAURANDIS.

Quod homo in sensu morali est, vel esse debet, bonus malusne, id *se ipse* reddat, vel reddiderit, necesse est. Vtrumque oportet effectum esse liberi arbitrii; alioquin enim illud haud posset imputari, ergo ipse nec *moraliter* bonus esse nec malus. Cum dicitur: homo est bonus creatus, tum esse nullus alius sensus potest, quam ad *bonum* creatus est, initiumque in homine originarium *bonum* est; homo ipse eo nondum bonus est, sed pro eo atque elateres, qui illo initio continentur, in normas suas recipit, vel minus (quod libero eius arbitrio prorsus permissum esse debebit), efficit, vt bonus malusue euadat. Vt autem ad emendandum effectione et cooperatione opus sit supranaturali, tamen haec solum in minuendis impedimentis consistere, vel etiam adiumento positino poterit, sed homo sese tamen

scatur, adeoque sine illo cognosci debeat. Cognitio historica, cuius nulla, quae ad vnumquemque hominem valeat, adfectio ad hoc interna est, ad adiaphora pertinet, de quibus quisque, vti e re sua esse ducit, statuere potest.

antea dignum reddat, necesse est, ea recipienda, idque adiumentum *accipiat* (quod haud exiguum est), id est, augmentum virium positivam in normam suam recipiat, quo solo fieri potest, ut bonum ei imputetur, isque pro bono homine agnoscatur.

Qui autem fieri possit, ut homo naturaliter malus se ipse hominem bonum reddat, omnes conceptus nostros superat; quomodo enim mala arbor fructus ferre bonos potest? Cum vero tamen pro eo, ac supra confessi sumus, arbor originarie (secundum initia) bona malos fructus produxerit *) lapsusque a bono ad malum (si bene perpendas, id ex libertate existere) non facilius comprehensu sit, quam resurrectio ex malo ad bonum; possibilitas huius a malo ad bonum reditus haud potest impugnari. Nam, quamvis illa a bono ad malum facta defectio sit, tamen praeceptum: nos fieri homines meliores *debere*; summa vi in animo nostro personat; ergo necesse est, id quoque posse nos efficere, etiamsi id, quod facere possumus, per se solum haud idoneum sit, nosque eo duntaxat reddamus recipiendi altioris cuiusdam adiumenti nobis inaccessi capaces. — Sane quidem in eo supponendum est, boni surculum prorsus purum relictum esse, non deleri ac corrumpi potuisse, qui profecto non possit in philautia **) versari; quae, pro principio omnium normarum nostrarum accepta, ipsa scaturigo est omnis mali.

*) Arbor secundum initia bona non bona est re ipsa; si ea enim bona foret, sane non posset fructus malos ferre; modo cum homo elaterem legi morali in se inditum in normam receperit, homo bonus (arbor simpliciter bona arbor) vocatur.

**) Verbis, quorum sensus esse duplex prorsus diversus potest, saepenumero firmitas animi ex evidentissimis rationibus aliquamdiu impeditur. Vti *amor* in genere, sic etiam *amor sui ipsius* (philautia) in amorem *benevolentiae* et *complacentiae* potest describi, uterque etiam (quod per se planum est) rationi consentaneus esse debet. Vt philautiam benevolentiae in normam nostram recipiamus, naturae nostrae con-

Instauratio initiorum boni originariorum in nobis igitur non cernitur in comparando elatere ad bonum

venienter fit, (ecquis enim nolit, ut sibi omnia semper bene eveniant?) Ea autem tantummodo rationi convenit, quatenus partim ratione finis id modo, quod cum salute maxima diutissimaque potest consistere, partim ad singula haec felicitatis elementa adiumenta maxime idonea eliguntur. Ratio in eo vicem sustinet inclinationis naturalis, normae vero, quam idcirco adoptamus, nulla prorsus ad moralitatem adiectio est. Cum ea vero pro principio arbitrii absoluto constituitur; tum ea fons evadit pugnae infinite magnae cum moralitate. — Amor rationalis *complacentiae per se ipse* autem vel sic potest intelligi, ut nobis in normis illis explendam inclinationem naturalem spectantibus (quatenus quisque finis iis sequendis impetratur) placeamus; et tum idem est, atque amor benevolentiae erga se ipsum; nobismet ipsi placemus, velut mercator, cui deliberationes negotiorum feliciter succedunt, et qui propter normas constitutivas, de intellectu suo laetatur. Sed norma philautiae *complacentiae absolutae* (non ex lucro iacturae ut actionum consequentibus pendentis) principium internum foret sed cum adiunctione normarum legi morali subiiciendarum, tranquillitatis nobis possibilis. Nullus homo, qui moralitatem curat, ex se potest complacentiam percipere, adeoque sine displicentia sui acerrima, esse, qui eiusmodi normarum si conscius est, quae cum lege morali in se haud conspirant. Hic amor sui ipsius *rationalis* vocari posset, qui omnem aliarum tranquillitatis ex actionum consequentibus causarum commixtionem (titulo felicitatis eo sibi comparandae) cum elateribus arbitrii impedit. Cum autem hoc posteriori observantia legis interna denotetur, ecquid causae est, cur vocabulo *philautiae rationalis*, sed sub sola posteriori conditione *moralis* intellectum principii distinctum planumque temere tibi difficiliorem reddas, propterea quod in orbem ageris (neque enim nisi moraliter te ipsum amare potes; quatenus normae tuae tibi conscius sis, observantiam legis pro summo elatere arbitrii constituendi)? Felicitas, pro natura nostra, nobis, ut naturis ad res sensibus obnoxias adstrictis, primum est, quodque simpliciter absoluteque experimus. Eadem, pro natura nostra (si omnino, quod nobis innatum est, sic vocabis) nobis ut naturis ratione ac libertate praeditis minime primum est, neque absolute res normis nostris proposita: sed haec *dignitas est felicitatis potiundae*, id est, convenientia omnium normarum nostrarum

amisso; hunc enim, qui in obseruantia erga legem moralem consistit, numquam amittere potuimus, et hoc si fieri posset, eum quoque numquam recuperaremus. Ea igitur tantummodo instauratio est *puritatis* illius, ut rationis supremæ omnium normarum nostrarum, ad quam ea non solum cum aliis elateribus coniuncta, aut adeo his (inclinationibus) ut conditionibus subordinata, verum in vniuersa puritate sua ut elater per se idoneus arbitrii determinandi in eam recipi debet. Pronum originarium cernitur in *sanctitate normarum* in officio faciendo; qua homo, puritatem eam in normam suam recipiens, etsi idcirco nondum ipse sanctus est (inter normam enim actionemque permagnum interuallum est), tamen in via versatur, ad eam in infinito progressu adpropinquandi. Propositum firmum in habitum versum in officio faciendo itidem *virtus* adpellatur, quoad legalitatem ut *characterem* eius *empiricum* (virtus phaenomenon). Ea igitur normam sequitur constantem actionum *legalium*; vnde cumque elater, quo opus eam in rem arbitrio est, depromatur. Idcirco virtus hoc sensu *paullatim* comparatur, et nonnullis diuturna consuetudo (in obseruanda lege) dicitur, qua homo a propensione ad vitium successiua mutatione vitæ et normarum confirmatione ad contrariam propensionem peruenerit. Quo sane quidem haud opus est *mutatione animi*; sed modo mutatione *morum*. Homo sese honestum intelligit, si normis faciendi officii se videt confirmatum: quamquam haud ex ratione quidem suprema omnium normarum, nimirum propter officium; verum intemperans, ut hoc utar, ad temperantiam propter rectam valetudinem, mendax ad veritatem propter honorem, iniustus ad probitatem ciuilem propter tranquillitatem quaestumue, et sic porro, reuertitur. Omnes ex celebrato principio illo felicitatis. Aliquem ve-

cum lege morali. Hanc igitur obiectiue conditionem esse, qua sola potest desiderium felicitatis cum ratione legislatoria conuenire; in eo omnis praeceptio moralis consistit; in consilioque, sic quoque cum adiunctione desiderandi, mens moralis.

ro non solum *legaliter*, sed etiam *moraliter* bonum (deo placentem) hominem, hoc est, virtuti deditum ex caractere intelligibili (virtutem noumenon) fieri, qui, simul atque quidpiam pro officio agnouerit, nullo alio opus elatere habet, quam hac ipsa officii repraesentatione: id quidem non potest *instauratione* successiua, quam diu fundamentum *normarum* impurum sit, sed per *commutationem* mentis in homine (transitum ad normam sanctitatis illius) efficiendum videtur; et potest homo nouus, duntaxat per genus quoddam regenerationis quasi per nouam quamdam creationem (Euang. Ioann. III, 5. coll. Genes. I, 2.) animique mutationem euadere.

Sin autem homo in fundamento normarum suarum corruptus sit, quo tandem modo fieri poterit, vt per vires proprias eam commutationem conuersionemque absoluat et sponte homo bonus efficiatur? Nihilominus tamen fecius officium praecipit, vt boni simus, nec vero quidquam nobis praecipit, quod fieri nequeat. Id quod non potest nisi sic conciliari, vt conuersionem menti, sed instaurationem successiuam ingenio animi (illi impedimenta obicienti) necessariam, oporteat, ideoque homini etiam possibilem esse. Nimirum, homo, ratione normae, qua malus erat, per vnum propositum constans conuersa (eoque nouo homine indutus); eatenus, secundum principium mentemque, subiectum est boni capax; sed solum in efficiendo fiendoque continuo bonus homo: id est, sperare potest, sese in tali puritate principii, quod pro norma suprema arbitrii sua adoptauit, eiusque firmitate, in via bona (quamquam angusta) *progressus* perpetui a peiori ad melius versari. Id quod ei, qui rationem animi (omnium arbitrii normarum) intelligibilem, cui proinde ea progressus infinitas vnitas est, videlicet deo idem est, ac reapse bonum (ei placentem) hominem esse; atque eatenus haec mutatio vt conuersio potest considerari; sed diiudicationi hominum, sese vimque ac robur normarum suarum tantummodo ex imperio, quo in sensualitatem in tempore po-

tiuntur, aestimantium, tantummodo connatus est semper continuatus ad melius, proinde pro successius propensionis ad malum, ut mentis peruersae instauratione spectanda.

Ex quo sequitur, formationem hominis moralem non ab emendandis moribus, sed ab mente conuertenda constituendoque charactere institui debere; quamque aliter fieri consuetum est, contraque vitia singula certatur, sed communem eorum radicem intactam relinquant. Iam homo vel maxime mentis angustae capax est impressionis obseruantiae eo maioris erga actionem officio consentaneam, quo plures illi cogitatione alios elateres, quorum per philautiam posset cum norma actionis contagio fieri, detrahit; ipsique paruuli possunt vel minimum admixtorum improborum elaterum vestigium deprehendere: ubi tum actio coram iis continuo omne morale pretium amittit. Haec boni initia eo, quod *exemplum* ipsorum hominum bonorum (quoad legalitatem eorum) proponitur, discipulisque moralibus potestas datur impuritatis quarundam normarum ex veris actionum suarum elateribus diiudicandae, praeclare excoluntur, sensimque in mentem transeunt, ita ut *officium* solum per se ipsum in animis illorum permagnum pondus accipiat. Verum actiones honestas, quantum iacturae nobis illae attulerint, *admirandas* ostendere, nondum est, quod animum discipuli possit bono morali seruare. Ut enim maxime quispiam virtuti studeat, tamen cuncta, quae facere bona potest, solum in officio sunt; sed officium facere idem est atque ea facere, quae sunt in ordine morali consueto, proinde haud digna sunt, quae admirare. Potius haec admiratio informatio est sensus nostri officii, quasi quidpiam extraordinarium foret et laude dignum, si ei obtemperes.

Verum vnum est in animo nostro, quod, cum, uti par est, conspexerimus, non possumus summa admiratione contemplari desinere, atque in quo admiratio iusta est, et simul animum attollens; idque in initiis mo-

ralibus versatur originariis in nobis generatim. — Quid istud est in nobis (si ex te ipse quaerere poteris), quo nos ab natura per tot necessitates perpetuo pendentes naturae, simul tamen supra hanc in idea initiorum originariorum (in nobis) tam longe euehimur, ut eas cunctas pro nihilo, nos ipsosque existentia indignos reputemus, si fruitionem earum, qua vita tamen nobis reddi solum desiderabilis possit, legi contrarie sequeremur, per quam ratio nostra vehementer imperat, nulla re nec promissa, nec comminatione proposita? Pondus huius quaestionis, necesse est, ab vnoquoque homine vel maxime vulgarium virium, antea de sanctitate, quae in idea officii inest, edocto, non vero usque ad inuestigationem conceptus de libertate, qui ex ea demum lege prouenit *) progressu, intime sentiri; ipsa-

*) Quod conceptus libertatis arbitrii haud conscientiam legis moralis in nobis antecedit, sed tantummodo ex determinabilitate arbitrii nostri per hanc, ut praeceptum absolutum concludatur; de eo facile tibi poterit persuaderi, si te perconteris: an certo quoque proxime conscius sit facultatis, qua quemuis vel maximum transgressionis elaterem (Phalaris licet imperet ut sis falsus, et admota dicitur periuria tauro) possis ex firmo proposito superare. Cuique homini fatendum erit: *se se nescire*, an, si eiusmodi tempus inciderit, in proposito suo nutaret. Nihilominus tamen officium ei praecipit absolute: *debere* in fide perseverare, et inde iure colligit, *se posse* quoque oportere, proinde arbitrium suum liberum videri. Ii, qui hanc proprietatem haud perferutabilem ut prorsus comprehensam ostendant, vocabulo *determinisimi* (pronunciatio arbitrii per rationes internas idoneas determinandi) fucum faciunt, quasi difficultas posita in eo foret, ut hoc cum libertate coniungatur, quod tamen nemini in mentem venit; verum: quomodo *praedeterminisimus*, quo actionis voluntariae ut euenti ratio determinans *in tempore antegresso* est (quod cum iis, quae continet, haud amplius est in potestate nostra), cum libertate, qua actio pariter atque illius contrarium in momento, quo fit, esse penes subiectum debet, consistere possit: id ipsum est, quod auemus perspicere, neque umquam perspicimus.

Conceptus *libertatis* cum idea de deo, ut ente *necessario*, coniungendi, nulla omnino difficultas est: quoniam liber-

que incomprehensibilitas horum initiorum diuinam originem testantium, necesse est, vt maximam vim in animo exferat, eumque ad iacturas faciendas confirmet, qua propter obseruantiam officii suscipiendae videantur. Hic sensus excellentiae destinationis moralis vt saepius excitetur, in primis commendandum est instar adiumenti consiliorum moralium excitandorum, quoniam propensioni innatae ad peruertendos elateres in normis arbitrii nostri recta aduersum tendit, vt in obseruatione legis absoluta, vt summae conditionis omnium normarum capiendarum, ordo moralis originarius in elateribus, eoque initium boni in animo humano in puritate sua restituatur.

Verum ei instaurationi per proprias vires adhibendas contraria sententia est de prauitate et corruptione hominum respectu cuiusque boni innata? Sane quidem, quod comprehensibilitatem attinet, id est, nostrum possibilitatis illius *intellectum*, quomodo ea omnia, quae vt euenta in tempore (mutatio) atque eatenus ex legibus physicis vt necessaria, et quae iis contraria sunt simul tamen sub legibus moralibus, vt per libertatem possibilia debeant repraesentari; verum possibilitati huiusce restitutionis haud aduersatur. Siquidem, cum lex moralis praecipit, nos iam meliores esse homines *debere*; necessario efficitur, vt esse nos quoque meliores *quamus*. Sententiae de malo innato in *dogmatica* morali nullus omnino vsus est: praeceptis enim eadem officia continentur, atque in eadem vi ac virtute perseverant,

tas non in ratione actionis fortuita (eam neutiquam esse per rationes determinatam), hoc est, non in indeterminismo, (bonum malumue agi dei aequae possibile esse oportere, si eius actiones dici liberae debeant), sed in spontaneitate versatur absoluta, quae solum in praedeterminismo periculo exposita est, vbi ratio actionis determinandae *in tempore antegresso* est, proinde sic, vt nunc actio haud amplius *in mea* potestate sed in manu naturae sit, me necessario determinat; vbi tum, quia in deo nulla potest temporis successio cogitari, ea difficultas cessare videtur.

innata in nobis ad transgressionem propensio adfit nec ne. In *ascetica* morali vero maior quidem vis huius sententiae est, nec vero alia, quam, nos initiis moralibus boni innatis moraliter efformandis, non posse ab innocentia quadam nobis naturali proficisci, sed cogi ab sumptione vitiositatis arbitrii in capiendis normis contra initia moralia originaria institui, et, quia propensio non possit extinguí, cum perpetuo contra illud renisu. Quod cum solum ad progressum in infinitum tendentem a peiori ad melius ducat, sequitur: vt conuersio mentis hominis mali in mentem boni hominis in mutanda ratione suprema interna normis omnibus accipiendis conuenienter ponenda sit, quatenus haec ratio noua (animus nouus) ipsa immutabilis videatur. Ad firmitatem autem animi de ea re homo quidem non potest naturaliter adspirare, neque per conscientiam proximam, neque per argumentum vitae vsque eo actae; quoniam profunditas animi (ratio prima subiectiua normarum) ei ipsi inaccessible est; verum in via, quae eo ducit, et quae sibi a mente funditus emendata monstratur, possit *sperare* oportebit, viribus suis adhibendis sese peruenturum; si quidem homo fieri bonus debet, sed modo pro eo, quod sibi, vt a se ipso factum potest imputari, vt moraliter bonus diiudicandus videtur.

Contra hanc postulatam sui ipsius emendationem ratio ad tractationem moralem natura pigra sub specie impotentiae naturalis varias impuras ideas religiosas euocat (quo pertinet: vt deo ipsi principium felicitatis pro summa praeceptorum eius conditione adfingatur). Omnes autem religiones possunt in religionem *ambiendae voluntatis* (cultus solius) et *moralem*, id est, religionem *vitae honestae* describi. Ex religione ambiendae voluntatis et gratia homo sibi persuadet: a deo se aeternum posse felicem reddi, quamuis haud fere opus sit, vt *homo melior euadat* (peccatis sibi remittendis); vel etiam, si hoc ei haud fieri posse videatur, a deo se *reddi hominem posse meliorem*, vt ipse nihil quidquam ad id conferat, nisi vt ea de re *precibus* deum imploret;

Modus, cum coram natura omnia conspiciente nil nisi desiderium est, proprie nihil factum foret: quodsi enim satis esset desiderare, quisque homo bonus foret. Contra ex religione morali (cuiusmodi in omnibus, quae unquam exstiterunt, solum christiana est,) decretum est: ut quisque, quantum in se sit, agere debeat, quo melior homo fiat; et tum duntaxat, cum si munus sibi innatum haud occultarit (Lucae XIX, 12—16.), cum initiis boni originariis rite usus fuerit, ut homo melior euadat, sperare possit, quae non in sua potestate sunt, ex altiore cooperatione suppletum iri. Iam non simpliciter necesse est, ut homo sciat, in quo haec consistat; fortasse adeo haud poterit euitari, ne, si modus, quo ea fit, certo quodam tempore patefactus fuerit, diversi homines alio tempore diuersos sibi conceptus informarent, et quidem ex summa animi sinceritate. Tum vero decretum quoque valebit: „haud essentiale est, ideoque non cuique necessarium, ut sciat, quid deus ad eius felicitatem conferat, vel iam contulerit;“ sed sane quidem, *quid ipsi faciendum sit*, ut hoc adiutorio dignus euadat.

Hoc scholion generale primum est ex quatuor illis, quorum vnum cuique capiti huius libelli adnexum est, et quae possent inscribi: 1) de effectibus gratiae, 2) de miraculis, 3) de mysteriis, 4) de adiumentis gratiae. — Quae quasi *παρεργα* sunt religionis intra terminos rationis purae; non intra quidem eos illa pertinent, sed eos tamen attingunt. Ratio in conscientia impotentiae suae, necessitati morali suae satis faciendi, sese usque ad ideas transcendentibus dilatatur, quibus defectus ille posset expleri, quas tamen haud possit ut possessionem dilatatam tibi vindicare. Haud ea possibilitatem impugnat vel existentiam rerum illis subiectarum, verum eas non potest in normas suas cogitandi agendique recipere. Ea adeo expectat, si in campo supranaturalium inaccessio plura sint, quam possit comprehendere, quae vero nihilominus ad explendam impotentiam moralem necessaria forent, fore, ut ea vo-

luntati bonae suae, vel incognita quoque, vsui futurae sint, cum fiducia, quam possis *reflectentem* (super possibilitate eorum) vocare, quoniam *dogmatica*, quae sese pro *scientia* venditat, sibi fucata vel temeraria videtur; nam difficultates, quae iis obsunt, quae per se ipsa (practice) firmiter consistunt, remouendae, si quaestiones attingant transcendentales, tantummodo ἐν παρέρῳ versantur. Ac detrimenti quidem, quod ex ideis his, etiam *moraliter* transcendentibus capitur, si eas vellemus in religionem introducere, effecta sunt, secundum ordinem quatuor illarum classium supra indicatarum: 1) experientiae internae putativae (operationes gratiae) *fanatissimus*, 2) experientiae externae opinatae (miracula) *superstitio*, 3) putativae illustrationis intelligentiae respectu supranaturalium (mysteria) *illuminatissimus*, opinio Adeptorum, 4) auctorum conatuum ad supranaturalia agendi (adiumenta gratiae) *thaumaturgia*, quae cuncta in erroribus sunt rationis carceres suos transmigrantis, et quidem ex opinato consilio morali (deo placente). — Quod vero hoc scholion generale ad caput primum huius disputationis speciatim attinet, aduocatio *operationum gratiae* de classe postrema est, nec in *normas* potest rationis suscipi, si haec intra terminos suos sese contineat; vti omnino nihil quidquam supranaturale, quoniam in hoc ipso omnis rationis vsus cessat. — Etenim fieri non potest, vt eas *theoretice* possis distinguere (eas effectiones gratiae esse, neque internas naturales), quoniam vsus noster conceptus de causa atque effecto de rebus experientiae obviis potest, nec proinde vltra naturam dilatari; suppositio autem utilitatis *practicae* huius ideae per se prorsus pugnat. Namque, vt utilitas regulam supponeret eius, quod nobis (certo quodam respectu) boni ipsis *faciendum* sit, vt quidpiam consequamur; sed operationem gratiae expectare ipsum significat contrarium, nimirum, bonum (morale) haud nostram actionem esse, sed alius cuiusdam naturae, nos proinde solum eam posse *nihil agendo comparare*, id quod secum pugnat. Possumus igitur eam, vt incomprehensum quidpiam concedere,

neque tamen vel in theoreticum vsum vel practicum, in normam nostram recipere.

RELIGIONIS PHILOSOPHICAE

CAPUT SECUNDUM

DE CERTAMINE PRINCIPII BONI CUM MALO

DE

IMPERIO IN HOMINEM.

Vt moraliter bonus homo euadas, non satis esse, vt boni furculus, qui in genere nostro inest, solum libere euoluatur, verum etiam causam mali reagentem in nobis superandam esse, omnium philosophorum veterum ethicorum in primis stoici per tesseram *virtutis*, quod (cum in Graeca lingua tum Latina) animum ac fortitudinem denotat, ideoque hostem supponit, declararunt. Quo quidem respectu nomen *virtutis* nomen praestans est, neque illud quidquam detrimenti capiat, ex abusu, quem fieri saepenumero per iactantiam vidimus, et (velut nuper verbum illustrationis) illusum.— Namque animum prouocare, iam ex dimidio idem est, atque illum instillare; contra mens ignaua sibi ipsa diffidens auxiliumque externum timide expectans (in philosophia morali et religione) omnes hominis vires remittit laxatque, atque eum ipsum hoc auxilio reddit indignum.

Verum tamen illi boni viri hostem male cognouere, qui non est in inclinationibus naturalibus solum incultis, sed aperte sese cuiusque conscientiae ostendentibus quaerendus, verum hostis est quasi inuisibilis, pone rationem sese occultans, et propterea eo periculosior. *Sapientiam* aduersus *stultitiam*, quae sibi ab inclinationibus solum imprudenter patitur imponi, excitarunt, cum eam debuissent contra *malitiam* (humani animi)

euocare, principiis animo pestiferis mentem animique consilium occulte sufficientem. *)

Inclinationes naturales, *in se ipsae spectatae*, bonae sunt, hoc est, haud reprobandae, nec solum inutile est, verum quoque noxium foret et vituperandum, si eas velles extirpare; potius solum frenandae sunt, ne se inuicem ipsae euertant, sed ad conuenientiam possint

*) Hi philosophi principium morale vniuersale ab excellentia et dignitate naturae humanae, libertate (vt vacuitate atque independentia a vi inclinationum), desumserunt; neque melius ac praestantius poterunt fundamento ponere. Leges morales igitur proxime ex ratione, tali modo, solum legislatoria per easque absolute imperante hauserunt, atque ita et obiectiue, quod regulam attinet, et subiectiue, quoad elateres, cum homini voluntas incorrupta tribuitur, ad eas leges sine cunctatione in normas recipiendas, omnia omnino recte indicata sunt. Sed in ipsa suppositione postrema vitium inerat. Nam, vt maxime mature animum ad statum nostrum moralem aduerterimus, tamen inuenimus, haud amplius in eo rem integram esse, sed ab eo nobis incipiendum, vt, quod iam locum occupasset, malum (quod vero istud efficere haud potuisset, nisi illud in normam nostram recepissemus) de possessione depellamus; nimirum primum, quod homo efficere possit, verum bonum esse, vt ab malo sese auocet, quod non in inclinationibus, sed in peruersa norma, ideoque in ipsa libertate quaerendum est. Illis norma bona contraria *exsequenda* difficultatibus obruitur; sed malum proprium consistit in eo, quod *nolis* inclinationibus illis, cum ad transgressionem alliciunt, resistere, eaque mens proprie verus hostis est. Inclinationes tantummodo aduersatrices sunt principiorum in genere (siue bona fuerint, seu mala); atque eatenus illud generosum moralitatis principium vt propaedeutica (disciplina inclinationum in vniuersum) vtile est ad subiectum per decreta moderandum. Verum quatenus specificè debent decreta esse *boni morales*, et nihilominus vt norma haud sunt, alius eorum aduersarius in subiecto supponendus est, quocum virtuti certamen ineundum videatur, sine quo virtutes omnes, non quidem, vt ille pater ecclesiasticus vult, splendida *vitia*, sed tamen *splendidae miseriae* forent; quoniam eo quidem saepenumero seditio sedatur, sed seditiosus ipse numquam vincitur atque extirpatur.

in toto quodam, quod felicitas vocatur, adduci. Verum ratio istud efficiens *prudentia* adpellatur. Id modo, quo moraliter legi contrarium est, per se ipsum malum est, simpliciterque reiiciendum atque exstirpandum; ratio autem, quae hoc docet, magis vero, cum quoque efficit, sola nomen *sapientiae* meretur, quacum comparatum vitium quidem etiam potest *stultitia* vocari, sed tum tantummodo, cum ratio satis in se roboris persentiscit, ad istud (omnesque illius illecebras) *contemnendum*, neque solum ut rem metuendam odio habendum, contraque sese armandum.

Quamobrem stoicus, certamen hominis morale solum ut pugnam cum inclinationibus suis (per se innocentibus), quatenus ut impedimenta faciendi officii vincendae sunt, cogitans, quoniam nullum principium positivum singulare (per se malum) sumit, causam transgressionis non poterat nisi *omissione* ponere, illas vincendi; cum autem haec omissio ipsa contra officium (transgressio) sit, non solum vitium naturae, nec nunc causa illius rursus (vitio in orbem definiendi vitato) in inclinationibus, sed solum in eo, quod ab arbitrio, qua libero arbitrio determinatur (in ratione prima normarum interna cum inclinationibus conspirantium) quae-renda est; sane potest comprehendere, qui fieri potuisset, ut philosophi, quibus enodandi ratio aeternum tenebris inuoluta manens, *) et quamquam inevitabilis, tamen

*) Sumtio est philosophiae moralis prorsus consueta, existentiam mali moralis in homine persaepe posse enodari; et quidem partim ex vi elaterum sensualitatis, partim ex imbecillitate elateris rationis (observantiae erga legem) hoc est, ex *debilitate*. Tum vero bonum morale (in initiis moralibus) in eo facilius posset explicari; siquidem comprehensibilitas unius, sine alterius comprehensibilitate, nullo modo potest cogitari. Atqui facultas rationis, per solam ideam legis uniuersos elateres contrarios vincendi, nullo pacto potest enodari; ergo itidem non potest comprehendere, qui fiat, ut elateres sensualitatis rationem cum tanta auctoritate praecipientem vincere queant. Etenim, si omnes homines prae-

haud exoptata est, in proprio boni aduersario errarent, quocum certamen inire crederent.

Non itaque mirandum est, apostolum hunc hostem *inuifibilem*, solum effectiōibus in nobis cognoscibilem, decreta corrumpentem, vt extra nos, et quidem vt *spiritum* malum proponere: „nobis non est cum carne et „sanguine (inclinationibus naturalibus), verum cum „principibus potentibusque cum malis spiritibus conflictandum.“ Quae verba haud eo spectare videntur, vt cognitio nostra iis vltra mundum sensibilem dilatur, sed modo vt conceptus rerum nobis incomprehensarum, *in usum practicum*, reddatur dilucidus, quasque sub adspēctum subiiciatur; nam caeteroquin in hunc usum practicum nobis idem erit, vtrum seductorem solum in nobis ipsis, an quoque extra nos ponamus, quoniam, in extra nos ponamus, reatus nos pariter attingit, quam si in nobis posuerimus, quippe qui ab eo haud seduceremur, nisi occulta cum eo conspiratione *) teneremur. — Totam hanc commentationem de his sectionibus describemus.

scriptioni legis conuenienter agerent, diceret: omnia fieri secundum ordinem naturalem, et nemini in mentem veniret vt modo de causa anquireret.

- *) Proprietas est doctrinae morum christianae: vt bonum morale a malo morali non tamquam caelum a *terra*, sed velut caelum ab *inferno* abhorrens repraesentetur; quae repraesentatio symbolica quidem est, et qua talis concitans, nihilominus autem, quoad sensum, philosophice vera. — Facit ea enim, vt caueatur ne bonum malumque, regnum lucis et regnum tenebrarum, non vt inuicem sibi finitima, et gradibus successiuis (maioris minorisque claritatis) in se inuicem absenta cogitentur, sed per voraginem immensam ab se inuicem seiuncta repraesententur. Tota decretorum dissimilitudo, quibuscum vni alteriue horum duorum regnorum esse subiectus poteris, simulque periculum, cum opinione prioris adfinitatis proprietatum, quae nos ad vnum alterumve: pto reddunt, coniunctum, potestatem nobis faciunt huiusce repraesentandi modi, qui, praeter horribilia, quae in se continet, simul admodum sublimis videtur.

S E C T I O P R I O R.

DE PETITIONE PRINCIPII BONI DE
IMPERIO IN HOMINEM.a) *Idea principii boni personae forma induta.*

Id, quo solo mundus potest res fieri decreto diuino proposita, finisque orationis, *humana natura* (ens mundanum rationale in genere), est *in vniuersa sua perfectione morali*, cuius vt conditionis supremæ, felicitas proximum consequens in voluntate inest entis summi. — Hic homo solum deo placens „cum eo est ab aeterno;“ idea eius procedit ab essentia illius; is eatenus nulla res est creata, sed filius eius vnigenitus; „*verbum* (fiat!) „quo caeterae sunt res omnes, et sine quo nihil quid. „quam exstat, quod factum est,“ nam eius causa, hoc est, propter naturam rationemque in mundo, vt pro destinatione eius morali cogitari potest, omnia facta sunt. — „Is est splendor excellentiae illius.“ — „In eo mundum „amauit deus,“ et in eo solum et consiliis eius adoptandis sperare possumus, „nos esse dei liberos euasuros;“ et sic porro.

Vt ad hoc ideale perfectionis moralis, hoc est, ad prototypon mentis moralis in vniuersa puritate eius nosmet *euehamus*, vniuerse hominibus in officio est, quo nobis haec ipsa idea quoque, quae ab ratione nobis ad imitandum proponitur, vires potest suppeditare. Sed ob eam ipsam causam, quoniam nos non sumus illius auctores, sed locum ea in homine occupauit, quamvis haud comprehendamus, quomodo natura humana eius recipiendae vim facultatemque habere potuerit, melius dici potest: illud prototypon de caelo ad nos *descendisse*, humanam illud naturam induisse (neque enim pariter fieri potest, vt cogitemus, quomodo homo natura *malus* sponte malum deponat, ad sanctitatisque ideale sese *euehat*, quam humanam naturam (per se haud malam), ab hoc ideali (ad eam sese *demittente*) recipiatur. Igitur haec nobiscum coniunctio vt status potest

exinanitionis filii diuini spectari, cum hominem illum diuina mente praeditum, nobis vt prototypum, ita cogitamus, vti, quamuis ipse sanctus, et qua talis nullis cruciatibus perpetiendis obnoxius, hos nihilominus mirum in modum fuscipiat, ad promouendam mundi salutem; contra homo, numquam ab reatu vacuus, etiam si eandem mentem adoptauerit, cruciatus, qui sibi, in quacumque via fuerit, accidant, tamen potest tamquam ab se promeritos spectare, proinde mente sua cum eiusmodi idea coniungenda, quamuis ea quidem illi pro prototypo sit, indignum sese debet iudicare.

Sed ideale naturae humanae deo bene placentis (proinde perfectionis moralis, vti ea esse potest in natura mundana ex necessitatibus inclinationibusque apta ac pendente,) nobis non possumus cogitatione informare, nisi sub idea hominis, non solum ad omnia humana officia ipsi facienda, simul quoque per institutionem atque exemplum bonum, quam fieri possit, latissime circum se dispergendum, verum etiam, quamuis maximis illecebrarum stimulis vrgentibus, ad omnes tamen cruciatus ad mortem vsque crudelissimam propter salutem mundi, ipsosque aduersarios suos, fuscipiendos parati. — Neque enim homo cogitationem de gradu et robore vis virtutisque, qualis vis est mentis moralis, animo concipere potest, nisi eam cum impedimentis conflantem maximisque, quae fieri possunt, vexationibus infestatam, tamen sibi vincentem repraesentet.

In *fide* igitur *practica* in hoc filio dei (quatenus repraesentatur, humanam naturam in sese recepisse) homini licet sperare, fore, vt deo placiturus (et eo quoque beatus) euadat; nimirum is, qui eiusmodi mentis moralis sibi conscius est, sese credere posse et certam in se fiduciam ponere in similibus tentationibus et aduersitatibus (vti eae pro obrussa constituuntur illius ideae) prototypo naturae humanae constanter se adhaesurum, exemploque illius diligenter imitando exprimendoque similem mansurum, talis homo, isque solus duntaxat;

iure potest eum se reputare, qui haud indignus sit complacentia diuina.

b) *Realitas obiectiua huiusce ideae.*

Haec idea realitatem respectu practico plenam in se ipsa habet. Ea enim in ratione nostra moraliter legislatoria inest; cui nos conuenienter viuere *debemus*, proinde necesse est, nos istud etiam *posse*. Quodsi antea probandum foret, fieri posse, vt nos homines simus huic prototypo consentanei, vti in conceptibus physicis absolute necessarium est (ne inanibus conceptibus decipiamur), tum pariter nobis dubitandum foret, ne ipsi legi morali auctoritatem concederemus, rationis absolutae atque idoneae arbitrii nostri determinandi: nam qui fieri possit, vt sola idea legalitatis in genere elater illius potentior sit, quam vniuersi, qui cogitari poterunt, a commodis desumpti, id neque per rationem perspicui atque intelligi potest, neque exemplis experientiae confirmari, quoniam, quantum prius attinet, etiamsi lex absolute imperat, respectu posterioris autem etiamsi numquam homo exstitisset, qui huic legi absolutam obedientiam praestitisset, necessitas obiectiua, vt tales simus, integra et per se ipsa patet. Ergo nullo opus est experientiae exemplo ad ideam hominis deo bene placentis nobis prototypum proponendam; ea, quae tale, iam inest in nostra ratione. — Qui, vero ad hominem pro tali exemplo cum illa idea congruente ad imitationem agnoscendum, plus, quam quod videt, scilicet plus, quam prorsus irreprehensum, quin, quantum desiderari possit, vitam laudabilem et bene promeritam, qui forte praeterea miracula quoque, vel per illum vel propter eum facta, ad faciendam fidem postulat: is ea re simul de *incredulitate* morali sua, nempe de inopia fidei in virtute confitetur, quam nulla potest fides in argumentis constituta ex miraculis (quae tantummodo historica est), supplere; siquidem solum fides valoris practici ideae illius, in nostra ratione sitae (quae etiam sola potest fere miracula quae talia, quae a principio bo-

no profecta fuerint, probare, non vero ab his confirmationem suam potest depromere) pretium morale habet.

Ob eam ipsam causam necesse est, ut esse experientia possit, per quam exemplum eiusmodi hominis proponatur (quantum ab experientia externa omnino possunt argumenta mentis morales internae expectari et postulari); etenim, secundum legem, merito quisque homo exemplo esse huiusce ideae per se deberet, cuius prototypon semper duntaxat in ratione remanet; propterea quod nullum exemplum in experientia externa illi apta est et adaequata, quippe quae interiora animi haud aperit, sed tantummodo patitur, ut, quamquam haud cum firmitate plena, ad ea concludatur; quid? quod ipsa experientia hominis per se ipsius interna profunditates animi haud ita praebet perspicendas, ut de ratione normarum, quas proficitur, earumque puritate ac firmitate queat se ipsum observando cognitionem prorsus certam sibi comparare.

Quod si igitur talis homo mente vere divina praeditus certo quodam tempore quasi caelitus in terram venisset, qui per doctrinam vitamque et cruciatus *exemplum* hominis deo accepti in sese ostendisset, quantum quidem ab experientia externa possit desiderari (interea dum *prototypon* eiusmodi hominis non nisi in ratione nostra quaerendum est), his omnibus bonum morale immensum in mundo per conversionem in genere humano produxisset; tamen non esset, cur aliud quidpiam in eo, quam hominem naturaliter genitum, sumeremus (quoniam hic quoque tamen sese obstrictum intelligit, ut ipse in se tale exemplum proponat), quamquam eo haud fere simpliciter negaretur, illum etiam fortasse posse hominem supranaturaliter genitum videri. Namque respectu practico sumtio huius posterioris nobis nullum potest commodum adferre; siquidem prototypon, quod huic phaenomeno subiicimus, tamen potest in nobis (quamquam hominibus naturalibus) ipsis quaerendum est, cuius existentia in anima humana iam per se ipsa satis est incomprehensa, ita, ut haud fere opus sit, praeter originem supranaturalem in eo et sin-

gularem quemdam hominem hypostasi indutum sumi. Potius eiusmodi sancti supra omnem humanae naturae fragilitatem eleuatio ideae eius ad imitationem nostram practice adhibendae, quantum quidem intelligere possumus, officeret. Namque etsi natura hominis illius deo accepti eatenus vt humana cogitaretur, vt cum iisdem necessitatibus, proinde quoque iisdem cruciatibus, cum iisdem inclinationibus naturalibus, ideoque iisdem tentationibus ad transgressionem, quibus nos, oneratus, sed tamen eatenus vt suprahumanus cogitaretur, ne haud forte per labore partam, sed innatam immutabilem voluntatis puritatem fieri ab eo vlla transgressio queat; haec distantia ab homine naturali eo rursus tam infinite magna euaderet, vt ille diuinus homo huic non amplius posset *exemplo* proponi. Hic posterior dicturus foret: concedas mihi voluntatem prorsus puram, et omnis ad malum sensatio sponte in me peribit; concedas mihi plenissimam persuasionem internam, fore, vt, post breuem in terris vitam (propter sanctitatem illam), vniuersa beatitate caeli aeterna continuo potiar; tum omnes cruciatus, vt maxime grauissimos, vsque ad necem crudelissimam non solum lubens, verum etiam laetus subibo, cum exitum praeclarum atque instantem ob oculos habeam. Sane quidem cogitatio, illum diuinum hominem in vera huius excellentiae beatitudinisque possessione ab aeterno fuisse (neque eas antea per tales cruciatus promerendas fuisse), iis sese in gratiam indignorum, adeoque hostium suorum lubenter priuasse, vt eos a pernicie aeterna seruaret, animum nostrum ad admirationem, amoremque et gratiam erga illum memoriam necessario componeret; itemque idea vitae eiusmodi ex regula moralitatis tam perfecta nobis sane quoque pro praecepto ad sequendum valente, is ipse autem *neutiquam pro exemplo* posset ad imitandum, nec proinde quoque vt argumentum boni moralis tam puri atque excellentis *nobis* possibilis et consequendi, nobis proponi. *)

*) Sane quidem in cancellis est rationis humanae; qui non possunt ab ea separari: vt nullum nobis pretium morale vl-

Idem ille doctor diuina mente praeditus, sed proprie humanus tamen nihilominus de se, quasi ideale bo-

lius momenti queamus in actionibus cuiusdam personae cogitatione informare, nisi simul ipsa eius effectio humano modo repraesentetur; quamquam eo haudquaquam contendimus, rem et per se quoque (κατ' αὐτὴν) sic esse comparatam; nobis enim, ad qualitates suprasensibiles cogitandas, semper certa quaedam opus est analogia, cum naturis physicis. Sic poeta philosophicus homini, quatenus ei inclinatio ad malum intus vincenda est, vel propterea, si illam superare intelligit, altiorē ordinem in scala morali rerum attribuit, quam ipsis caelitibus, qui, per sanctitatem naturae, ab omni, quae esse potest, seductione exempti videntur. (Mundus cum vitiis suis melior est, quam regnum angelorum voluntate carentium; verba sunt Halleri). — Ad hunc repraesentandi modum sese quoque accommodat sacra scriptura, ut amorem dei erga genus humanum nobis secundum magnitudinem qualique gradum explanet, dum summam illum fecisse iacturam ostendit, quae fieri vnumquam ab natura amante potest ut vel indigni felices reddantur („Ita deus amauit mundum etc“): quamquam nullam nobis possumus cogitationem per rationem informare, quomodo ex omnibus sufficiens aliquid eorum, quae ad beatitatem suam pertinent, vocere possit, et possessione sese priuare. Hic *schematismus* est analogiae (ad illustrandum), quo non possumus supersedere. Qui in *schematismum* conuersus *determinationis obiectivae* (ad cognitionem nostram dilatandam) est *anthropomorphismus*, ex quo respectu morali (in religione) maxima incommoda consequuntur. — Hoc loco obiter tantum monebo: in ascendendo a sensibilibus ad insensibilia vsurpari quidem *schematismum* posse (conceptum ex analogia cum aliqua re sensibili reddi planum), nullo modo vero ex analogia, ab eo, quod superiori competit, illud quoque posteriori attribuendum esse, *concludi* (atque ita conceptum *dilatari*), idque per causam prorsus simplicem, quia eiusmodi conclusio omni analogiae *adversaretur*, quae inde, quod schemate ad conceptum nobis explanandum necessario indigemus (ad eum exemplo confirmandum) elicere vellet, illud quoque necessario ipsi obiectae rei, ut praedicatum, competere oportere. Quippe haud possum dicere: quemadmodum causam cuiusdam plantae (aut eiusque creatae rei organicae omninoque mundi finalis) mihi non queo *explanare*, nisi ad analogiam artificis respectu operis eius (horologii), eo nimirum, ut illi intelligentiam tribuam: ita quoque

ni in se reapse (in doctrina vitaeque) exhiberetur, vere dicere posset. Tum enim tantummodo de mente consilioque loqueretur, quam sibi ipse pro regula actionum constituit, quam vero, cum ut exemplum aliis, non sibi ipsi possit sub aspectum subiicere, duntaxat per doctrinas suas actionesque extrinsecus ob oculos proponit: „ecquis vestrum me potest de peccato arguere?“ Verum aequum est, ut exemplum doctoris incomprehensum eorum, quae docet, si hoc per se cuique in officio sit, nulli consilio alii illius quam purissimo imputetur, si desint argumenta contrarii. Eiusmodi animus cum universis, ob mundi salutem susceptis, cruciatibus, in ideali cogitatus humanae naturae, ad cunctos homines omnibus temporibus et in mundis omnibus, coram summa iustitia valet plenissime: si homo animum suum, uti debet, ad illum conformat. Ea vero semper erit iustitia, quae haud nostra sit, quatenus haec in vita deberet consistere animo illi prorsus et sine vitio conueniente. Verum necesse est, ut esse queat prioris vindictio propter posteriorem, si hic cum animo prototypi coniungatur, quamquam illius explanatio magnis adhuc difficultatibus laborat, quas nunc proponemus.

c) *Difficultates realitati huiusce ideae eiusque solutioni contrariae.*

Prima difficultas, quae adsequendam ideam illam, humanae naturae deo acceptae in nobis, respectu sanctitatis legislatoris in dubium vocat, haec est: lex praecipit: „estote sancti (in vita vestra) quemadmodum pater vester in caelo sanctus est;“ hoc enim ideale est filii dei, nobis pro prototypo propositum. Sed distan-

causa ipsa (plantae omninoque mundi) intelligentia gaudere, necesse est; nimirum, ut ei intelligentiam tribuam, non solum conditio explanationis, verum etiam ipsius possibilitatis causae. Sed inter rationem schematis erga conceptus, et relationem eiusdem huius schematis conceptus ad rem ipsam nulla prorsus analogia est, sed ingens saltus (μετάβασις εἰς ἄλλο γένος), quo directe ducimur in anthropomorphismum, cuius argumenta alio loco proposui.

tia boni, in nobis efficiendi, a malo, vnde proficiscimur, infinita est, et quantum actionem, hoc est, conuenientiam vitae cum sanctitate legislatoris attinet, in nullo potest tempore attingi. Nihilominus qualitas hominis moralis cum ea debet conuenire. Ergo ea ponenda erit in animo consilioque, in norma vniuersali et sincera puraque conuenientiae vitae cum eo, vt furculo, vnde omne bonum euolui debet, qui a principio sancto proficiscitur, ab homine in normam supremam recepto. Quae quidem animi mutatio fieri queat; necesse est, quoniam ea in officio videtur. — Iam difficultas in eo consistit, quomodo animus possit pro facto, quod *semper* (haud omnino, verum in quouis temporis articulo) mancum est, valere. Verum solutio eius posita in eo est, quod factum, vt progressus perpetuus a bono manco atque imperfecto ad melius in infinitum, pro obseruantia nostra, cum in conceptibus relationis inter causam atque effectum necessario simus ad temporis conditiones adstricti, semper mancum manet et imperfectum; ita, vt bonum in phaenomeno, id est, secundum *factum*, in nobis *semper* vt imperfectum neque ad legem sanctam idoneum nobis spectandum sit; sed progressum eius in infinitum ad conuenientiam cum hac lege, propter *animum*, vnde deriuatur, qui suprasensibilis est, a scrutatore animorum in summa visione intellectuall sua pura, vt totum quiddam absolutum, etiam quoad factum (vitam) diiudicatum possimus cogitare, *) atque ita homo quamuis perpetuo mancus sit, tamen omnino queat se

*) Haud negligendum videtur, nos hic neutiquam velle dicere: animum esse debere pro *compensanda* officiosi inopia, proinde vero malo in hac serie infinita resarciendo; (sed potius supponitur, qualitatem hominis deo acceptam moralem in eo vere deprehendi), verum: animum, qui vicem sustinet vniuersitatis seriei huiusce adpropinquationis in infinitum continuatae defectum tantummodo supplere ab existentia naturae in tempore omnino inseparabilem, cum nunquam plane id sumus; quod euadere instituimus; etenim compensatio quidem transgressionum in hoc progressu obviarum in difficultate expedienda *tertia* sub rationem vocabitur.

deo acceptum esse exspectare, quocumque tempore existentia sua praescindatur.

Altera deinde, quae emergit, difficultas, cum hominem ad bonum adspirantem respectu huiusce boni moralis ipsius cum beatitudine diuina comparati consideramus, felicitatem attingit moralem, quam hoc loco non intelligimus promissionem de possessione tranquillitatis sempiternae cum statu physico (liberationem a malis, fruitionemque voluptatum perpetuo augescentium), ut felicitatem physicam, verum de existentia constantiaque animi in bono semper progredientis (numquam eo ex-cidentis) interpretamur; namque perpetuo „de regno dei „cogitare,“ si modo de immutabilitate eiusmodi animi certo nobis persuasum esset, idem foret, ac se iam in possessione huius regni videre, ubi tum homo hac mente praeditus iam sponte confideret, fore, ut „caetera sibi vniuersa“ (quae ad felicitatem physicam spectant) „obtingant.“

Iam quidem hominem ea de re sollicitum cum desiderio eius, eo, posses ablegare: „eius (dei) spiritus nostro testatur spiritui, etc.“ hoc est, is, cuius animus tam purus est, quam postulatur, sponte iam sentiet, se numquam posse tam profunde labi, ut mali denuo amore corripiatur, verum eiusmodi opinatorum sensuum originis suprasensibilis misera res est; nullibi facilius illudimur, quam in iis, quibus bona de se ipsis opinio fauet. Praeterea ne e re quidem esse videtur, ad eiusmodi fiduciam excitari, sed potius utilius (moralitati) „ut beatitudinem nostram *diligenter ac solliciti* curemus,“ (dura quidem oratio, quae perperam intellecta, ad rectissimum fatalissimum potest incitare); sed, sine *omni* fiducia in mente nostra semel adoptata vixesse posset constantia, in ea continuandi. Quae vero reperitur, ex vita huc usque acta cum consilio constituto comparata, ita ut non sit, quod fanaticismo dulci nos vel anxio tradamus. — Homo enim, qui ab eo inde tempore, quo principia boni adoptasset, per vitam satis longam vim eorum in facto, hoc est, in vita ad meliora progrediente percepit, et inde ansam capit ad emendationem veram animi sui dun-

taxat per coniecturam concludendi, tamen quoque per rationem potest sperare, cum eiusmodi progressibus, si modo bona sint principia, *vis* ad sequentes augeatur, in hac quoque vita terrestri viam se haud amplius relicturum, sed alacrius in ea progressurum fore, quin, si post hanc vitam, alia sibi instet, aliis se conditionibus, ad idem tamen principium in ea perrecturum, atque ad metam perfectionis quamvis inaccessam adpropinquaturum fore, siquidem pro eo, atque huc vsque in se percepit, animum suum funditus emendatum ducere potest. Contra is, qui in proposito boni saepius instituto tamen numquam vidit, se constantem in eo manere, qui semper ad malum relapsus est, aut adeo in progressu vitae, perciperet, ex malo sese in deterius quasi in quodam praecipitio, profundius decidisse, prudenter non potest spem concipere, se, si diutius vita hic suppeteret, vel etiam alia futura sibi vita instaret, meliorem se gesturum fore, quoniam in eiusmodi indiciis corruptio, ut in animo radicibus infixæ, ipsi spectanda foret. Iam prius prospectus est in futurum statum *infinitem*, sed exoptatum ad felicem, alterum e contrario *miseria* itidem infinita, id est, utrumque hominibus, pro eo, ac iudicare possunt, prospectus in aeternitatem beatam vel miseram; quarum quidem repræsentationum vis satis magna est, ut altera pars iis tranquilletur in bonoque confirmetur, alteri eae parti ad excitandam faciant conscientiam iudicantis, quo malo, quantum fieri possit, detrahatur, proinde pro elateribus sint, neque tamen opus sit, etiam obiectivæ aeternitatem boni maliue sorti hominis *dogmaticæ* ut theorema supponi, *) quibus notitiis adsertionibus-

*) Quaestionibus, ex quibus is, qui quaerit, etiam si ad eas posset responderi, nihil quidquam in usum suum conuertendum disceret (et quæ idcirco dici *quaestiones pueriles* possent) adnumeranda hæc quoque est: poenæ infernales finitæ futurae sint, an aeternæ? Si finitas fore doceretur, verendum est, ne multi (velut omnes, qui ignem purgatorium credunt, aut remex iste in itineribus *Moorii*) dicerent: „Sed tamen spero, eas me sustenturum fore.“ Contra si aeternas fore adsererentur, in symbolisque fidei cen-

que putatitius ratio carceres intellectus sui migrat. Mens bona ac sincera (quam possis spiritum bonum nos gu-

feretur, posset contra, ac propositum fuit, spes inde vniuersa a poenis vacuitatis post vitam maxime impiam proficisci. Etenim, cum in momentis poenitentiae serae, in exitu vitae, clerico de consilio solatioque consulto crudele debeat et inhumanum videri, si illi reprobationem aeternam annunciet, inter hanc vero plenamque absolutionem nihil quidpiam mediū statuatur (sed aut poenam aeternam, aut omnino nullam) hic ei spem faceret nullius poenae oporteret; nimirum hominem celeriter in hominem acceptum sese conuersurum polliceri; vbi tum, cum ad vitam nouam instituendam haud amplius tempus suppetat, confessiones anxiae et poenitentes, formulaeque fidei, etiam fere vota novae vitae ingrediendae, sine eius longius prorogato, vicem sustinerent adiumentorum. — Quod quidem necessario consequitur, si aeternitas fortis futurae, vitae his in terris actae conuenientis vt *dogma* proponatur, nec potius homo instituitur, ex hoc praesenti suo statu morali conceptum sibi de futuro informare, ad eumque vt consequens illius naturale praeuidendum *sponse* concludere; tum enim *immensas* seriei illorum sub imperio mali illi eandem vim moralem habebit (eum impellendi, ad facta, quantum in se sit, aut reparando aut restituendo quoad effecta ante vitae finem infecta facienda), quae expectari potest ab aeternitate illius annunciata; neque tamen incommoda dogmatis de aeternitate poenarum (cuius praeterea neque intellectus rationalis nec interpretatio scripturae potestatem faciunt), in sese cohibebit: cum homo malus in *vita* iam in antecessum spem concipiat veniae facile impetrandae aut in fine eius sibi tantum de iis agendum putet, quae iustitia caelestis postulat, quam meris verbis missam facit, nullo respectu habito iurium humanorum, neminique suum reddat (qui quidem euentus huiusce generis expiandi tam consuetus est, vt exemplum contrarii fere inauditum videatur). — Sin autem vereare, ne ratio hominem clementius per conscientiam diiudicatura sit, vehementer, vt equidem credo, erraueris. Nam ob eam ipsam causam, quia libera est, et de eo ipso, homine, pronunciare debet, nullo modo potest corrumpi, et cum illi in eiusmodi statu modo dixeris: certe fieri posse, mox coram iudice eum compariturum fore, tum suae ipsius cogitationi eum relinquas, quae, maxime verisimile est, summa illum seueritate iudicabit. — His quasdam praeterea obseruationes adiungam. Tritum illud sermone prouerbum: *finis coro-*

bernantem adpellare), cuius tibi conscius est, ducit igitur quoque secum fiduciam constantiae et firmitatis,

nat opus, potest quidem ad causas *morales* transferri, sed non, nisi bonus finis dicatur is, cum homo reapse bonus euaserit. At ex quo sese ut talem agnosceret, cum istud tantummodo ex vita sequente constanter bona concludere possit, huic autem in vita extrema nullum amplius tempus superpetat? De *felicitate* potius dictum istud poterit concedi, sed itidem non nisi respectu stationis, unde vitam suam contemplatur, nec vero ex initio, sed ex fine illius, dum inde ad illam respicit. Calamitates superatae nullam sui memoriam excruciantem relinquunt, cum iam sartos nos tectosque intelligimus, sed potius laetitiam quamdam, quae fruitionem felicitatis nunc accedentis eo iucundiores reddit; quoniam voluptas vel dolor (quippe quae ad sensualitatem pertinent) in serie temporis insunt, cum eaque quoque evanescent, neque cum fruitione, quae nunc exstat, vitae totum constituunt, verum per hanc, ut sequentem, expelluntur. Quod si autem idem proverbium adhibeas ad diiudicandum pretium morale vitae usque eo actae, homo poterit iniuria sic eam iudicare, quamquam eam bene agendo finierit. Namque principium *mentis* morale subiectivum, ex quo vita eius diiudicanda est (ut quidpiam suprasensibile), haud ita comparatum est, ut existentia eius in parte temporis diiudua, sed modo ut unitas absoluta queat cogitari, et cum ad mentem non possimus nisi ex actionibus (ut phaenomenis illius) concludere, vita in gratiam huius observantiae duntaxat ut *unitas temporis*, nimirum ut *totum* quiddam sub contemplationem cadet; ubi tum opprobria ex priori vitae parte (ante emendationem) itidem clare loqui, atque ad sensus in *posteriori*, possent, orationemque triumphantem: finis coronat opus, admodum cohibere. — Tandem doctrinae illi de duratione poenarum in mundo futuro, et alia quoque finitima est, quamquam haud eadem, scilicet: „peccata omnia in hac vita esse condonanda;“ rationem cum vitae sine prorsus esse absolutam oportere, neminemque posse sperare, sese hic neglecta illius forte resarcire. Nec vero perinde potest ac prior, sese pro dogmate probare, verum tantummodo decretum est, quo ratio practica in utendis conceptibus suis suprasensibilium regulam sibi praecipit, interea dum concedit, sese de obiectiva supra sensibilem natura nullam notionem habere. Tantum ea enim dicit: non nisi ex vita nostra acta possumus, deone accepti homines sumus an minus, concludere, quae cum finem habeat, etiam ratio nobis si-

quainquam duntaxat cum interuentu, et consolator est (paracletus), cum peccata nostra nobis metum iniiciunt de constantia sua. Certitudo de ea homini nec possibilis est, nec, quantum intelligimus, moraliter utilis. Etenim (quod bene notandum est) hanc fiduciam non possumus in conscientia proxima immutabilitatis consiliorum nostrorum fundare, quippe quae non possumus perspicere, sed fere modo ex consequentibus eorum in vita ad ea nobis concludendum est, quæ quidem conclusio, quia duntaxat ex perceptionibus ut phaenomenis bonae malaeque mentis effecta est, praesertim vim ac robur eorum numquam certo cognoscendam proponit, potissimum, cum mentem sub finem vitae instantem praeuisum emendasse putaueris, ubi illa argumenta empirica veritatis illius ac probitatis prorsus defunt, siquidem nulla vita ad constituendum iudicium pretii moralis nostri amplius data est, statusque insolabilis (qui, natura hominis in obscuritate omnium prospectuum ultra huius vitae terminos sponte iam prouidet, ne in feram desperationem transeat), ex rationali status moralis diiudicatione necessario sequitur.

Tertia tum, ac specie quidem, maxima difficultas, quae vnumquemque hominem vel viam boni ingressum, tamen in iudicanda tota vita coram *iustitia* diuina reprobandum ostendit, haec est. — Vtcumque adoptatio boni consilii in eo facta sit adeoque, quam constanter in eo per vitam ei consentaneam continet, *tamen*

nitur, cuius summa sola efficitur, vtrum nos iustos absolutosque putare queamus, an minus. — Omnino, si pro principiis rerum suprasensibilium cognoscendarum *confirmariis*, quarum esse nobis non potest perspicientia, iudicium nostrum ad *regulatiua*, in possibili usu illorum practico ad quiescentia adstringeremus, in multis partibus cum sapientia humana actum longe melius foret, neque ex scientia putatitia eorum, quae reapse prorsus ignoramus, argutatio vana atque inanis, quamquam aliquamdiu splendens in perniciem moralitatis tandem aliquando inde conspicua procrearetur.

a malo instituit, isque reatus in eo numquam potest extinguui. Quod, animo mutato, nullum sibi nouum nomen contrahit, non potest accipere, quasi vetus dissolutum fuerit. Neque in vita porro bene acta nullum potest cumulum ad ea efficere, quae semper per se agere debet; semper enim in officio est, vt quoduis bonum efficiat, quod penes se est. — Hoc debitum originarium, vel omnino quodque bonum, quodcumque fecerit, antegressus, quod et idem est, quod, nec amplius quidquam, nos malum *radicale* diximus (vid. caput primum), potest quoque, quantum de iure rationali nostro intelligimus, non ab alio quodam tolli atque deleri; neque enim obligatio est, quae ad alium *transmitti* queat, velut pecunia debita (quam nihil ad creditorem interest, ipse debitor, an alius pro eo soluat) in alium potest transferri, sed *omnium maxime in persona haerens*, quippe debitum peccatorum, quod tantummodo sons, non verò infons, vel maxime generosus atque liberalis, qui pro alio suscipere illud velit, ferre queat. — Cum igitur malum morale (transgressio legis moralis, vt *praecepti diuini*, quam *peccatum* vocamus) non tam propter *infinitatem* legislatoris summi, cuius auctoritas ea re violata est (qua de adfectione hominis ad ens summum transcendente nihil nos quidquam intelligimus), verum vt malum in *mente* consilioque omninoque normis (vti *decreta uniuersalia* comparate cum transgressionibus singularibus), *infinitatem* laesionum legis, proinde culpa, in se continet (quod coram iudicio humano longe secus est, quod duntaxat delictum singulare, proinde tantummodo factum ad illudque relatum mentem, non vero generalem, contemplatur), quique homini *poena infinita* foret relegatioque ex regno dei expectanda.

Enodatio huiusce difficultatis posita in iis est, quae nunc sequuntur. Sententia iudicialis scrutatoris animorum vt ea cogitanda est, quae ex generali mente accusati, non vero ex phaenomenis eius, actionibus ab lege abhorrentibus, cum eaue concinentibus effecta sit.

Iam hic in homine mens bona supponitur principium, antea potens in eo, superans, et nunc quaeritur: an consequens morale principii mali, poena (siue effectum displicentiae diuinae ex subiecto), etiam possit ad statum eius in mente emendata referri, in qua is iam res est obnoxia complacentiae diuinae. Cum hoc loco non quaeratur: an etiam ante mutationem animi poena illi decreta cum iustitia diuina conspiraret (de quo quippe nemo dubitat), *debet* ea (in hac inuestigatione) non vt ante emendationem ab eo sumta cogitari. Neque ea vero *vt post illam* potest, cum homo iam nouam vitam degit, moraliterque homo alius est, huic nouae qualitati eius (hominis deo accepti) consentanea sumi, nihilominus tamen summae iustitiae, coram qua sons non potest poena vacare, satis faciendum est. Cum ea ergo nec *ante* nec *post* mutatum animum sapientiae diuinae conueniens sit, et tamen necessaria: ea vt in statu mutationis animi ipso illi conueniens atque irrogata cogitanda erit. Igitur nobis anquirendum erit, an in hoc posteriori iam per conceptum animi moraliter mutatae mala vt complexa queant cogitari, quae homo nouus bona mente praeditus vt ante se (alio respectu) promerita possit, atque vt eiusmodi *poenas* considerare, *) qui-

*) Hypothesis: omnia in mundo malo vniuerse qua poenas perpetratarum transgressionum considerandi, non tam in gratiam theodiceae cuiusdam, vel vt inuentum in vsum cultus excogitata, sumi potest; (ea enim vulgarior est, quam quae tam artificiose possit excogitata esse), verum sine dubio rationi humanae admodum vicina est, quae prona fertur ad cursum naturae legibus moralitatis aduertendum, quaque inde perquam naturaliter cogitationem producit: nos ante meliores fieri homines studere debere, quam postulare queamus, a malis vitae liberari, aut ea maiori salute compensari. — Idcirco primus homo (in scriptura sacra), vt ad laborem, si vesci vellet, damnatus; vxor ad liberos cum dolore pariendos, ambo ad moriendum, *propter transgressionem eorum*, proponebantur, quamquam non potest intelligi, quomodo, etiam si haec commissa haud fuerit, res creatae animales talibus membris artibusque instructae aliam ; otuissent destinationem sperare. Apud *Hinduos* homines

bus iustitiae diuinae fiat satis. — Nimirum mutatio animi consistit in exgressu a malo, ingressuque in bonum, in deponendo vetere induendoque homine nouo, cum subiectum peccato (proinde quoque cunctis inclinationibus, quatenus ad illud mouent) vltimum quasi vale dicit, vt iustitiae viuat. In ea vero, vt determinatione intellectuāli non duo per interuallum temporis separati actus morales insunt, sed solum vnus est, quoniam fieri non potest vt malum relinquatur, nisi per mentem bonam, qua introitus in bonum efficitur, et sic vice versa. Ergo principium bonum in relinquendo mala pariter, atque in adipiscenda mente bona continetur, dolorque, qui alteram illam iure comitatur, totus ex hac altera existit. Exitus e mente corrupta in bonum, vt („mors in homine vetere; crucifixio carnis“) per se iam iactura est institutioque catenae longae malorum vitae, quae homo nouus in mente consilioque filii dei, nempe solum propter bonum, suscipit; quae vero tamen propriae alii cuidam, nimirum veteri (hic enim moraliter alius est) vt *poena* competerent. — Igitur quamquam *physice* (quoad characterem empiricum, vt natura sensibilis, spectatus) idem homo poenae obnoxius sit, et qua talis coram iudicio morali, proinde quoque ab se ipso iudicandus est, tamen in mente noua sua (vt natura intelligibilis) coram iudice diuino, coram quo haec de facto respondet, *moraliter* alius est, eaque in puritate sua, velut, quam in se recepit, puritas filii dei, aut (si hanc ideam persona induamus), *hic* ipse pro eo, atque ita quoque pro omnibus, qui fide illum (practice) recipiunt, tamquam *vicarius* culpam sustinet peccatorum, iustitiaeque diuinae cruciatibus et morte satis facit vt *redemptor*, et vt *causae patronus* efficit, vt sperare possint, coram iudice suo sese absolutos comparituros.

non sunt, nisi spiritus corporibus animalibus in poenam pristinorum criminum inclusi (qui *dewas* dicuntur), ipseque philosophus quidam (*Mallebranchius*) brutis potius nullas animas nullosque proinde sensus tribuere volebat, quam concedere, equos tantos oportere sustinere cruciatu, „neque tamen de foeno vetito comedisse.“

fore, ita tamen, (vt in hoc repraesentandi modo) illum cruciatum, quem nouus homo, dum *veteri* moritur, in vita perpetuo suscipere debeat, *) in vicario generis humani mors semel pro omnibus excepta repraesentatur. — Hic igitur cumuli ad meritum operum accessio, supra desiderata, meritumque, quod solum *per gratiam* nobis imputatur. Etenim vt id, quod in nobis hac in terrestri vita (fortasse etiam vniuersis tempori-

- *) Vel purissima mens moralis in homine vt natura mundana tamen non nisi fieri producit continuum subiecti deo accepti quoad factum (quod in mundo sensibili deprehenditur), producit. Secundum qualitatem (cum ea suprasensibiliter *fundata*, cogitanda est) debet ea quidem et potest sancta esse atque prototypo suo consentanea; sed quoad magnitudinem qualique gradum, — quomodo se in agendo manifestat, — semper manca et imperfecta manet, ab illaque priori infinite longe remota. Nihilominus haec mens, quoniam rationem continet progressus continui in hac imperfectione supplenda, vt vnitas intellectus totius, *locum* tenet *actionis* in ea absoluenda. Sed nunc quaeritur: potestne is, „in quo nullus locus condemnationi est,“ aut debet esse, se iu t. m. putare, et nihilominus cruciatus, in quo in via ad maius bonum offendit, etiamnum vt *poenas* sibi imputare, proinde eo sese obnoxium poenae, ideoque mentem deo displicentem confiteri? Ita, sed tantummodo in qualitate hominis, quem continuo exsistit ac deponit. Quod sibi in qualitate illa (veteris hominis) vt poena competeret (idque omnes cruciatus et mala sunt vitae in genere), id in qualitate hominis noui lubenter, solum propter bonum, suscipit; ergo ei eatenus et qua tali haud imputantur vt poenae; verum sententia vocabuli haec est: omnia, quae ei accidunt, mala cruciatusque, quae homo *vetus* sibi vt poenas imputare debuisset, et quae etiam, quatenus ei moritur, vere qua talem imputat, ea, quo homo nouus, pro tot occasionibus explorandae exercendaeque mentis suae ad bonum libenter accipit, cuius ipsa illa punctio in effectis est simulque causa, ideoque illius tranquillitatis *felicitatisque moralis*, quae in conscientia progressus sui in bono (qui idem actus est cum directione mali) consistit; contra eadem mala in mente veteri non solum vt poenae debuissent valere, verum quoque qua tales *sentiri*, quoniam vel vt mera mala spectata, illi tamen directo contraria sunt, quod homo in tali mente vt *felicitatem physicam* sibi solum proponit.

bus in omnibusque mundis) semper tantummodo in *fiendo* est (nempe homo deo acceptus) nobis statim, ac si iam his in possessione illius plena essemus, imputetur, id sane nullo iure postulare possumus (secundum nostri ipsius cognitionem empiricam); quantum quidem nosmet ipsi cognoscimus (mentem nostram haud proxime, sed modo ex actionibus nostris metimur), ita ut accusator in nobis potius sententiam condemnatoriam suaderet. Igitur ea semper sententia tantummodo per gratiam, quamquam (tamquam in satisfactione fundata, quae nobis tantummodo in idea inest mentis emendatae, quam vero deus solus nouit), iustitiae diuinae prorsus conueniens, cum propter bonum illud in fide, ab omni nos exculpatione liberamur.

Iam adhuc quaeri potest, an huius *ideae iustificationis* hominis culpa quidem onerati, sed tamen ad mentem deo acceptam transgressi deducendae ullus quippiam usus practicus sit, et quinam inesse possit. Non potest intelligi, qualis eius usus fieri *possit* religioni vitaeque possit; cum in inuestigatione illa conditio fundamento sit, ut is, ad quem ea pertinet, mentem bonam, quae postulatur, iam vere habeat, ad quam euoluendam promouendamque omnis usus practicus conceptuum moralium proprie spectat; solatium quidem eiusmodi mens ei, qui eius sibi met conscius est (ut solatium ac spem, non vero ut certitudinem), iam iam adfert. Ergo ea eatenus modo responsio est ad quaestionem contemplatiuam, quae vero idcirco non potest silentio praeteriri, quoniam alioquin rationi posset obiici, eam nullo modo posse spem hominis reatu absoluendi cum iustitia diuina conciliare; quod quidem opprobrium foret, quod illi respectu vario, potissimum morali, posset noxium esse. Verum utilitas *negatiua*, quae inde religioni potest et moribus in usum cuiusque hominis effici, latissime patet. Namque ex illa deductione patet, non nisi supposita animi mutatione tota posse hominis reatu grauati coram caelesti iustitia absolutionem cogitari, proinde vniuersis expiatio-

nibus, siue luentibus, siue solemnibus, vniuersis inuocationibus et celebrationibus (ipsius idealis vicarii filii dei) defectum vniuersae animi mutationis non posse compensari, aut, si haec adsit) eius valorem coram iudicio vel minimum posse augeri; hoc ideale enim in mentem nostram, oportebit, receptum sit, vt vicem queat actionis sustinere. Alia quaestio est: quid homini de acta vita sua *in fine eius* sperandum sit vel metuendum. Hic primum characterem suum certe quodam modo noſcat, necesse est; igitur, etiamsi putet, mentem suam meliorem factam esse, veterem (corruptam) mentem, vnde egressus est, quamque reliquit, simul consideret, et quid quantumque de corrupta mente deposuerit, *qualemque* (puram impuramue) pariter ac quam *magna* meus noua opinata sit, intelligere possit, vt veterem illam vincat, caueatque ne rursus in eam relabatur; ergo illi tota vita perscrutanda erit. Cum igitur verae mentis suae per conscientiam proximam nullum prorsus certum determinatumque possit conceptum nancisci, sed tantummodo ex vita ante acta sua intelligere; non poterit sententiae futuri iudicis (conscientiae in se ipso expergefactae, simul cum cognitione sui ipsius empirica arcessita) alium sibi statum ad sese conuincendum cogitare, quam fore, vt aliquando *tota vita sua* sibi ob oculos ponatur, non solum illius particula, vltima fortasse, solaque faustissima; cum eo vero sponte prospectum in vitam vltius propagatam (nullis hic sibi terminis designatis), si diutius durasset, coniungeret. Hic autem non potest mens antea cognita facti vicem sustinere, sed vice versa, ex facto sibi praesentato homini mens sua est intelligenda. Quid putas? num solum haec cogitatio, quae homini (qui haud fere pessimus sit, oportebit, multa in memoriam reuocat, quae alioquin ex leuitate animi dudum neglexerat, etiamsi illi non diceretur, nisi, esse, cur credat, se aliquando coram iudice, compariturum, de sorte futura illius ex vita huc vsque acta iudicabit? Si iudicem in homine, qui in eo ipso est, interrogas; se ipse seue-re iudicat, neque enim ratio potest corrumpi; sin au-

tem illi alium iudicem proponas, si de eo ex aliis viis edoctum te ei ostendas, tum multa habet, quae contra seueritatem illius adferat, deprompta ex fragilitate humana, omninoque cogitat illum mouere, vt siue se ipsum excruciendo, per mentem poenitentem, non vere sese emendandi cupidum poenae praueuiat, aut precibus eum et supplicationibus flectat, etiam formulis confessionibusque pro fidei venditatis emolliat; et cum eius rei spes illi ostenditur (ex prouerbio: finis coronat opus); tum iam mature consilium init, ne temere plus iacturae faciat in vita laeta, in propinquoque fine illius celeriter calculos in suam rem subducatur. *)

SECTIO POSTERIOR.

DE IURE PRINCIPII MALI IN IMPERIUM IN HOMINE ET CERTAMINE AMBORUM INTER SE INVICEM PRINCIPIORUM.

Scriptura sacra (partis christianae) hanc adfectionem moralem intelligibilem forma indutam historiae proponit, cum duo, instar caeli et inferni, sibi inuicem contraria in homine principia, vt personae extra eum, proposita, non solum vim erga se inuicem tentare, ve-

*) Iis, qui in extrema vita clericum ad se iubent arcessere, solet plerumque hoc propositum esse: vt *consolatorem* habeant: non de cruciatibus *physicis*, per morbum postremum, vel modo per naturalem mortis metum allatis (de his enim mors ipsa, eos finiens, consolari potest), verum de *moralibus*, nimirum de opprobriis conscientiae. Quae quidem tunc *excitanda* potius *acuendaque* foret, ne, quod boni adhuc fieri posset ac deberet, malitiae in effectis suis relictis reparari, vilo modo negligeretur, pro eo, ac monemur: „esto aduersario tuo paratus (ei, cui ius competit contra te), dum adhuc cum eo in via sis (id est, donec viuas) vt ne te iudici (post mortem) tradat, et sic porro.“ Contra si quasi opium conscientiae dederis, in eo ipso aliisque illi superstitiis peccabis; id quod prorsus fit contra scopum, in quem eiusmodi conscientiae curator in vitae exitu potest necessarius iudicari.

rum etiam (vna pars vt accusator, altera vt patronus hominis) petitiones suas quasi coram summo iudice *per ius* obtinere volunt.

Homo originarie omnium bonorum terrae fuit institutus (Genes. I, 28.) ita tamen, vt haec tantummodo instar dominiū vtilis sub creatore suo ac domino, vt domino directo possideret. Simul natura mala (quomodo ea mala facta sit, vt a domino suo descisceret, cum tamen originarie bona esset, ignotum est) proponitur, quae per defectionem omni, quod in caelo tenuerat, dominio priuata, aliud sibi in terris comparare conatur. Cum autem ei, vt naturae excellentioris generis vt spiritui — res terrenae et corporeae nullam queant fruitionem concedere, dominium eo quaerit *animorum*, vt primos omnium hominum parentes a domino suo ad defectionem sollicitet atque ad sese transferat; quo fit, vt sic dominum se omnium terrae bonorum supremum, nimirum huius mundi principem constituat. Iam mirum quidem videri posset, cur deus contra istum proditorem haud vteretur potentia sua, regnumque, cuius fundandi consilium moliretur, non potius in primordio euerteret;*) sed imperium gubernatioque sapientiae summae in naturas rationales cum iis agit ex principio libertatis, et quod boni iis malitiae accidere debet, id sibi ipsis imputare debent. Hic igitur, in ignominiam fraudemque principii boni, regnum fuit mali fundatum, cui omnes, qui ab Adamo (per naturam) descendunt, homines subiecti sunt, et cum suo quidem ipsorum consensu, quoniam praestigiae bonorum huius mundi adspectum eorum a voragine perniciiei remouerent, cui essent seruati. Prospexit sibi qui-

*) Pater *Charlevoix* narrat: catechumenum Irokesium, cui omnia mala dinumerasset, quae malus spiritus in creationem initio bonam intulerit, et quomodo etiam nunc optima instituta diuina conaretur euertere, indignabundum interrogasse: ac quidni deus diabolum interficit? Ad quam interrogationem, ingenue fatetur, se nullam potuisse subito responsionem inuenire.

dem principium bonum de iure suo in imperio in hominem constituta forma cuiusdam regiminis, solum ad nomen eius publice vniceque colendum instituti (in theocratia *Iudaica*), cum autem animi subditorum illius nullis paterent elateribus aliis, nisi bonis huius mundi, nec proinde aliter, quam praemiis poenisque vellent hac in vita gubernari, contra quoque nullarum aliarum legum essent capaces, quam quae partim caerimonias molestas ritusque imponderent, partim morales quidem, sed eas modo, in quibus vis coactioque externa locum haberet, ideoque tantummodo ciuiles essent, in quibus intestinorum mentis moralis nulla prorsus ratio haberetur; hoc institutum regno tenebrarum haud adeo quidpiam detraxit, sed fecit potius tantummodo, vt ius inextinctum atque indelebile domini primi semper in memoria conseruaretur. — Iam in eodem populo tempore, quo hic omnia mala constitutionis hierarchicae supra modum experiretur, et qui cum eo, tum forte doctrinis libertatis moralibus philosophorum Graecorum animum seruilem concutientibus, quae paullatim vim suam in iis exfererent, ad sese reuocatus, proinde ad conuersionem maturus, subito persona prodiit, cuius sapientia purior, sapientia philosophorum, qui huc vsque fuissent, quasi caelitus descendisset, et quae se ipsam quoque, respectu doctrinarum atque exempli, verum quidem hominem sese, sed tamen legatum eiusmodi originis profiteretur, qui in innocentia originaria pacto, quod reliquum genus humanum per vicarium suum, primum hominem, cum principio malo inierat, haud contineretur, *) et „in quo principi mundi nulla „potestas esset.“ Quo quidem huius imperium periculo expositum fuit. Quodsi enim homo deo acceptus tentationi-

*) Personam ab innata ad malum propensione liberam ita sibi vt possibilem cogitatione informare, vt eam nasci ex matre virgine facias, idea est rationis ad instinctum quemdam moralem difficulter enodandum, sed tamen haud negandum sese accommodandis; cum scilicet generationem naturalem, quoniam sine voluptate sensitua vtriusque partis fieri non potest, ea vero tamen quoque in propiori nos (quam par est

bus eius resisteret, in communionem pacti veniendi, si alii quoque homines eandem mentem fide adoptarent, tum totidem subditos amitteret, regnumque coadduceretur discriminis, ut prorsus euerteretur. Hic igitur pollicitus, eum se socium regni totius declaraturum, si modo se vellet ut dominum illius agnoscere. Cum iste conatus haud successisset, isti alienigenae in solo suo cuncta eripuit, quibus vita terrestris eius reddi iucunda posset (vsque ad summam egestatem) etiam vexationes omnes erga illum excitauit, quibus mali homines possunt exacerbari, aduersitates, quas solum homo bene ab natura informatus profundius in se persentiscit, calumnias sinceri doctrinarum eius finis (quo om-

hominis dignitati) cum generali genere animalium cognitione ponere videtur, pro eo accipiamus, cuius nos oporteat *puere*; — quae quidem repraesentatio sine dubio vera causa fuit putativae ordinis monachorum sanctitatis; — quod proinde nobis quidpiam moralitati contrarium, a perfectione hominis alienum, tamen naturae eius implantatum, id eoque ad posteros ut malum initium haereditate veniens videtur. — Cui quidem obscurae (partim solum sensibili, partim vero tamen morali, proinde intellectuali) repraesentationi idea partus a communione sexus vacua (virginalis) paruuli nullo morali vitio infecti bene consentanea est, verum haud libera a difficultatibus in theoria (cuius vero respectu inutile est quidpiam respectu practico determinari). Etenim ex hypothese epigenesos mater per generationem naturalem a parentibus oriunda vitio isto morali inquinata esset, quod saltem ex parte dimidia etiam in generatione supranaturali ad paruulum haereditate transferret; proinde, ne istud fieret, systema *praeexistentiae* furculorum in parentibus, verum quoque haud evolutionis in parte *feminina* (quippe quo illud consequens haud evitaretur) sed in *virili* solum (non oculorum systema, sed animalculorum spermaticorum) adsumendum foret; quae pars igitur in gravitate supranaturali cessat, atque ita illi ideae theoreticae convenienter posset iste repraesentandi modus defendi. — Quem vero in finem vniuersa theoria ista, vel pro vel contra, si ad rationem practicam vitaeque actionem satis est, ideam illam ut symbolum naturae humanae se ipsam supra tentationem ad malum euehens (huic fortiter obfistens), nobis exemplo proponi?

nes illi adsecelas abalienaret), vexauitque eum ad mortem vsque crudelissimam, neque tamen quidquam hanc impugnatione constantiae eius libertatisque in docendo viuendo pro salute indignorum contra illum effecit. Et iam euentum huius certaminis, age, contemplemur. Euentus eius vel vt *iuridicus* potest, vel vt *physicus* spectari. Respectu euenti physici (quod sub sensus cadit), principium bonum inferius est; in hoc certamine vita illi, multas aerumnas cruciatusque perpeſſo, amittenda fuit, *) quoniam in alieno imperio (potente) seditio- nem excitaret. Cum autem regnum, in quo *principia* potestatem tenent (siue bona illa sint, siue mala), haud regnum naturae est, sed libertatis, hoc est, in

*) Non vt (quemadmodum *Babrdius* fabulose confinxit) mortem *quaereret*, ad consilium bonum, exemplo splendido, quod conspectum hominum in sese conuerteret, promouendum; id quod autochiria fuisset. Nam licet quidem mortis periculo quidquam auderi, vel etiam mortem ab alieni manu accipi, si ea non possit euitari, nisi officium deserueris haud remittendum, non vero de te vitae tuae vt adiumento, quemcumque in finem fiat, decernere atque ita *auctorem* mortis tuae videri. — Nec vero etiam eo consilio, vt (quomodo auctor fragmentorum *Guelferbitensium* suspicatur) vitam haud ex consilio morali, sed solum politico, verum illicito, fere ad euertendum regimen sacerdotum, eorumque in locum se ipsum sufficiens, ausus sit; quippe quocum pugnat admonitio illius, missa iam spe illius conseruandi, ad discipulos facta in sacra coena, vt eam repeterent in eius memoriam; quae quidem admonitio, si recordatio esse illa frustrati finis mundani debuisset, monitum acerbum, inuidiam auctori excitans, proinde secum ipsum pugnans fuisset. Nihilominus tamen haec recordatio frustratum poterat finem bonum pure morale magistri spectare, nimirum eo adhuc viuo ad conuersionem *publicam* (in religione) euertenda fide caerimoniali omnem mentem morale expellente, tollendaque sacerdotum illius auctoritate, efficiendi (quo quidem consilium, discipulos in prouincia dissipatos in paschate congregandi, poterant pertinere): quam, sane etiam nunc dolendum est, prosperum successum non habuisse; quae vero tamen haud irrita facta est, sed post mortem eius in conuersionem religionis transit, occulte sese, sed in multis vexationibus dispergentem.

quo de rebus non potest quidpiam statui, nisi quatenus imperium teneas animorum, in quo proinde nemo servus est (glebae addictus) quam is, qui velit et quo usque velit: haec ipsa mors (summus cruciatuum gradus in homine) exhibitio principii boni, nempe humanae naturae, in perfectione morali sua, exemplo ad imitandum cuique proposita. Repraesentatio illius et debuit et potuit suo quoque tempori, quin cuique tempori potest summam vim habere in animis humanis; propterea quod libertatem caeli liberorum servitutemque solius filii terrae cum maxime ea distinguit. Principium bonum autem non solum certo quodam tempore, verum inde ab origine generis humani modo inuisibili de caelo in humanam naturam descendit (vti cuique fatendum est, qui ad sanctitatem illius, et simul incomprehensibilitatem coniunctionis eius cum hominis natura in initiis moralibus animum aduertit), in eaque iure primum domicilium occupat. Cum illud igitur in homine vero vt exemplo omnibus proposito sese ostenderet, „venit in „possessionem suam, nec sui eum receperunt, qui eum „vero recepissent, iis copiam fecit nominis liberorum „dei, quatenus in nomine eius fiduciam suam collocarent;“ id est, exemplo illius (in idea morali) portam aperit libertatis cuique, qui perinde, atque ipse, vniuersis iis cupiant emori, quibus in perniciem honestatis (moralitatis) ad vitam terrestrem vinculis adstricti tenentur, in iisque sibi colligit „populum qui diligenter laboret in bonis operibus, proprium“ sub suumque imperium, interea dum eos, qui servitutem moralem praeferunt, eorum imperio relinquit.

Ergo exitus huiusce certaminis moralis ex parte herois huius historiae (vsque ad eius mortem) proprie non est *superatio* principii mali; eius enim regnum etiamnum durat, et sine dubio nouum tempus expectandum est, quo debeat illud euerti, — sed modo deminutio eius potentiae, eos, qui tamdiu ei subiecti fuerint, haud inuitos retinendi, dum aliud illis imperium morale (vlli enim cuiquam homo subfit, necesse est) pro asy-

lo aperitur, in quo tutelam possint moralitatis suae invenire, si vetus cupiunt relinquere. Caeterum principium malum etiam nunc princeps huius mundi vocatur, in quo, qui principium bonum sectantur, prompti sint semper paratique ad cruciatus physicos, faciendas iacturas, amorisque sui offensiones subeundos, quae cuncta hic tamquam vexationes principii mali depinguntur, quoniam istud iis modo, quibus scopus in salutē terrestri cernitur, praemia in regno suo pollicetur.

Facile intelligitur, hunc repraesentandi modum viuidum et pro tempore suo probabiliter vnum popularem, velamine mystico exsutum (mentem eius sensumque rationalem) ad vniuersum mundum, omnique tempore valuisse, et vim obligandi habuisse, quoniam cuique homini satis in propinquo est, ut de eo, quid in officio sit, cognoscat. Hic sensus in eo consistit, quod nulla omnino salus sit hominibus nisi intime vera genuinaque decreta moralia in mentem suam recipiant: quod huic receptioni haud fere saepenumero incusata illa sensualiter, sed certa quaedam peruersitas sponte contracta, aut, quomodo hanc vitiositatem vocaueris, deceptio (dolus Satanae, quo malum in mundum venit), contra agit, quae quidem corruptio in omnibus hominibus inest, nulla re potest superari, nisi per ideam boni moralis in tota puritate sua, per conscientiam, eam reapse ad initia nostra originaria pertinere, et tantummodo operam nauandam esse, ut ab omni admixtione impura libera seruetur, eamque alte in mentem nostram infigamus, quod ex effectione eius in animo certi fiamus, vires metuendas mali nihil quidquam contra eam efficere (portas inferni haud superare) posse, et, ne defectum huius fiducia *superstitiose* per expiationes, quae nullam animi supponunt mutationem, aut *fanatice* per illustrationes putatitias (solum passiuas) expleamus, atque ita a bono in actione spontanea fundato vsque teneamur remoti, nullam nos aliam subiicere notam debere, quam vitae praeclare actae. — Caeterum labor, cuiusmodi praesens est, in scriptura eum sensum eru-

di, qui cum *sanctissimo*, quod ratio docet, conuenit, sed potius in officio ducendus est, in quo quidem ea in memoriam reuocari possunt, quae *sapientissimus* doctor ad discipulos de hominē quodam dixit, qui, peculiarem viam *) ingressus, postremo ad eandem metam, necesse erat, perueniret: „nolite eum impedire; qui enim „haud contra nos est, pro nobis erit.“

SCHOLION GENERALE.

In religione morali (quae non in traditionibus et ritibus poni debet, verum in consilio animi ad facienda officia humana, vt praeceptora diuinora suscepto) constituenda, omnibus, quae historia cum eius introductione coniungit, miraculis, fides miraculorum ipsa omnino tandem, necesse est, superuacanea reddatur; nam nota permagnae incredulitatis moralis reprehendendae est, si praeceptis officii, vti originarie sunt eordi hominis per rationem insculpta, haud velis auctoritatem idoneam concedere, nisi praeterea iis per miracula fides facta videatur: „nisi signa videritis et miracula, nullam fidem habetis.“ Iam vulgari hominum ingenio prorsus consentaneum est, vt, si, religione cultus rituumque abrogata, alia in spiritu ac veritate (mente morali) fundata in locum eius collocari debeat, huius introductio, quamquam eius rei haud indigeat, in historia insuper miraculis stipetur quasque exornetur, vt finis illius, cuius nulla omnino sine miraculis auctoritas fuisset, annuncietur: quin ita quoque, vt ad sectatores illius prioris conuersioni nouae conciliandos, vt typus antiquior nunc completus eorum, quae in hac posteriori pro scopo essent prouidentiae, explicetur, et eiusmodi rerum statu inutile erit, narrationes illas vel interpretationes nunc impugnari, cum vera religio semel adest, et nunc et in posterum quoque se ipsa potest tueri, quae suo quondam tempore eiusmodi adminicu-

*) Quam, concedi potest, haud vnam esse.

lis introducenda fuit; nisi forte sumferis, fidem solam et repetitam professionem rerum incomprehensibilium (id quod quisque potest, neque tamen idcirco homo melior sit, vel vniquam ea re fiat) modum esse eumque solum deo placendi; quae quidem opinio summa vi erit impugnanda. Esto igitur, vt persona doctōris religionis vnius vniuersis mundis valentis mysterium sit, eius aduentus in terris, vti discessus ex iis, vita eius actiosa et cruciatus non nisi miracula sint, atque etiam vt historia, quae narrationi omnium miraculorum istorum fidem debeat facere, ipsa quoque miraculum (revelatio supranaturalis) videatur: cunctis poterimus pretium concedere, quin velamen quoque venerari, quod fecit, vt doctrina, cuius fides in documento nititur, in vnoquoque animo indelebiliter adseruato, nulliusque miraculi indiget, palam acciperetur; si modo, quoad vsum harum narrationum historicarum, haud partem religionis statuamus, scientiam, fidemque et confessionem esse quidpiam, quo reddere nos deo acceptos possumus.

Ac fidem quidem miraculorum in genere videmus ab hominibus prudentibus, etiamsi ab ea sese nolint abdicare, numquam velle practice emergere; quod idem est, ac: credunt quidem, quantum attinet ad *theoriam*, eiusmodi miracula esse, sed in *actionibus* nulla omnino statuunt. Idcirco rectores ciuitatum sapientes semper quidem concessere, atque etiam in publicis religionis doctrinis opinionem legaliter reposuerunt, olim miracula facta esse, sed *noua* miracula haud concessere. *) Etenim miracula vetera paullatim tam ita

*) Ipsi religionis doctores, articulos fidei cum auctoritate regiminis coniungentes (orthodoxi) ea in re eandem normam sequuntur. Quamobrem *Pfennigerus*, cum familiarem suum, celeberrimum *Lauaterum*, propter adsertam ab eo fidem miraculosam etiamnum possibilem, defenderet, iure optimo eorum inconstantiam reprehendit, quod (nam ab iis, qui ea in re rationem sequuntur *naturalistarum*, discessit), cum tamen patratores miraculorum, qui septemdecim abhinc se-

determinata erant, et per magistratum circumscripta, ut nulla posset confusio eare in republica designari, de nouis vero miraculorum patratoribus sane propter effecta vigilandum erit, quae in tranquillitatem publicam, ordinemque institutum possent inde redundare. Si autem quaeras: quae vis vocabulo *miraculi* subiicienda sit, possunt (cum nostra proprie solum intersit, ut sciamus, quidnam ea *nobis* sint, id est, vsui rationi practico nostro), ea definiri per euenta in mundo, quorum causae *leges efficientiae* omnino nos lateant, et latere debeant. Tum vel poteris vel *theistica* miracula, vel *daemonica* cogitatione informare, et daemonica rursus in *angelica* (agathodaemonica) et *diabolica* (cacodaemonica) describere, ex quibus vero proprie tantummodo diabolica citantur, quoniam *angeli boni* (nescio qua de causa) parum vel nihil de se sermonis ostendunt.

Iam quod miracula *theistica* attinet; sane quidem de legibus efficiendi causae illorum (ut entis omnipo-

culis in coetu christiana exstitisseat, adfererent, nollent nostro tempore ullos amplius statueret, neque tamen possent ex sacra scriptura docere, aliquando eos et quando prorsus debere cessare (nam argutatio, eos nunc amplius necesse esse, arrogantia est maioris intellectus, quam quem homo sibi debeat tribuere), eamque probationem nondum dedere. Igitur duntaxat norma fuit rationis, ea haud concedendi, nec ex intellectu obiectiuo venit opinio, ea nulla esse. Nonne autem eadem norma, quae semper rationem habet perturbationis in republica metuendae, etiam ad similem perturbationem valeat in republica philosophante omninoque rationi conuenienter cogitante? — Ii, qui *magna* quidem (multitudinem percellentia) miracula haud concedunt, sed *parua* modo sub titulo *directionis* cuiusdam *extraordinariae* liberaliter concedunt (quoniam haec, ut solae directiones, paucis causae supranaturalis viribus indigent), haud cogitant, ea in re haud de effecto agi eiusque magnitudine, verum de forma cursus mundani, scilicet de *modo*, quo illa fiant, utrum naturali, an supranaturali, nullumque coram deo discrimen facilius posse ac difficilius cogitari. Quod autem *mysteriosum* secretumque spectat contagionum supranaturalium: eiusmodi studiosa occultatio grauitati euenti eiusmodi multo minus consentanea est.

tentis etc. et praeterea moralis), cogitationem concipere possumus, sed modo *uniuersalem*, quatenus illud ut creatorem mundi ac moderatorem secundum ordinem tum naturalem cogitamus, quoniam legum huiusce proxime possumus ac per se notitiam haurire, qua tum uti ratio potest. Sin vero sumamus, deum subinde concedere, ut natura ab hisce legibus suis deflectat; ne minimam quidem cogitationem habebimus, neque eam nos umquam accepturos esse sperare legis, ex qua deus tunc in eiusmodi euento praeparando agat, (praeter *uniuersalem moralem*, vniuersa, quae faciat, bona fore; qua vero respectu huius euenti singularis nec quidquam determinatur). Hic igitur ratio quasi contrahitur, propterea quod in negotio suo ex legibus notis impeditur, nulla vero noua edocetur, neque vlllo umquam tempore edoctum iri potest sperare. In his autem miracula daemonica omnium minime sunt cum vsu rationis nostrae concilianda. Nam *theisticorum* quidem tamen saltim notam vsui suo negatiuam habere posset, nimirum quod, si quidpiam ut ab deo in phaenomeno proximo illius praeceptum repraesentetur, tamen id directe moralitati aduersatur, ut maxime species sit miraculi diuini, tamen non posse tale esse (si, ut hoc utar, pater iuberetur, ut filium, quantum sciat, prorsus innocentem, occidat); sumto raro miraculo daemoniaco ea nota cessat, et si e contrario in gratiam eorum notam positiuam contrariam adhibueris: nimirum, quod, si eo inuitatio fiat ad actionem bonam, quam per se iam pro officio agnoscimus, ea non sit a spiritu malo profecta, tam tum prorsus errare posses; hic enim dicitur saepenumero angelum lucis simulare.

In actionibus igitur fieri non potest ut miraculorum rationem habeas, aut in vsu rationali (quippe qui per omnem vitam necessarius est) adhibeas. Iudex (ut maxima sit miraculosa fide in templo praeditus) praetextum hominum maleficum de tentationibus diabolicis; quas passum se perhibet, negligit, quasi nihil omnino dictum foret; quamuis, cum hanc causam ut pos-

sibilem spectaret, tamen dignum foret, quod quodam modo spectetur, hominem simplicem ex plebe in laqueos incidisse mali versutae calliditatis; verum hunc non citare potest, vtrumque comparare, vno verbo, nihil quidquam, quod rationi conueniat, inde efficere. Idcirco clericus prudens sane sibi prouidebit, ne mentem eorum, qui curae suae demandati sunt, historiis oneret ex *Proteo infernali* depromtis, eorumque phantasia efferatur. Sed miracula quidem boni generis ab hominibus in negotiis solum vt phrasas vsurpantur. Sic medicus, aegroto, ait, nisi forte miraculum fiat, nulla medela est, id est, profecto morietur. — In negotiis est et scrutatoris naturae, causas euentorum in eorum legibus physicis conquirentis; in legibus physicis dico istorum euentorum, quae proinde per experientiam potest probare, etiamsi nullam se concedit notitiam habere eorum, quae ex legibus istis agunt, perse, aut quid respectu alius cuiusdam, qui nobis esse possit, sensus fuerint. Pariter moralis hominis mutatio negotium est illi incumbens, et licet etiamnum vires caelestes cooperentur, aut ad explicandam possibilitatem illius necessariae reputentur; nescit eas nec ab naturalibus discernere, nec quasi sic caelum ad se deuocare; cum igitur iis vti haud proxime queat, *statuit* eatenus nulla miracula, verum si praecepto rationis obediat, perinde agit, ac si omnis mutatio animi emendatioque solum a sua ipsius diligentia adhibita pendeat. *) At per donum *firmiter* miracula theoretice credendi, ea fere quoque ipse efficiendi atque ita caelum impugnare possis, nimium vltra carceres rationis euagatur, quam vt diu possimus in absona absurdaque cogitatione immorari. **)

*) Idem est atque, fidem miraculosam haud recipit in normas suas (neque theoreticae rationis, neque practicae), neque tamen possibilitatem eorum, vel existentiam impugnat.

**) Exitus est, quem solent ii quaerere, qui credulis artes *magicas* praestigiantur, aut eos certe generatim volunt credere, quod ad confessionem prouocant physicorum de *igno-*

CAPUT TERTIUM.

VICTORIA PRINCIPII BONI DE MALO
CONSTITUTIOQUE REGNI DEI IN TERRIS.

Certamen, quod cuique moraliter bene animato duce principio bono aduersus impugnationes mali, hac

rantia sua. Non nouimus causam grauitatis, virtutis magneticae, id genus aliorum. — Sed leges tamen eorum nouimus satis plene, determinatis circumscriptionibus ad conditionem adstrictis, quibus solis certa quaedam effecta eueniunt; idque satis est, cum ad certum usum virium earum rationalem, tum quoque ad enodanda earum phaenomena, secundum quid, *deorsum* in usum earum legum, ad experientias illi subordinandas, etsi haud simpliciter ac *fursum*, ad causas ipsas virium secundum eas leges efficientium perspicendas. — Quo quidem internum quoque phaenomenon intelligentiae humanae comprehendi potest: quare scilicet miracula sic dicta naturae, hoc est, phaenomena satis fide digna, quamquam mira; vel qualitates rerum, quae emergunt, inexpectatae a legibusque naturalibus huc usque notis abhorrentes cupide adprehendantur, animumque *excitent*, dum tamen naturales putantur, qui e contrario annunciatum miraculo *delicuntur*. Illis enim prioribus prospectus aperitur noui rationi parienti alimenti; ea quippe *spem* faciunt, nouarum legum naturalium aperiendarum. Cum autem ratio legibus empiricis prluatur, tum in eiusmodi mundo fascinato ad nullam omnino rem amplius utilis est, ne ad usum quidem moralem in ea, ad officium faciendum; haud enim nouimus, an in ipsis elateribus moralibus; nobis insciis, per miracula mutationes fiant, in quibus nemo discernere possit, vtrum eas nobis ipsis, an alii cuidam causae haud peruestigabili attribuere debeamus. — Ii, qui ea sunt facultate iudicandi, vt sine miraculis haud se posse expedire opinentur, offendiculum, quod ratio in eo capit, eo putant minui, quod sumunt, ea duntaxat *raro* fieri. In quo quidem si ea mens eorum sit, istud iam in conceptu miraculi inesse (quia, si eiusmodi res frequenter fieri soleret, ea non pro miraculo declaratum iri videretur): hoc iis sophisma (quaestione obiectiua de eo, quid res sit, in subiectiuam, quid vocabulum, quo eam denotamus, significet, conuersa) fere possumus largiri, vicissimque quaerere, quam *raro*? centumne annis forte semel, an olim quidem, nunc vero omnino haud amplius. Hic nihil habemus, quod ex cognitione rei obie-

in vita sustinendum est, ei, vtcumque allaboret, nullam tamen maiorem potest vtilitatem adferre, quam liberationem ab imperio potestateque principii mali. Quod *libertati adferitur*, quod „seruitute legis peccatorum liberatur, vt iustitiae viuat,“ id lucrum summum est, quod queat eluctari. Nihilominus etiamnum manet aggressibus principii mali obnoxius; et ad libertatem suam, quae perpetuo sollicitatur, obtinendam, porro semper, necesse est, maneat ad certamen armatus.

In hoc statu discriminis pleno nihilominus percul-
pam propriam homo versatur; proinde tenetur *obstr-*
ctus, vt, quantum in se sit, saltem vires contendat, ad

dae queat determinari (siquidem hoc ipsi fatemur nobis trans-
scendens esse, et vim omnem nostram notionemque fugere
ac superare), sed modo ex normis necessariis rationis no-
strae vtendae: vt ea vel *quotidie* (quamquam sub specie
euentorum naturalium occultata), vel *numquam* conceda-
mus, casuque hoc posteriori nec enodationibus rationalibus
nostris neque regulis actionum nostrarum ea fundamenta
substernamus; cumque superius nullo modo conueniat cum
ratione, nihil relinquitur, nisi vt normam posteriorem se-
quamur; hoc enim decretum semper manet duntaxat nor-
ma iudicandi, non vero adsertio theoretica. Nemo opinio-
nem de intellectu suo tantopere potest exaggerare,
vt decisue velit pronunciare: exempli gratia, conseruationem
maxime admirandam speciei in regno et vegetabili et
animali, cum quaeque noua generatio exemplar suum cum
omni interna mechanismi perfectione, et (vt in regno vege-
tabili, ipsa omni tam tenere colorum pulcritudine, vnoquo-
que vere imminutam exhibeat, ita vt vires alioquin tam
euercentes naturae in organicae mala autumnali hiemalique
tempestate semini illorum quidquam queant nocere, hoc,
inquam, solum consequens esse ex legibus naturalibus, et
anne in vnoquoque vis quaedam creatoris proxima desideretur.
— Verum ista sunt experientiae; *nobis* ea ergo nihil
quidquam aliud sunt, quam effecta naturalia, neque vni-
quam aliter iudicari *debent*: id enim vult rationis modestia
in petendo; ultra hos vero terminos progredi, temerarium
in petendo est atque immodestum; quamquam plerumque
in adferendis defendendisque miraculis animi ingenium de-
mittens se ipsamque ab negans praetexitur monstrari.

fese ex eo liberandum. At quomodo? id scilicet quaeritur. — Si causas temporaque circumspicit, quae periculum istud illi contrahunt eumque in eo retinent, facile sibi poterit ad veritatem persuadere, ea sibi non tam ab natura propria rudi sua, quatenus solitarius adsit, sed ab hominibus nasci, quibuscum adfectione vel coniunctione tenetur. *Perpersiones animi* proprie sic dicendae, a quibus tantae vastationes initiorum suorum originarie bonorum proficiuntur, haud stimulis atque illecebris naturae suae rudis excitantur. *Necessitates* eius exiguae sunt, statusque animi in iis procurandis moderatus est et tranquillus. Pauper est (aut pauperem sese existimat), quatenus veretur, ne alii homines pro eo sese reputent et propterea despiciant. Invidia, imperandi cupido, avaritia, cum iisque coniunctae inclinationes inimicae continuo naturam eius per se frugalem oppugnant, *dum in hominibus versatur*, et ne quidem necesse est, ut hi tamquam in malo iam demersi, atque ut exempla irritantia supponantur; satis est, eos adesse, eos illum cingere, hominesque esse, ut mutuo se inuicem in initiis moralibus suis corrumpant, malosque reddant. Si igitur nulla adiumenta possent inueniri, stabiliendae coniunctionis cuiusdam proprie hoc malum euitandum bonumque promouendum in homine spectantis, ut constantis, semperque se dilatantis, solum ad conseruandam moralitatem institutae societatis, quae coniunctis viribus malo obsteret, tamen ea re, quantum cumque singularis homo effecerit, ad sese imperio illius subtrahendum, perpetuo is in periculo relapsus sub illud retineretur. — Igitur imperium principii boni, quatenus homines ad id quidpiam possunt efficere, quantum intelligimus, attingi non potest, nisi instituenda dilatandaque societate ex legibus virtutis, in earumque gratiam; cuius modo quidem societas vniuerso generi humano in ambitu suo includendo per rationem proposita est, officioque iniuncta. — Sic enim solum nulla potest boni principii de malo victoria sperari. Ab ratione moraliter legislatoria praeter leges vni cuique singulari praeceptas, et vexillum virtutis ut

locus coniunctionis propositum vniuersis est, qui bonum amant, vt sub eo colligantur, atque ita demum victoria de malo, quo sollicitantur assiduo, potiantur.

Coniuncta hominum sub solis virtutis legibus ex praecepto huius ideae societas dici *ethica* potest, et quatenus hae leges publicae sunt, *ethico-ciuilis* (contrariae, quae *iuridico-ciuilis* vocetur), siue *respublica ethica*. Haec in media potest *republica politica*, atque etiam ex omnibus illius membris constare; (vti quoque ea, nisi hoc posteriori fundamento posita, nullo modo posset ab hominibus perfici). Verum illius singulare quoddam propriumque coniunctionis principium est (virtus), et proinde quoque forma constitutioque ab hac posterioris huiusce essentialiter diuersa. Nihilominus tamen certa quaedam vtriusque analogia est, vt duarum rerum publicarum generatim spectatarum, cuius respectu superior illa etiam *ciuitas ethica*, hoc est, regnum virtutis (principii boni) adpellari potest, cuius ideae realitas obiectiua est in ratione humana optime fundata (vt officium ad eiusmodi ciuitatem sese coniungendi), et si haud posset de bona hominum voluntate vmquam sperari, fore, vt in hunc finem coniunctis viribus agendi consilium capiant.

SECTIO PRIOR.

DESCRIPTIO PHILOSOPHICA VICTORIAE PRINCIPII BONI IN REGNO DEI IN TERRIS FUNDANDO.

I.

De statu naturae ethico.

Status ciuilis iuridicus (politicus) cernitur in hominum ad se inuicem adfectione, quatenus communiter subsunt *legibus iuris publicis* (quae cunctae sunt leges cogentes). Sed *status ethico-ciuilis* est is, quo sub le-

gibus eiusmodi a coactione liberis, id est, solis *legibus virtutis* coniuncti sunt.

Vti autem priori illi *status iuridicus naturae* (sed idcirco haud semper legitimus) opponitur, ita quoque ab hoc posteriori *status naturae ethicus* distinguitur. In utroque sibi quisque ipse legem fert, neque vlla est externa, cui sese, cum cunctis aliis, subiectum agnosceret. In utroque suus quisque ipse iudex est, neque vlla auctoritas adest potestatem *publicam* tenens, quae, ex legibus, quid in causis obuiis cuique in officio sit, iuridice determinet, illasque generatim exerceat.

In republica politica iam consistente omnes ciues politici insunt, qua tales tamen in *statu naturae ethico*, et iure gaudent, in ea quoque manendi; nam illa ciues cogi, vt in rempublicam ethicam transeant, repugnat (ex adiecto); siquidem haec posterior iam in conceptu suo libertatem continet coactionis. Sane quidem vnaquaeque respublica politica optare potest, vt in se quoque imperium in animos ex legibus virtutis deprehendatur; vbi enim illius adiumenta cogendi suppetunt, quoniam iudex humanus interiora aliorum hominum perspicere non potest, ibi consilia honesta (virtutis), quod desideratur, efficerent. At vae legislatori qui constitutionem fines ethicos spectantem efficere vellet coactione! Eo enim non solum ipsum contrarium ethicae efficeret, verum etiam politicam suam subuerteret incertamque redderet. — Igitur ciuis reipublicae politicae, respectu iuris legislatorii huiusce, prorsus liber manet: quamuis cum aliis ciuibus, praeterea quoque possit in coniunctionem ethicam transire, aut malit in statu naturae huiusce generis manere. Tantummodo quatenus respublica ethica tamen in legibus *publicis* posita esse, constitutionemque debet iis nitentem continere, ii, qui sponte sese coniungunt ad hunc statum ingredientium, haud sibi quidem a potestate politica, quomodo hunc debeant interne instituere, aut non instituere, imperari patientur, sed sane limitationes praescribi, nempe ad

conditionem, ne quidpiam in eo insit, quod officio repugnet membrorum illius vt *ciuium reipublicae*; quamquam, si prior coniunctio genuina sit, posterius per se haud metuendum videtur.

Caeterum, quoniam officia virtutis vniuersum genus humanum attingunt, conceptus reipublicae ethicae semper refertur ad ideale totius cuiuspiam hominum vniuersorum, in eoque ea distinguitur a republica politica. Idcirco multitudo hominum in illum finem coniunctorum nondum ipsa potest respublica ethica, sed modo societas singularis vocari, ad conspirationem cum omnibus hominibus (adeoque vniuersis naturis ratione praeditis finitis) nitens, ad totum quoddam ethicum absolutum constituendum, cuius vnaquaeque societas partialis duntaxat repraesentatio est vel schema, quoniam quaeque ipsa vicissim in adfectione ad alias huius generis potest vt in statu naturae ethico, cum cunctis imperfectionibus eius, versans repraesentari: (quemadmodum cum variis statibus politicis, nullo vinculo ex iure gentium publico coniunctis, itidem comparatum est).

II.

Homo statum naturae ethicum relinquere debet, vt membrum fiat reipublicae ethicae.

Quemadmodum status naturae iuridicus status belli est cuiusque contra quemque, sic quoque status naturae ethicus status est impugnationis assidue per malum, quod in eo simulque in vnoquoque alio deprehenditur, qui (vti supra monuimus) sibi inuicem mutuo initia moralia corrumpunt, et in ipsa voluntate bona cuiusque singuli, ex inopia principii coniungentis eos, quasi *instrumenta mali* forent, per dissensiones a fine boni communi remouent, et se inuicem in discrimen adducunt, rursus in imperium illius veniendi. Vti vero porro status libertatis externae legibus vacuae (bru-

tae) atque ab legibus cogentibus independentiae status est iniustitiae bellique ab vnoquoque contra quemque, quem homo debet relinquere, vt in statum transeat politico-ciuilem: *) sic status naturae ethicus mutua est impugnatio *publica* principiorum virtutis statusque inhonestatis internae, cui, simulatque fieri possit, relinquendo homo naturalis operam dare debet.

En hic officium generis cuiusdam peculiaris non hominum erga homines, sed generis humani erga se ipsum. Nimirum quodque genus naturarum ratione praeditarum obiectiue, in idea rationis, ad finem quemdam communem, nempe ad bonum summum, vt commune bonum, promouendum, determinatum est. Quoniam autem summum bonum morale sola persona singulari ad perfectionem moralem propriam nitente haud efficitur, sed coniunctione illius opus est in toto quodam ad eundem finem, ad systema hominum bene animatorum, in quo per cuiusque vnitatem tantum potest effici, idea vero eiusmodi totius, vt reipublicae vniuersalis secundum leges virtutis, idea est ab vniuersis legibus moralibus (quae id attingunt, quod scimus in no-

*) *Hobbesii* sententia: status hominum naturalis est *bellum* omnium in omnes, nullo amplius alio vitio laborat, quam quod dici deberet: *est status belli etc.* Etsi enim haud concesseris, inter homines, legibus externis ac publicis haud obnoxios, semper veras *offensas* dominari: tamen *status* eorum (status iuridicus) hoc est, relatio, in qua et per quam iurium (acquirendorum tuendorumue) capaces sunt, eiusmodi status est, in quo quisque ipse vult iudex esse de eo, quod sibi erga alios iustum sit, verum de eo quoque ab aliis haud cautum est, aut iis cauet, quam sua cuiusque propria potestas; qui status est bellicus, propterea quod quisque contra quemque perpetuo sit, oportebit, armatus. Altera eius sententia: exeundum esse e statu naturali, consequentia est superioris: hic enim status laesio continua est iurium aliorum omnium per arrogantiam in causa propria sententiam pronunciandi, aliisque hominibus nullam de suis securitatem concedendi, nisi tantummodo proprium suum arbitrium.

stra potestate esse), prorsus diuersa, nempe totum aliquod agendo spectare, quod nosse haud possumus, an qua tale quoque penes nos sit: officium, quoad et genus et principium, a cunctis aliis diuersum videtur. — Iam in antecessum suspicabere, hoc officium suppositione indigere alius cuiuspiam ideae, quippe ideae excellentioris naturae moralis, cuius cura vires singulorum per se haud idoneae ad effectum commune coniungantur. Verum primo nobis filum necessitatis illius moralis in genere persequendum est, videndumque, quo isto nos ducamur.

III.

Conceptus reipublicae ethicae est conceptus de populo dei sub legibus ethicis.

Quodsi respublica ethica fieri debeat, omnes singuli legislationi publicae subiiciendi sunt, omnesque leges, quibus illi coniunguntur, ut praecepta legislatoris cuiusdam communis spectandas esse posse oportebit. Si igitur haec respublica constituenda esse iuridica debeat; multitudo in toto sese quodam coniungens ipsa, oportebit, legislator foret (legum constitutionis) quoniam legislatio a principio proficiscitur: *ut libertas cuiusque ad conditiones adstringatur, quibus fiat, ut cum cuiusque libertate possit ea ex lege vniuersali consistere, **) et ubi proinde voluntate vniuersali coactio legalis externa constituitur. Sin autem respublica esse ethica debeat, populus quata talis non ipse potest pro legislatorio haberi. In eiusmodi enim respublica vniuersis legibus propositum est, ut honestas siue moralitas actionum (quae quidpiam est *internum*), proinde haud potest legibus humanis publicis subesse, promoueatur, cum e contrario legibus humanis publicis, quibus respublica iuridica efficeretur, tantummodo actionum *legalitas*, quae in oculos incurrit, proposita sit, neque (interna) honestas atque mo-

*) Idque principium est vniuersi iuris externi.

ralitas, qua de hoc loco sola sermo est. Ergo alius sit, quam populus, necesse est, qui pro republica ethica possit vt publice legislatoria declarari. Nec vero leges ethicae possunt, vt solum a voluntate huius superioris *originarie* proficiscentes (tamquam statuta, quae forte, nullo eius praeuio edicto, haud obligarent) cogitari, siquidem tum nullae leges ethicae, iisque consentaneum officium haud virtus libera, sed coactioni obnoxium (officium iuris), forent. Ergo duntaxat talis potest vt legislator supremus reipublicae ethicae cogitari, cuius respectu omnia *officia vera*, proinde quoque ethica *) *simul* vt eius praecepta repraesentanda sunt; qui idcirco quoque, necesse est, scrutator animorum sit, vt internum etiam consiliorum cuiusque perspiciat, et, vti in quavis republica esse debet, cuique, quod promeruerit, retribuat. Hoc vero conceptu continetur de deo vt gubernatore mundi morali. Ergo fieri tantummodo potest, vt respublica ethica qua populus cogitetur sub praeceptis diuinis, id est, qua *populus dei* et quidem *ex legibus virtutis*.

Possis tibi quidem populum dei *ex legibus statutariis* cogitatione informare, ex iis scilicet, in quibus ser-

*) Simulatque aliquid pro officio agnoscitur, etsi officium foret per solum arbitrium legislatoris humani iniunctum, tamen illud simul praeceptum est diuinum, vt ei pareatur. Leges ciuiles statutariae non quidem possunt praecepta diuina dici, sed si legitimae sint, earum *obseruatio* simul est in praeceptis diuinis. Sententia: „deo potius est, quam hominibus, obediendum,“ hanc modo vim habet, vt, si homines quidpiam iubeant, quod per se malum (legi morali proxime contrarium) sit, iis obtemperari nec liceat, nec debeat. Sed rursus retro, cum legi ciuili politicae, per se haud moralitati aduersae, lex opponitur, pro statutaria diuina reputata, tum ratio adest, cur hanc posteriorem pro supposititia accipias, propterea quod ea cum officio euidenter pugnat, ipsi autem, reapse quoque eam in praeceptis diuinis esse, nullis vmquam notis empiricis satis poteris fidem facere, vt officium alioquin certum illi conuenienter liceat migrari.

vandis non moralitas spectetur, sed sola actionum legalitas, quae respublica iuridica foret, cuius quidem legislator deus (proinde *constitutio* eius theoretica) esset, homines autem, ut sacerdotes, *regimine* aristocratico fungerentur. Talis vero constitutio, cuius existentia et forma tota in rationibus posita historica est, non ea est, qua quaestio rationis purae moraliter legislatoriae efficitur, cuius hoc loco sola nobisenodatio est proposita; eam in sectione historica ut institutum ex legibus politice civilibus, quarum legislator, quamquam deus est, tamen extrinsecus est, considerabimus, cum e contrario tantummodo in tali occupati simus, quarum legislatio solum interna est, in republica sub legibus virtutis, id est, in populo dei, „qui operam nauaret actionibus bonis.“

Eiusmodi *populo* dei opponi potest idea *gregis* principii mali, ut coniunctionis eorum, qui eius partes sequuntur, ad dilatandum malum, cuius interest, ne illa coniunctio fiat; quamque hic quoque principium consilia honesta virtutisque impugnans itidem in nobis ipsis inest, et tantummodo allegorice ut potestas externa repraesentatur.

IV.

Idea populi dei (sub institutione humana) non nisi in forma ecclesiae est exsequenda.

Alta ac sublimis idea, ad quam numquam possumus totam adspirare, reipublicae ethicae admodum minuitur in manibus hominum, ea quippe ad institutum reuocatur, quod ad summum formam illius pure repraesentare potest, sed respectu adiumentorum eiusmodi totius constituendi ad conditiones naturae hominum moralis admodum adstrictum tenetur. Quomodo vero expectari poterit, ut ex ligno tam prauo quidpiam prorsus rectum fabricetur?

Quamobrem fundatio populi dei moralis opus est, cuius effectio non potest ab hominibus, sed solum ab ipso deo exspectari. Verum tamen idcirco homini non licet, respectu huius negotii inertem esse et otiosum, providentiaeque curandum permittere, quasi quisque modo rem suam moralem priuatam curare possit, totum vero rei humani generis (secundum destinationem moralem) altiori sapientiae commendare. Ita illi potius agendum est, quasi cuncta ex se penderent, et hac sola cum adiunctione illi sperare licet, fore, ut sapientia altior labori suo bono consilio instituto absolutionem concessura videatur.

Igitur desiderium omnium bene animatorum hoc est: „ut regnum dei adueniat, et voluntas eius fiat in „terra;“ ecquid autem nunc iis curandum est, ut hoc cum iis eueniat?

Respublica ethica sub legislatione morali diuina est coetus sacer siue *ecclesia*, quae, quatenus haud est obnoxia experientiae possibilis, *ecclesia inuisibili* vocatur (quae mera idea est coniunctionis omnium proborum sub regimine mundi diuino proximo sed morali, uti ea cuique ab hominibus fundatae pro prototypo est). *Ecclesia visibilis* cernitur in vera hominum in vno toto coniunctione, cum ideali illo congruente. Quatenus vnaquaeque societas sub legibus publicis subordinationem membrorum suorum (in relatione eorum, qui legibus eius obtemperant, ad eos, qui obseruationem earum custodiunt), in sese cohibet, multitudo in illo toto (*ecclesia*) coniuncta *coetus* est, qui sub superioribus suis (doctoribus dictis et animarum pastoribus) tantummodo negotiis funguntur capitis inuisibilis, et hoc respectu cuncti *ministri* ecclesiae adpellantur, quemadmodum in republica politica caput visibile se ipsum nonnumquam ministrum ciuitatis supremum nominat, quamuis ne vllum quidem hominem (plerumque ne populum quidem vniuersum) sese agnoscat superiorem. *Ecclesia vera* (visibilis) consistit in ea, quae regnum dei morale in terris, quantum per homines fieri possit,

exhibet. Requisita, proinde etiam notae ecclesiae verae haec sunt:

- 1) *Vniuersalitas*, proinde *vnitas* numerica illius; cuius initia in se cohibere debet: scilicet, etsi in sententias descripta fortuitas atque dissentiens, tamen respectu finis essentialis in eiusmodi decretis fundata sit, quibus necessario ad vniuersalem in vna solaque ecclesia coniunctionem ducatur (proinde nulla sectarum dissidia).
- 2) *Qualitas* eius, hoc est *puritas*, coniunctio sub nullis aliis elateribus nisi *moralibus*. (Depurata ab hebetudine superstitionis atque errore fanaticismi.)
- 3) *Relatio* sub principio *libertatis*, cum relatio membrorum ad se inuicem interna, cum vero etiam externa ecclesiae, ad potestatem politicam, vtraque in *ciuitate libera* (ergo nec *hierarchia*, nec *illuminatismus*, qui quaedam species est *democratiae*, per inspirationes peculiare, quae pro eo, atque cuiusque ingenium fert, ab aliorum possunt inspirationibus discrepare).
- 4) *Modalitas* illius, *immutabilitas* respectu *constitutionis*, seruatis tamen exceptisque institutis fortuitis, pro temporum ratione et locorum mutandis, solam illius *administrationem* spectantibus, quorum tamen quoque decreta firma certaue iam in ipsa (in idea finis) debet ex anticipatione continere. (Ergo sub legibus originariis, semel, quasi per codicem legum, palam, pro praeceptione statutis; non symbolis arbitrariis, quae, quoniam iis deest authenticia, fortuita sunt, contradictioni exposita mutationique obnoxia.)

Itaque reipublicae ethicae, vt ecclesiae, id est, vt, quae solum statum dei *repraesentet*, spectatae, proprie nulla constitutio quoad decreta sua politicae est similis. Haec in ea nec *monarchica* (sub summo pontifice aut patriarcho) est, nec *aristocratica* (sub episcopis ac praelatis), nec *democratica* (vt illuminatorum sectariorum).

Ea posset optime cum constitutione familiae, sub patre communi, quamquam inuisibili, moralique comparari, quatenus filius eius sanctus, qui nouit voluntatem illius, et simul cum omnibus membris consanguinitate coniunctus est, locum eius in eo tenet, quod his voluntatem eius vberius patefacit, qui proinde in eo patrem honorant atque ita inuicem in coniunctionem coeunt animorum voluntariam, vniuersalem, et perdurantem.

V.

Quaeque cuiusque ecclesiae constitutio semper ab vlla quapiam fide historica (reuelationis); quae fides ecclesiastica dici potest, proficiscitur, eaque optime constituitur in scriptura sacra.

Fides religionis pura ea quidem est, quae sola potest ecclesiam vniuersalem fundare; quoniam fides est mera rationalis, quae cum vnoquoque potest communicari; cum e contrario fidei historicae in factis constitutae contagio non potest vltius dilatari, quam quo narrationes possunt, respectu facultatis probabilitatem earum diiudicandi, pro temporum locorumque ratione pertinere. Sed peculiaris quaedam naturae humanae infirmitas in culpa est, quod fidei purae illius numquam tanto potest ratio haberi, quanto ea meretur, ut scilicet ecclesia in ea sola fundetur.

Homines, imbecillitatis suae in cognoscendis rebus suprasensibilibus sibi consci, quamquam iustum fidei illius (quippe quae vniuerse iis parere firmitatem debet) pretium statuunt, tamen haud facile sunt ad adsensum adducendi: studio constante vitae moraliter bonae cuncta contineri, quae deus ab hominibus postulat, ut regni eius subditi reddantur deo accepti. Obligationes sese haud commodè possunt nisi ad *cultum* vllum quemdam cogitare, deo praestandum; in quo non tam pretium internum actionum morale spectatur, quam id potius, ut deo praestentur, quo, ut maxime per se ip-

fae fuerint moraliter mediae atque indifferentes, saltem per obedientiam passiuam, deo placeant. Se, si officia erga homines (se ipsos aliosque) faciant, eo ipso quoque praecepta diuina seruent, proinde faciendis mittendisque iis, quae honestatem spectant, *semper in cultu dei* versari, nulloque prorsus modo fieri posse, vt deus alia ratione quadam colatur (quoniam iis non potest nisi cum naturis mundanis, non vero cum deo contagio esse), nullo pacto sibi patiuntur persuaderi. Quoniam sua cuiusque principis mundani peculiaris quaedam necessitas est, vt a subditis *honoretur* iudiciisque subiectionis *celebretur*, siquidem alias non potest tantum obedientiae erga edicta sua, quantum necesse est ad eos coercendos, ab iis expectare; praeterea homo quoque, vt maxime ratione polleat, tamen semper declarationibus honoris proxime oblectatur, officium, quatenus simul praeceptum diuinum est, vt *negotium dei*, non hominis, tractatur, atque ita conceptus oritur religionis *cultus*, pro conceptu religionis moralis purae.

Cum omnis religio in eo consistat: vt deum consideremus tamquam legislatorem omnium officiorum nostrorum vniuerse colendum, in determinanda religione respectu vitae nostrae illi conuenientis id agitur potissimum, vt sciamus: *quomodo coli deus* (sibi que obtemperari) *cupiat*. — Sed voluntas diuina legislatoria per leges praecipit aut per se *solum statutarias*, aut per *mores puras*. Atque ex hisce quidem posterioribus quisque ex se ipse potest per rationem voluntatem dei, religioni fundamento substratam, cognoscere; namque proprie conceptus dei tantummodo ex conscientia harum legum et necessitate rationis oritur, potestatis sumendae, quae effectum istud vniuersum, quod fieri in mundo queat, cum scopo morali conspirans possit suppeditare. Conceptu voluntatis diuinae ex solis legibus moralibus puris determinatae, fit, vt, vti *unum* modo deum possimus, sic *vnam* solum religionem, quae moralis pura sit, cogitare. Sed sumtis legibus statutariis, positaque religione in iis a nobis obseruandis, fieri cog-

nitio illius non per solam rationem propriam nostram, sed modo per reuelationem potest, quae, siue cuique singulo occulte siue palam fiat, per traditionem scripturamue in hominibus propaganda, *fides foret historica*, non *rationalis pura*. — Quamuis autem leges diuinae statutariae (quae non per se vt obligantes possunt, sed modo vt voluntas diuina reuelata qua tales agnosci), sumantur; tamen legislatio *moralis pura*, qua voluntas dei originarie cordi nostro inscripta est, non solum conditio necessaria est vniuersae religionis verae in genere, verum ea quoque id est, quo haec ipsa proprie efficitur, in cuiusque gratiam statutaria non potest nisi instrumentum eius promouendae dilatandaeque contineri.

Si igitur ad quaestionem: quomodo coli sese deus velit, cuique homini, *solum qua homini spectato* vniuersaliter debeat responderi; nullum dubium est, quin legislatio voluntatis eius solum *moralis* videatur; nam statutaria (qua reuelatio supponitur), tantummodo vt fortuita potest talisque, quae haud ad quemque hominem peruenerit aut peruenire queat, proinde haud vt homines generatim obligans spectari. Ergo: „non ii, „qui clamant: domine, domine! sed qui ex voluntate „agunt dei,“ proinde non eo (legatoue eius, vt natura diuinae originis) celebrando ex conceptibus reuelatis, qui non possunt in quouis homine inesse, sed per vitam bonam, cuius respectu quis eius voluntatem nouit, ei se probatos reddere student, in iis erunt, qui verum, quem postulat, cultum praestant.

Cum autem nos non solum vt homines, verum etiam vt *ciues* reipublicae in terris diuinae gerimus, in officioque nostro ducimus, vt coniunctionem eiusmodi, quam ecclesiam dicimus, promoueamus, tum ad quaestionem: quomodo deus in *ecclesia* (vt coetu dei) coli se velit, non posset per solam rationem responderi, verum ea legislationis indigeret statutariae nobis tantummodo per reuelationem innotescentis, proinde fidei historicae, quae cum fide religionis pura comparata, fides

potest ecclesiastica adpellari. Namque in fide religionis pura solum id spectatur, quo materia cultus dei efficitur, nempe observatio officiorum omnium, ut praeceptorum illius ex mente morali facta; sed ecclesia ut coniunctio multorum hominem sub eiusmodi consiliis in republica morali, opus habet obligatione *publica*, forma certa quadam ecclesiastica in conditionibus experientiae posita, quae per se fortuita est ac varia, proinde sine legibus diuinis statutariis non potest ut officium agnosci. Sed eam formam determinandi idcirco non debet continuo ut negotium spectari legislatoris diuini, potius iure sumi potest, voluntatem diuinam esse: ut ideam rationalem eiusmodi reipublicae ipsam exsequamur, hominesque, quamuis multas ecclesiae formas infeliciter tentauerint, tamen non debeant cessare, si res postulet, nouis conatibus, quibus vitia superiorum quantum fieri possit, vitentur, hunc finem persequi; siquidem negotium istud, quod iis simul in officio est, totum sibi commissum videtur. Igitur non est, quod ad foundationem formamque illius cuiuspiam ecclesiae leges directo pro diuinis *statutariis* habeantur, potiusque temerarium est, eas pro talibus declarare, quo labore superfedeamus, ulterius formam harum emendandi, aut adeo usurpatio auctoritatis altioris, ut traditionibus ecclesiasticis auctoritate diuina praetexta multitudinì onus imponatur; in quo vero tamen etiam arroganter fieret, si simpliciter negares, modo, quo quaedam instituta ecclesia sit, non forte quoque institutionem esse diuinam posse, si, quantum intelligimus, cum religione morali maxime conspiret, praeterea accedit, quod non possit facile intelligi, quomodo progressibus populi in conceptibus religionis haud rite praeparatis subito ea potuerit prodire. In hac igitur quaestione dubia, deus an homines ipsi debeant ecclesiam fundare, hominum sese propensio ad *cultum* exserit, et, quoniam hic praeceptis nititur arbitrariis; ad fidem legum diuinarum statutariarum, sumto, quod praeter vitam optimam (quam homo ex praecepto religionis moralis purae instituerit) tamen et legislatio diuina de-

beat, per rationem haud cognoscenda, sed reuelationis indigens accedere; in qua proxime cultus entis summi (non interuentu obseruationis eius praeceptorum nobis iam per rationem praescriptae) spectetur. Quo quidem efficitur, vt homines coniunctionem ad ecclesiam conspirationemque respectu formae illi impertientdae, itemque institutio *publica* ad moralia in religione promouenda numquam sint pro necessariis per se habitori; verum duntaxat, vt per caerimonias, confessionesque legum reuelatarum, et praescriptiones ad formam ecclesiae (quae ipsa tamen tantummodo in adiumentis est) pertinentes, vti aiunt, deo suo seruiant; quamuis omnes isti ritus proprie in actionibus mediis versentur, sed propter id ipsum, quia solum eius gratia fierent, eo illi acceptiores reputentur. Igitur fides ecclesiastica in hominibus ad rempublicam ethicam formandis naturaliter *) fidem religionis puram antecedit, templaque (ad publicum dei cultum destinata) priora fuerunt *ecclesiis* (locis congregationum ad docendas animandasque mentes morales), *sacerdotes* item (consecrati administratores rituum sacrorum) priores *clericis* (doctoribus religionis moralis purae), et plerumque quoque etiamnum sunt ordine pretioque, quem iis multitudo tribuit.

Quodsi autem non mutari possit, ne *fides ecclesiastica* statutaria fidei religionis purae, quasi vehiculum ad iumentumque coniunctionis hominum publicae ad promouendam fidem religiosam puram adiungatur, fatendum est, adseruationem eius immutatam, propagationemque vniiformem vniuersalem, et ipsam reuerentiam erga reuelationem in ea receptam difficulter per *traditionem* posse, sed solum per *scripturam*, quae ipsa itidem qua reuelatio et aequalibus et posteris pro re sit, necesse est, obseruantiae subiecta, satis curari; id enim necessitas hominum exigit, vt certi esse possint de officio cultus suo. Sacer codex apud eos (ipsosque hos plurimum), qui illum

*) Moraliter ratio esse conuersa deberet.

haud legunt, certe sibi non possunt ex eo conceptum continuum informare et cohaerentem religionis summam obseruatiam sibi ipse comparat; omnisque argutationis vis perit contra sententiam dictatoriam omnia dubia prostermentem: *hic scriptum est*. Idcirco et loci illius, qui articulum fidei dicuntur exhibere, simpliciter *dicta* adpellantur. Certi determinatique eiusmodi scripturae interpretes propter hoc ipsum officium suum personae sunt sacrae, testaturque historia, nullam fidem in scriptura fundatam vel vastantissimis statuum conuersionibus potuisse extirpari; cum e contrario, quae in traditione esset ritibusque antiquis publicis constituta, simul cum statu labefactato interiret. Praeclare actum! *) si eiusmodi codex, qui manibus hominum teritur, praeter statuta vt leges fidei; simul purissimam doctrinam religionis moralem plene continet, cui cum illis (tamquam vehiculis introductionis) potest optima conuenientia conciliari, vbi tum, tam propter finem ea re obtinendum, quam ob difficultatem originis eiusmodi per illum factae illustrationis generis humani ex legibus naturalibus enodandae, instar reuelationis, potest auctoritatem obtinere.

* * *

His liceat nonnulla adiicere, quae huic conceptui fidei relationis adhaerent.

Vna tantummodo (vera) religio est; sed varia possunt fidei genera esse. — Addi potest, in variis ecclesiis, per diuersitatem fidei formarum, sese ab se inuicem separantium vnā tamen eandemque religionem veram posse inueniri.

*) Quod verbum ad vniuersa, quae optantur, optatue digna sunt, quae tamen a nobis nec praevideri possunt, nec conatu nostro ex legibus experientiae arcessi, quorum proinde, si rationem iudicare velimus, nullam aliam possumus, quam prouidentiam benignam laudare.

Igitur conuenientius est (vti etiam reapse magis consuetum videtur), dicere: hic homo huius illiusue (iudaicae, muhammedanae, christianae, catholicae, lutheranae) *fidei* est, quam huius est illiusue religionis. Haec posterior oratio merito ne in adloquendo populo magno quidem (in catechismis sacrisque orationibus) deberet vsurpari; his enim ea nimis docta atque obscura videtur; quemadmodum et linguae recentiores nullum verbum suppeditant illi synonymum. Homo de plebe ea semper intelligit fidem ecclesiasticam, quae ei in sensus incurrit, cum e contrario religio interne lateat, atque ex consiliis moralibus pendeat. Plerisque nimium tribuitur, si dicas, eos hanc illamue religionem profiteri; neque enim vllam norunt neque desiderant; fides ecclesiastica statutoria sola est, quam hoc verbo denotant. Iam concertationes sic dictae religiosae, quibus mundus tam crebro concussus fuit et sanguine conspersus, non nisi concertationes fuerunt de fide ecclesiastica, neque oppressus proprie conquestus est, quod impediretur, quo minus religioni suae adhaereret (id enim nulla vis externa potest prohibere), verum quod arceretur ab fide ecclesiastica palam sectanda.

Cum igitur ecclesia quaedam, vti vsu venit, se pro vna solaque vniuersali declarat (quamquam ea in singulari quadam reuelationis fide fundata est, quae vt historica, numquam potest ab vnoquoque postulari), tum is, qui fidem ecclesiasticam (singularem) illius nequam agnoscit, ab ea *profanus* dicitur, atque ex animo odio habetur: is vero, qui duntaxat ex parte (in rebus aduentitiis) defleat, *erroneus* vocatur, et saltim vt inficiens vitatur. Si denique eandem quidem ecclesiam confitetur, sed tamen in essentialibus fidei eius (quae sic scilicet constituuntur) recedit, praecipue si errorem suum dissipet, *haereticus* *) adpellatur, atque, quemad-

*) Mongoli *Tiberum* (secundum Gregorii Alphab. Tibet. pag. II.) *Tangut chadzar* adpellant, id est, terram domos inhabitantium, vt hos ab se vt in desertis sub tentoriis degentibus Nomadibus distinguant, vnde nomen Chadzarorum ve-

modum fax et tuba seditionis, poena dignior habetur, hoste externo, et ab ecclesia execratione (cuiusmodi Romani pronunciarunt de eo, qui contra senatus auctoritatem flumen transiret Rubiconem) expellitur, omnibusque diis inferis deuouetur. Vna solaque doctorum conspiratio arrogata capitumue ecclesiae in fide ecclesiastica dicitur *orthodoxia*, quae cum in *despoticam* posset, tum *liberalem* dispelci. — Quodsi ecclesia, fidem ecclesiasticam suam pro vniuerse obligante declarans, *catholica*, ea vero, quae sese contra petitiones istas aliorum munit (quamuis has ipsas saepius exercere velit, si posset), *protestans* dici debeat; attentus obseruator multa exempla laudabilia catholicorum praestantium, et contra plura, quibus offendatur, exempla protestantium catholicissimorum deprehendet; illa in viris mentis sese *dilatantis* (quamquam ea non est illorum ecclesiae), cum quibus hi comparati mente *circumscripta* admodum, sed minime in commodum suum, distinguuntur.

VI.

Fidei ecclesiasticae summus interpret et fides religionis pura.

Monuimus, quamuis ecclesia grauissima veritatis nota, nimirum vniuersalitate iure petenda careat, si fide nitatur reuelationis, quae qua historica (quamquam per scripturam longe diffusa, seraeque posteritati cauta) fides, tamen haud est communicationis vniuersalis ad veritatem persuadentis capax: tamen propter necessitatem omnium hominum naturalem, ad summos rationis conceptus causasque semper quidpiam *sensibiliter conueniens*, illam quampiam experientiae confirma-

nit, et theodiscum *Ketzer*; quoniam illi fidem Tiberanam (Lamarum), quae conuenit cum Manichaeismo, et fortasse quoque inde primordia capit, sequerentur, eamque irrumperentes in Europam dispergerent; ex quo factum est, ut per longum tempus nomina *haeretici* et *Manichaei* ut idem declarantia in vsu viderentur.

tionem, et id genus alia desiderandi (cuius in consilio fidei vniuerse *introducendae* reapse ratio quoque habenda est), vllam quampiam fidem ecclesiasticam historicam, quam plerumque iam ante nos deprehendimus, vsurpandam esse.

Vt autem cum eiusmodi fide empirica, quam nobis casus quidam fortuitus videtur attulisse, fundamentum fidei moralis coniungatur (siue ea finis sit, siue duntaxat adiumentum), interpretatio postulatur reuelationis ad nos perlatae, nimirum, eius perpetua ad sensum interpretatio, cum regulis religionis rationalis purae practicis conuenientem. Pars enim theoretica fidei ecclesiasticae nos non potest moraliter inuitare, nisi ad vniuersa humana officia facienda, vt praecepta diuina, conducat. Haec interpretatio, etsi nobis ipsis respectu textus (reuelationis) saepenumero violenta videatur, crebroque etiam reuera sit, tamen, si modo fieri possit, vt hic eam recipiat, eiusmodi literali praeferenda est, quae vel simpliciter nihil quidquam moralitatis in gratiam contineat, vel huius adeo elateribus contra agat. *) — Inuenies quoque eundem morem

- *) Vt hoc exemplo doceam, sumas Psalmum LIX, v. 11—16. quo *preces* continentur *de vltione*, horrendum in modum excedente. Michaelis (doctr. mor. P. II. p. 202.) probat has preces et addit: „*Psalmi inspirati sunt; quibus in Psalmis si poena precibus efflagitur, non potest id improbe fieri, nec nobis sanctior concedi morum doctrina debet quam scriptura, sacra.*“ Quo loco teneo orationem postremam quaeroque, vtrum doctrina morum secundum scripturam sacram debeat, an potius sacra scriptura secundum doctrinam morum explicari?— Sed ne locum quidem N. T. tentabimus: „ad veteres dictum est, et sic porro. At ego vobis adfirmo: amate imicos, *benedicite iis, qui maledicunt vobis, etc.*“ quaeramusque, quomodo hic locus, itidem inspiratus, possit cum illo consistere, experiar, eum aut ad decreta mea moralia per sese consistentia aptare (hoc loco fortasse haud inimicos corporeos, verum hoc eorum symbolo, inimicos multo perniciosiores inuisibiles, nempe inclinationes prauas, intelligi, quos nobis optandum est prorsus nobis subiici), aut, hoc si fieri non possit, potius sumamus: hunc locum nullo

in omnibus et veteribus et recentioribus partim sacris libris consignatis fidei formis semper esse seruatum, doctoresque populi prudentes beneque animatos tam diu eas interpretatos fuisse, dum eas quoad materiam essentialem cum sententiis fidei moralibus vniuersalibus conciliarent. Philosophi morales in *Graecis* et postea in *Romanis* in doctrina deorum fabulosa idem fecerunt. Crassissimum polytheismum tamen postremo vt solam repraesentationem symbolicam proprietatum vnius divinae naturae interpretabantur, variis actionibus turpibus, vel etiam feris sed tamen pulcris poetarum somniis sensum quemdam mysticum subiicebant, qui fidem popularem (quam extirpare ne quidem e re fuisset, quoniam inde fortasse atheismus quidam reipublicae posset longe periculosior exsistere), ad doctrinam moralem omnibus hominibus perspicuam solamque salutarem propius adducebant. *Iudaismus* senior ipseque christianismus eiusmodi interpretationibus constat partim admodum contortis, vterque vero ad fines sine dubio bonos vniuersisque hominibus necessarios. *Muhammedani* (teste *Relando*) descriptioni paradisi vniuersae sensualitati dicati sensum quemdam spiritualem subiiciunt, idemque faciunt *Indi* in explicando *Beda* suo, certe parti populi cultiori. — Quod vero istud fieri possit, sensu literali fidei popularis haud fere semper laeso, in causa est; quod diu ante hanc posteriorem initia religionis moralis in ratione humana latuit occulta, quorum prima exercitia rudia solum cultum spectabant,

modo sensu morali, sed de ratione, in qua sese erga deum, vt gubernatorem suum politicum, Iudaei considerabant, intelligendum esse, quemadmodum et alius locus scripturae, vbi dicitur: „ultio mea est; egomet retribuam, dominus pronunciat!“ quam plerumque solent pro monito morali accipere de vitanda ultione propria, quamuis verisimile est legem in vnaquaque ciuitate valentem indicari, vt satisfactio de illatis iniuriis in foro principis quaeratur; vbi vlciscendi infamia ex parte petitoris nullo modo probata spectanda est, si iudex illi concesserit, poenas, quantum vellet, vehementissimis expetere.

in eumque vsum ipsis illis putatitiis reuelationibus ortum dederunt, sed eo quoque quidpiam de charactere ipsius originis suprasensibilis hisce figmentis, quamuis haud de industria, indiderunt. — Nec vero eiusmodi interpretationes possunt improbitatis inculcari, posito, non nos velle contendere, sensum, quem symbolis fidei popularibus vel libris sacris tribuimus, ab iis quoque sic spectatum fuisse, sed illud in medio relinqui, solamque *possibilitatem* sumi, auctores eorum ita intelligendi. Nam ipsius lectionis horum librorum sacrorum, percontationisque eorum, quae iis continentur, finis vltimus est, vt homines meliores reddantur, quae ad id nihil conferunt, per se sunt prorsus in mediis et indifferrentibus, de quibus, quod velis, statuere possis. — Fides historica „per se mortua est,“ hoc est, in sese, vt confessio spectata, nihil ea quidquam continet, ad nihilumque ducit, cuius nobis aliquod pretium morale sit.

Quamuis igitur scriptura quaedam pro reuelatione diuina fuerit accepta, tamen criterium illius, qua talis supremum erit: „omnis scriptura, a deo inspirata, utilis est ad docendum, ad arguendum, ad emendandum et „alia de genere eodem,“ cumque postremum, emendatio moralis hominum finem proprium constituat vniuersae religionis rationalis, haec quoque principium summum vniuersae interpretationis scripturae continebit. Haec religio „spiritus est, in omnem nos veritatem ducens.“ Hic vero is est, qui, nos *docendo*, simul quoque principiis actionum *animat*, omniaque, quae scriptura in vsum fidei historicae continere potest, penitus ad regulas atque elateres fidei moralis purae refert, qua sola in vnaquaque fide ecclesiastica id efficitur, quod in ea propria religio est. Omnis scrutatio interpretatioque scripturae proficisci debet a principio hunc spiritum in ea quaerendi, et „potest vita aeterna „in ea duntaxat inueniri, quatenus ea de hoc principio „testatur.“

Huic scripturae interpreti alius adiunctus est, sed subordinatus, nempe *doctus scripturarius*. Auctoritas scripturae, ut dignissimi, et nunc in collustratissima mundi parte vnius instrumenti hominum in ecclesia coniungendorum, fidem constituit ecclesiasticam, quae ut fides popularis non potest negligi, quoniam populo nulla doctrina ad normam immutabilem idonea videtur, quae in sola ratione fundata est, diuinamque reuelationem, ideoque fidem auctoritati eius deducenda illius origine faciendam postulat. Iam cum ars et sapientia humana non queat vsque ad caelum adscendere, ut fidem ipsam primi doctoris missi exploret, verum in notis atque criteriis, quae, praeter materiam, etiam a modo possunt, quo eiusmodi fides introducta fuerit, depromi, id est, in testimoniis humanis debeat adquiescere, quae in vetustissimis temporibus, linguisque nunc emortuis conquirenda sunt, quae ex probabilitate historica aestimentur; *doctrina scripturaria* opus erit, ad ecclesiam in scriptura sacra fundatam, non vero religionem (quippe quae, ut vniuersalis sit, semper in sola sit ratione fundata, oportebit), in auctoritate sua retinendam; quamquam hac nihil quidquam efficitur, nisi ut origo illius nihil in se contineat, quo impediatur, quo minus fieri queat, ut pro proxima reuelatione diuina accipiatur; id quod satis foret, ad eos, qui in hac idea confirmationem fidei moralis suae se inuenire opinantur, eamque proinde lubenter accipiunt, ab ea haud prohibendos. — Verum non solum *auctoritatis confirmatio*, sed etiam *interpretatio* scripturae sacrae ob eandem causam indiget doctrinae. Quomodo enim indoctus, qui eam duntaxat potest in versionibus legere, de sensu eius esse certus poterit? Idcirco interpres, qui linguam fundamentalem callet, tamen quoque ampla debet cognitione historica criticeque instructus esse, ut ex statu, moribusque atque opinionibus (fide populari) illorum temporum adiumenta depromat, quo reipublicae ecclesiasticae queat intellectus aperiri.

Ergo religio rationalis doctrinaque scripturaria propriae sunt designatae interpretes ac depositariae docu-

menti sacri. Perspicuum est: hoc in usu publico suarum cognitionum inuentorumque in hoc campo non posse ullo modo a potestate mundana impediri ad certaque fidei pronunciata adstringi; quoniam alioquin a laicis possent clerici cogi, ut sententiam suam sequerentur, quam illi tamen non nisi ex horum institutione hauserunt. Si modo ciuitas curet, ne viri docti desint et quoad moralitatem bene audientes, qui toto rei ecclesiasticae fungantur, quorum religioni eam curam credat, cuncta fecit, quae ex officio ac potestate profiscuntur. Ut autem hi ipsi in scholam ducantur, eorumque sese ut concertationibus immisceant (quibus, si modo non de sacris suggestibus audiantur, populus ecclesiasticus nullo modo turbatur), populus ab legislatore non potest nisi per immodestiam efflagitare, quoniam excellentiae eius dignitatisque eo derogatur.

Iam vero tertius quidem prodit, qui munus interpretis ambiat, nec rationis indigens, nec doctrinae, sed tantummodo *tactus* cuiusdam interni, ad verum scripturae sensum simulque diuinam illius originem agnoscendum. Iam sane quidem non potest negari, „eum, qui eius doctrinae obtemperet, idque agat, quod ea praecipit, profecto intellecturum fore, eam abs deo esse profectam“ ipsoque impulsu ad actiones bonas vitaeque probitatem, quem homo eam legens, aut eius orationem audiens, cogitur persentiscere, hominem de diuina illius origine certum fieri debere; siquidem is non nisi effectum est legis moralis hominem intima reuerentia implentis, quae idcirco quoque tamquam praeceptum diuinum spectanda est. Sed uti ex ullo tactu quopiam non potest cognitio legum, easque morales esse, existere, sic aequè minus, quin multo minus, per tactum potest certa nota criteriumque contagionis diuinae proxime colligi atque inueniri; quoniam eiusdem effecti plures possunt causae esse, hic autem sola legis (doctrinaeque) moralitas, per rationem cognita, causa illius est, et vel ipso solius possibilitatis huiusce originis respectu, in officio est, ut sensus illi posterior impertiatur, nisi uni-

verso fanaticismo velis fenestras aperiri, ipsumque tantum moralem haud ambiguum, per cognationem cum quouis alio fictitio excellentia ac dignitate sua priuari.— Tactus, si lex, ex qua, vel etiam ad quam is sequitur, ante nota sit, in vnoquoque solum per se inest, ab aliisque non potest postulari, nec proinde quoque ut obrusfa veritatis reuelationis commendari, siquidem is nullo modo quidpiam docet, sed duntaxat modum continet, quo subiectum ratione voluptatis taediiue adficitur, in quo nulla prorsus potest cognitio fundari.

Ergo nulla fidei ecclesiasticae norma est, praeter scripturam, nullusque alius illius interpres, quam *religio rationalis pura doctrinaque scripturaria* (quae partem eius historicam attingit), quarum prior sola est *authentica*, ad vniuersumque mundum valens, altera vero tantummodo *doctrinalis*, ut fides ecclesiastica certi cuiusdam populi certo quodam tempore in systema quoddam determinatum se ipsum perpetuo conseruans convertatur. Quod vero hanc spectat, non potest mutari, ne fides historica tandem sola fides in doctos scripturarios eorumque intellectum euadat: quod sane naturae humanae haud ita laudi cedit, sed tamen per libertatem cogitandi publicam rursus compensatur, cuius haec eo magis potestatem habet, quoniam duntaxat eo, quod docti interpretationes suas cuiusque examini subiiciunt, ipsi vero quoque melioribus notitiis aperti manent earumque capaces, confidere possunt de fiducia reipublicae in excusationibus suis.

VII.

Transitio successiua fidei ecclesiasticae ad monarchiam fidei religionis purae cernitur in regno dei adpropinquando.

Nota criteriumque verae ecclesiae versatur in eius *vniuersalitate*; cuius vero vicissim nota necessitate illius ac determinabilitate continetur non nisi vno modo pos-

fibili. Atqui fidei historicae, (in reuelatione, qua experientia fundatae) valor duntaxat particularis est, ad eos quippe, ad quos historia peruenit, in qua posita est, continetque; vti omnis cognitio empirica, haud conscientiam, rem creditam sic nec aliter esse comparatam *oportere*, sed modo, eam sic esse; proinde simul conscientiam continet rationis fortuitae. Ergo ea quidem suppetere potest ad fidem ecclesiasticam (quarum esse plures queunt), sed sola fides religionis pura, quae prorsus ratione nititur, vt necessaria potest, proinde pro vna solaque agnosci, qua *vera* ecclesia distinguitur. — Etsi igitur (necessariae rationis humanae limitationi conuenienter) fides historica vt adiumentum ducendi religionem puram adficiat, cum hac tamen conscientia, eam solum eiusmodi esse, et haec, vt fides ecclesiastica principium in se cohibeat, fidei religionis purae perpetuo sese adpropinquandi, vt instrumenti ductoris illo tandem queat supersederi, eiusmodi ecclesia *vera* dici potest; cum autem de dogmatibus fidei historicis numquam possit concertatio euitari, ecclesia poterit duntaxat *militans* adpellari; hac tamen cum spe, fore, vt tandem *triumphans* euadat immutabilis et omnia coniungens. Fides cuiusque hominis singuli, quae receptiuitatem moralem (dignitatem) in se cohibet, felicitatis aeternae potiundae, fides *saluifica* vocatur. Haec igitur etiam non esse nisi vna potest, et in maxima fidei ecclesiasticae diuersitate tamen in vnoquoque deprehendi, in qua, metam, fidem religionis puram, spectans, practica est. Contra fides religionis cultus fides mercenaria est et *seruilis*, nec pro saluifica potest reputari, quoniam non est moralis. Haec enim esse fides debet libera atque ingenua. Fides seruilis per actiones (cultus), quarum, (quamuis operosarum) nullum tamen per se pretium morale est, quae proinde non nisi actiones sunt metu vel spe extortae, quas etiam malus homo patrare potest, deo putant sese acceptos fieri, cum contra fide saluifica mens moraliter bona vt necessaria supponatur.

Fides saluifica duas continet conditiones beatitudinis sperandae; vnam respectu eorum, quae haud ipsa potest efficere, nimirum vt actiones factae iuridice (coram iudice diuino) fiant infectae, alteram ratione eorum, quae ipsa et potest efficere et debet, nempe vt vita degatur noua officio consentanea. Prior est fides satisfactionis (solutionis loco debiti, redemptionis, cum deo reconciliationis), altera est fides in vita porro honeste degenda deo sese acceptum reddendi. Vtraque conditione vna solum fides efficitur, necessarioque coniuncta est. Sed necessitas coniunctionis non potest perspicui, nisi sumseris, vnam posse ab altera deriuari, ita, vt vel fides absolutionis a reatu vitam bonam atque honestam, vel vt vera et actiuosa mens vitae semper honeste degendae fidem absolutionis illius, ex lege causarum moraliter efficientium, producat.

Quo quidem loco antinomia emergit grauissima rationis humanae cum se ipsius, cuius enodatione, aut, si haec fieri nequeat, certe compositione sola potest discerni, vtrum fides historica (ecclesiastica) semper vt pars essentialis saluificae, praeter fidem religionis puram debeat accedere, an vt solum instrumentum ductorium tandem, quam remotissimum hoc tempus futurum sit, in fidem possit religionis purum transire.

1) Supponamus: pro peccatis hominum factam esse satisfactionem, facile quidem comprehendi potest, qui fiat, vt quisque peccator eam lubenter velit ad sese referre, et si de sola *fide* agatur (quod idem est, ac declaratio, se velle, vt ea quoque pro se facta videatur), ea de re ne momentum quidem dubitaturus foret. Sed nullo modo potest perspicui, qui homo ratione praeditus, qui poenae se obnoxium nouit, serio credere possit, sibi non esse curandum nisi vt nuncium de satisfactione pro se praestita credat, eamque (vt Iureconsulti aiunt) utiliter accipiat, quo nomen suum reatusque possit pro deletio accipi, atque ita quidem (radicitus adeo), vt in posterum quoque vita bona, de qua huc vsque ne minimum quidem laborauit, ex hac fide beneficiique oblati

acceptatione necessario consequatur. Hanc fidem nullus homo sanus, quamvis philautia saepenumero solum desiderium boni, ad quod nihil quidquam conferas, vel conferre possis, in spem conuertat, fore, ut res sibi subiecta desiderio solo allecta, sponte veniat, in se potest efficere. Quod fieri posse non potest cogitatione informare, nisi ut homo hanc fidem sibi ipsi ut caelitus inspiratam, atque ita ut quidpiam consideret, cuius nullam amplius rationem reddere rationi suae teneatur. Quod cum non potest, aut sincerior est, quum ut eiusmodi fiduciam tanquam solum adiuventum se insinuandi in se arte efficiat, tamen, ut maximi faciat eiusmodi satisfactionem transcendente, ut flagrantissime optet, talem quoque sibi patere, non poterit non eam pro hypothetica spectare, nimirum vitam suam, quantum in se sit, emendatam antecedere oportere, quo vel minimum sperare queat, fore, ut eiusmodi meritum altius possit sibi prodesse. — Quodsi igitur cognitio historica huius meriti ad fidem ecclesiasticam, sed vita emendata ad fidem moralem puram pertinet, *haec illam oportebit, antecedit.*

2) Sin autem homo natura corruptus sit, qui credere potest, sese, ut maxime conetur, hominem novum ex se, deo acceptum, effecturum; cum, peccatorum adhuc commissorum sibi conscius, adhuc sub potestate est principii mali, neque in se facultatem deprehendit idoneam, in posterum se melius parandi? nisi iustitiam, quam contra se excitauerat, satisfactione aliena ut reconciliatam, se ipsum autem, hac fide quasi ut recens natum spectare, atque ita demum ingredi possit, quae tum effectum foret principii boni secum coniuncti, in quo tandem spem suam fundabit, se hominem fore deo acceptum euasurum? — Ergo necesse est, ut fides meriti, quod haud suum est, et quo deo reconciliatur, omnem conatum ad actiones bonas antecedit. Quae pugna non potest per perspectam libertatem naturae humanae causaliter determinatam, id est, per causas, quibus efficitur, ut homo bonus malusue eua-

Vol. II. G g

dat, proinde haud theoretice componi: haec enim quaestio superat vniuersam contemplandi facultatem rationis nostrae. Sed in vsum practicum, vbi scilicet non quaeritur, quid physice, verum quid moraliter vtendo libero arbitrio nostro primum sit, vnde quippe capere initium debeamus, a fide eorum, quae deus nostri causa fecit, an ab iis, quae nos facere debemus, vt iis digni sequamur, sane poterit ea pugna dirimi.

Namque acceptatio prioris ad nos beatos reddendos requisitum, nimirum fidei de satisfactione vicaria, fere solum in gratiam conceptus theoretici necessaria est; neque enim liberationem a peccatis aliter nobis possumus *enodare*. Contra necessitas principii posterioris practica est et quidem moralis pura: profecto aliter non possumus sperare, ipsius meriti satisfaciens alieni in nos transferendi participes nos fore, quam cum nosmet per conatum nostrum in vnoquoque officio humano faciendo paramus, quod effectum erit proprii laboris nostri, nec vicissim aliena esse contagio debet, in qua nosmet gerimus patientes. Cum enim praeceptum posterius absolutum sit, etiam necesse est, vt homo illud fidei suae pro norma substernat, vt scilicet ab emendatione vita incipiat, quae conditio suprema est, qua sola potest fidei saluificae locus esse.

Fides ecclesiastica, vt historica, iure incipit a superiori; cum autem tantummodo vehiculum contineat fidei religionis purae (in qua proprius finis inest), id, quod in hac vt practica conditio est, nimirum norma *agendi*, necesse est, initium capiat, normaue *sciendi*, vel fidei theoreticae, tantummodo confirmationem ab solutionemque illius superioris efficiat.

In quo etiam notari potest: ex principio priori fidem (nimirum de satisfactione vicaria) homini pro officio, contra fidem vitae bene actae, vt ex contagione altiori effectae, gratiae imputatum iri. — Verum ex altero principio fit contrarium. Siquidem ex hoc *vita bona*

vt suprema gratiae conditio, *officium* absolutum est, contra satisfactio altior mera *res gratiae*. — Illi superiori (saepenumero haud sine iniuria) *superstitio* cultus obiicitur, quae vitam turpem potest nihilominus cum religione coniungere; alterum de *incredulitate naturalistica* reprehenditur, quae cum vita fere exemplari indifferentiam copulat, vel adeo resistantiam contra vniuersam reuelationem. — Sed istud esset nodum (per normam practicam) discindere, cum debeat (theoretice dissolui, quod et sane quidem in quaestionibus religionis licet. — Quocirca haec erunt adhuc monenda. Fides viua de prototypo naturae humanae deo acceptae (filio dei) *per se ipsa* ad ideam rationalem moralem relata est, quatenus haec nobis non solum pro regula est, verum etiam pro elatere, atque ita nihil quidquam interest, ab eane, vt fide *rationali* instituiam; an a principio vitae bonae. Contra fides de eodem prototypo *in phaenomeno* (in homine diuino;), vt fides *empirica*, (historica) haud idem est cum principio vitae bonae (quae prorsus rationalis esse debet), longeque aliud foret, a tali *) institui velle, et inde bonam vitam deriuari. Eatenus igitur pugna foret in superioribus duobus pronunciatis. Verum in phaenomeno theanthropi non id, quod sub sensus cadit; aut per experientiam cognosci potest, sed prototypum in ratione nostra situm, quod huic posteriori substernimus, (quoniam, quantum ex eius exemplo percipi potest, hic illi consentaneus deprehenditur) proprie res est fidei saluificaе obnoxia, talisque fides idem est cum principio vitae deo acceptae. — Ergo hic non sunt duo principia in se diuersa, quorum vt ab vno alteroue instituat, duae forent viae contrariae ineundae, sed vna modo atque eadem idea practica, ex qua proficiscitur, partim, quatenus ea prototypum, vt in deo praesens, atque ab eo proficiscens, partim vero, quatenus ea illud; vt praesens in nobis, sed vtraque vice quatenus vt re-

*) Quae existentiam eiusmodi personae fundare in argumentis historicis cogitur.

gulam vitae nostrae illud repraesentat; ideoque antinomia duntaxat specie est; quia eandem ideam practicam diuersa relatione sumtam, per errorem, pro duobus principiis diuersis capit. — Quodsi autem fidem historicam de existentia eiusmodi phaenomeni aliquando in mundo visi pro conditione statuere velis fidei solius saluificae, sane quidem tum duo prorsus diuersa principia (vnum empiricum, alterum rationale) forent, de quibus, vtrum ab vno an ab altero proficiendum instituendumque esset, vera normarum pugna existeret, quam vero nulla vmquam ratio diremtura videretur. — Pronunciati: credendum est, aliquando hominem fuisse, qui per sanctitatem suam et meritum cum pro se (respectu officii sui) tum quoque pro cunctis aliis (eorumque imperfectione respectu officii faciendi) satis fecerit, (qua de re nobis nihil quidquam ratio aperit), vt sperare possemus, nos ipsos in vita bona posse, sed tamen solum vi ac virtute fidei illius, beatitate potiri, huius pronunciati sensus longe alius est, quam huiusce: omnibus viribus menti sanctae studendum est vitae deo acceptae, vt credere possumus, amore eius ad genus humanum (nobis per rationem promisso), quatenus ad voluntatem illius nosmet pro viribus componimus, respectu mentis probae, imperfectionem actionis, quo modo cumque, expletum iri. Illud autem prius non in cuiusque (et indocti) hominis potestate est. Historia testatur, in vniuersis religionis formis haud duo fidei principia regnasse; in omnibus enim religionibus expiationes fuere, quales illae cumque fuerint. Sed initiorum in quouis homine moralium petitiones audiebantur. Verum tamen omni tempore magis sacerdotes conquesti sunt, quam morum doctores; illi quippe clara voce (et magistratibus ad reprimendum malum euocatis) de cultus neglectu, qui, ad populum cum caelo reconciliandum, perniciemque a ciuitate auertendam, introductus esset; hi e contrario de moribus deprauatis, quos admodum tribuerunt adiumentis istis expiatoriis, quibus sacerdotes cuique laborem leuarent, sese de vitiis turpissimis cum deo

reconciliandi. Ac profecto quidem, cum fons inexhaustus disoluendorum nominum et factorum et faciendo. rum iam adest, ad quem modo accedere possis, (et per vniuersas voces, quas conscientia tollit, sine dubio quoque statim accedes), vt a nominibus te liberares, interea dum propositum bonae vitae, dum de illis nihil amplius metuendum sit, potest suspendi; tum haud facile alia possunt eiusmodi fidei effecta cogitari. — Si vero adeo haec fides ipsa sic describeretur, quasi vis eius peculiaris sit atque eiusmodi contagio mystica (vel magica) vt, quamuis ea, quantum scimus, solum pro historica haberetur, tamen, si eam cum eaque coniunctos tactus seceris, vniuersum hominem queat funditus emendare (cum nouum hominem reddere): haec ipsa fides, vt proxime caelitus (cum et in fide historica) impertita inspirataque spectanda foret, vbi tum cuncta vel cum ipsa qualitate hominis morali ad absolutum dei decretum denique redeunt, „cuiuscumque miseretur „pro lubitu, et, quem vult, *obdurat*“ *), id quod, ad literam sumtum, saltus foret mortalis rationis humanae.

Igitur ex initiis physicis et moralibus in nobis, quae posteriora fundamentum sunt atque interpres vni-

*) Quod sic potest, opinor, accipi: nullus homo certo potest statuere, quare hic bonus, ille bonus homo (vterque comparate) euadat, cum saepenumero initia huius discriminis iam in nato videantur deprehendi, nonnumquam etiam res fortuitae in vita obuiac, quarum in nemine culpa haeret, aliquid in eo momenti habeant; pariter nemo potest definire, quid possit euadere. Qua de re iudicium cuncta videnti relinquendum est, quod hoc loco sic efficitur, quasi, antequam nascerentur, decretum de iis pronunciatum, cuique partes descripserit, quas aliquando sustenturi viderentur. *Praeuideri* in ordine phaenomenorum auctori mundi, si in eo ipso anthropopathice cogitetur, simul est *ante decernere*. In ordine rerum suprasensibili vero ex legibus libertatis, vbi nulla temporis ratio est, et *scientia omnia perlustrans*, ita tamen, vt, cur alter homo sic, alter ex decretis contrariis agat, enodari possit, et tamen quoque simul cum libertate voluntatis coniungi.

versae religionis, necessario consequitur, ut haec tandem ab omnibus rationibus determinandi empiricis, a cunctis statutis in historia positis, quibus per fidem ecclesiasticam homines prouidenter ad promouendum bonum coniunguntur, paulatim liberetur, atque ita religio rationalis pura tandem in vniuersis dominetur, „ut deus omnia sit in omnibus“. — Velamina, quibus primum se embryo hominem formasset, deponenda sunt, simulatque in lucem prodire debet. Vehiculum traditionis sacrae, cum adpendicibus suis, statutis ac ritibus, quod suo quondam tempore profuerat, paulatim redditur superuacaneum, adeoque vinculum, accedente aetate iuuenili. Dum (genus humanum) „parvulus esset, sapuit instar paruuli“, potuitque cum traditionibus, otioso sibi impositis, fere quoque eruditionem, atque etiam philosophiam ecclesiae famulam coniungere; „nunc autem, cum vir euadit, puerilia mittit“. Discrimen *laicos* inter et *clericos* dehonestans definit, aequalitasque oritur ex libertate vera, sed tamen sine anarchia, siquidem quisque legi (haud statutariae) quidem obtemperat, quam sibi ipse praescribit, quae ei vero simul pro voluntate moderatoris mundi per rationem reuelata accipienda est, omnes sub vno regimine communi inuisibiliter in ciuitate coniungente, quae per ecclesiam visibilem ante fuit tenuiter descripta ac praeparata. — Quae vniuersa non sunt a conuersione rerum externa expectanda, quae vim suam impetuose violenterque exserit ex temporibus pendente, in qua, quae in constituendo nouo statu peccata sunt, per secula cum dolore retinentur, certe non possunt nisi per nouam (semper periculofam) rerum conuersionem immutari. — In principio religionis rationalis purae, ut reuelationis diuinae omnibus hominibus perpetuo factae (quamquam haud empiricae) fundamentum insit illius ad nouum rerum ordinem transitionis, oportebit, quae semel deliberato consilio proposita, per instaurationem paulatim progredientem perficitur, quatenus ea opus esse humanum debet; nam rerum conuersiones quidem, quibus iste progressus possit breuior reddi,

prouidentiae relinquendae sunt, neque ad certum formam possunt, salua libertate, institui. —

Sed iure dici potest: „regnum dei ad nos venisse“, etiamsi modo principium transitionis successivae fidei ecclesiasticae ad vniuersalem religionem rationalem, atque ita ad ciuitatem ethicam (diuinam) in terris, vniuerse, atque alicubi quoque palam *publiceque* radices egerit: quamuis vera illius constitutio per infinitam a nobis distantiam remota videatur. Nam, quoniam hoc principio fundamentum continetur adpropinquationis ad hanc perfectionem continuae, in eo, tamquam in surculo quodam sese euolvente, posteaque vicissim fecundante totum (inuisibiliter) inest, quo mundus olim collustrari debet ac gubernari. Verum autem bonumque, cuius in initiis cuiusque hominis naturalibus fundamentum inest cum intellectus, tum communionis animi, cum semel palam factum est, per adfinitatem naturalem, qua cum initiis moralibus naturarum rationalium generatim tenetur perpetuo sese communicat. Impedimenta per causas politicas ciuiles, quibus de tempore in tempus dilatio eius retinetur, potius faciunt, ad coniunctionem animorum ad bonum (quod, semel adspectu comprehensum, cogitationes illorum numquam relinquit) eo arctiorem reddendam *).

*) Fidei ecclesiasticae, quamuis neque ab ea te abdicaueris, neque eam impugnaris, vis poterit contagioque ut cuiusdam vehiculi seruari, eique nihilominus ut opinioni atque errori de officio cultus omnis contagio cum conceptu religionis propriae (nempe morali) demi, atque ita, in diuersitate formarum fidei statutarum, concordia sectatorum, illarum inter se inuicem per principia vnius religionis rationalis, quo doctores omnes traditiones istas ritusque interpretari debent, fundari; donec tempore, per collustrationem veram inualescentem (legalitatem ex libertate morali profectam) vnoquoque consentiente forma instrumenti cogendi dehonestantis cum forma ecclesiastica possit, dignitati religionis moralis consentanea, nimirum fidei liberae commutari. — Vnitatem ecclesiasticam cum libertate in

Hic igitur conatus est principii boni, humanis oculis haud perceptus, sed perpetuo progrediens, in genere humano, vt republica ex legibus virtutis potestatem sibi regnumque fundandi, quod victoriam obtineat de malo, sub suoque imperio pacem mundo aeternam polliceatur.

SECTIO POSTERIOR.

DESCRIPTIO HISTORICA IMPERII A BONO PRINCIPIO IN TERRIS PAULLATIM CONSTITUENDI.

Religionis in terris (sensu verbi angustissimo) nulla potest *historia catholica* generis humani desiderari;

rebus fidei coniungere, in problemate est, ad quod enodandum idea vnitatis obiectivae religionis rationalis per inuitamentum morale, quod ex ea capimus, continuo impellit, cuius vero, si ea de re humanam naturam consulimus, in ecclesia visibili perficiendi, parum spei adest. Est idea rationis, cuius exhibitio in visione ei consentanea fieri a nobis non potest, cuius tamen vero vt principii practici regulativi, realitas obiectiva est, ad hunc finem, vnitatis religionis rationalis purae, efficiendum. Huius eadem ratio est, quae ideae politicae iuris publici, quatenus hoc simul ad ius gentium vniuersale et *potestatem tenens* debet referri. Experientia omnem illius spem nobis demit. Inclinatione in genus humanum videtur (fortasse consulta) indita esse, vt quae ciuitas singularis, si sibi ex voto successerit, ad quamque sibi aliam subiiciendam, monarchiamque vniuersalem constituendam conetur; sed ad certam quamdam multitudinem prouecta, tamen sponte in ciuitates minores, diuellatur. Sic quaeque ecclesia superbam fouet arrogantiam euasuram se fore vniuersalem; simulatque autem dilatata imperium obtinet, statim principium conspiciatur resolutionis in variasque sectas separationis.

Maturior eoque (quod prius fit, quam facti sunt moraliter meliores) noxia conflatio statuum — si in ea re liceat finis prouidentiae sumi — in primis duabus causis fortiter efficientibus, nimirum et linguarum et religionum diuersitate; impeditur,

quippe quae, ut in fide morali pura fundata, in nullo versatur statu publico, sed quisque progressuum, quos in eo fecerit, tantummodo per se potest sibi conscius esse. Igitur fides ecclesiastica sola est, a qua exhibitio historica vniuersalis possit expectari; propterea quod eam, pro varia et mutabili forma, cum fide religionis vna solaque pura immutabili comparamus. Inde ab eo, ubi illa prior dependentiam suam a conditionibus adstringentibus huiusce posterioris, atque a necessitate contentus cum palam agnoscit, incipit *ecclesia catholica*, sese ad ciuitatem dei ethicam formare, ex principioque firmo, omnibus et hominibus et temporibus eodem, ad eius absolutionem progredi. — Potest praevideri hanc historiam non nisi narrationem de certamine continuo inter fidem religionis cultus et religionis moralis fore, ad quarum priorem homo semper pronus fertur praeferendam, cum e contrario iure de principatu, qui sibi ut fidei soli animos emendanti competit, numquam sese abdicarit, quem tandem certo quoque obtinebit.

Huius autem historiae vnitas esse non potest, nisi solum ad eam humani generis partem adstringatur, in qua iam initia vnitatis ecclesiae catholicae propius ad euolutionem adducta sunt, idcirco quia per eam certe quaestio de discrimine fidei rationalis et historicae iam palam proposita, eiusque decisio curae morali maximae subiecta est; historia enim variorum populorum, quorum fides nulla inter se inuicem coniunctione tenetur, nullam alias ecclesiae vnitatem pollicetur. Ad hanc autem vnitatem referri non potest: quod in vno eodemque populo certa quaedam noua fides aliquando orta est, ab antea dominante nominatim sese distinguens; quamquam haec *causas* nouae generandae *occasionales* in sese cohibebat. Etenim vnitas sit principii, oportebit, si successio diuersarum fidei formarum ad mutationes debeat vnius eiusdemque eo referri, atque in harum posteriorum historia nosmet in praesens sumus occupati,

Quamobrem hoc quidem respectu historiam illius tantummodo ecclesiae, quae inde a primis initiis furculum atque principia vnitatis obiectivae fidei religionis verae atque catholicae in sese cohiberet, cui ea paullatim propius admouetur, possumus pertractare.— Vbi tum patet; fidem *Iudaicam* cum hac fide ecclesiastica, cuius historiam contemplaturi sumus, nulla omnino coniunctione essentiali teneri, nimirum in nulla vnitatem ex conceptibus versari, quamvis illa proxime praecesserit, huiusce fundandae ansam physicam ecclesiae (christianae) dederit.

Fides *Iudaica*, secundum constitutionem originariam, cernitur in complexu legum mere statutariorum, in quo constitutio reipublicae fundata erat; nam quae additamenta moralia vel tum iam, vel etiam sequenti tempore *adnexa* sunt, ea nulla modo ad Iudaismum, qua talem, pertinent. Iudaismus proprie in nulla omnino religione versatur, sed solum in coniunctione multitudinis hominum, qui, cum ad stirpem singularem quamdam pertinerent, ad quamdam sese rempublicam sub legibus mere politicis, proinde haud ad ecclesiam, formarunt; potius *debebat* ciuitas mundana esse, ita, vt, hac aduersitatibus dissoluta, sibi etiam fides (essentialiter ad eam pertinens) politica relinqueretur, fore, vt ea (adueniente Messia) aliquando instauratum iri videatur. Quod huic constitutioni civili theocratia fundamento fuit (manifesto aristocratia sacerdotum, aut ducum, sese proxime de instructione a deo accepta gloriantium) proinde nomen dei, qui tamen hic solum vt gubernator mundanus, cui nec de conscientia, nec in illam, vllum omnino ius est, colitur, ea re non redditur constitutio religiosa. Facili potest id negotio probari. *Primo* quippe omnia praecepta eius generis sunt, vt constitutio quoque politica ea custodire queat, atque vt leges cogentes imponere, quoniam solum actiones attingunt externas, et quamquam etiam decalogus, etiamsi haud palam propositus fuerit, iam vt ethicus coram ratione valet, tamen is in legislatione illa nullo

modo est cum praeceptione *mentis moralis* in eo seruando (in quo postea christianismus caput posuit) propositus, sed simpliciter duntaxat ad obseruationem externam constitutus; id quod inde quoque planum est, quod, *secundo*, vniuersa, quae ex hisce praeceptis vel seruatis vel omissis sequuntur, omnia praemia vel poenae omnes tantummodo ad ea adstringuntur, quae cuique hoc in mundo possunt impertiri, et vel haec ipsa ne quidem ex conceptibus ethicis; propterea quod vtraque venire ad posteros debebant, qui in nullam prorsus communionem practicae actionum vel facinororum venerunt, id quod in constitutione politica sane quidem esse adiumentum prudentiae potest, obedientiae sibi comparandae, in ethica vero omni omnino aequitati repugnaret. Cum igitur sine fiducia vitae futurae nulla omnino possit religio cogitari, Iudaismus qua talis secundum puritatem suam spectatus, nullam prorsus fidem religionis continet. Id quod sequente obseruatione eo magis confirmatur. Scilicet vix dubitari potest, Iudaeos perinde atque alios populos, vel rudissimos atque incultissimos, fidem futurae vitae, proinde caelum infernumque habuisse; haec enim fides, per initia moralia in humana natura vniuersalia, cuique sponte se obtrudit. Igitur profecto factum est *ex consilio*, vt legislator huius populi, quamquam vt deus ipse describitur, tamen ne minimam quidem vitae futurae rationem habere *voluerit*, id quod indicia est, eam rempublicam modo politicam, non ethicam, fundare se voluisse; sed in politica de praemiis poenisque dicere, quae hac in vita nullo modo possunt conspici; sumto illo, prorsus absonum foret ac discrepans. Verum etiamsi nullum dubium sit, quin Iudei sequenti tempore, pro se quisque, certam quamdam religionis fidem constituerint, quae articulis fidei statutariae esset admixta, tamen illa numquam pars effecta est ad legislationem Iudaismi necessaria. *Tertio* tantum abest, vt Iudaismus epocham ad statum *ecclesiae catholicae* pertinentem, aut hanc ipsam ecclesiam catholicam suo tempore absoluerit, vt is potius vniuersum genus humanum

a communione suo arceret, vt populus peculiaris a Iehoua per se delectus, qui omnes populos infestaret, et propterea ab vnoquoque infestaretur. In quo etiam haud ita tanti videtur, quod hic populus deum vnum sibi nulla, quae quidem sub adsp̄ctum cadat, imagine depingendum pro moderatore mundi vniuersali constitueret. Namque plerorumque populorum doctrinam fidei idem spectasse videmus, et duntaxat per *cultum* certorum quorundam illis subiectorum deorum inferorum potentium polytheismi sese suspectos reddidisse. Namque deus, qui eiusmodi solum seruari praecepta vult, quae nullam prorsus postulant mentem moralem, non proprie ea natura moralis est, cuius conceptu ad religionem indigemus. Haec magis in fide de multis eiusmodi naturis potentibus, quae non sub adsp̄ctum cadunt, locum haberet, si populus forte eas sic cogitaret, vt, quamuis diuersae eorum curae sint, omnes tamen in eo conuenirent, quod eum modo complacentia sua dignum iudicarent, qui toto animo virtutem consecraretur, quam cum fides duntaxat vni naturae sacra-
ta est, quae vero caput in cultu mechanico quodam ponat.

Quocirca historiam ecclesiasticam catholicam, quatenus ea debet systema absolui, non possumus nisi ab origine christianismi instituere, qui, vt tota Iudaismi, in quo ortus est, derelictio, in principio prorsus nouo fundatus, totam rerum conuersionem in rebus fidei effecit. Opera, quam doctores christianismi nauant, vel statim initio nauarunt, vt ex vtroque filum ductorium continuum necterent, dum fidem nouam duntaxat pro continuatione veteris, quae omnia eius euēta typis complexa fuerit, reputari cupiunt, planum facit, in eo illos tantummodo de adiumentis conuenientissimis illicitos fuisse, religionis moralis purae pro cultu vetere, ad quem populus admodum erat adsuefactus, *introducendae*, sed praeiudicatis eius opinionibus directo haud offensis. Iam ex signo corporeo, quo populus ille ab aliis totus distingueretur, sublato, iudicari potest, fidem nouam, ad

nulla veteris statuta, quid? quod ad nulla omnino statuta, adstrictam religionem continere debuisset, ad mundum, non vero ad populum singularem, valentem.

Itaque ex Iudaismo, — sed ex Iudaismo non amplius vetusto et immixto, solum in propria quadam constitutione politica statuto (quae itidem erat admodum concussa), verum ex Iudaismo iam per paulatim in eo palam factas doctrinas morales cum fide religiosa commixto, in statu quodam, quo ad hunc populum quondam rudem atque ignarum multa iam sapientia aliena (Graeca) peruenerat, quae sine dubio quoque ad eum conceptibus virtutis collustrandum contulit, in molestoque onere fidei traditionariae ad rerum conuersionem praeparandum, occasione data diminutae sacerdotum potestatis, subiectione sub summam potestatem populi, ad omnem fidem popularem alienam medii, — ex tali igitur Iudaismo subito emerfit, quamquam haud sine praeparatione, christianismus. Doctor euangelii ut missum se caelitus annunciabat, dum simul ut eiusmodi missione dignus, fidem seruilem (de diebus cultus, confessionesque et ritus) per se pro irrita, contra moralem, qua sola homines sancti redduntur, „quemadmodum eorum pater in caelo sanctus est,“ et per vitam bonam honestamque veritatem suam testatur, pro sola saluifica declarauit, posteaquam vero per doctrinam et cruciatus usque ad mortem inculpatam simulque meritoriam *) in persona sua exemplum proto-

*) Cum qua historia eius publica (quae idcirco quoque vniuersae poterat exemplo esse imitationis) finitur. Historia secretior additamento adiecta, solum in conspectu familiarium eius facta et *resurrectionis* et *adsensionis* in caelum (quae, duntaxat pro idea rationali accepta, initium vitae alterius introitusque in sedem beatitatis, id est, in communionem bonorum omnium, denotarent), saluo pretio eius historico, ad religionem potest intra terminos solius rationis non usurpari. Haud fere propterea, quoniam in narratione historica versatur (cuiusmodi quippe et antecessus est), sed quoniam, ad literam accepta, conceptum sumit, sensitiuo hominum repraesentandi modo consentaneum, ra-

typo humanae naturae potius deo acceptae conueniens proposuerat, vt ad caelum, vnde venerat, reuertens describitur, dum voluntatem vltimam (quasi in testamento quodam) verbo reliquit, et quod vim recordationis de merito suo, doctrinaeque atque exemplo spectat, tamen dicere poterat, „se (ideale humanae naturae „deo acceptae) nihilominus manere in discipulis vsque „ad finem mundi.“ — Huic doctrinae, quae, si forte de *fide historica* propter originem ordinisque personae fortasse supraterrēstris ageretur, sane confirmationis per miracula indigebat, quae vero vt solum ad fidem moralem animos emendantem pertinens, vniuersis potest argumentis veritatis suae facile carere, in libro

rioni vero in fide de futuro admodum molestum, nempe conceptum cum *materialismi personalitatis* in homine (psychologicum) quae non nisi cum adiunctione *corporis* eiusdem locum habere possit, tum *praesentiae* in mundo quodam generatim (cosmologicum) quae ex hocce principio non potest nisi *in spatio* esse; cum contra hypothesis spiritualismi naturarum mundanarum rationalium, qua corpus in terra manere mortuum, et tamen eadem persona adesse viua potest, itemque homo quoad spiritum (in qualitate sua haud sensibili) ad sedem beatorum peruenire potest, ita vt haud in vllum locum quemdam spatii infiniti, terram cingentis (et quod etiam caelum vocamus), translocetur, magis rationi fauet, non solum idcirco, quoniam fieri non potest, vt materia cogitans mente et cogitatione depingatur, sed potissimum propter rationem fortuitam, cui existentia nostra post mortem exponitur, quod solum niti cohaesione molis cuiusdam materiae in certa forma debet, cum e contrario queat constantiam substantiae simplicis vt in natura eius fundatam, cogitare. — Verum supposito spiritualismo rationi neque intuitum accedere ex eo potest, quod corpus, quod, vt maxime depuratum fuerit, tamen (si personalitas identitate illius nitatur), vsque ex eadem materia, qua basis efficitur organisationis eius, constet, necesse est, et quam ipsum in vita haud ita adamasset, aeternum secum ducat, neque enodari potest, quid haec terra calce commixta, qua consistit, in caelo, hoc est, in alia mundi regione fieri debeat, vbi sine dubio aliis materiis existentiae conuersationisque naturarum viuentium conditio absolvetur.

sacro praeterea miracula ac myſteria adiunguntur, quorum patefactio ipſa viciffim in miraculis eſt, et fidem historicam poſtulat, quæ non niſi per eruditionem poteſt eſt cum confirmari, tum quoad vim ſenſumque ſeruari.

Omnis autem fides, quæ, vt fides historica, libris nititur, ad ſibi cauendum indiget *populo erudito*, in quo per ſcriptores vt æquales, a ſuſpicionem conſpirationis cum primis diuulgatoribus eius liberos, quorum contextus cum noſtris huius ætatis ſcriptoribus haud interrupte ſeſe conſeruauit, quaſi poſſit comparari. Contra fides rationalis pura nullius indiget eiſmodi confirmationis, ſed ſe ipſam probat. Iam temporibus illius rerum conuerſionis in populo, qui Iudæos poteſtate tenebat, eorumque in ipſa ſede diſperſus erat (in populo Romano), fuit iam populus eruditus, de quo nobis quoque illorum temporum historia, reſpectu euentuum in conſtitutione politica, per ſeriem ſcriptorum haud interruptam tradita eſt; qui populus quoque, etſi fidem religioſam ſubditorum haud Romanorum parum curarent, tamen reſpectu miraculorum, quæ palam in iis facta putabantur, minime fuit incredulus; verum vt æquales nullam mentionem fecerunt, neque horum, nec rerum conuerſionis nihilominus palam factæ, quam in populo ſibi ſubiectò (reſpectu religionis) produxerant. Sero duntaxat, plus vna exacta ætate de natura huius fidei conuerſionis ſibi huc vsque ignota (quæ hatid ſine motu publico euenerat) inquiſuerunt, non vero de historia primi illius initii, vt eam in propriis annalibus conquirerent. Ab eo inde tempore vsque ad tempus, quo chriſtianismus per ſe ipſe populum eruditum conſtituit, proinde historia eius obſcura eſt, ideoque nobis ignotum manet, quale effectum doctrinæ illius in moralitatem fuerit ſociorum religionis eorum, vtrum chriſtiani primi reapse fuerint homines moraliter emendati, an homines conſuetæ vitæ ac fidei. Ex quo vero chriſtianismus ipſe populus eruditus euaiſſet, vel tamen in vniuerſalem acceſſiſſet, historia eius, quantum effectum attinet benignum, quod iure

potest ab religione morali expectari, nullo modo illi laudi cedit. — Quomodo mysticis fanaticorum somniis in vita eremitica et monachica, celebrandaque sanctitate caelibatus, magna hominum multitudo mundo inutilis redderetur; quomodo cum ea re coniuncta miracula putatitia populum sub superstitione caeca grauissimis vinculis premerent; quomodo cum hierarchia hominibus liberis sese obtrudente terribilis vox *orthodoxiae* ex ore interpretum scripturae arrogantium sublata audiretur, mundumque christianum de opinionibus fidei (credendis) (cuius nullo modo potest concentus vniuersalis fieri, nisi ratione pura interprete constituta) in partes furiosas dispesceret: quomodo in oriente, vbi ciuitas ridicule ipsa in fidei statutis sacerdotum occuparetur, cum contra eos intra angustos ordinis meri doctorum (ex quo semper sunt propensi transire ad ordinem gubernantem), tenere debuissent, quomodo, inquam, haec ciuitas tandem hostibus externis, qui tandem eius fidei dominanti finem imposuere, necessario praedae esset; quomodo in occidente, vbi fides proprium suum solium, a potestate mundana liberum fundaret, a vicario dei arrogante ordo ciuilis vna cum literis (quibus ille conseruatur), concuteretur atque infirma redderetur, quomodo vtraque pars christiana, instar plantarum et animalium, quae per morbum interitui vicina, vastantes insectas adliciunt, ad eum perficiendum, a barbaris opprimeretur; quomodo in hac posteriori illud caput clericum reges, velut liberos, per virgulam magicam anathematis propositi regeret et castigaret, ad bella eos illam alteram mundi partem hominibus priuantia externa (ductus cruciatus), ad se invicem infestandos, ad seditionem subditorum aduersus magistratus, ad sanguinolentum odium erga socios vnius eiusdemque christianismi aliter sentientes excitaret; quomodo huiusce disfidii, quod etiamnum duntaxat per rationem politicam a violentis ingeniis detinetur, radix in decreta fidei ecclesiasticae despotice iubentis latet, illarumque scenarum similes metuendas etiamnum facit: — haec christianismi historia (quae, quatenus hic in fide

historia fundari debebat, etiam non aliter euenire poterat) si eam quasi tabulam sub adspēctum subiicias, sane posset illud confirmare: tantum religio potuit suadere malorum! nisi ex fundatione illius etiamnunc perspicue eluceret, verum illius consilium primum nullum aliud fuisse, quam vt fides religionis pura, de qua nullae esse partes concertantes possunt, introduceretur, vniuersum autem motum istum, quo genus humanum concuteretur, et etiamnunc dissidio disiungitur, solum inde oriri, quod per propensionem prauam naturae humanae, quod initio ad introducendam posteriorem facere debebat, nimirum vt natio veteri, fidei historicae adsueta per suas ipsius opiniones praeiudicatas in gratiam nouae occupetur, sequenti tempore fundamentum religionis mundanae vniuersalis constitueretur.

Si igitur quaeras: quodnam tempus vniuersae huc vsque notae historiae ecclesiasticae optimum sit, nullus dubito profiteri: *praesens est*, et ita quidem vt surculus verae fidei religiosae, sicut nunc in republica christiana tantummodo ab nonnullis quidem, sed palam tamen plantatus est, libere magis magisque euoluetur, vt inde adpropinquatio continua ad eam ecclesiam, omnes homines sempiternae coniungentem, expectetur, qua imago visibilis (schema) regni dei inuisibilis in terris efficitur. — Ratio in rebus vniuersis, quae morales esse debent et ad animos emendandos facere, ab onere fidei interpretum arbitrio perpetuo expositae sese liberans in omnibus prouinciis nostrae mundi partis inter veros religionis cultores vniuerse (quamuis haud vbi-que palam) *primo* decretum *modestiae* aequae in sentiendo de vniuersis, quae reuelatio dicuntur, sequitur: cum nemo scripturae, quae quoad materiam practicam nil nisi diuina in se cohibet, queat *possibilitatem* impugnare, quod ea (scilicet respectu eorum, quae historica in ea insunt), possit quoque reapse pro reuelatione diuina accipi, coniunctio item hominum ad religionem haud facile sine libro sacro fideque in eo fundata ecclesiastica confici possit et perpetua reddi; cum praeterea, pro eo,

ac praefens intellectus humani status, difficulter quispiam queat reuelationem nouam, nouis miraculis introductam, expectare, — rationi aequitatieque conuenientissimum esse, vt libro, qui semel adest, porro quoque pro fundamento institutionis ecclesiasticae utamur, eiusque dignitatem ac pretium haud inutilibus ac petulantibus adgressibus infirmemus, praeterea quoque nemini fidem de eo vt ad beatitatem necessariam obtudamus. *Alterum* deinde hoc decretum est: vt, cum historia sacra, tantummodo in gratiam fidei ecclesiasticae constituta, per se sola nullam omnino cum normis moralibus accipiendis contagionem habere possit et debeat, sed huic modo ad rem sibi subiectam veram (virtutem ad sanctitatem adspirantem) viuide exhibendam data sit, ea semper ad mores spectantem doceri debeat et explicari, praeterea quoque diligenter, et (quoniam maxime homini vulgari propensio constans inest ad fidem passuam *) transgrediendi) repetita vice inculcetur; religionem veram haud in scientia et confessione eorum versari, quae deus ad nos beatos reddendos faciat aut fecerit, verum in iis, quae nobis facienda sint, vt beatitate digni euadamus, quae numquam esse aliud possunt, quam cuius per se ipsius indubitatum pretium *absolutum* sit, proinde nos solum reddere deo acceptos possit, de cuiusque necessitate simul quisque homo sine omni eruditione scripturaria prorsus certus fieri queat. — Ne igitur ista principia, quo minus publica fiant, impediantur, in officio est rectoris reipublicae; contra per-

*) Ex causis huius propensionis vna sita est in principio securitatis: mendas religionis, in qua natus sum, et educatus, cuius institutio non ex mea optione dependeret, atque in qua propria argutatione nihil quidquam immutarim, haud ad meam, sed educatorum meorum, magistrorumque publicae constitutorum rationem referri: id quod simul in causa est, cur mutationem religionis publicam hominis haud facile comprobemus, quo quidem sane et alia ratio (profundius abdita) accedit quod scilicet, in ambiguitate, quam in se quisque sentit, quatenam fides (historicarum) recta et vera sit, interea dum fides moralis vbique eadem est, valde nosmet inutile iudicamus, populum commouere.

multum in eo discriminis est culpaque, si iter providentiae diuinae turbes, et propter certos quosdam doctores ecclesiasticos historicos, quibus tamen ad summum tantummodo probabilitas fauit per doctos decernenda, subditorum religionem offerendis negandisque certis quibusdam commodis ciuilibus, alioquin cuique concessis, tentes, *) quo quidem, nullo respectu habito

*) Cum regimen aliquod non vult pro vi illata conscientiae habendum esse, quod modo vetet, ne *palam* sententiam de religione tuam *profiteare*, dum tamen interim neminem impediret, quo minus occulte, quae sibi recta videntur, *cogitet*, plerumque de eo iocantes dicimus: istud nullam esse libertatem ab eo concessam; quoniam ea per se impediri nequeat. Sed, quod suprema potestas mundana efficere non potest, id tamen potest clerica; scilicet ipsam vetare cogitationem, et reapse quoque impedire; adeo, vt eiusmodi coactionem, quippe vetitum, ne aliter, atque ea praescribit, vel modo cogitetur, ipsis potentibus superioribus imponere queat. — Etenim propter hominum propensionem ad fidem cultus seruilem, cui non solum prae morali (vt faciendis officiis generatim deo seruiamus) ad maximum, verum etiam vnum, omnem defectum reliquum resarciens, momentum tribuendum sponte feruntur proni, orthodoxiae custodibus vt pastoribus animorum semper facile est, gregi suo terrorem pium de minima a certis quibusdam fidei sententiis in historia politis aberratione, ipsaque vniuersa inuestigatione adeo incutere, vt haud audeant, vel mente modo et cogitatione de sententiis sibi obtrusis dubitare: quoniam hoc idem sit, ac malo genio aurem praebere. Verum est, vt ab ista coactione libereris, satis esse, te tantum *velle* (quod in illo per potestatem mundanam vetito, respectu confessionum publicarum, fieri haud licet;) sed hoc velle illud ipsum est, cui intus obex obiicitur. Verumtamen propria haec religiosa coactio satis quidem mala est (quippe quae ad simulationem internam seducit), sed nondum tam mala, quam externa credendi libertas prohibita, quoniam illa per progressum intellectus moralis conscientiamque libertatis, ex qua vera officii obseruantia solum oriri potest, paullatim sponte cesset, necesse est, contra hanc coactionem externa omnes progressus voluntarii, in communiione credentium ethica, qua essentia verae ecclesiae efficitur, impediuntur, formaque illius constitutionibus prorsus politicis subiicitur.

detrimenti, quod ea ex re sancta libertas capit, difficulter possunt ciuitati boni ciues comparari. Ecquis tandem eorum qui eiusmodi liberam initiorum diuinorum in salutem mundi euolutionem impediendam in se recipiunt, vel eam commendant, si, conscientia consultata, de eo meditetur, cauere de cunctis malis velit, quae ex eiusmodi violentis iniuriis possunt enasci, quibus progressus in bono ab moderamine mundi spectatus forte in longum tempus prohiberi posset, atque etiam retractari; quamquam per nullam potestatem humanam institutumque vmquam potest prorsus tolli?

Tandem regnum caeli quoque, quoad prouidentiae directionem, in hac historia non solum vt in adpropinquatione certis temporibus retardata quidem, sed numquam prorsus interrupta, verum etiam in ingressu suo depingitur. Accipi vt repraesentatio symbolica potest, duntaxat ad animandam spem maiorem fortitudinemque atque conatum ad illud spectans, cum huic narrationi historicae etiam vaticinium (quasi in libris Sibyllinis) de magna hac mundi mutatione absoluenta in tabula regni dei in terris visibilis (sub regimine vicarii eius locumque tenentis iterum caelitus regressi) felicitatisque, sub eo seiunctis expulsisque rebellibus, denuo resistantiam tentantibus, hac in terra percipiendae, cum tota eorum deletione auctorisque (in apocalypsi) adiungitur, atque ita *finis mundi* historiam absoluit. Doctor euangelii regnum dei in terris, duntaxat a parte splendida, animosque eleuante ac morali, nimirum ex dignitate ciuium ciuitatis diuinae discipulis depinxerat, eos instituerat, quid iis faciendum esset, non solum, vt ipsi eo peruenirent, verum etiam, vt cum aliis similiter sentientibus, ac, si fieri posset, cum vniuerso genere humano eum in finem sese coniungerent. Felicitatem autem, alteram necessariorum hominis desideriorum partem, iis praedixit, hac in vita terrestri haud debere certo expectari. Potius eos praeparauit, vt parati essent ad summas miseras atque iacturas; sed tamen (quoniam tota a felicitate physica

non potest hac in terra abdicatio ab homine postulari, addidit: „estote laeti et bono animo, in caelo vobis omnia bene compensabuntur.“ Quod excitauimus, ad historiam ecclesiae additamento, sortem eius futuram spectante atque extremam, haec tandem vt *triumphans*, nimirum cunctis impedimentis superatis felicitate etiamnum his in terris cumalata depingitur. — Separatio bonorum a malis, quae progressibus ecclesiae ad perfectionem durantibus, huic fini haud conueniens fuisset (propterea quod permixtio vtrorumque ad hoc ipsum necessaria fuit, partim vt bonis esset pro cote virtutis, partim vt alii eorum exemplo a malo auocarentur) constitutione ciuitatis diuinae absoluta, vt consequens postremum depingitur; vbi vltimum firmitatis eius, vt potestatis consideratae argumentum, victoria de cunctis hostibus externis, itidem quoque vt in ciuitate quadam (ciuitate infernali) spectatis, adiicitur, quocum vniuersae vitae finis est, siquidem „hostis vltimus (bonorum hominum) mors tollitur,“ atque in vtraque parte, vna in salutem, altera in perniciem, immortalitas incipit, ipsa ecclesiae forma dissoluitur, locum tenens in terris cum hominibus, vt caeli ciuibus, cum se euectis in vnam classem coit, atque ita deus omnia in omnibus est. *)

Haec descriptio narrationis historicae posteritatis, quae ipsa nulla historia est, pulcrum ideale videtur epochae mundi moralis introducenda religione vera vni-

*) Quod verbum (mysterioso, omnes, quae esse potest, experientiae terminos superante, tantummodo ad sacram humani generis *historiam* pertinente, ad nos proinde *practice* nihil attinente, in medio relicto) ita potest intelligi, vt fides historica, quae, qua fides ecclesiastica, codicis sacri indiget ad homines ducendos, sed eo ipso vnitatem ecclesiae atque vniuersalitatem impedit, ipsa cessatura sit, in puramque fidem religiosam vniuerso mundo aequae perspicuam transitura; quo nunc, religione rationali pura perpetuo euoluenda ex velamine illi in praesens adhuc haud abiiciendo, diligenter adlaborare debemus.

versali effecta, in fide *praeuisa*, vsque ab absolutionem, quam non vt absolutionem empiricam *spectamus*, verum ad quam tantummodo continuo progrediendo adpropinquandoque ad summum bonum in terris possibile (in quo nihil mysticum inest, sed cuncta morali modo naturaliter eueniunt), *prospicere*, id est, nosmet componere possumus. Aduentus antichristi, chiliafmiq̃ue, et annunciatio propinqui finis mundi coram ratione possunt bonam significationem symbolicam induere, atque haec posterior, vt (quemadmodum finis vitae, propior an remotior) haud ante praeuidendum euentum depicta, optime necessitatem exprimit, vt semper parati simus, reapse autem (si huic symbolo sensum intellectualem subieceris) nosmet omni tempore vere vt ciues vocatos ciuitatis diuinae (ethicae) consideremus. „Quando tandem igitur regnum dei veniet? Regnum „dei non venit forma conspicua. Neque etiam dicetur: en hic, vel illic est! Nam teneatis regnum dei „esse intus in vobis!“ (Lucae XVII, 21 seq.) *)

*) Hoc loco regnum dei depingitur, non ex pacto singulari quodam (nullum Messianum), sed *morale* (per solam rationem cognoscibile). Regnum diuinum pactitium oportebat probationem ex historia depromere, et tum in regnum *Messianum* ex *vetere et nouo* pacto describitur. Iam dignum notatu est: admiratores regni diuini pactitii (Iudaeos) etiamnum sese, qua tales, quamquam per omnem terrarum orbem dispersos, conseruasse, interea dum fides aliorum religionis sociorum cum fide populi, quo dispersi sunt, solebat confundi. Quod phaenomenon multis adeo mirabile videtur, vt per naturam rerum fieri id haud facile posse autument, sed extraordinarium institutum iudicent ad peculiarem quemdam finem diuinum. — Verum populus, cui scripta religio (codices sacri) est, cum eo, qui (velut imperium Romanum — tum totus terrarum orbis moratus) nullam eiusmodi religionem habet, sed solum ritus, numquam in vnā fidem conflatur; potiusue citius tardiusue profelytas colligit. Hinc quoque Iudaei ante captiuitatem Babylonicā, postquam, vti videtur, sacri eorum codices demum palam lecti sunt, non amplius de propensione ad alienos deos sectandos, incusantur; cum praeterea cultura Alexandrina, quae vim suam in iis quoque, necesse fuit, exsereret, iis

SCHOLION GENERALE.

In omnibus fidei formis, religionem spectantibus
perscrutatio sub natura interna necessario impingit in

posset prodesse, ad formam illis systematicam impertiendam. Sic *Parfi*, qui religionem sectantur Zoroastri, fidem suam huc usque tuiti sunt, quamvis tuerint dispersi; quoniam penes *Destures* eorum Zendauesta erat. Cum e contrario *Hindi*, qui, sub nomine Ziganorum, longe lateque dispersi sunt, quoniam e fecibus plebis (*Pariis*) erant, (quibus adeo vetitum est, ne libros sacros legant), non effugerunt commixtioni cum fide aliena. Quod vero Iudaei, per se soli, tamen haud forent effecturi, id fecit religio christiana, et serius quoque Muhammedana, praesertim christiana; si quidem utraque fidem Iudaicam ad eamque spectantes codices sacros supponunt (quamquam Muhammedana eos perhibet esse corruptos). Namque Iudaei apud christianos ab se egressos semper poterant vetusta documenta sua rursus inuenire, si modo in migrationibus suis, ubi habilitas eos legendi, ideoque desiderium eos possidendi, saepenumero extincta fuerit, recordatio iis relinqueretur, eiusmodi se quondam habuisse. Idcirco extra dictas prouincias nulli quoque Iudaei reperiuntur; si a paucis illis in ora Malabarica et forte a coetu quodam in Sina discesseris (e quibus illi superiores cum sociis fidei suis in Arabia in perpetuo negotiorum commercio esse poterant), quamvis nullum dubium, quin in illis quoque regionibus opulenti sese disperferint, verum per inopiam vniuersae cognationis fidei cum illorum populorum formis fidei, suae prorsus fuerint obliti. Verum res ardua est in hac populi Iudaici conseruatione, vna cum religione sua, temporibus illis tam aduersis, meditationes pias fundare, quoniam utraque pars rationem suam putat in eo sequi. Alter in conseruatione populi, ad quem pertinet, fideique veteris manentis purae, quamvis in populis variis dispersus sit, argumentum aperit prouidentiae in eo ad futurum terrestre regnum seruando in primis benignam: alter non nisi ruinas conspicit minantes ciuitatis euercae, aduenienti caelorum regno obfistentis, quas prouidentia singularis etiam nunc conseruat, partim ad memoriam vaticinii veteris de Messia ab hoc populo profecuro tuendam, partim ad exemplum iustitiae punitivae in eo proponendum, quoniam obstinate vellet conceptum eius politicum, non vero moralem informare.

mysterium, id est, in quidpiam *sanctum*, quod ab vno quoque quidem singulo *nosci* potest, neque tamen palam *notum* fieri, id est, vniuersè communicari. — Vt quidpiam *sanctum*, necesse est, istud res sit moralis, proinde rationi subiecta, interneque ad vsum practicum idonee possit cognosci, nec verò, vt quidpiam *secretum*, ad vsum theoreticum; quoniam tum quoque cum vno quoque communicandum foret, proinde quoque externe ac palam posset innotescere.

Iam fidei de eo, quod simul nobis vt *mysterium sanctum* considerandum est, vel pro *fide diuinitus inspirata* potest, vel pro *fide rationali pura* reputari. Non nisi summa necessitate ad amplexandam fidem inspiratam coacti, normam nobis statuamus, vt fidem rationalem sequamur. — Tactus non sunt cognitiones, nec proinde *mysterium* designant, cumque hoc ad rationem adfectum sit, nec tamen vniuersè queat communicari; cuique illud (si vmquam tale sit), in ratione sua conquerendum erit.

Fieri non potest, vt ex anticipatione et obiectiue, eiusmodi *mysteria* sint, nec ne, decernatur. Igitur in intestino, in ratione subiectiua initiorum moralium nostrorum, proxime nobis anquirendum erit; vt, an eiusmodi in nobis insint, intelligamus. Verumtamen haud *rationes* imperscrutabiles moralium, quae quidem palam possunt communicari, quorum vero causa non data est, sed ea solum, quae nobis sunt cognoscenda proposita, non vero palam queunt communicari, licebit vt ad sacra *mysteria* adnumeremus. Sic libertas, quae in proprietate versatur, homini ex determinabilitate arbitrii per legem moralem absolutam innotescente, nullum *mysterium* est, quoniam illius cognitio cum quouis homine potest *communicari*; ratio autem imperscrutabilis huiusce proprietatis *mysterium* est, eo quod ea non est ad cognoscendum *data*. Verum haec eadem libertas sola quoque id est, quae, ad rem vltimam rationi purae subiectam, ad ideam scopi moralitatis ad ve-

ritatem transferendam; adhibita, nos necessario ad sacra mysteria ducit. *) —

Quoniam homo ideam summi boni cum mente morali arctissime coniunctam (non solum ex parte felicitatis eo pertinentis, verum etiam coniunctionis hominum ad finem totum necessariae), haud ipse potest ad veritatem (realitatem) transferre, nihilominus autem intus in se ad eo usque adnitendum sese sentit obligatum, obstrictum sese ad fidem intelligit de cooperatione vel constitutione gubernatoris mundi moralis, quo solo efficitur, ut esse hic finis possit, et nunc panditur illi vorago mysterii eorum, quae deus in eo agat, an illi

- *) Sic *causa* grauitatis vniuersalis omnium in mundo materialium nobis notarum, ita, ut praeterea perspicere queat, eam posse numquam a nobis cognosci; quoniam iam illius conceptu vix motrix prima absoluteque in ea insita supponitur. Ea vero nullum mysterium est, sed cuique potest patefieri, quoniam *lex* eius satis cognita est. Si Newtonus eam quasi ut omnipraesentiam diuinam phaenomenon descripsit; istud non est periculum eius explicandae, (nam existentiae dei in spatio repugnantiam continet) sed tamen analogia sublimis, in qua solum coniunctio naturarum corporearum ad totum mundanum spectatur, dum illi causa incorporea subiicitur; atque eadem fors foret periculi, principium substantiale coniunctionis naturarum mundanarum rationalium in ciuitate ethica perspicendi, et hanc inde enodandi. Tantummodo officium cognoscimus, quo ad id obstringimur; possibilitas effecti spectati, etiam si illi officio pareamus, sita est ultra terminos vniuersae nostrae cognitionis. — Sunt mysteria, arcana naturae, possunt esse mysteria (secreta) politices, quae haud *debeant* palam innotescere; sed utraque tamen nobis *possunt* innotescere, quatenus causis empiricis nitantur. Respectu eorum, quae ut cognoscantur vniuerse est in hominum officio (quippe morali) nullum potest mysterium esse, verum ratione eorum, quae duntaxat deus facere potest, quo ut quidpiam ipsi conferamus, facultatem nostram, proinde officium quoque superat, tantummodo proprium, nimirum sanctum religionis mysterium esse potest, quod forte modo esse ut sciamus et intelligamus, haud fere perspicimus, nobis utile fuerit.

omnino *quidquam*, et *quid* ei (deo) singulatim tribuendum sit, interea dum homo in vnoquoque officio nihil aliud cognoscit, quam quid sibi ipsi faciendum sit, vt supplemento illo sibi ignoto, certe incomprehensibili dignus videatur.

Haec idea gubernatoris moralis mundi quæstio est rationi practicæ nostræ proposita. Non tam nostra interest, vt sciamus, quid deus per se ipse sit, sed quid is nobis sit, qua naturis moralibus; quamquam in gratiam huius relationis qualitas naturæ diuinæ ita cogitanda nobis et accipienda est, vti ad hanc relationem in vniuersa perfectione ad exsequendam eius voluntatem necessaria opus est, (veluti vt naturæ immutabilis, omniscia, omnipotentis, et sic porro) neque sine hac relatione quidquam in eo cognoscere possumus.

Huic necessitati rationis practicæ conuenienter fides religionis vera vniuersalis cernitur in fide de deo 1) vt creatore caeli terræque omnipotente, id est, moraliter vt legislatore *sancto*, 2) de eo, humani generis conseruatore, vt moderatore *benigno* et curatore illius morali, 3) de eo, administratore suarum ipsius legum, hoc est, vt iudice *iusto*.

Hac fide proprie nullum mysterium continetur; quoniam ea tantummodo dei relatio moralis ad genus humanum exprimitur; se ipsa quoque vniuersæ rationi humanæ sponte offert, ideoque in religione plerorumque populorum moratorum inuenitur *). Inest in

*) In historia vaticiniorum sacra de rebus extremis *iudex mundi* (proprie is, qui eos, qui ad regnum pertinent principii boni vt suos in imperium suum recipiet ac segregabit), non vt deus, verum vt filius hominis describitur ac nominatur. Id quod videtur indicare, ipsam *naturam humanam* suæ sibi circumscriptionis fragilitatisque consciam, in hoc delectu sententiam pronuntiaturam esse; quæ benignitas est, iustitiæ nihil quidquam derogans. — Contra hominum iudex in diuinitate sua, hoc est, vti conscientiaæ nostræ

conceptu populi, vt cuiusdam reipublicae, in qua eiusmodi triplex potestas summa semper cogitanda est, cum haec hoc loco modo ethice repraesentetur, quocirca haec triplex qualitas capitis morales generis humani in vna eademque natura potest coniuncta cogitari, quae in ciuitate iuridice ciuili necessario inter tria subiecta esse dispersita deberet *).

Verumtamen quia haec fides, quae relationem hominum moralem ad naturam summam, in vsum re-

ex lege sancta ab nobis agnita, nostraque propria imputatione pronunciat, repraesentatus, (spiritus sanctus), duntaxat vt ex seueritate legis iudicans potest cogitari, quoniam, quantum per rationem fragilitatis nostrae nobis indulgeri queat, nosmet ipsi nullo modo nouimus, sed solum transgressio nostra cum conscientia nostrae libertatis laesioneque officii nobis prorsus imputanda coram oculis versatur, atque ita nobis non est, quod in sententia de nobis decretoria benignitatem sumamus.

- *) Haud facile reddi ratio potest, cur tot populi veteres in hac idea conuenirent, nisi ea fit, quod in communi ineft ratione humana, si regimen populi (et ex analogia mundi cogitare velis. In religione *Zoroastri* hae tres personae diuinae fuerunt: *Ormuzd*, *Mitbra* et *Aribman*; in *Hinduina*: *Brahma*, *Vifchnu* et *Sieven* (hoc tamen discrimine, vt in illa persona tertia non solum vt auctor *mali*, quatenus poena est, sed ipsius *moraliter mali*, cuius homo causa punitur; in hac vero solum vt iudicans ac puniens repraesentetur). In *Aegyptiaca* erat *Phtu*, *Kneph* et *Neith*, quorum, quantum per obscuritatem historiarum ex vetustissimis huius populi temporibus diuinari licet, primum spiritum a materia diuersum, vt *mundi creatorem*, alterum dein principium benignitatem conseruantem ac *gubernantem*, tertium denique sapientiam illam circumscribentem, hoc est, *iustitiam* designare debuit. *Gothica* *Odinum* suum (omnium parentem) coluit, *Freyamque* (etiam *Freyeram*, benignitatem) et *Tor*, deum iudicantem (punientem). Ipsi Iudaei vltimis temporibus constitutionis hierarchicae has ideas sectati videntur. Namque in criminatione Phariseorum: Christum sese *filium dei* vocasse, haud ita magnum criminis momentum in doctrina, deo filium esse, videntur statuisse, sed solum in eo, quod is voluerit bicce dei filius dici.

ligionis in genere, ab anthropomorphismis inutilibus purgatam, verae moralitati populi dei adaptauit, in doctrina fidei (christiana) primum in eaque solum mundo palam proposita est; patefactio illius sane dici potest reuelatio eorum, quae hominibus per culpam eorum propriam vsque eo in mysteriis fuerant.

In ea scilicet praecipitur *primo*: vt no legislatorum summum qua talem nobis vt *clementem*, proinde *indulgentem* hominum imbecillitati, nec *despoticum* et solum ex iure absoluto suo imperantem, legesque eius vt arbitrarias, cum nostris moralitatis conceptibus nullo modo cognatas, sed vt eas tamquam ad sanctitatem hominis relatas leges cogitatione informemus. *Deinde* ne benignitatem eius in beneuolentia erga res creatas eius absoluta ponamus, verum in eo, quod primo rationem habeat qualitatis eorum moralis, qua possunt ei *placere*, illorumque impotentiam, huic conditioni sponte sua satis faciendi, tum duntaxat suppleat. *Tertio*: eius iustitia non vt *benigna* potest et *deprecario* (id quod repugnantiam continet), multo minus vt ex *sanctitate* legislatoris (coram qua nemo homo iustus est) exorta repraesentari, sed modo vt benignitas ad conditiones adstricta ad hominum cum sancta lege conspirationem, quantum qua *liberi hominum* cum huius desiderio possunt conuenire. — Vno verbo: deus vult coli ex triplici ratione morali specie diuersa, cui verbum diuersae (non physicae, sed moralis) personalitatis vnus eiusdemque naturae haud male conuenit, quo quidem fidei symbolo simul tota religio moralis pura designatur, quae sine hac distinctione periculo exponitur, pro hominis propensione naturam diuinam instar capitis humani cogitandi, (quoniam in regimine suo triplicem qualitatem eam plerumque haud seiungit, sed eam saepius miscet aut permutat) in fidem seruilem anthropomorphisticam degenerandi.

Cum autem haec eadem fides (de trinitate diuina) non solum vt repraesentatio ideae practicae, verum vt talis, quae, quid deus per se ipse sit, repraesentare de-

beat, spectaretur, tum ea mysterium foret omnes humanos conceptus superans, proinde ad reuelationem facultati humanae ineptum, et qua tale hoc respectu adnunciari posset. Fides de illo qua dilatatio cognitionis theoreticae de natura diuina non nisi confessio foret de symbolo homini prorsus obscuro, et cum illud se intelligere putant, anthropomorphistico fidei ecclesiasticae, quod ad emendationem moralem minime prodesset. — Id solum, quod respectu practico facile potest intelligi ac perspicui, quo vero respectu practico (ad determinandam rei obiectae per se naturam) omnes conceptus nostros superat, mysterium est (respectu vno) et tamen potest (ex altera ratione) reuelari. Huiusce generis posterioris illud est, quod supra diximus, quod tribus mysteriis potest, per nostram propriam rationem nobis patefactis, describi.

1) *Mysterium vocationis* (hominum ut ciuium ad ciuitatem ethicam). — Subiectio hominis vniuersalis *absoluta* sub legislationem diuinam non aliter cogitari potest, quam quatenus nosmet simul ut *res eius creatas* spectamus; perinde atque deus non potest ut auctor legum naturalium considerari, nisi quia creator est rerum naturalium. Sed rationi nostrae simpliciter incomprehensum est, quomodo naturae debeant ad vsum virium suarum liberum esse creatae; quoniam ex principio causalitatis, naturae, quae ut producta sumitur, nullam aliam actionum rationem internam tribuere possumus, quam eam, quam causa efficiens in eam indiderit, per quam (proinde per causam externam) tum quoque quaeuis illius actio determinata, ideoque haec natura ipsa haud libera foret. Ergo legislatio diuina, et sancta, proinde solum naturas liberas attingens non potest cum conceptu creationis illarum per perspicientiam rationalem nostram conciliari, verum illae iam ut naturae liberae exstantes considerandae sunt, quae non per descendantiam physicam suam, vi creationis, sed per solam moralem, ex legibus libertatis possibilem coactionem, hoc est, vocationem ad ciui-

tatem in republica diuina determinantur. Sic vocatio ad hunc finem moraliter prorsus patet, verum contemplationi possibilitas horum vocatorum mysterium est impenetrabile.

2) *Mysterium satisfactionis.* Homo, uti eum novimus, corruptus est, nulloque modo legi illi sanctae sponte consentaneus. Nihilominus, cum dei benignitas eum quasi ad existentiam vocavit, hoc est, ad singularem quemdam exstendi modum (ut membrum regni caelestis) inuitavit, etiam adiumenta habeat, oportebit, defectum habilitatis suae ad id necessariae ex copia suae ipsius sanctitatis refarciendi. Quod vero spontaneitati, (quae in omni moraliter bono maloue, quod homo in se cohibere potest, supponitur) aduersatur, vi cuius eiusmodi bonum haud ab alio, sed ab se ipso esse profectum debet, si ei debeat imputari. — Itaque, quantum ratio intelligit, nullus alius per exsuperantiam vitae bonae meritumque potest eius vicem sustinere; aut, hoc sumto, tantummodo respectu morali esse necesse, potest accipi; nam argutationi mysterium est inaccessum.

3) *Mysterium electionis.* Etiam si satisfactio illa vicaria ut possibilis concedatur, tamen acceptatio illius moraliter credens in voluntate cernitur ad bonum determinanda, qua iam mens pia in homine supponitur, quam hic vero per corruptionem naturalem non potest sponte in sese producere, At gratiam caelestem in eo agere, quae hanc opem non ex merito actionum, sed per decretum absolutum homini concedat, alteri recuset, vnamque nostri generis partem ad beatitatem, alteram ad reprobationem aeternam destinari, inde itidem nullus conceptus cogitur de iustitia diuina, sed fere ad sapientiam referendum foret, cuius regula nobis simpliciter mysterium videatur.

De his igitur mysteriis, quatenus historiam vitae cuiusque hominis moralem attingunt, quippe qui fiat, ut bonum malumue morale omnino in mundo sit, et

(si malum in omnibus omnique tempore sit) quomodo tandem ex malo bonum oriatur, atque in vlllo quodam homine instauretur; aut cur, si *hoc* in quibusdam sit, alii tamen inde maneant exclusi, — nobis nihil quidquam deus reuelauit, nec potest reuelare, siquidem haud *intellecturi* essemus *). Perinde foret, ac si id, quod fit, in homine vellemus ex eius libertate *enodare* atque *docere*, de quo quidem deus per legem moralem nobis voluntatem suam patefecit, sed *causas*, de quibus actio in terris libera fiat vel etiam non fiat, in iis tenebris occultas reliquit, in quibus inuestigationi humanae vniuersa maneant, necesse est, quae, vt historia, tamen quoque ex libertate secundum legem causarum et effectorum debent comprehendi **). Verum de regula obiectiua vitae nostrae actionumque omnia, quo-

*) Plerumque haud erubescunt homines, fidem de mysteriis a tironibus religionis postulare, quoniam eo, quod ea nos non *comprehendere*, id est, possibilitatem rei illis obnoxiae haud perspicere possumus, aequè minus nobis ius tribuatur ea reiiciendi, ac forte facultatem propagandi materialium organicarum, quae itidem ab nemine comprehenditur, neque tamen, quo minus accipiatur, recusari, quamuis nobis mysterium et sit et mansurum videatur. Verumtamen nos facile intelligimus, quae verbi vis ac potestas sit, conceptumque rei habemus empiricum, cum conscientia, nullam in eo pugnam inesse. — De vno quoque igitur mysterio ad credendum proposito iure potest postulari, vt *intelligatur*, quid in eo spectetur; id quod haud eo fit, vt vocabula, quibus illud designatur, *singula* intelligas, hoc est, cum iis sensum coniungas, sed vt iis, cunctis conceptu comprehensis, sensus concedi debeat, neque in eo omnis fere cogitatio intereat. — Deum, si modo ex nostra parte haud desiderium serium desit, hanc cognitionem posse nobis per *inspirationem* concedere, non potest cogitari; neque enim vlllo modo inhaerere potest; quoniam natura intelligentiae nostrae haud eius capax est.

**) Quocirca, quid libertas sit, respectu practico (cum de officio sermo est) facile intelligimus, verum respectu practico, quod causalitatem illius (quasi naturam eius) attinet, sine repugnantia ne per somnium quidem cogitare possumus, nos eam velle intelligere.

rum nos indigemus, (per rationem scripturamque) satis patefacta sunt ac reuelata, eaque reuelatio simul ab vnoquoque potest homine intelligi.

Hominem per legem moralem ad vitam bonam atque honestam vocatum esse, eumque per obseruantiam erga illam indelebilem, quae in se est, ad fiduciam quoque erga hunc bonum spiritum atque ad spem, se, vtcumque fiat, illi posse satis facere, promissionem in sese deprehendere, tandem posteriorem expectationem cum se uero superioris praecepto comparando, sese, ut ad rationem reddendam ad iudicem vocatum, semper debere explorare; haec docent, ad eaque simul et ratio, et animus, et conscientia impellunt. Intemperanter fit, si cupiamus, ut nobis plura patefiant, et si id factum fuerit, non deberet ad necessitatem humanam vniuersalem referri.

Quamquam autem mysterium illud magnum, vniuersa, quae diximus, formula quadam complectens, quemque hominem potest ut idea religionis practice necessaria doceri, tamen dici potest, illud, ut fundamentum religionis morale, in primis publicae, fieret, tum demum reuelatum esse, cum *palam* doctum ac propositum, symbolumque epochae religionis prorsus nouae constitueretur. *Formulae solennes* linguam solent continere peculiarem iis, qui ad coniunctionem (societatem aut rem publicam) pertinent, destinatae, nonnumquam mysticam, nec a quouis intellectam, qua merito quoque (per obseruantiam) in usum actionis cuiusdam solemnitis uti deberes, (uti fere, cum quis in societatem ab aliis sese distinguentem ut membrum recipi debet). Meta summa, hominibus numquam prorsus attingenda perfectionis moralis rerum creaturarum finitarum versatur in legis amore.

Huic ideae conueniens foret in religione principium fidei: „deus amor est“; in eo amans potest (cum amore *complacentiae* moralis in hominibus, quatenus cum eius lege sancta conueniunt), *pater*; porro,

in eo; quatenus in idea vniuersa conseruante sua se prototypo humanae naturae ab se ipso genito atque amato exhibet, *filius* eius; tandem quoque, quatenus hanc complacentiam ad conditionem conuenientiae hominum cum conditione amoris illius complacentiae adstringit, eoque vt in sapientia fundatum amorem demonstrat, *spiritus sanctus* *) coli; proprie autem non

*) Hic spiritus, quo amor dei qua saluatoris (proprie noster isti conueniens amor mutuus) cum pietate, coram eo vt legislatore, id est, id quod ex conditione pender, cum conditione, coniungitur, qui proinde, vt „ab vtroque proficiscens“, potest describi, praeterquam, quod „in omnem veritatem ducit“, simul iudex est hominum (coram conscientia eorum) proprius. Namque iudicare duplici sensu accipi potest: siue de merito defectuque meriti, iudicare, siue de culpa et innocentia. Deus vt *amor* spectatus (in filio suo) homines iudicat, quatenus iis praeter debitum etiam potest meritum concedi, et tum eius sententia est: *digne* vel *indigne*. Eos vt suos eligit; quibus eiusmodi potest imputari. Caeteri mittuntur. Contra sententia iudicis ex *iustitia* (iudicis proprie sic dicendi, nomine spiritus sancti) de iis, quibus nullum potest meritum tribui: *nocenter* vel *innocenter*, id est, condemnatio vel absolutio. — *Iudicatio* priori sensu separationem denotat meritorum ab inmeritis, qui vtrique pretium (beatitatem) ambiunt. *Meritum* autem hoc loco non laudem moralitatis respectu legis, (cuius ratione nobis praeter debitum nullus potest officii seruati cumulus accedere) sed comparate cum aliis hominibus, quoad mentem eorum moralem, denotat. *Dignitatis* significatio solet fere quoque negatiua esse (haud indignum), scilicet receptiuitatis moralis erga eiusmodi benignitatem. — Is igitur, qui de merito eiusue defectu iudicat (vt *Βεαβευτης*) sententiam fert optionis inter *duas* de praemio (beatitatis) ambientes personas (partesue); qui vero de culpa vel innocentia iudicat, is sententiam fert de *una eademque* persona, coram iudicio (conscientia), quod accusatorem inter et patronum causae pronunciat. — Quod si ergo sumferis omnes quidem homines sub reatu peccatorum subesse, nonnullis eorum tamen meritum quoddam posse succurrere: sententia *iudicis* locum obtinet *per amorem*, cuius defectum tantummodo *sententia reiectionis* sequeretur, cuius vero consequens necessarium *sententia condemnationis* foret (propterea quod homo sum iudici per iustitiam traditus). — Tali modq enuntiata, specie inuicem

in personalitate tam multiplici *inuocari*, (hoe enim diversitatem naturarum denotaret, sed res est obiecta vna) sane vero nomine rei ab se ipso cultae maxime atque adamatae, quacum vt moraliter coniunctus sit, et optas et simul officio teneris. Caeterum confessio fidei theoretica de natura diuina in triplici hac qualitate ad solam formulam classicam fidei ecclesiasticae pertinet, ad eam ab aliis fidei formis a fontibus historicis deriuatis distinguendam, quacum pauci homines conceptum distinctum possunt ac determinatum (nulli calumniae obnoxium) coniungere, cuiusque expositio potius doctoribus in relatione ad se inuicem (vt interpretibus philosophicis atque eruditis codicis sacri) competit, vt inter se de sensu eius conueniat, in quo haud omnia ad facultatem communem, vel quoque ad necessitatem huius temporis apta sunt, per solam vero fidem literalem, vera mens religiosa potius corrumpitur quam emendatur.

pugnantia: „filius veniet iudicatum viuos et mortuos“, et: „deus filium haud misit in mundum, vt mundum iudicaret, verum vt per eum beati redderentur“ (Euang. Ioann. III., 17.) possunt, ex mea quidem sententia conciliari, cum eoque conuenire, quo dicitur: „qui haud credit in filium, is *iam est* iudicatus“ (v. 18.), nimirum per illum spiritum, qui dicitur: „mundum iudicaturus de peccato et de iustitia“. — Sollicitudo anxia eiusmodi distinctionum in campo solius rationis, cuius quippe in gratiam proprie hoc loco instituuntur, facile posset subtilitas inutilis ac molesta iudicari; quod ea etiam foret, si ad perscrutandam naturam diuinam instituta esset. Verum cum homines in negotio religionis suo perpetuo ferantur proni, ad benignitatem diuinam de reatibus suis adeundam, nihilominus autem nequeant iustitiam eius praeterire, at *index benignus* in vna atque eadem causa repugnet, facile intelligitur, ipsos ea de re eorum conceptus respectu practico admodum vagos esse atque inter se discrepantes, proinde permagni momenti practici esse, vt emenderetur adcurateque determinentur.

CAPUT QUARTUM.

DE CULTU VERO ET FALSO SUB IMPERIO
PRINCIPII BONI,

SIVE

DE RELIGIONE ET CULTU SPURIO SUB DO-
MINIO PRINCIPII BONI.

Iam initium est imperii principii boni, signumque, „regnum dei ad nos venire“, cum vel decreta modo constitutionis illius fieri *publica* incipiunt; illud enim in mundo intellectuali iam adest, cuius, quibus illud solis effici potest, rationes vniuerse radices egerunt, quamquam plena illius in mundo sensibili phaenomeni adhuc infinite euolutio remota est. Vidimus officium sui generis esse, sese ad rempublicam ethicam coniungendi, et, etiam si suum quisque officium privatam faceret, inde quidem *conuenientiam* fortuitam omnium ad bonum commune effici consecutione posse, ita ut nullo praeterea singulari instituto opus foret, verumtamen illam omnium conuenientiam haud licere sperari, nisi ex coniunctione illorum ad eundem finem constitutioneque *reipublicae* sub legibus moralibus, ut vis virtutisque coniunctae atque idcirco fortioris, tentationibus principii mali (cui ut pro instrumento sint, homines ab se inuicem sollicitantur,) obsistendi singulare opus fiat. — Vidimus etiam, eiusmodi rempublicam, ut *regnum dei*, non nisi per *religionem* posse ab hominibus suscipi, et denique, quo haec publica sit (quod ad rempublicam postulatur), illam in forma *ecclesiae* sensibili repraesentari posse, cuius proinde ordinatio hominibus ut opus, sibi relictum, et quod ab iis postulari possit, instituenda incumbit.

Sed fundatio ecclesiae ex legibus religionis plus videtur sapientiae (cum quoad intellectum tum bonam mentem) requirere, quam quidem liceat ab hominibus expectari; praesertim cum bonum morale, eiusmodi instituto spectatum, hanc in rem in iis iam *supponenda* esse videatur. Reuera quoque dictio inconueniens est,

homines regnum dei *fundare* (quemadmodum eos quidem regnum posse dixeris monarchae humani fundare); deus ipse regni sui auctor sit, oportebit. Verum cum nos fugiat, qui deus proxime agat, ut ideam regni sui, in quo ut ciues simus ac subditi conditionem in nobis moralem deprehendamus, in veritate atque existentia exhibeat, non vero, quid nobis faciendum sit, ut nos ad membra illius idoneos reddamus, tamen hac idea siue per rationem, siue per scripturam in genere humano excitata fuerit et *publica* facta, nos ad ecclesiam ordinandam obligabimur, cuius deus ipse tum ut fundator, *constitutionis* auctor, sed homines nihilominus, ut membra liberique ciues huius regni, omni modo sunt *organisationis* auctores; ubi tum illi ex iis, qui isti organisationi conuenienter, negotiis illius publicis funguntur, *administrationem* illorum, ut ministri ecclesiae, uti cuncti reliqui societatem legibus obnoxiam, *coetum* efficiunt.

Cum religio rationalis pura, qua fides religiosa publica solum duntaxat ecclesiae ideam (quippe inuisibilis) concedat, et visibilis, in traditionibus fundata, sola organisatione per homines et opus habeat, et eius capax sit: ministerium sub imperio principii boni in illa superiori non poterit ut ministerium ecclesiasticum spectari, illaque religio nullos ministros legales habet, ut in *munere constitutos* reipublicae ethicae; vnumquodque membrum illius iussa ab legislatore summo proxime accipit. Cum autem nihilominus respectu omnium officiorum nostrorum, (quae cuncta sunt nobis pro praeceptis diuinis habenda), semper nosmet in ministerio dei versemur, *religio rationalis pura* omnes homines bene sentientes habebit *ministros* suos (neque tamen in *munere publico* constitutos); neque tamen eatenus ministri ecclesiae (visibilis scilicet, de qua sola hoc loco sermo est) dici poterunt. — Interim quoniam vnaquaeque ecclesia in legibus statutariis fundata non potest vera esse, nisi quatenus principium in se continet, ad fidem rationalem puram (utpote eam, qua,

si practica sit, in quaque fide proprie religio efficitur), perpetuo propius accedendi, quo fide ecclesiastica (pro iis, quae in ea historia sunt,) tempore possimus care-
re, in his legibus atque in hominibus in munere pu-
blico constitutis ecclesiae in iis fundatae *cultum* poterimus ponere, quatenus hi doctrinas et instituta semper ad illum finem ultimum (fidem religiosam publicam) dirigunt. Contra ministri ecclesiae, qui nullam prorsus eius rei rationem habent, potius normam adpropinquationis ad eam continuae pro reprobanda, adhaesionem autem ad partem historicam fidei ecclesiasticae et statutariam pro sola salutare ac beatifica declarant, de *cultu spurio* ecclesiae, vel (eius, quod per hanc repraesentatur) reipublicae ethicae sub imperio principii boni, iure poterunt in crimen vocari. — Cultus spurius dicitur persuasio, cuiusmodi actionibus ministrandi, quibus reapse huius finis retractatur. Hoc autem in republica eo fit, quod, cui solum pretium adiuventi est, ut voluntati superioris satis fiat, pro eo venditur, in eiusque loco reponitur, quod illi reddi *proxime* queamus accepti; quo tum finis huius posterioris irritus fit.

PARS PRIOR.

DE CULTU DEI IN RELIGIONE IN GENERE.

Religio (subiective spectata) cernitur in cognitione omnium officiorum nostrorum, ut praeceptorum diuinorum *). Ea, in qua antea me scire oportet, ali-

*) Hac definitione multis vitiosis interpretationibus conceptus de religione in genere praecauetur. *Primo*: quod in ea, quantum ad cognitionem theoreticam attinet confessionemque, nulla scientia adsertoria (ne ipsius quidem existentiae dei) postulatur, siquidem per defectum intellectus nostri de rebus insensibilibus huic confessioni propositis iam posset simulatum esse; sed tantummodo sumtio *problematica* (hypothesis) quoad contemplationem de causa rerum suprema, respectu rei vero obiectae, quo tendere nosmet ratio moraliter iubens docet, fides *adsertoria* libera

quid diuinum praeceptum esse, quo istud pro officio agnoscam, est religio *reuelata* (vel reuelationis indigens): contra ea, in qua ante scire memet oportet, quidpiam in officio esse, antequam pro praecepto diuino queam illud agnoscere, *religio naturalis* est. — Is, qui solum religionem naturalem pro moraliter necessaria, id est, pro officio declarat, potest quoque *rationabilis* (in rebus fidei) adpellari. Qui, cum existentiam

supponitur, quae non nisi *ideae de deo* indiget, in quam omnis nifus moralis serius (atque idcirco credens) ad bonum necessario, oportebit, incurrat, neque tamen sibi arrogat, se posse illi per cognitionem theoreticam de realitate obiectiua cauere. Ad ea, quae cuique homini iniungi pro officio possunt, *minimum* cognitionis (fieri potest, ut deus sit), subiectiue iam esse idoneum debet. *Deinde* hac religionis in genere definitione cogitationi erroneae occurritur, quasi ea in complexu versetur *singularium* officiorum ad deum relatorum, eoque cauetur, ne (vti pròni per se eo homines feruntur) praeter officia humana ethice ciuilia (hominum erga homines) *officia* quoque *palatina* sectemur, et postea fere adeo defectum illorum his supplere conemur. Nulla singularia erga deum officia sunt in religioni vniuersali; neque enim quidquam deus potest a nobis accipere; neque in eo et pro eo agere possumus. Quodsi debitam erga eum reuerentiam in eiusmodi officio poneret, haud cogitaueris, hanc non esse singularem religionis actionem, sed mentem religiosam in omnibus actionibus nostris officio consentaneis generatim. Si etiam dicitur: „Deo magis obediendum est, quam hominibus“; nihil aliud id denotat, quam: cum praecepta statutoria, quorum respectu homines possunt legeslatores esse et iudices, cum officiis, quae ratio absolute praescribit, quorumque de obseruatione vel transgressionem deus solus esse iudex potest, inuicem pugnant, tum illorum auctoritatem his cedere oportebit. Quodsi autem eo, in quo magis deo quam hominibus obediendum est, praecepta dei statutoria ab ecclesia quadam pro eiusmodi declaratis intellexeris: tum decretum illud facile fieri classicum potest saepius auditum sacerdotum simulantium ac dominandi cupidorum ad seditionem contra magistratum ciuilem. Licitum istud enim, quod iubet haec posterior, *profecto* in officio est: an vero quidpiam per se licitum quidem, verum modo per reuelationem diuinam nobis cognoscibile reapse a deo praeceptum sit, vehementer est (certe maximam partem) incertum.

vniuersae reuelationis diuinae-supranaturalis negat, *naturalista* vocatur; quam si concesserit quidem, sed contendat, haud necessario ad religionem postulari, vt ea noscatur atque pro actuali accipiat, posset *rationalista* purus dici; sin autem fidem de ea ad religionem vniuersalem reputet necessariam, *supernaturalista* purus in rebus fidei posset adpellari.

Rationalista, per hunc titulum suum, sponte iam, oportebit, intra terminos sese contineat intellectus humani. Idcirco numquam instar naturalistae pronuntiabit, et neque internam reuelationis possibilitatem in genere, neque necessitatem reuelationis, vt adiumenti diuini religionis verae introducendae, impugnet; quippe de quo nemo homo potest quidpiam per rationem decernere. Ergo quaestio controuersa non potest nisi petitiones mutuas naturalistae et supernaturalistae in rebus fidei idue attingere, quod vnus alterve, vt ad vnā religionem veram necessarium atque idoneum, vel modo vt fortuitum in ea sumit.

Quodsi religionem haud quoad primam originem illius internamque possibilitatem (cum in naturalem et reuelatam diuiditur), sed solum ex qualitate illius, quae capax sit *communicationis externae*, describamus, poterit dupliciter esse: aut *religio naturalis*, de qua (si semel adsit), cuique per rationem potest ad veritatem persuaderi, aut *religio docta*, de qua aliis non nisi per doctrinam atque eruditionem (in qua et per quam ducendi sunt) persuaderi potest. — Quae quidem distinctio grauissima est; neque enim ex origine cuiusdam religionis sola potest, eam ad religionem hominum vniuersalem idoneam esse vel minus, concludi, sed sane ex qualitate illius, communicabilis sit, nec ne; priori autem proprietate nota et character essentialis illius religionis efficitur, quae quemque debeat hominem obligare.

Quamobrem religio esse *naturalis* potest, sed tamen eadem quoque *reuelata*, si ita comparata sit, vt

homines per solum rationis vsum sponte *potuissent* in eam incidere et *debuissent*, quamquam haud tam mature aut in tam ampla dilatatione, atque desideratur, in eam offensuri *fuisse*, proinde reuelatio in certo quodam loco, certoque tempore, sapiens esse et generi humano maxime salutaris poterat, ita tamen, vt, si religio eo introducta semel adsit, palamque innotuerit, porro quisque sibi possit de veritate illius per se ipsum rationemque suam persuadere. Tum autem ea religio *obiectiue* naturalis est, quamquam *subiectiue* quidem reuelata: qua de causa illi proprie nomen superius competit. Namque successu temporis fere posset prorsus obliuione obrui, eiusmodi vniquam factam reuelationem esse supranaturalem, neque tamen idcirco illa religio vel minimam iacturam fecerit nec facilitatis suae, nec certitudinis, nec vis virtutisque in hominum animis. Longe vero aliter comparatum est cum religione, quae propter qualitatem internam non nisi vt reuelata potest considerari. Quae, nisi in traditione prorsus certa aut in libris sacris vt documentis adseruaretur, e mundo euanesceret, et reuelatio supranaturalis fieri deberet; aut de tempore in tempus palam repetita, aut in vnoquoque homine interne continuo durans, sine qua fieri non posset, vt eiusmodi fides dilatata propagaretur.

Verum ex parte certe quidem quaeque, vel ipsa reuelata religio, certa quoque principia, necesse est, contineat naturalis. Namque ad conceptum *religionis* solum per rationem potest reuelatio cogitatione adiungi; quoniam hic conceptus ipse, vt ab obligatione sub voluntate legislatoris *moralis* deriuatus, conceptus rationalis purus est. Ergo vel ipsam religionem reuelatam poterimus partim adhuc vt *naturalem*, partim vero vt *doctam* religionem et contemplari, et examinare, et quid, quantumue illi ex hoc alteroue fonte competat, distinguere.

Cum autem nobis propositum est, de religione reuelata (saltem pro tali accepta) loqui, fieri istud haud

facile potest, nisi vllum quodpiam exemplum illius ex historia depromamus, quoniam tamen necesse foret, vt casus pro exemplis excogitarem, vt intelligeremur, quorum casuum possibilitas vero alioquin posset impugnari. Non vero melius agere possumus, quam vllum librum quemdam, qui ea contineat, praesertim eiusmodi, qui cum doctrinis moralibus sit, proinde rationi cognatis intime contextus, pro adiumento ideae de reuelata religione nostrae illustrandae intermedio omnino capere, quem tum euoluamus, vt librum ex variis illis de religione ac virtute sub fide reuelationis tractantibus, exemplo tractationis per se utilis, ad ea, quae nobis in eo pro pura sint proinde vniuersali religione rationali, expiscanda, neque tamen manus in negotium eorum iniiciamus, quibus interpretatio illius libri, tamquam complexus positiuarum reuelationis doctrinarum concredita est, eorumque interpretationem velimus, in eruditione fundatam, eo impugnare. Reuelationi potius conducit, si, cum vnum eundemque finem, quem philosophi spectant, scilicet bonum morale sibi propositum habeat, hos per propria ipsorum argumenta rationalia eodem ea ducat, quo alia via ipsa cupit pertinere. — Hic liber nobis hoc loco nouum testamentum esto, vt fons doctrinae fidei christianae. Igitur pro consilio nostro duabus sectionibus primo religionem vt naturalem, deinde vt religionem doctam ex materia illius complexuque ac principiis in eo obuiis proponemus.

PARTIS PRIORIS

SECTIO PRIOR.

RELIGIO CHRISTIANA VT RELIGIO NATURALIS.

Religio christiana vt doctrina morum (respectu libertatis subiecti) coniuncta cum conceptu illius, quo fini eius vltimo impertiri effectum possit (cum conceptu de deo vt morali mundi auctore), atque ad durationem hominis relata, huic toto fini consentaneam (ad

immortalitatem), in conceptu versatur rationali practico puro, qui, quamuis infinite secundus sit, tamen modo tam parum rationis theoreticae supponit, vt curque homini practice idonee possit de ea persuaderi, et saltem effectum illis ab vnoquoque pro officio postulari. In ea enim magnum illud ecclesiae verae requisitum inest, nimirum capacitas vniuersalitatis, quatenus ea ad vnumquemque valor intelligitur (vniuersitas vel omnitudo distributiva), hoc est, concentus vniuersalis. Vt ea hoc sensu qua religio mundana dispergatur et conseruetur, sane ea quidem indiget ministerio ecclesiae solum inuisibilis, sed nullis officialibus, hoc est, doctoribus quidem, non vero antistitibus, quoniam per religionem rationalem cuiusque singuli nondum ecclesia existat vt *coniunctio* vniuersalis (omnitudo collectiua) vel etiam per ideam illam proprie spectatur. Cum autem eiusmodi concentus conspiratioque haud sua sponte sese posset tueri, proinde, nisi ecclesia visibilis euaderet, in vniuersalitate sua se propagare, sed modo, omnitudine collectiua, hoc est, coniunctione credentium in ecclesia visibili ex principiis religionis rationalis purae accedente, quae vero haud sponte ex illa conspiratione oritur, aut, si fundata esset, a sectatoribus suis liberis (vti supra ostendimus) non in statum constantem, tamquam *communio* credentium adduceretur (siquidem nullus horum illustratorum ad consilia religiosa sua societate opus habere aliorum in eiusmodi religione credit): nisi praeter leges naturales per religionem solam cognoscibiles certae quaedam statutariae, sed simul auctoritate legislatoria stipatae constitutiones accesserint, id etiamnum deesset, quo officium singulare hominum, ad iumentum ad finem eorum summum, efficitur, quippe constans eorum coniunctio ad ecclesiam visibilem vniuersalem; qua quidem fundatoris auctoritate factum supponitur, non solum conceptus rationalis purus.

Cum igitur doctorem sumimus, quem historia (vel certe opinio vniuersalis haud vere impugnanda) refert religionem puram vniuerso mundo intelligibilem et pe-

netrantem, cuius doctrinas vt nobis seruatas idcirco ipsi possimus explorare, primo palam atque etiam contra fidem ecclesiasticam dominantem molestam neque finem moralem spectantem (cuius cultus seruilis esse pro exemplo potest cuiusque fidei alius in summa solum statutariae, cuiusmodi tum temporis vniuersum mundum tenuit) proposuisse; cum eum videmus religionem illam rationalem vniuersalem tamquam conditionem supremam statuuisse cuiusque fidei religiosae, et nunc certa quaedam statuta addidisse, quae pro adiumentis essent ecclesiae in principiis illis fundandae, tum, quamuis constitutiones eius illud spectantes fortuitae sint arbitrariaeque, huic religioni tamen potest nomen verae ecclesiae catholicae impertiri, illi ipsi autem auctoritas haud dubia reddi, quod homines ad coniunctionem in eam vocauerit, ita vt fidem nouis constitutionibus molestis augeri voluerit, vel quoque eas ab se ipso institutas actiones statuere praesertim sanctas, et per se ipsas qua partes religionis obligantes.

Ex hac descriptione non potest in persona peccari, quae haud quidem qua *fundator religionis* ab vniuersis traditionibus purae in omnium hominum animis insignitae quasque insculptae (ea enim haud est originis arbitrariae), sed tamen primae verae *ecclesiae*, coli potest. — Ad fidem huic dignitati illius faciendam, vt missioni diuinae, quasdam doctrinarum eius, vt documenta religionis indubitata in genere, in medium adferamus; vtcumque cum historia comparatum sit (in idea enim ipsa iam inest ratio ad accipiendam idonea) et quae sane non nisi doctrinae esse rationales purae possunt; hae enim solae sunt, quae se ipsae probent, et in quibus proinde fides aliarum maxime niti debeat.

Ac primo quidem vult, non obseruandis officiis ecclesiasticis ciuilibus statutariisue externis, sed modo consilio morali puro animi hominem reddi deo acceptum posse (Matth. V, 20—48.); peccata in animo coram deo facta paria aestimari (v. 28.), omninoque

sanctitatem esse metam, quo debeat tendere (v. 48.); velut in animo odisse, idem esse, ac necare (v. 22.); iniuriam alteri illatam non satisfactione in se ipso posse, neque actionibus cultus compensari (v. 24.); quod autem veracitatem attinet, ciuile veritatis extorquendae instrumentum, *) iusiurandum, obseruantiae erga veritatem ipsi detrahere (v. 32—37.); — propensionem naturalem quidem, sed malam humani animi prorsus debere conuerti; dulcem vlciscendi sensum in tolerantiam (v. 39. 40.) odium inimicorum in beneficentiam (v. 44.) transire oportere. Sic, ait, se velle, legi Iudaicae prorsus satis fieri (v. 17.), in quo vero profecto haud eruditio scripturaria, sed religio rationalis pura interpret illius esse debet; etenim ad literam sumpta, ipsum horum omnium contrarium per eam licere. — Praeterea tamen etiam in verbis portae angustae viaeque calumniam legis ostendit, quam sibi homines concedunt, vt verum suum officium morale praetereant, et ea de re faciendo officio ecclesiastico damnum sibi

*) Haud facile potest intelligi, quare hoc vetitum perspicuum contra instrumentum ad verum confitendum cogens in sola superstitione fundatum, non vero in religione, coram iudicio ciuili, a doctoribus religionis parum curetur. Nam, superstitionem esse, a cuius efflato plurimum expectatur, ex eo cognosci potest, quod quem non expectamus in solemnii professione, cuius veritate decisio nititur iuris hominum (sancti, quod in mundo est) verum professurum fore, hominem formula quadam sperari haud licet commotum iri, qua praeter professionem illam nihil amplius quidquam continetur, quam eum poenas diuinas (quas per se non potest propter eiusmodi mendacium effugere) ad sese excitare, quasi ab se pendeat, coram hoc summo iudicio rationem reddere velit necne. — In loco illo scripturae excitato hoc genus adseverationis instar temeritatis *absurdae* depingitur, res quasi per verba magica efficiendi, quae tamen haud sunt in nostra potestate. — Sed probe intelligitur, doctorem sapientem, qui dicit, quae praeter adfirmationem et negationem ad veritatem confirmandam accedant, mala esse, consequens inutile spectasse iurium iurandorum: nimirum maiori grauitate illis tributa vulgare mendacium propemodum fieri licitum.

resarciant (VII, 23.). *) Atque ab hisce consiliis puris nihilominus postulat, ut se quoque in *actionibus* prodant (v. 16.) contraque illis spem insidiosam denegat, qui earum defectum inuocando celebrandoque legislatore summo in persona legati eius expleri, sibi que voluntatem adulando comparari arbitrantur (v. 21.). Has actiones, propter exemplum ad imitandum fieri quoque palam vult oportere (V, 16.), et quidem animo laeto, non ut actiones seruiliter extortas (VI, 16.), atque ita, a paruis initiis eiusmodi consiliorum communicandorum dispergendorumque, quasi e grano quodam in agro bono, fermentoue boni religionem vi interna paulatim in regnum dei auctum iri (XIII, 31. 32. 33.). — Tandem cuncta officia complectitur 1) regula *generali* (quae rationem hominis cum internam tum externam in se continet), nimirum: fac officium tuum per nulum elaterem alium, quam ob proximam illius observantiam, hoc est, deum (omnium officiorum legislatorem) ama prae omnibus, 2) regula *speciali*, quippe quae relationem ad alios homines externam ut officium vniuersale attingit: vnumquemque ama tamquam te ipsum, hoc est, salutem eorum promoue per benevolentiam proximam, non vero ab elateribus lucri cupidis deriuatam, quae quidem praecepta non solum leges virtutis sunt, sed praeceptiones *sanctitatis*, quam debemus sectari, cuius vero solus nisus *virtus* vocatur. — Iis igitur, qui istud bonum morale manibus sinui admotis, ut donum caeleste desuper, quasi ferendo prorsus patientdoque arbitantur sese exspectare posse, spem eius omnem demit. Qui initiis boni naturalibus, quae in natura humana (tamquam depositum demandatum) insunt, neglectis, per fiduciam ignauam sperat, altiori quadam contagione morali qualitate sibi deficientem moralem imperfectionemque alioquin suppletum iri, ei

*) *Porta* viaque angusta, ad vitam ducens est vita bona; *porta* et via lata, quam multi terunt, *ecclesia* est. Non quasi in ea eiusque traditionibus causa insit cur homines perdantur, sed quod *introitus* in eam confessioque statutorum illius pro ratione habetur, qua proprie deus velit coli.

minatur, ipsum bonum illud, quod ex naturali forte commendatione fecerit, propter istum neglectum, illi haud profuturum fore (XXV, 29.).

Quod autem expectationem attinet, homini perquam naturalem, fortis vitae hominis morali conuenientis respectu felicitatis, praesertim in tot huiusce iacturis illius causa faciendis, ea de re praemium pollicetur (V, 11. 12.) mundi futuri; verum pro diuersitate consiliorum in ea vita, iis, qui officium suum *praemii* (vel etiam absolutionis a poena promerita) *causa* fecerint alio modo, quam hominibus melioribus, qui officium propter se ipsum fecissent. Is, qui studio utilitatis propriae, deo huiusce mundi, subest, si, eo haud relicto, illud modo per rationem expoliat, et ultra angustos huius vitae terminos extendat, sic (Lucae XVI, 3—9.) describitur, quasi illum dominum suum per se ipsum defraudet, ex eoque iacturas in gratiam officii lucretur. Etenim, cum cogitat, sibi tamen aliquando, fortasse breui, mundum relinquendum esse, sese eorum, quae hic possedisset, nihil quidquam posse in alterum mundum secum ferre, consilium quidem capit, vt, quae ipse, vel dominus suus, studium utilitatis propriae, hic ab hominibus indigentibus rite petere posset, rationi suae subducatur, quasque sibi praescriptiones, alio mundo quodam soluendas, comparet; quo quidem magis *prudenter* et callide, quam honeste et *moraliter*, respectu elateris eiusmodi actionum beneficarum agit, sed tamen legi morali, saltem quoad literam, conuenienter agit, et sperare potest, fore, vt hoc quoque olim sibi retribuatur. *) Quibuscum si contuleris, quae

*) Nihil nos quidquam de futuro nouimus, neque plura scrutari debemus, quam quae cum elateribus moralitatis sunt cumque fine illius rationi conuenienter coniuncta. Quo etiam fides pertinet; nullam actionem bonam esse, cuius haud consequentia bona in mundo futuro ad eum, qui eam patret, redundet; proinde hominem, si vel maxime sese in vita extrema videat reprobandum, eo tamen haud debere retineri, quo minus saltem *unam* actionem bonam, quae pe-

de beneficentia erga egenos, ex solis momentis officii (Matth. XXV, 35—40.) dicuntur, cum iudex mundi eos, qui miseris succurrerent, cum iis ne in mentem quidem venisset, eiusmodi rem dignam praemio esse, et ea fere sibi quasi caelum obligare, ob eam ipsam causam, quoniam nullo spectato praemio fecissent, pro propriis ad regnum suum electis declarat: tum sane intelligitur, doctorem euangelii, cum de praemiis loquitur mundi futuri, ea non pro actionum elateribus, verum modo (vt repraesentationem animos eleuantem ab soluendae benignitatis sapientiaeque diuinae in genere humano ducendo) pro re cultui purissimo complacentiaeque moralis maximae subiecta rationi destinationem hominis totam diiudicanti statuere voluisse.

En hic religionem plenam, quae omnibus hominibus potest per propriam rationem ipsoꝝ dilucide et euidenter proponi, quae praeterea exemplo, cuius possibilitas atque etiam necessitas, qua nobis imitationis prototypo est (quot hominum illius sint capaces), sub adspectum subiecta est, cum tamen nec veritas illarum doctrinarum, neque auctoritas dignitasque doctoris vilius cuiuspiam alius fidei (quo eruditio ne vel miraculis, quae non cuiusque hominis sunt, opus foret) indigeat. In qua cum vetustior (Mosaica) legislatio praefiguratioque, quasi ad eam confirmandam facerent, excitatur, hae non sunt in gratiam veritatis ipsius doctrinarum illarum, sed modo introductionis inter homines, toti caecique vetustati adhaerentes, propositae sunt, id quod in hominibus, quorum mentes credendis statutariis opletae, ad religionem rationalem fere obsurduerunt, semper multo difficilius sit, oportebit, quam si rationi hominum indoctorum vel etiam incorruptorum debuisset impertiri. Idcirco non mirandum est, cum oratio-

nes se est, faciat, eumque sperare posse, pro eo atque bonum consilium purum foueat, etiamnum maiori pretio futuram esse, quam istae expiationes actionibus vacuae, quibus, quamuis nihil quidquam ad minuendam culpam conferant, bonarum actionum defectus debet expleri.

nem videt ad opiniones illorum temporum praeiudicata sese conformantem, huic nostro tempori ambiguum, diligentique interpretatione indigentem: quamquam ubique doctrina religiosa perlucet, simulque saepius diferte eo monstrat, quae cuique homini perspicua sit, necesse est; et sine vlla eruditionis impensa ad veritatem persuadeat.

SECTIO POSTERIOR.

RELIGIO CHRISTIANA VT RELIGIO DOCTA.

Religio, quatenus credenda tamquam necessaria proponit, quae non possunt quae talia per rationem cognosci, nihilominus tamen omnibus hominibus in omnia futura tempora incorrupta (quoad materiam essentialem) debent communicari (nisi miraculum reuelationis continuum sumere velis), vt bonum sanctum custodiae *doctorum* concreditum spectanda est. Quamquam ea enim statim *initio* miraculis factisque stipata, etiam in iis, quae haud fere per rationem confirmantur, ubique aditum inuenire poterat, tamen ipsa horum miraculorum narratio, vna cum doctrinis, quae confirmatione per illa opus habuerunt, *sequente tempore* institutione posteritati scripta, documentisque consignata atque immutabili indigebit.

Acceptatio decretorum religionis *κατ' ἐξοχήν* *fides sacra* vocatur. Igitur fides christiana partim vt *fides rationalis*, partim vt *fides statutaria* sub contemplationem cadet. Illa ergo vt ab vnoquoque libere acceptata (fides elicitata) haec vt iussa (fides imperata) potest considerari. De malo, quod in animo humano inest, et a quo nemo vacuus est, de impossibilitate per vitam suam coram deo vmquam se pro probato habendi, et nihilominus tamen de necessitate eiusmodi iustitiae coram eo valentis; de inutilitate eiusmodi adiumenti probitatis deficientis per ritus ecclesiasticos piosque

cultus seruiles compensandi contraque de obligatione irremissibili, ut nouus homo euadas, sibi quisque per rationem potest ad veritatem persuadere, ad religionemque pertinet ut de iis se certum reddat.

Ab eo autem inde tempore, quo doctrina christiana in factis est, non vero in solis conceptibus rationalis exstructa, haud amplius solum *religio* christiana, sed *fides* christiana, ecclesiae fundamento constituta, adpellatur. Cultus ecclesiae, eiusmodi fidei dicatae, proinde duplex est: et is, qui ei ex fide historica praestanda est; et is, qui ex fide rationali practica et morali illi competit. Neuter in ecclesia christiana potest, ut in sese consistens, ab altero seiungi; posterior idcirco non a priori, quoniam fides christiana fides religiosa est, nec superior a posteriori, quoniam in fide docta versatur.

Fides christiana qua fides docta nititur historia, neque, quatenus ei doctrina atque eruditio (obiectiue) fundamento subest, *fides* per se libera est atque a perspicientia idoneorum argumentorum theoreticorum derivata (fides elicita). Si ea fides esset rationalis pura, tum, quamuis leges morales, in quibus, ut fides de legislatore diuino, constituta est, absolute praecipiant, tamen ut fides libera spectanda foret: quemadmodum eam quoque sectione priori depinximus. Quin ea etiamnum, si modo fides haud instar officii iniungeretur, fides historica fides theoretice libera esse posset; si quisque doctus foret. Quodsi autem valere ad quemque, vel indoctum, debeat, non solum imperata est, sed caeco impetu praecepto obsequens fides, hoc est, nulla inuestigatione praeuia, an etiam reapse diuinum praeceptum sit (fides seruilis).

Verum in christiana reuelationis doctrina nullo modo potest a *fide absoluta* de sententiis reuelatis (rationi pro ignotis) institui, eamque cognitio docta, fere duntaxat ut munimentum aduersus hostem agmen ultimum adgredientem, sequi; alias enim fides christiana non solum fides imperata foret, verum adeo seruilis. Igitur necesse est, ut ea semper certe qua fides historice elicita doceatur, id est, *doctrina* eruditioque in ea,

vt doctrina fidei reuelata agmen haud claudere deberet, sed incipere, paruusque clericorum numerus, qui nullo modo quoque eruditione profana possent carere, longam laicorum pompam, per se scripturae imperitorum (in quibus ipsi rectores cosmopolitici referendi sunt), comites subsequentes haberent.--Quod si fieri non debeat, ratio humana vniuersalis in religione naturali est in doctrina fidei christiana pro summo principio imperante et agnoscenda et honoranda, doctrina reuelationis autem, in qua ecclesia fundatur, et quae doctorum indiget vt interpretum et custodum, vt adiumentum solum, sed maximi faciendum, ad superiori facilitatem, vel iphs ignaris dilatationemque et constantiam impertiendam, amanda est atque excolenda.

Hic verus *cultus* ecclesiae est sub imperio principii boni; is vero, vbi fides reuelationis debeat religionem antecedere, *cultus spurius*, quo totus moralis ordo conuertitur, idque, quod duntaxat instrumentum est, absolute (quasi finis) praecipitur. Fides de sententiis, de quibus laicus nec per rationem potest, nec per scripturam (quatenus haec antea documentis firmanda foret), sese certum reddere, pro officio absoluto constitueretur (fides imperata) atque ita cum aliis cum ea coniunctis ritibus ad ordinem fidei etiam sine rationibus actionum determinandarum vt cultus seruilis saluificae. — Ecclesiae in hoc posteriori principio fundatae, proprie haud *ministri* sunt, quemadmodum constitutionis superioris, sed imperantes *officiales*, qui, etiam si (vti in ecclesia protestantium) haud splendore hierarchiae vt potestate externa induti officiales clerici conspiciuntur, adeoque oratione contra protestantur, reapse tamen pro vnis interpretibus scripturae sacrae vocatis volunt haberi, posteaquam religionem rationalem puram dignitate illi propria summi illius interpretis spoliarunt, doctrinamque clericam solam in vsum fidei ecclesiasticae vsurpandam praeceperunt. Hoc modo *ministerium* ecclesiae in *imperium* conuertunt membrorum illius, quamuis ad hanc arrogantiam occultandam titulo vtantur modesto ministerii ecclesiae. Ve-

rum istud imperium, quod rationi facile fuisset, illi magni constat, nimirum eruditionis multae impendendae. „Caeca enim respectu naturae, vniuersa caput antiquitate obuelat, se ipsamque ea obrutam sepelit.“ — Iter rerum, hoc modo institutarum, sic efficitur.

Primo ratio a primis doctrinae christianae plantatoribus prudenter seruata, aditum illi in populo suo aperiendi, pro parte ipsius religionis ad omnia tempora omnesque populos valente sumitur ita vt crederes, *quemque Christianum esse Iudaeum oportere, cuius Messias venisset*; quocum autem haud ita cohaeret, eum proprie ad nullam quidem Iudaismi legem (qua statutariam) adstrictum esse, nihilominus tamen vniuersum sacrum codicem huius populi pro reuelatione diuina omnibus hominibus data fide accipere debere. *) — Iam statim de authentia huius libri (quae eo, quod loci ex eo, quin tota historia sacra in eo obuia in christianorum li-

*) *Moses Mendelii* hac infirmitate consueti repraesentandi modi christianismi perquam scienter vtitur, ad desiderium in filio quodam Israelis, ad transitionem religiosam, prorsus repellendum. Cum enim, inquebat, fides Iudaica, ipsis christianis concedentibus, contignatio inferior sit, qua christianismus vt superior nitatur: perinde esse, ac si ab aliquo postulares, vt inferior contignatio destruat, quo in altera domicilium erigas. Eius autem vera sententia admodum perspicua perlucet. Illi animus est dicere: primo vos ipsi Iudaismum ex vestra *religione* tollatis (in doctrina fidei historica ille, instar rei antiquae, maleat), tum de suasionem vestra poterimus deliberare. (Tum reuera nulla religio nisi moralis pura, a statutis vacua, relinqueretur.) Onus nostrum, excusso rituum externorum iugo, minime leuatur, alio nobis pro illo, scilicet onere confessionum fidei historiae sacrae imposito, quo religiosi multo grauius premuntur. — Caeterum libri sancti huius populi, quamuis haud in gratiam religionis, tamen doctrinae atque eruditioni adseruati magni fient; siquidem nullius populi historia cum quadam specie fidei ad epochas temporis pristini, ad quas omnis, quae nobis innotuit historia profana reuocari potest, eo vsque retrorsum, atque haec (adeo ad mundi primordia), scripta est, atque ita magnum istud vacuum, illi relinquendum, tamen aliquo expletur.

bris in gratiam huius illorum finis vsurpantur, permultum abest, vt probata sit), permultum difficultatis nascitur. Iudaismus ante initium ipsumque progressum christianismi iamiam insignem nondum fuerat in *populo docto*, id est, aequalibus aliorum populorum doctis nondum innotuerat, eorumque historia quasi nondum confirmata erat, atque ita sacer eorum codex propter antiquitatem suam ad probabilitatem historicam euecta. Interea, hoc quoque concessio, haud satis est, illum ex versionibus nosci, atque ita ad posteros transferri, verum ad cauendum fidei ecclesiasticae in eo fundatae quoque postulatur, vt omnibus futuris temporibus in omnibusque populis eruditi sint, qui linguae Hebraicae (quantum fieri in lingua potest, in qua vnum modo librum habemus) periti sint, nec tamen solum res esse debet scientiae historicae in genere, sed, in qua hominum haeret beatitas, vt viri sint, qui satis eam calleant, quo mundo queant de religione vera cauere.

Religionis christianae haecenus quidem fors similis est, quod, quamvis euenta sacra illius ipso sub adpectu populi docti palam acciderint, tamen eius historia plus vna aetate serius accesserit, priusquam ad populum doctum illius perueniret, proinde illius *audiverit* carendum sit confirmatione aequalium. Ea vero magnum principatum tenet prae Iudaismo, quod *ex ore primi doctoris* prodiit vt religio haud statutaria, sed moralis, atque ita cum ratione arctissime sese coniungens, per eam sponte quibque ad omnia tempora populosque omnes potuit summa cum securitate propagari. Sed primis *coetuum* fundatoribus necessarium visum est, historiam Iudaismi cum ea contexere, id quod pro statu, qui tum illis fuerat, sed fortasse etiam pro iis, prudenter fiebat, atque ita vna cum sacris eorum reliquiis ad nos peruenit. Fundatores autem *ecclesiae* haec instrumenta commendationis episodica in articulos fidei essentielles receperunt, eaque vel traditione auxere, vel interpretamentis, quae a conciliis vim legum acciperent, aut eruditione confirmarentur, qua de eruditione eiusue

antipode luce interna, quam in se quisque laicus quoque accendere potest, haud diuinari potest, quot mutationes adhuc fidei immineant; id quod euitari non potest, quam diu religionem haud in nobis, sed extra nos quaesierimus.

PARS POSTERIOR.

DE CULTU DEI SPURIO IN RELIGIONE STATUTARIA.

Vera vna solaque religione nihil nisi leges continentur, id est, ea principia practica, quarum necessitatis absolutae nobis fieri conscii possumus, quae proinde, ut per rationem puram (haud empirice) patefacta, agnoscimus. In usum duntaxat ecclesiae, quarum esse variae formae possunt itidem bonae, esse statuta possunt, hoc est, constitutiones pro diuinis habitae, quae diiudicationi nostrae morali purae arbitrariae ac fortuitae sunt. Hanc igitur fidem statutariam (quae fere ad vnum populum adstricta est, nec religio mundi vniuersalis esse potest), ad cultum dei generatim necessarium ducere, eamque conditionem complacentiae diuinae in hominibus supremam facere, *error religiosus* *) est, in

*) Error cernitur in illusione, qua mera repraesentatio rei cum re ipsa pro eodem putatur. Sic in diuite *auaro* error *corradens* est, quod repraesentatione, se aliquando, si velit, diuitiis uti posse, satis sibi putat compensari, cum iis numquam utitur. *Error honoris* in aliorum laudatione, quae reapse non nisi repraesentatio externa obseruantiae eorum (interne fortasse haud custoditae) est, pretium ponit, quod solum internae deberet tribuere; ad hunc igitur quoque insania titulorum et ordinum; quoniam hi tantummodo signa externa sunt principatus prae aliis. — Atqui conscientia possessionis instrumenti ad illum quempiam finem (priusquam illo usus fueris), possessio instrumenti solum in repraesentatione est; ergo *error practicus* est, si quis in instrumento adquiescat, quasi esse pro possessione finis illud possit; de quo quidem errore practico omnis hic nobis solum sermo est.

quo sequendo *cultus spurius*, id est, is cultus dei putatius, quo contra verum cultum, ab eo ipso postulatum ipsum peccatur,

§. I.

De fundamento subiectiuo vniuersali erroris religiosi.

Anthropomorphismus, in repraesentatione de deo eiusque natura hominibus vix euitandus, alioquin tamen (modo ne qua eius cum conceptibus officiorum contagio sit) et satis insons, respectu relationis practicae nostrae ad voluntatem eius ipsi moralitati nostrae periculosissimus est; tum enim *nobis deum creamus*, *) prout eum opinamur nobis posse conciliari, molestoque nos labore adsiduo in intestina consiliorum nostrorum moralium agendi, supersedere. Decretum, quod homo solet in ea relatione sequi, hoc est: nos iis omnibus, quae solum propterea facimus, vt deo nosmet probeamus (si modo fere haud directo cum moralitate pugnet, quamuis ad eam nihil quidquam conferat), illi promtum colendi eius animum tamquam subditos obsequiosos et ob id ipsum illi acceptos demonstrare, proinde quoque deum (in potentia) colere. — Haud semper iacturae faciendae sunt, quibus homo putet deum coli; etiam solemnitates, ipsaque spectacula publica, vti in

*) Mirum quidem videtur, sed nullo modo reprehendendum, si dicas: sibi quemque hominem *deum creare*, quid? quod ex conceptibus moralibus (stipatis cum proprietatibus istis infinite magnis, ad facultatem in mundo rem illi conuenientem exhibendi necessariis) talem sibi ipsum creare oportere, vt in eo illum, *qui sese condiderit*, colat. Quomodo enim cumque natura vt *deus* ab alio quodam promulgata fuerit ac descripta, quin ei talis quoque (si fieri possit) sese ostenderit, tamen hanc repraesentationem primo cum idealis suo compareret, oportebit, vt iudicare queat, an iure eam debeat pro deo habere et colere. Ergo ex reuelatione sola, conceptu illo *antea* in puritate eius, tamquam obrussa haud fundamento posito, nulla esse religio potest, omnisque dei cultus foret *idololatRIA*.

Graecis et Romanis, adhibitae sunt et etiamnunc adhibentur ad deum populo, vel etiam homini singulari pro errore eorum propitium reddendum. Veruntamen solemnitates (poenitentiae, castigationes, itinera religiosa et similia) vsquequaque fortiores habitae sunt ad gratiamque caeli parandam aptiores atque ad expiandum magis idoneae, quoniam faciunt ad subiectionem infinitam (quamvis haud moralem) sub voluntatem eius magis denotandam. Quo inutiliores eiusmodi excruciationes sui ipsius sunt, quo minus emendationem moralem hominis vniuersalem spectant, eo esse sanctiores videntur; quoniam ob eam ipsam causam, quod ad nihil omnino profunt, sed tamen laborem requirunt, solum ad declarandum animum deo deditum pertinere videntur. — Quamuis, sic enim aiunt, deus eo reapse nullo modo colitur; tamen voluntatem in iis bonam respicit, animum, qui ad seruanda eius praecepta moralia infirmior quidem est, sed promptitudine sua atque alacritate defectum compensat. Hic igitur conspicua est inclinatio ad actionem, cuius per se nullum est pretium morale, nisi forte vt adiumenti facultatis repraesentandi sensitiuae ad comitatum idearum intellectuum finis eleuandae, aut, vt, si his fortasse posset reagere, depromendae; *) huic rationi ex sententia nostra

*) Eorum in gratiam, qui vbiuis, in quibus distinctiones sensitiui et intellectualis iis minus consuetae sunt, pugnare se cum ipsam putant critice rationis purae, hic moneo, si de adiumentis sensitiuis ad intellectualia (consilii moralis puri) promouenda, aut de impedimentis, quae illa his obiciunt, sermo sit, eam contagionem duorum principiorum tam dissimilium numquam esse vt directam cogitandam. Nimirum qua naturae sensitiuae in *phaenomenis principii intellectualis*, id est, in viribus nostris physicis per *liberum arbitrium* determinandis, id quod in agendo conspicitur, legi aduersari possumus, vel etiam obtemperare: ita vt causa effectumque vt reapse similia cogitentur. Sed suprasensibilem (principii moralitatis in nobis, in proprietate libertatis incomprehensibili inclusi), velut consilii religiosi puri, praeter eorum legem (quod vero etiam iam satis est) nihil nos quidquam, quod relationem causae et effecti spectet in homine, per-

pretium finis ipsum tribuimus, vel, quod idem est, tenori animi consilia deo dedita recipiendi pretium horum ipsorum tribuimus, quae quidem ratio proinde in mero versatur errore religioso, qui varias potest formas induere, in quarum vna ad moralem propius atque in altera accedit, qui vero in vniuersis non solum illusio inuoluntaria est, verum adeo norma, adiumento, pretium per se, pro fine impertiendi, vbi tum vi huius iste error in omnibus hisce formis aequè absurdus est atque vt occulta inclinatio ad fraudem reprobandus.

§. 2.

Principium religionis errori religioso oppositum.

Ac primo quidem enunciatum sumo, vt decretum nullius probationis indigens, hocce: *quidquid homo praeter vitam bonam atque honestam facere se posse opinatur, vt deo sese acceptum reddat, solus est error religiosus cultusque dei spurius.* — Dico, quidquid homo fieri ab se posse opinatur; nam, an praeter cuncta, quae fieri ab nobis possunt, etiam in mysteriis sapientiae summae quidpiam esse possit, quod fieri solum a deo queat, ad non homines reddendos sibi acceptos, eo haud negatur. Sed, si ecclesia eiusmodi mysterium fortasse vt reuelatum doceret, tamen opinio, hanc reuelationem, vt eam sacra historia refert, *credendi*, eamque (siue interne, siue externe), *profitendi*, per se quiddam esse, quo deo nosmet reddamus acceptos, periculosus error religionis foret. Haec enim fides qua professio interna firmi adensus, tam vere in *actione* versatur, metu extorta, vt homo simplex ac probus quamque aliam potius quam hanc conditionem sequatur, quoniam in cunctis aliis

spicimus, id est, possibilitatem actionum qua euentorum in mundo sensibili ex qualitate hominis morali, vt illis imputabilem, nobis haud possumus *enodare*, ob id ipsam, quia actiones liberae sunt, sed rationes enodandorum euentuum omnium cunctae sunt ex mundo sensibili depromendae.

cultus seruilis partibus tantummodo aliquid superuacaneum, hic autem quidpiam acturus sit in declaratione, cuius de veritate sibi haud persuasum est, repugnans. Confessio igitur, qua sibi persuadet per se ipsa (vt acceptatione boni sibi oblata) posse sese deo fieri acceptum, et quidpiam, quod praeter vitam bonam in seruandis legibus moralibus in mundo praeceptis, facere se posse opinatur, dum cum cultu suo directe sese ad deum vertit.

Ratio nos *primo* respectu iustitiae propriae deficientis (quae coram deo valet) haud prorsus solatio destitutos relinquit. Ea dicit: qui ex consilio vero, officio dedito, quantum vires permittant, fecerit, ad (certe in adpropinquatione ad plenam cum lege conuenientiam perpetua) obligationi suae satis faciendum, ei licere sperare, quae non penes se sint, ea ab sapientia summa *ullo quodam modo* (quo consilium huiusce adpropinquationis perpetuae constans fieri atque immotum potest) suppletum iri, neque tamen sibi arroget, determinare rationem, atque scire, in quo consistat, quae fortasse esse tam occulta ac mysteriosa potest, vt ad summum eam deus per repraesentationem symbolicam, in qua sola ab nobis practica intelligi possunt, queat reuelare, interea dum theoretice, quae ratio haec dei ad hominem per se sit, nullo modo possemus comprehendere nec cogitare, etiamsi nobis quoque vellet eiusmodi mysterium reuelare. — Fac igitur, certam ecclesiam quamdam adserere, se modum, quo deus defectum moralem illum in genere humano resarciat, determinate nosse, simulque eam omnes homines, qui illud adiumentum iustificationis rationi naturaliter ignotum, ignorant, nec proinde pro decreto religionis sumunt ac profitentur, condemnare ad reprobationem aeternam: quis tum in eo tandem profanus erit atque incredulus? illene, qui confidit, quamuis, qui id, quod sperat, fiat, nesciat, an is, qui hunc modum hominum a malo liberandorum simpliciter scire cupit, contraque spem omnem abiicit? — Reapse huius po-

sterioris haud ita interest huiusce mysterii scientia (hoc enim eum iam docet ratio, sibi prorsus inutile esse, id scire, quo tamen nihil queat conferre); sed scire istud duntaxat propterea auct, ut (etiamsi modo intus fieret) *fidem*, acceptationem, confessionem laudationemque omnium horum reuelatorum sibi possit cultum diuinum facere, quo gratia caeli sibi, antequam proprias ad vitam bonam adhibeat, proinde gratis tota comparetur, vita bona fere etiam ipsa supranaturali modo producat, aut, vbi fortasse peccaret, certe transgressio possit compensari.

Deinde: cum homo ab norma illa vel minimum recesserit: tum cultus spurii (superstitionis) *nulli amplius termini* sunt; namque ultra illam cuncta (quae modo haud proxime moralitati repugnant), arbitraria videntur. Inde a sacrificio labiorum, quod ei constat minimi, vsque ad sacrificium bonorum naturalium, quae alioquin melius possent ad hominis vtilitatem adhiberi, quin vsque ad sui ipsius personae deuotionem, propterea quod (in statu eremitarum, fakirorum et monachorum) se mundo subtrahit, cuncta, non vero consilia sua moralia, deo offert; et cum dicit, se suum illi quoque animum offerre, tum eo haud consilium intelligit vitae deo acceptae, verum desiderium flagrans, ut sacrificia illa accipiantur pro vltima solutione (natio gratias anhelans, multa agendo nihil agens, *Phaedrus*).

Tandem, si semel ad normam cultus opinato per se deo accepti, eumque, si res postulet, propitiantis, sed non moralis puri, transgressus fueris, in modo, eum quasi mechanice colendi nullum discrimen internum est, quo alteri prae altero principatus concedatur. Omnes sunt quoad dignitatem (vel indignitatem potius) iidem, solumque adfectatio est, si ex aberratione *subtiliori* ab vno soloque principio intellectuali cultus veri ac genuini te putes magis eximium ac praestantior, quam eos, qui culpam sibi peccati *grauioris* per sensualitatem contraxerint. Vtrum *superstitiosus* viam in *templum* sta-

tutariam, an iter pius ad sacras reliquias *Laurettum* aut Palaestinam instituat, vtrum formulas precum *labiis*, an, instar Tibetani (qui horum vötorum, etiam literis consignatorum, si modo per vllam rem quamdam, velut in vexillis inscripta, per ventum, aut in pyxide inclusa, instar machinae vibratoriae, manu *moueantur*, finem perinde attingi putabat), per *rotam precum* ad caelum promoveant, aut quaecumque cultus dei moralis surrogatum fuerit, nihil prorsus interest. — In eo non tam de discrimine agitur in forma externa, sed solum de vno soloque principio sequendo mittendoue, deo sese vel per morale consilium, quatenus id in actionibus, vt eius phaenomenis, viuum sese exhibet, vel piis crepundiis otioque acceptum reddendi. *) Sed anne quoque quidam *error virtutis* est vertiginosus vltra terminos facultatis humanae euehens, qui comode possit cum errore religionis repositio in generalem sui ipsius illusionum classem referri? Minime, consilium virtutis occupatum est in eo, quod vere *exstat*, quod per se ipsum deo acceptum est, cum saluteque mundi conuenit. — Cui quidem adiungere sese error arrogantiae potest, se consentaneum ideae sancti officii sui iudicandi; sed hoc modo fortuitum est. In eo autem summum pretium ponere, nullus error est, vti fere in sacris ecclesiasticis, sed vera symbola ac praefens ad salutem mundanam conferens.

Praeterea consuetudo est (saltem ecclesiastica), vt id, quod per principium virtutis fieri ab hominibus pot-

*) Visum est psychologikum: sectatores confessionis cuiusdam, in qua minus rerum statutariarum credendum est, eo quasi sese nobiliores sentire atque illustriores, quamuis satis multa eorum retinuerint, ne fere (quod tamen reapse faciunt), a putatio fastigio suo puritatis adspæctum cum contemptu ad socios erroris ecclesiastici deicere necesse habeant. In causa est, quod eo se, quantumvis parum sit, ad religionem moralem puram tamen aliquantum propius admotos vident, quamuis etiamnum errori adhaerescant, piis ritibus in quibus multo minus rationis passivae inest, eam volunt supplere.

est; *natura*, quod vero tantummodo ad defectum facit vniuersae facultatis moralis refarciendum, et, quia eius sufficientia itidem nobis in officio est, duntaxat desiderari optariue, aut etiam sperari potest atque precibus efflagitari, *gratia* adpelletur, ambae coniunctae ut causae spectentur consilii ad vitam deo acceptam idonei, eae autem non solum inuicem distinguantur, verum etiam sibi inuicem opponantur.

Persuasio de eo, quod effecta gratiae queant ab effectis naturae (virtutis) secerni, aut haec posteriora ferre in nobis ipsi producere possimus, *fanaticismus* est; neque enim rem suprasensibilem in experientia vlla vspiciam nota possumus agnoscere, multo minus vim nostram in ea exferere, ad eam ad nos deuocandam, etsi in animo subinde motus existant ad honestatem tendentes, qui non possunt enodari, de quibusque ignorantia nostra cogitur confiteri: „ventus flat, quo vult, sed „nescis, vnde veniat etc.“ Caelestes vires in se velle *percipi*, genus erroris est, in quo fere adeo via methodusque quaedam inesse potest (quoniam reuelationes illae putatitiae internae adiungere se semper ad morales debent, proinde ad ideas rationales), qui tamen etiam nunc sui ipsius illusio manet religioni perniciofa. Credere, effectiones gratiae esse posse, et fortasse quoque ad imperfectionem conatus ad virtutem nostri suppleendam esse oportere; id solum est, quod dicere possumus; caeterum non possumus quidquam respectu signorum illarum determinare, neque ad eas producendas conferre.

Error per actiones religiosas cultus aliquid quoad iustificationem coram deo efficiendi, *superstitio* est religiosa; quemadmodum in errore istud per conatum ad consuetudinem cum deo putatitiam efficiendi, *fanaticismus* religiosus versatur. — Error superstitiosus est, actionibus, quas quisque homo patrare potest, etsi haud vero esse bonus homo debeat, deo sese reddi acceptum velle (velut confessione sententiarum fidei sta-

tutariarum, seruandis ritibus disciplinaque ecclesiasticis, et aliis generis eiusdem). Is autem idcirco superstitiosus dicitur, quia sola adiumenta eligit naturalia, (non moralia), quae nihil quidquam possunt ad id, quod haud naturale est, (id est, ad bonum morale) per se conferre. — Error autem dicitur fanaticus, cum ad eo adiumentum opinatum, vt suprasensibile, non est in hominis potestate, cum praeterea finis suprasensibilis eo spectatus prorsus inaccessus videatur; hic enim sensus praesentiae proximae entis summi, distinctioque illius a quouis alio, ipso sensu morali, receptiuitas foret visionis, cuius nullus est sensus in natura humana. — Error superstitiosus, quippe quo adiumentum per se quibusdam subiectis vtile, iisque simul possibile, certe obstitendum impedimentis mentis deo acceptae continetur, tamen rationi eatenus cognatus, et fortuito duntaxat eo reiiciendus est, ad id, quod solum esse adiumentum potest, rem facit proxime deo acceptam; contra error religiosus fanaticus mors est moralis rationis, sine qua tamen nulla omnino religio, quippe quae, vti omnis generatim moralitas, in decretis fundanda est, locum habere potest.

Ergo decretum fidei ecclesiasticae, omnem religiosum errorem tollens, eiue praecauens hoc est: huic iuxta dogmata statutoria, quibus in praesens haud prorsus potest carere, tamen inesse principium oportere, religionem vitae bonae atque honestae, vtpote metam propriam, quo iis aliquando possit careri, arcessendi.

§. 3.

De despotismo sacerdotum, vtpote imperio in culto spurio principii boni.

Cultus naturarum inuisibilium potentium, qui homini imbecilli per metum naturalem in conscientia imbecillitatis suae extorquebatur, non statim cum religione primordia cepit, verum a cultu dei (idoliue) ser-

vili, qui, si certam quamdam formam publice legalem accepisset, *cultus templaris*, et demum, formatione hominum morali paulatim cum his legibus coniuncta, *cultus ecclesiasticus* euasit: cui utrique fides historica fundamento subest, donec tandem haec solum pro provisoria, in eaque exhibitio symbolica adiumentumque promouendae fidei religiosae purae *coepta est* spectari.

Ab *Schamane* Tungusino, usque ad praelatum Europaeum ecclesiam ac ciuitatem simul gubernantem, aut (si loco capitum et auctorum tantummodo sectatores fidei ex ipsorum proprio repraesentandi modo spectare velimus), inter *Wogulitium* prorsus ex sensibus pendentem, qui pedem pellis ursinae mane capiti suo imponit, precibus adiunctis breuibus his: „noli me occidere“! usque ad *puritanum* sublimatum, atque independentem in *Connicutis* interuallum quidem maximum interiectum est in *modo*, non vero in *principio* credendi; nam, quod hoc attinet, cuncti ad vnam eandemque classem pertinent, eorum quippe, qui in iis, quae per se hominem haud reddunt meliorem, in credendis certis quibusdam dogmatibus statutariis, seruandisque ritibus certis arbitrariis, cultum diuinum ponunt. Illi soli, qui eum duntaxat in consilio vitae bonae inueniri existimant, distinguuntur ab iis per transitionem ad aliud principium priori longe excellentius, illud nimirum, quo sese continentur ad ecclesiam (inuisibilem), omnes bene sentientes complectentem, et quae, pro qualitate sua interna atque essentiali, sola esse vera vniuersalis potest.

Potestas inuisibilis, de sorte hominum imperans, ut in gratiam eorum moueatur, finis est vniuersis propositus; solum in modo, quo istud effici debeat, ab se inuicem abhorrent. Si potestatem illam pro natura accipiunt intelligente, eique proinde voluntatem attribuant, a qua sortem suam expectent, conatus eorum non potest nisi eligendo modo consistere, quo sese, ut naturae voluntati eius obnoxias, agendo mitten-

doque queant illi acceptos reddere. Si eam qua naturam cogitant moralem, facile sibi ipsis de veritate persuadent per suam ipsorum rationem, conditionem complacentiae illius comparandae, in vita bona morali, praesertim mente pura, ut principio eius subiectiuo, esse positam oportere. Sed ens summum, fieri potest, ut forte praeterea modo quodam coli velit, qui nobis non potest per solam rationem innotescere, nimirum actionibus, in quibus per se quidem nihil quidpiam morale conspicimus, quae vero tamen ut ab eo praeceptae, vel modo, ad nostram subiectionem erga eum testandam, voluntarie ab nobis suscipiuntur; in quibus ambabus rationibus, si totum iis quiddam occupationum systematice ordinatum constitutur, proinde omnino *cultum* diuinum ponunt. — Si igitur ambae debeant esse coniunctae, vel quaeque ut proxime, vel alterutra duntaxat ut adiumentum alterius, utpote cultus diuini proprii, pro modo accipienda erit, deo bene placendi. Cultum diuinum moralem (officium liberum) deo proxime placere, per se manifestum est. Nec vero pro conditione suprema potest vniuersae in hominibus complacentiae agnosci (id quod etiam iam in conceptu moralitatis inest), si officium mercenarium ut *per se solum* deo acceptum spectari posset; tum enim nollent nemo, qui cultus in casu obuiopraestantior foret, ad iudicium de officio ad eum instituendum, aut quomodo inuicem sese supplerent. Ergo actiones, quibus per se nullum pretium morale inest, tantummodo quatenus adiumenta sunt ad id, quod in actionibus proxime bonum est, promouendum, ad moralitatem facient, id est, *propter cultum dei moralem*, pro illi gratis accipiendae erunt.

Homo autem, qui actionibus, quae per se ipsae nihil quidquam, quod acceptum deo sit (morale), continent, tamen pro adiumentis utitur, ad complacentiam diuinam in se proximam eoque felicem votorum euentum comparandum, in errore versatur, sese artem tenere, adiumentis prorsus naturalibus effectum supra-

naturale edendi; cuiusmodi tentamina dici solent *magia*, quae vero vox (cum conceptum inuoluat secundarium commercii cuiusdam cum principio malo, contra ea vero tentamina illa nihilominus quoque caeteroquin cogitari possint bono consilio quidem, sed per errorem suscepta esse), cum verbo alias noto ac vulgari creandorum *fetissiorum* permutabimus. Effectum autem hominis supernaturale illud foret, quod fieri in mente illius eo duntaxat possit, ut in deo agere se putet, eoque pro adiumento utatur, ad effectum in mundo edendum, ad quod vires, quin ne intellectus quidem, an illud quoque deo placuerit, per se haud idoneae sunt; id quod iam in conceptu suo absurditatem continet.

Quodsi homo autem, praeterquam, quod eo, quo is proxime res diuinae complacentiae proposita redditur (consilio bonae vitae actuoso), insuper quoque certis quibusdam formis impotentiae per auxilium supernaturale supplendae *dignum* sese reddere conatur, eoque consilio ritibus, quibus nullum quidem pretium internum inest, qui vero ad consilium morale illud promouendum pro adiumento sunt, sese rei desiderii bonis suis subiectae reddere *capacem* arbitratur, spem quidem impotentiae naturalis supplendae in aliquo *supernaturali* ponit, sed tamen haud ut ab *hominibus effectio* (ex contagione cum voluntate diuina) verum accepto, quod sperare possit, non autem producere. — Quodsi sibi autem actiones, quae per se, quantum intelligimus, nihil quidquam morale deoque acceptum continent, nihilominus ex sententia sua esse pro adiumento debeant, quin conditione, qua proxime a deo expectet, votorum sese futurum participem; in errore versetur, necesse est, quamuis huius supernaturalis sibi nec facultas physica sit, nec receptiuitas moralis, tamen actionibus *naturalibus*, per se nullo modo cum moralitate cognatis, (ad quas patrandas nullo opus est consilio deo accepto; quasque proinde pessimus homo perinde potest atque optimus patrare), formulis inuo-

cationis, confessionibus fidei mercenariae, ritibusque ecclesiasticis et id genus aliis sese effecturam posse, atque ita adiutorium dei quasi artibus *magicis* arcessere: nulla enim ex vlla lege quadam coniunctio est adiumentum inter mere physicum causamque moraliter efficientem, quae ab ratione possit cogitari, qua fiat, ut qua haec illis queat ad certas quasdam effectiones ut determinabilis cogitari.

Qui igitur obseruationem legum statutariorum reuelatione indigentium ut ad religionem necessariam, et quidem non solum qua adiumentum mentis moralis, verum qua conditionem obiectiuam, eo sese deo acceptum reddendi proxime, praemittit, huicque fidei historicae conatum vitae bonae postponit, (cum e contrario fides ista historica, quippe quae deo non nisi cum *adiunctione* esse accepta potest, sese ad bonam vitam, quae illi *absolute* accepta est, debeat accomodare), is cultum diuinum in solam *creationem fetissimum* conuertit, cultumque spurium exercet, quo omnis ad religionem veram conformatio retractatur. Tanta in rebus coniungendis duabus vis est ordinis, quo eas coniungeris! In hac autem distinctione vera consistit *illusratio*; eo demum cultus dei redditur liber, proinde moralis. A quo vero si deflectas, pro libertate liberorum dei homini potius onus imponitur legis (statutariae), quod eo, quod ut coactio absoluta ad quidpiam credendum, quod non potest nisi historice agnosci, ideoque non cuique potest esse ad persuadendum idoneum, multo grauius onus *) est hominibus religiosis, quam vniuer-

*) „Id iugum leue est, idque onus leue,“ cum officium, quod cuique incumbit, ut ab se ipso sibi per suamque ipsius rationem iniunctum potest considerari; quod proinde eatenus sponte in se recipit. Eo vero de genere tantummodo leges sunt morales, qua praecepta diuina, de quibus auctor solus ecclesiae parae dicere potest: „praecepta mea haud difficilia sunt.“ Quae quidem oratio hanc vim habet, eam non *molesta* esse, quoniam quisque necessitatem eorum seruandorum sponte intelligit, proinde illi eo quidquam obtruditur, con-

sa vis rituum piorum iniunctorum, in quibus satis est, quod eos patres, vt cum republica ecclesiastica instituta bene conueniant, neque tamen quisque opus habeat, vt interne externeue fidem profiteatur, se pro instituto a deo fundato reputare: quippe quo proprie conscientia oneratur.

Ergo cultus despoticus consistit in statu ecclesiae, in qua *culus* obtinet *fetificus*, id quod semper locum habet, vbi non principia moralitatis sed praecepta statutaria, regulaeque fidei et ritus fundamentum eiusatque essentiam constituunt. Iam formae quidem sunt ecclesiasticae, in quibus fetissorum creatio tam varia est, tamque mechanica, vt vniuersam propemodum moralitatem proinde quoque religionem expellere earumque locum obtinere debere videatur, atque ita proxime ad paganismum accedat; sed plus minusue hoc loco haud fere interest, vbi res ex qualitate pendet principii supremo coniungentis. Quod cum submissionem obsequiosam sub traditionem, vt cultum seruilem, non vero actionem liberam iniungit, legi morali *primo loco* praestandam; quantumuis paucissimi sint ritus iniuncti; tamen, si pro absolute necessariis declarentur, fides erit fetifica, qua multitudo gubernatur, et per obedientiam sub ecclesia (non religione) libertate morali privatur. Siue monarchica sit hierarchia illius, siue aristocratica, siue democratica; quippe quod non nisi organisationem attinet; constitutio illius nihilominus et est et erit sub omnibus formis istis semper despotica. Vbi statuta fidei ad legem referuntur constitutionalem, ibi *clerus* obtinet, qui ratione ipsaque demum eruditio-

tra instituta despotice iubentia, quam saluti nostrae (neque tamen per rationem nostram) iniuncta, quorum nullam possumus utilitatem intelligere, quali vexationes sunt, quibus non nisi coacti nosmet subiicimus. Per se vero actiones, ex puritate fontium spectatae, legibus moralibus illis praeceptae, ipsae homini omnium molestissimae, et pro quibus lubenter vexationes pias molestissimas subierit, si fieri posset, vt has pro illis soluere posset.

ne facile posse putat sese carere, quoniam ut custos potestate pollens atque interpret voluntatis legislatoris inuisibilis praeceptionem fidei solus administrat auctoritate utitur, ideoque hac potestate ornatus, non persuadere licet, sed *solum imperare*. — Quia autem, *clerum* istum, caeteri omnes *laici* sunt (ne capite quidem reipublicae politicae excepto): ciuitatem postremo potestate ecclesia, haud fere per vim, sed per contagionem animorum, praeterea quoque ostensa utilitate, quam eam perhibent posse ex obedientia absoluta capere, ad quam disciplina quaedam clerica ipsam populi *cogitationem* adsuefecit; in quo quidem sensim consuetudine simulationis probitas subditorum fidesque subvertitur, ad cultumque putatitium etiam in officiis civilibus componitur, atque, uti vniuersis principiis vitiose sumtis, ipsum contrarium efficitur eorum, quae spectabantur.

* * *

Haec autem omnia necessario fluunt ex permutatione prima specie haud periculosa principiorum fidei vnice saluificae religiosae, propterea id agebatur, utri locus primus deberet, ut conditioni supremae (cui caetera subiecta sint) concedi. Aequum est, rationique consentaneum, ut non solum „sapientes quoad carnem“ docti aut argutiores ad hanc collustrationem respectu verae salutis vocatum iri, sumantur; — eius enim fidei vniuersum genus humanum esse capax debet — verum „quod stultum est coram mundo;“ ipsum ignarum cogitationibusue maxime circumscriptum iure posse eiusmodi institutionis internaеque persuasionis gaudere, necesse est. Iam fides quidem historica, praesertim, cum, quorum indiget, conceptus, ad narrationem comprehendendam, prorsus anthropologici sunt sensuualitatieque admodum consentanei, ipsius huiusce generis esse videtur. Quid enim facilius est, quam narrationem eiusmodi ad sensus reuocatam simplicemque apprehendere cum aliisque communicare, aut verba my-

steriorum repetere, quibuscum nullo modo necesse est, ut sensus coniungatur; quam facile ea, praesertim proposita magna utilitate quadam, vbique aditum inuenit, et quam alte fides de veritate eiusmodi narrationis radices agit, quae praeterea in vetusto quodam documento ex diuturno tempore pro authentico agnito fundatur, atque ita eiusmodi fides sane quoque viribus humanis vel maxime vulgaribus apta est. Sed, quamquam diuulgatio eiusmodi euenti non minus, quam fides de regulis vitae in eo constitutis non ipsis doctis, aut in primis, vel philosophis, esse data debet; tamen hi haud sunt exclusi, tumque tot dubia enascuntur, partim respectu veritatis illarum, partim ratione sensus, quo oratio debeat accipi, ut, quod cogitatione fingi possit, absurdissimum foret, eiusmodi fidem, tot controuersis subiectam, pro suprema conditione fidei vniuersalis foliusque saluificae accipi. — Atqui cognitio est practica, quae, quamuis solum ratione nitatur, nulliusque doctrinae egeat historicae, tamen cuique homini vel simplicissimo, tam vicina est, quasi quoad litteram sit illius cordi inscripta: lex scilicet, cuius ipsum nomen sufficit, ut de auctoritate illius continuo cum vnoquoque possis conuenire, quaeque in cuiusque conscientia *obligationem absolutam* in sese cohibeat, nimirum lex moralitatis; quid? quod ea cognitio vel iam per se sola ad fidem de deo ducit, vel saltem sola eius conceptum ut legislatoris moralis determinat, proinde ad fidem religionis puram ducit, cuique homini non solum comprehensibilem, verum etiam maxime venerabilem; quin eo tam naturaliter ducit, ut, si periculum feceris, inuenturus sis, eam ex vnoquoque homine, nihil quidquam prius de ea edocto, totam posse interrogando elici. Igitur non solum prudenter fiet, ut ab hac instituas, fidemque historicam, cum ea conuenientem, post eam ponas, verum etiam in officio est, ut eam pro conditione suprema constituas, qua sola possimus sperare, fore, ut fiamus salutis participes, quam nobis cumque fides historica polliceatur, atque ita quidem, ut hanc solum ex interpretatione illius, quam fides religio-

nis pura praebet, pro vniuerse obligante possimus, nobisue licitum sit, accipere (quoniam haec doctrinam continet vniuersalem), interea dum moraliter fidei tamen quoque fidei historicae patet, quatenus eam ad animandam sententiam religionis puram suam videt aptam ac salutarem, cuius fidei hoc modo solum est pretium morale purum, quoniam libera est, neque vlla comminatione (vbi ea non esse sincera potest) extorta.

Sed quatenus etiam cultus dei in ecclesia venerationem eius moralem puram spectat potissimum ex legibus humanae naturae generatim praescriptis, tamen adhuc quaeri potest: vtrum solum *doctrina pietatis*, an etiam *doctrina virtutis* pura, quaeque singillatim, materiam institutionis religiosae debeat constituere. Illa vox, nimirum *doctrina pietatis* fortasse vim vocabuli religio (quomodo nostro tempore intelligitur) sensu obiectiuo optime exprimit.

Pietas duas continet determinationes mentis moralis respectu dei; *verecundia dei* haec mens est in praeeceptis eius per *debitum* subditi) officium, id est, propter obseruantiam legis, sequentis; sed *amor* dei, ex propria optione *libera*, complacentiaque legis (ex filii officio). Ambae ergo, praeter moralitatem continent conceptum naturae suprasensibilis, proprietatibus ornatæ, ad summum bonum hac spectatum, sed facultatem nostram superans perficiendum necessariis, de cuius *natura* conceptus, cum ad adfectionem ideae illius ad nos transimus, semper metuendum est, ne anthropomorphistice ab nobis eoque saepenumero principiis moralibus nostris ipsi noxae cogitetur, de quo proinde idea in ratione contemplatiua per se ipsa potest neustiquam consistere, verum adeo originem, multo magis autem vim omnem in relatione ad determinationem officii nostram in se ipsa positam fundat. Quid igitur in prima iuuentutis institutione ipsaque oratione de suggestu sacro naturae conuenientius est: vtrum doctrina virtutis ante doctrinam pietatis, an haec ante illam (fere quoque eius

nomine retento) proponenda sit? Vtraque manifesta necessaria inuicem coniunctione tenentur. Quod vero fieri non potest, nisi, cum non *idem* sint, ut altera pro fine, altera pro adiumento cogitetur ac proponatur. Sed doctrina virtutis per se ipsa consistit (vel absque conceptu de deo), doctrina pietatis conceptum continet de re obiecta, quem respectu moralitatis nostrae, ut causam suppletentem impotentiae nostrae ratione scopi moralis nobis cogitatione informamus. Ergo doctrina pietatis non per se potest scopum conatus moralis constituere, sed modo adiumento esse, ad mentem virtutis, qua per se homo melior efficitur, confirmandam; eo quod ei (qua conatui ad bonum, ipsam sanctitatem), expectationem scopi, quod illa non potest, pollicetur et cauet. Contra conceptus virtutis hominis ex animo exsculptus est. Is iam illi totus inest, quamuis haud euolutus, neque, uti conceptus religionis, argutando est per conclusiones enodandus. In puritate illius, in excitanda conscientia facultatis aliquin numquam a nobis diuinatae, grauissima in nobis impedimenta vincendi, in dignitate atque excellentia naturae humanae, quae homini in sua ipsius persona eiusque destinatione colenda est, ad quam adnititur consequendam, quiddam inest animum adeo eleuans, ad deumque ipsum, solum per sanctitatem suam et qua legislatorem virtuti venerabilem, perducens, ut homo, si vel longissime ab eo abhorreat, quo minus huic conceptui vim contagionis cum normis suis impertiat, tamen haud inuitus iis teneatur, quoniam se ipsum per hanc ideam iam certo gradu quodam sentit praestantior factum, cum e contrario conceptus de gubernatore mundi, hoc officium nobis pro praecepto constituyente, ex magna a nobis distantia abhorreat, et, si ab eo inciperet, animum eius (qui essentiam virtutis simul constituit) deiiceret, pietatem vero periculo exponeret, in subiectionem adulatoriam ac seruilem sub potestate despotice iubente degenerandi. Hic animus propriis in pedibus consistendi ipse per doctrinam expiationis corroboratur, propterea, quod, quae non mutari pos-

sunt, vt confecta depingit, et nunc tramitem vitae nobis nouae aperit, cum e contrario, si haec doctrina initium capit, conatu vano, facta infecta reddendi (expiatione), metu de acceptatione eius cogitatione totius impotentiae nostrae ad bonum, ac sollicitudine de relapsu in malum animus hominis frangatur, *) in statumque

*) Varia fidei genera populis quoque subinde fere characterem impertunt, respectu ciuili extrinsecus distinguentem, qui iis postea quasi proprietas temperamenti esset in vniuersum, tribuitur. Sic *Iudaismus*, secundum primam constitutionem suam, cum populus, omnibus, qui excogitari possunt, ritibus, partim excruciantibus, ab omnibus aliis populis sese deberet separare, omnique cum iis commixtioni praecauere, in crimen sese induit *μυσανθροπίας*. *Mubamedanis*us superbia distinguitur, quoniam, pro miraculis, in victoriis multorumque populorum subiectione confirmationem fidei suae habet, eiusque ritus pii cuncti sunt de genere fortiori. *) Fides *Hinduica* sectatoribus suis cha-

*) Hoc phaenomenon singulare (superbiae ignorantis populi, quamquam intelligentis, potest etiam a phantasia fundatoris proficisci, quasi conceptum vnitatis dei eiusque naturae hyperphysicae solus in mundo renouauerit, qui sane quidem populi eius politura foret ex liberatione a cultu idololatrico anarchiaque polytheismi, si ille iure posset hanc laudem sibi tribuere. — Quod rationem distinctiuam et characteristicam classis tertiae sociorum religiosorum attinet, cui modestia prae intellectione fundamento subest, dedignatio arrogantiae in pretio morali aestimando, offensa sanctitate legis haud contentum sui ipsius parere debet, sed potius promptitudinem animi, his eximiis initiis in nobis congruenter, ad conuenientiam illam vsque proprius accedendi: cum loco eius virtus, quae proprie in animo illius consistit, velut nomen arrogantiae iam suspectum, ad paganismum relegetur, contraque repens beneuolentiae captatio commendetur. — *Deuotio spuria* (*bigotterie*) versatur in consuetudine, pro actionibus deo acceptis (in faciendis omnibus humanis officiis in proxima cum deo occupatione per significationes reuerentiae, exercitium pietatis ponendi; quod exercitium tum ad *opus operatum* referendum est, ita vt ad superstitionem praeterea quoque error sanaticus tactuum fuprasensibilem (caelestium) putatitiorum accedat.

moraliter passuum suspirantem, nihil magni bonique fuscipientem, sed cuncta a votis expectantem, transferatur, necesse sit. — In iis, quae mentem attingunt moralem, cuncta pendent ex conceptu suprema, cui omnia officia tua subieceris. Si cultus dei primum est, cui proinde virtus subordinetur, ea res *idolon* est, nimirum ut natura cogitatur, cui non per vitam moralem in mundo, verum per adorationem adulationemque nos acceptos fore sperauerimus; religio vero tum idololatria est. Quamobrem pietas non est in surrogatis virtutis, ad ea carendum, sed perfectio absolutioque illius, ut spe possimus coronari, fore, ut tandem omnes fines boni nobis ex animi sententia cedant.

§. 4.

De filo Ariadnaeo religionis in credendis.

Hoc loco non quaeritur: quomodo religio duci debeat (ea enim non vult ducem; satis sit ut eam habeamus), sed quomodo haec ipsa esse pro filo Ariadnaeo possit in consiliis moralibus grauissimis capiendis.

Religio cernitur in conscientia, quae per se ipsa in officio est. Qui autem fieri potest, ut eam cogitatione

rafterem imprimit *pufflanimitatis*, per causas causas Muhammedanae e diametro oppositas. — Iam profecto quidem haud per culpam fit internae naturae christianae fidei, verum per modum, quo animis ea adplicatur, si illi in iis, qui optime de ea sentiunt, sed inde a corruptione humana influentes, de omni virtute desperantes, principium religionis in sola *pietate* (quo principium intelligitur vitae passivae respectu probitatis per vim desuper expectandae) ponunt, simile illius potest opprobrium fieri; quoniam numquam fiduciam in se ipsis collocant, in perpetuaque anxietate adiutorium quoddam supranaturale circumspectant, atque in hac ipsa sui despicientia (quae non modestia est) adiumentum possidere gratiam concilians opinantur, cuius significatio externa (in pietismo) ingenium animi *servile* prae-
prodit.

nobis informemus; cum conscientia omnium repraesentationum nostrarum tantummodo respectu logico, proinde solum cum adiunctione, si repraesentationes nostras reddere claras velimus, necessaria esse videatur, proinde haud absolute possit in officio esse?

Principium morale est, nullius indigens probationis: *ne quidquam agas, quod metuas contra officium fore* (quod dubitas, ne feceris! *Plin.*). Conscientia ergo, actionem, *quam suscipere volo*, rectam esse, in officio absoluto est. Actio omnino bona sit nec ne, intelligentia iudicat, non conscientia. Neque simpliciter necessarium est, ut de omnibus, quae fieri possunt, actionibus scias, officio conueniant, nec ne. Sed eam, quam *ego suscipere volo*, non solum memet oportet iudicare atque opinari, verum etiam *certo* scire, haud officio repugnare, idque requisitum in postulatis est conscientiae, cui *probabilissimus* opponitur, id est, principium: solam opinionem, actionem rectam esse posse, satis esse ad eam suscipiendam. — Conscientia sic quoque posset definiri: cernitur in *facultate iudicandi morali se ipsam iudicante*; sed huic definitioni admodum opus esset definitione praeuia conceptuum in ea comprehensarum. Conscientia haud iudicat actiones ut casus, legi obnoxios; id enim ratio facit, quatenus subiectiue practica est (vnde casus conscientiae et casuistice, velut genus quoddam dialectices conscientiae); verum hic ratio se ipsam iudicat, an reapse quoque illam actionum diiudicationem cum omni diligentia (rectae sint nec ne) instituerit, hominemque *contra* vel *pro se* ipso testem citat, hoc factum esse, vel non factum.

Fac, ut hoc vtar, iudicem haereticorum, qui opinionem imbibit de fide sua statutaria vna solaque, ei-que vsque ad martyrium adhaeret, et qui haereticum, quem vocant, de incredulitate accusatum (alioquin bonum ciuem) iudicare debet, iamque ex eo quaeras: *utrum*, si illum ad mortem condemnet, dici queat, *se conscientiae suae* (quamquam erroneae) conuenienter

iudicasse, an ipsi potius simpliciter *vacuitas conscientiae* queat exprobrari, siue errauerit, siue cum conscientia perperam fecerit? quoniam in eius caput iurari potest, eum in tali causa numquam esse certum posse, in eo haud plane peccari. Sine dubio ei certo fuit persuasum, sibi per voluntatem diuinam supernaturaliter reuelatam (fortasse ex dicto trito isto: compellite intrare) licere, sin haud adeo pro officio iniungi, opinatam incredulitatem vna cum incredulo extirpare. At fuitne reapse de tali doctrina reuelata, de eoque sensu quoque illius tantum ipsi persuasum, quantum opus est, ad necem hominis tentandam? certum est, iniuste fieri, si homo de fide religiosa interficiatur: nisi forte (vt extrema quaeque concedam) voluntas diuina quaedam, extraordinarie illi patefacta aliter statuerit. Deum autem hanc terribilem voluntatem numquam ostendisse, documentis nititur historicis, nec vmquam apodictice certum videtur. Reuelatio ad eum non nisi per homines peruenit, atque ab his explicata est, et etiamsi quoque ea illi a deo venisse videretur (velut iussum Abrahamo factum, de filio instar ouis mactando), tamen saltem fieri potest, vt hic error lateat. Tum vero auderet aliquid facere, quod verendum foret, maxime iniustum esse, atque in eo quidem contra religionem agit. — Sic igitur cum vniuersa fide historica comparatum est: vt scilicet semper *possibilitas* relinquatur, errorem ea in re deprehendi, ergo contra religionem est, ei in *possibilitate*, fortasse id, quod postulat, aut concedit, iniustum esse, hoc est, periculo officii humani per se certi laedendi, parere.

Sed ponamus, actionem, ab eiusmodi lege reuelata positua (pro ea reputata) praeceptam, per se quoque licitam esse, tamen quaeritur, an superiores clerici doctoresue, pro opinata persuasionem suo populo possint velut *articulum fidei* (sub poena amittendi ordinis) confitendum imponere debeant? Cum persuasionis nulla alia argumenta nisi historica sint, in iudicio huius populi autem (si vel minima ex parte se ipsum exploret),

semper possibilitas absoluta erroris fortasse in ea re aut in interpretatione classica commissi relinquatur, clericus populum cogeret, ut, certe interne, quidpiam, pro tam vero, quam deum esse credit, id est, quasi in conspectu dei, confiteretur, quod, qua tale, tamen haud certo nouit, velut constitutionem certae cuiusdam diei ad pietatem certo tempore palam promouendam, tamquam partem religionis a deo proxime praecipitam agnoscendam, mysteriumque, ut ab eo firmiter creditum confitendum, quod ne quidem intelligit. Superior eius clericus in eo ipse contra religionem ageret, si quidpiam, de cuius veritate ipsi numquam prorsus persuasum esse potest; aliis credendum obtrudat, ideoque merito cogitare deberet, quid faciat, quoniam ei vniuersi abusus ex eiusmodi fide seruili ratio reddenda est. — Igitur fortasse verum in creditis, sed simul tamen falsum in fide inesse (vel in eius sola confessione interna) potest, idque per se reprobandum est.

Quamquam, uti supra monuimus, homines qui vel minima initia ceperunt libertatis cogitandi, *)

*) Ingenue fateor, orationem istam, qua fere quoque viros uti prudentes videmus, mihi maxime alienam videri: certus quidam populus (qui in stabilienda libertate legali occupatur) non est ad libertatem maturus: glebae addicti proprietarii villae ad libertatem nondum sunt maturi: et sic quoque, homines omnino nondum sunt ad libertatem fidei maturi. Ex tali vero suppositione numquam libertas adparebit; ad hanc enim non possumus *maturefcere*, nisi antea simul libertati adferri (liberi simus necesse est, ut viribus nostris in libertate finaliter possimus uti). Prima quidem tentamina sane rudia erunt, plerumque etiam cum statu molestiori ac periculosiori coniuncta, quam cum adhuc iussis, sed quoque curae aliorum suberamus; sed rationi non nisi ex *propriis* periculis maturefcimus (quae ut facere queamus, liberi simus, necesse est). Haud pugno, eos, penes quos potestas est, temporibus coactos, liberationem ab hisce tribus vinculis, longissime differre. Verum, si pro principio constituatur: iis, qui illis semel subiecti sunt, omnino libertatem haud prodesse, eosque iure posse sem-

cum antea sub iugo fidei seruili tenerentur (velut protestantes, continuo factos se reputant praestantiores.) quo minus (quidquam positiui, quodque ad praescriptionem pertineat sacerdotum) credere opus habent, tamen in iis, qui nondum eiusmodi periculum facere potuerunt vel voluerunt, ratio contraria videtur; horum enim principium est: e re est, potius vt nimium, quam vt parum, credamus. Neque enim, quod praeterquam, quod in officio est, agamus, quidquam certe nocere, veruntamen fortasse posse prodesse. In hoc errore, quo improbitas in confessionibus religiosis pro principio constituitur (cuius rei eo facilius consilium capimus, quoniam religione quoduis peccatum, proinde quoque vitium improbitatis compensatur), nititur in rebus fidei argumentum istud, quod a tuto nominatur: si, quae de deo confiteor, vera sunt, inueni; sin haud vera, caeteroquin etiam haud per se illicita; solum ea superuacaneae credidi, quod quidem haud necesse fuit, mihi vero fortasse duntaxat quamdam molestiam, quae non in crimine est, iniunxi. Periculum ex improbitate professionis, *laxorem conscientiae*, cum coram ipso deo pro certo quidpiam perhibes, quod tibi tamen conscius haud tanti esse vt per fiduciam absolutam confirmetur, haec omnia *simulator pro nihilo putat*. — Argumentum a tuto verum cum religione solum coniunctum ipsum contrarium est: quae, vt adiumenta, conditionesue beatitatis, haud per propriam rationem, sed modo per reuelationem mihi innotescere possunt, et per fidem historicam solum in confessione mea possunt recipi, caeteroquin decretis moralibus puris haud repugnant, haud pro certis quidem credere nequeo nec adseuerare, sed aequae minus pro certo falsis repudiare. Nihilominus, quamuis nihil de iis quidquam statuum, confido, fore, vt quae in iis salutaria

per ab ea remoueri, iniuria sit regalibus dei, qui hominem ad libertatem creauit. Sane quidem commodius in ciuitate, domoque atque ecclesia obtinere, si possis eiusmodi principium tenere. Num vero etiam iustius?

infinit, mihi, quatenus memet haud fere defectu mentis moralis in vita bona indignum reddam, proficiant. In hac norma vera moralis cautio inest, nempe coram conscientia (nec plus potest ab homine postulari), contra periculum summum est atque ambiguitas in opinato adiumento prudentiae, noxias consequentias quae ad me forte possent redundare, si haud confiterer, astute euitandi, eoque, quod vtramque partem sequare, vtramque offendendi.

Cum auctor cuiusdam symboli, cum doctor ecclesiae, quin quisque homo, quatenus intus sibi ipse persuasionem de sententiis qua reuelationibus diuinis confiteri debet, sese interrogaret: audesne coram scrutatore animorum, cunctis, quae sancta tibi et cara sunt, abdicatis, earum sententiarum veritatem adseuerare? malum, necesse foret, de natura humana (a bono certe haud prorsus aliena) conceptum maxime iniquum memet habere, nisi praeuiderem, vel audacissimo fidei doctori ea de re trepidandum esse. *) Quodsi autem sic se habeat, quomodo cum religiositate conuenit, ut nihilominus eiusmodi fidei declaratio, quae nullam circumscriptionem admittit, vrgeatur, et temeritas eiusmodi adseuerationum vel adeo pro officio et re ad cultum dei spectante vendatur, eo autem libertas hominum, quae ad ea omnia, quae moralia sunt (cuiusmodi acceptatio religionis est), summe necessaria est, penitus pro-

*) Idem vir, qui audet dicere: qui hanc illamue doctrinam historicam ut veritatem pretiosam haud credit, *is damnatus esto*, tamen quoque posse dicere deberet: si, quae vobis hic narro haud vera sint, *memet damnatum cupio!* — Si quis foret, qui eiusmodi sententiam terribilem posset pronunciare, ei suaderem, ut eius respectu sese ad proverbium Persicum de quodam *Hadgi* componeret: si quis semel (ut peregrinus) Meccae fuerit, domum relinque, quam tecum is inhabitat; si iterum ibi fuerit, eandem plateam relinque, ubi degit; si vero tertium ibi fuerit, urbem vel terram relinque, in qua commoratur.

sternitur, ac ne voluntati bonae quidem locus conceditur, quae dicit: „credo, mi domine, succurre incredulitati meae.“ *)

SCHOLION GENERALE.

Quidquid boni homo ex legibus libertatis per se ipse potest facere, comparatus cum facultate illi duntaxat per adiutorium supernaturale possibili, id dici *naturae* poterit, vt a *gratia* discernatur. Hoc non ita diximus quasi per vocabulum naturae intelligeremus qualitatem physicam, ab libertate diuersam, sed tantummodo, quia huiusce facultatis saltem *leges* (*virtutis*) cognoscimus, ratioque proinde eius, vtpote *analogi* cuiusdam *naturae* ducem habet sibi conspicuum ac faci-

*) *O sinceritas!* tu *Astraea*, quae a terra es ad caelum elapsa, quomodo te (fundamentum conscientiae proinde vniuersae religionis internae) inde te deuocabimus? Possum concedere, quamuis vehementer dolendum sit, mentem apertam (*vniuersam*, quam nouimus, veritatem dicendi), in humana natura haud inueniri. Verum *sinceritas* (vt *omnia*, quae dicuntur, cum veracitate dicta sint) ab vnoquoque homine postulari possit oportebit, et si vel nulla eius initia in natura nostra essent, quorum cultura tantummodo negligitur, tamen genus humanum ex sua ipsius sententia res esse summo despiciatui obnoxia esse deberet. — Sed illa animi qualitas desiderata *eiusmodi* est, quae, multis tentationibus exposita, multis iacturis comparatur, proinde quoque robur morale, hoc est, virtutem (quae acquirenda est) postulat, quae vero maturius quamuis alia custodienda est et colenda, quoniam propensio contraria, si semel radices egerit, difficillime extirpari potest. — Quocum nunc compares nostram educandi rationem, praesertim respectu religionis, vel potius doctrinarum fidei, vbi tenacitas memoriae in respondendo ad quaestiones de iis propositas, nullo respectu habito tenacitatis confessionis (qua de numquam exploratio instituitur) iam per se idonea ad efficiendum credentem sumitur, qui, quae sancto adseuerat, ne intelligit quidem, et sinceritatis defectum, quo meri stimulatores interni generantur, mirari desines.

lem; contra, an, quando et quid, quantumue *gratia* in nobis effectura sit, nos prorsus fugit, ratioque in eo, quemadmodum in supernaturalibus omnino (quo moralitas, vt *sanctitas*, pertinet) omni cognitione legum, quibus fiat, vacua est.

Conceptus accessionis hyperphysicae ad facultatem *moralem* nostram, quamquam mancā et imperfectam, ad ipsumque consilium nostrum haud prorsus purgatum, saltem infirmum, vniuerso officio nostro satisfaciendi, transcendens est, in solaque idea versatur, cuius nulla nobis experientia potest de realitate reddere certiores. Verum eam ipsam qua ideam si solum respectu practico sumamus, nimis ausum videtur, et difficulter cum ratione coniungendum; quoniam, quae nobis vt mores boni imputari debent, non ex contagione aliena, sed solum per vsum, qui fieri possit, optimum propriarum virium nostrarum fieri oporteret. Sed impossibilitas istius (vtrumque simul locum obtinere) itidem non potest probari, quoniam libertas ipsa etsi nihil quidquam supernaturale in eius conceptu inest, nihilominus quoad possibilitatem itidem nobis incomprehensibilis est, atque supernaturale, quod ad compensandam determinationem illius spontaneam, sed imperfectam sumseris.

Cum autem libertatis certe *leges*, quibus determinari debeat (morales) norimus, de adiutorio supernaturali vero, an certa quaedam vis moralis in nobis percepta vere inde promanet, vel etiam quando, sub quibusque conditionibus illud expectandum sit, neutiquam quidquam cognoscere possimus, praeter sumtionem generalem, quae natura in nobis haud valeat, ea a gratia effectum iri, si modo illa (id est, propriis viribus nostris), quantum fieri possit, vti fuerimus, huiusce ideae nullus nobis amplius esse vsus poterit: nec quomodo (praeter continuum ad bonam vitam nifum) eius cooperationem ad nos referre, nec quomodo determinare possemus, quibus eam nos temporibus ex-

spectare debeamus. — Quae idea prorsus transcendens est, et praeterea utile est, si nosmet ab ea, tamquam re sancta, verecunde remotos teneamus, ne per errorem nos ipsi nobis miracula patrare, aut in nobis percipere videamur, atque ita omnino ad ratione utendum reddamur inepti, vel etiam ad ignauiam commoveamur, id, quod in nobis ipsis quaerere deberemus, desuper otiose et ferendo quaque patiando expectandi.

Iam in *adiumentis* omnes causae intermediae sunt, quas homo tenet in potestate sua, ut certum iis finem consequatur, et tum, ut adiutorio caelesti digni euadamus, nihil quidquam aliud est (nihilque aliud esse potest) praeter conatum serium qualitatem moralem, quoad eius fieri possit, emendandi, eoque sese aptos reddendi ad conuenientiam cum complacentia diuina absoluendam, quae non penes nos est, siquidem, quod homo expectat, adiutorio illi diuino, proprie non, nisi moralitas eius proposita est. Hominem autem impurum ibi istud non quaesiturum esse, sed potius in certis quibusdam institutis sensibilibus (quae, sane penes se sunt, quibus vero etiam per se nullus homo melior reddi potest, et tamen istud supernaturaliter effici debet), fere iam ex anticipatione poterat expectari, et sic quoque reapse se habet. Conceptus *adiumenti*, quod dicunt, *gratiae*, quamquam (pro iis, quae modo diximus) in se ipse pugnat, hoc tamen loco pro instrumento est nobismet ipsis illudendi, id quod aequae frequentatum, ac religioni verae perniciosum est.

Cultus dei verus (moralis), a fidelibus, ut subditis ad regnum eius pertinentibus, non minus vero quoque (sub legibus libertatis) ut a ciuibus illius praestandus, non quidem, velut hoc ipsum, sub adspexit cadit, hoc est, cultus est animorum (in spiritu et veritate), nec potest, nisi in consilio omnium verorum officiorum faciendorum, ut praeceptorum diuinorum, in actioni-

bus consistere soli deo destinatis. Verum inuisibilibus opus est in hominibus ut per visibilia (sensibus obnoxia) repræsententur, quid? quod per hæc in gratiam practici stipentur, et, quamuis intellectualia sint; quasi (ex certa quadam analogia) sub adspæctum reuocetur; id quod, etsi adiumentum est, quo haud facile possit careri, quod tamen simul periculo calumniae admodum obnoxium est, nostrum nobis in cultu dei officium duntaxat repræsentandi, per *errorem* nos obrepentem tamen facile pro *cultu dei* ipso habetur, ac plerumque etiam sic nominatur.

Hic opinatus dei cultus ad mentem veramque significationem, quippe ad consilium animi regno dei in nobis et extra nos se deuouentis, reuocatus, per ipsam rationem potest in quatuor officia facienda describi, quibus autem certa quaedam formalia, cum illis haud necessario coniuncta consentanee adiuncta sunt; siquidem illis pro schemate sunt, atque ita ad attentionem nostram ad verum dei cultum excitandam et conservandam, iam inde ab antiquis temporibus probata sunt subsidia sensibilia iudicata. Cuncta nituntur consilio moralis boni promouendi. 1) *Ut illud in nobis ipsis* firmiter fundemus eiusque consilium repetita vice in animo excitetur (preces priuatae). 2) *Ut istud extrinsecus dispergatur*, per conuentum publicum certis quibusdam diebus legaliter eo institutis, ut ibi doctrinae religiosae ac vota (simulque eiusmodi consilia) audiantur, et sic vniuerse communicentur (coetus congregationesque in templis). 3) *Ut ad posteros propagetur*: nouis membris in communionem fidei recipiendis, iisque edocendis (in religione christiana *baptismus*). 4) *Ut ea communio conseruetur*, repetitis formalibus publicis, quibus coniunctio horum membrorum in corpore ethico, et quidem ex principio iuris aequi inter se partisque omnium fructuum moraliter boni seruetur (communio).

Omnis in rebus religiosis institutio, si non solum moraliter sumas, et tamen pro adiumento adprehendas, quo *per se* deo acceptus reddare, quod proinde omnia vota tua expleat, *fides est felifica*, quae in persuasionem cernitur, fore, ut, quo nec *natura* quidquam nec legibus moralibus rationalibus effici potest, eo tamen solo iam optata effectum iri videantur, si modo firmiter credas, id tale effecturum fore, ut cum hac fide certa formalia coniungantur. Vel tum quoque, cum satis inualuit persuasio, omnia hic ex bono morali pendere, quod non potest nisi ex actione proficisci, homo sensibus obsequens tamen etiamnum dispendio conatur conditionem molestam illam euitare, nimirum, si solum *modum* (formalia) celebret, deum istud pro facto accepturum fore; quod tum sane quidem gratia illius immensa dicendum foret, nisi potius gratia esset per fiduciam ignauam somniata, vel fere adeo fiducia simulando adfectata. Atque ita factum est, ut homo in omnibus publicis fidei generibus certos quosdam ritus ut *adiumenta gratiae* excogitaret, quamvis haud in vniuersis, perinde atque in christiano, ac conceptus rationales practicos iisque conuenientia consilia referantur (velut in Muhammedano de quinque magnis praeceptis, lotionem, precibus, ieiunio, elemosynis, peregrinationibus Meccanis; e quibus elemosynae solae exceptione dignae forent, si e consilio vero honesto simulque religioso erga officia humana fierent, atque ita quoque reapse mererentur pro adiumento gratiae haberi; cum e contrario non excipiendae sint, propterea quod secundum eam fidem commodè possunt cum raptu eorum, quae in persona egenorum deo offeruntur, ab aliis consistere).

Triplex quippe esse genus potest *fidei erroneae* in terminis rationis nostrae migrandis respectu supernaturalium (quae non sunt ex legibus rationalibus vsui obnoxia nec theoretico, nec practico). *Primo* fides cognoscendi quidpiam per experientiam, quod tamen fieri

nullo modo potest, ut ipsi tamquam ex legibus experientiae obiectiuis eueniens accipiamus (fides *de miraculis*). Deinde error, quasi id, de quo ipsi per rationem nullam nobis cogitationem mente informare possumus, tamen in conceptus rationales nostros, ut ad salutem moralem nostram necessarium, recipiendum foret (fides *de mysteriis*). Tertio error, ac si, solis rebus naturalibus utendis effectum possis, quod nobis mysterium est, nempe contagionem dei cum moralitate nostra, producere (fides *de adiumentis gratiae*). — De duobus primis fidei generibus adfectatis in scholiis generalibus ad caput secundum tertiumque huius libri disputauimus. Igitur adhuc reliquum est, ut de adiumentis gratiae agamus (ab *operationibus gratiae* *) diuersis, hoc est, contagionibus moralibus hyperphysicis, in quibus solum ferendo nos patiendoque versamur, quarum vero experientia opinata in errore cernitur fanatico, qui solum ad tactum pertinet).

1) *Preces*, ut cultus *formalis internus* atque idcirco ut adiumentum gratiae cogitatae, versantur in errore superstitioso (in creandis fetissis); namque in *votis* consistunt solum *declaratis*, erga naturam, quae haud indiget declaratione consilii interni optantis, qua igitur nihil efficitur, ideoque nullum officiorum illorum, quae nobis ut praecepta dei colenda sunt, praestatur, nec proinde reapse deus colitur. Votum ex *animi sententia*, ut in omnibus et faciendis et mittendis deo te acceptum probes hoc est, consilium omnes actiones nostras comitans, eas, quasi in cultu dei fiant, instituenti, mens atque *anima precum* est, quae perpetuo in nobis locum obtinere et potest et debet. Istud votum autem (si vel interne modo fiat) verbis vestitum ac formulis, **) non nisi ad summum potest pretium adiumenti

*) Vid. Scholion generale ad caput primum.

**) In illo voto, tamquam precum anima homo tantummodo in se ipso (ad consilia sua per *ideam de deo* animanda), in hoc

in sese habere ad consilium in nobis ipsis saepius animandum, sed nullam proxime adfectionem ad compla-

vero, cum mentem suam per verba, proinde extrinsecus declaret, in deo agere conatur. In sensu superiori preces cum sinceritate plena locum habere possunt, quamvis homo non sibi arroget, ipsam dei existentiam ut prorsus certam posse se adseuerare; in forma altera qua *allocutio* hanc rem summam pro personaliter praesente accipit, aut saltem ita simulat (vel interne), quasi de eius praesentia persuasus sit, existimans, etiamsi haud sic foret, certe sibi non posse nocere, sed potius gratiam conciliare; proinde in his posterioribus prioribus (quoad literam) sinceritas non potest tam perfecta esse, quam in superioribus (quoad solam eius mentem). — Quod verum esse, quisque intelliget, si hominem pium ac bene sentientem, caeterum autem respectu eiusmodi conceptuum religiosorum expolitorum circumscriptum cogitatione sibi informarit, quem alius quis, ne dicam in precibus clavis, sed modo in vultu precantis opprimeret. Memet haud monente sponte expectabis, illum propterea perturbatum iri, quasi de statu, cuius sibi pudendum videatur. Quid ita? Inde, quod homo secum ipse clare loquens, deprehenditur, ei suspicionem mouet, eum aliquantum erroris pati, ac perinde iudicatur (haud iniuria), si, cum solus est, in occupatione gestum offendatur, quae non possit, nisi in eo esse, qui quempiam praeter se in conspectu habet, quod tamen in exemplo proposito non locum habet. — Verum doctor euangelii mentem atque animam precum praeclare formula complexus est, qua efficitur, ut hac eoque illa ipsa (qua litera) simul queat careri. In ea nihil quidquam deprehenditur, praeter consilium vitae bonae instituendae, quod, cum conscientia fragilitatis nostrae coniunctum, votum continet perpetuum, ut membrum sit dignum in regno dei; ergo nulla propria de quadam re rogatio, quam nobis deus posset pro sapientia sua recusare, sed votum, quod, si serium (in actione positum) sit, rem sibi propositam (ut homo deo acceptus fias) sponte producit. Ipsum votum adiumenti ad conseruandam existentiam nostram (panis) in vnum diem, cum haud durationem illius spectet, sed in effectu versetur necessitatis cuiusdam animalis sensu perceptae, potius confessio est eius, quod *vult natura* in nobis, quam singularis rogatio deliberata illius, quod homo *cupit*: cuiusmodi rogatio foret de pane in alte-

centiam diuinam habere, ob id ipsum quoque cuique in officio esse; quoniam non nisi illi potest adiuimen-

rum diem; quae distincte hic excluditur. — Preces eiusmodi, ex consilio morali (solum per ideam de deo animato) factae, quoniam ut anima precum moralis rem cupitam ipsae producant, solae possunt in *fide* fieri; quod idem denotat atque certum esse fore, ut *exaudiantur*; cuiusmodi autem nihil quidquam praeter moralitatem in nobis esse potest. Namque si panis vel modo in hodiernum diem rogaretur, nemo certum sese existimare poterit, fore, ut exaudiat, nimirum necessario cum sapientia dei coniunctum esse, ut concedatur; fortasse melius cum ea conuenire potest, si ex inopia illius moriatur. Praeterea error est absurdus simulque temerarius, si importunitate flagitandi impetuosa experiri, an deus possit a consilio sapientiae suae (in praesens commodum nostrum) dimoueri. Ergo nullas preces, quibus haud res moralis proposita sit, certo possumus nobis concessum iri putare, id est, eiusmodi rem non ex fide rogare. Atque etiam: quamuis res moralis, sed tamen non nisi ex contagione hyperphysica possibilis foret (aut nos certe solum inde eam expectaremus, quoniam non ipsi de ea operam nauare volumus, velut mutatio animi, induitio novi hominis, quam regenerationem vocant), tamen tantopere incertum est, an deus sapientiae suae conuenire visurus sit, inopiam nostram (per nostram culpam nobis contractam) modo hyperphysico suppleri, ut potius sit, cur contrarium expectare possis. Ergo homo ipse non in fide potest de eo rogare. — Ex quo facile poterit enodari, quomodo possit cum *fide* miraculosa (quae semper esse simul cum precibus internis coniuncta deberet) comparatum esse. Cum homini deus nullam vim queat impertire hyperphysice agendi (quoniam hoc pugnat); cum homo ex sua parte nequeat ex conceptibus, quos sibi de finibus bonis in mundo possibilibus informat, quae de iis sapientia diuina iudicet, determinare, nec proinde per votum in et ab se generatum potentia diuina ad fines suos uti: donum miraculosum, tale quippe, cum ab homine ipso pendet, habeat illud nec ne („si fidem habereis; instar grani sinapis etc.“), si ad litteram sumseris, nullo modo potest cogitari. Eiusmodi proinde fides, si qua eius vis esse omnino debeat, in sola idea versatur, de superante gravitate qualitatis moralis hominis, si eam in vniuersa perfectione deo accepta (quam tamen nunquam consequitur) teneret, praeter omnes alias causas mo-

tum praecipi, qui eius ad certos fines quosdam indiget, sed multum abest, vt huiusce adiumenti (in et proprie *cum se ipso*, opinato autem eo apertius *cum deo* loquendi) indiget, potius consilio morali continuo depurato atque eleuato, eo adlaborandum est, vt haec precum anima sola in nobis idonee viuida reddatur, literaque illius (certe in nostrum ipsorum vsum) tandem possit cessare. Haec enim, velut omnia, quae indirecto certum quemdam finem spectant, debilitat effectum ideae moralis (quod, subiectiue spectatum, *deuotionem* nomi-

ventes, quae esse deo possunt per summam sapientiam, proinde in ratione confidendi, fore, vt, si id *prorsus* essemus, aut aliquando euasuri simus, quod esse debemus et (continuo adpropinquando) esse quoque possemus, natura votis nostris ac desideriis, quae vero tum numquam insipientia forent, obsequi cogatur.

Quod autem *aedificationem* attinet, per frequentationem templorum spectatam, preces quidem in iis publicae quoque non sunt in adiumentis gratiae, veruntamen in solemnitatibus ethicis, siue coniuncto cantu hymni fidei, siue *oratione* formali nomine totius coetus a clerico ad deum directa, vniuersam hominis necessitatem moralem complectente, quae, cum hanc vt necessitatem publicam ostendat, vbi cuiusque desiderium cum desideriis omnium ad eundem finem (regni dei arcessendi) vt coniunctum repraesentari debet, commotionem vsque ad enthusiasmum moralem augere potest (cum e contrario precum priuatarum, cum sine hac idea sublimi fiant, consuetudine contagio cum animo paulatim prorsus cessat atque expirat), verum etiam plus rationis habet superiori, desiderii moralis, quo anima precum officitur, adlocutione formalivestendi, neque tamen in eo de natura summa ad conspectum reuocanda, aut propria singula vi quadam huius figurae oratoriae, vt adiumento gratiae, cogitandi. Hic enim finis peculiaris adest, quippe vt solemnitate externa *coniunctionem hominum omnium* in communi regni dei desiderio repraesentante, cuiusuis singuli elater moralis eo magis commoueatur; id quod non potest conuenientius fieri, quam capite illius, quasi in isto loco in primis praesens foret, adloquendo.

namus). Sic contemplationi sapientiae profundae creationis diuinae in rebus minimis maiestatisque in magnis, vti ea quidem semper potuit ab hominibus cognosci, sed recentioribus temporibus vsque ad admirationem summam dilatata est, ea vis inest, animum in eum tenorem labantem, hominem quasi ex sua ipsius sententia annihilantem, quam *adorationem* dicimus, transferendi, verum respectu destinationis eius moralis, vis inest animos eleuans, vt contra ea verba, vel ipsius precantis *Davidis* (qui omnium miraculorum istorum parum nouerat) instar soni inanis euanescere, necesse sit, quoniam sensus ex eiusmodi visione manus diuinae non potest verbis exprimi. — Cum praeterea homines cuncta, quae proprie tantummodo propriam ipsorum emendationem moralem spectant, in animo ad religionem composito lubenter in cultum mutant aulicum, vbi submissio laudumque celebrationes plerumque eo minus moraliter sentiuntur, quo verbis sint locupletiores: potius opus est, vt in precibus ipsis maturrimis, cum paruulis, qui literae adhuc indigent, institutis, diligenter inculcetur, orationem (vel intus pronunciatam, atque etiam tentamina animi, ad apprehendendam de deo ideam, quae prope debet ad visionem accedere, componendi), hic non quidquam per se valere, sed tantummodo de consilio animi ad vitam deo acceptam animando agi, cuius illa oratio solum adiumentum est in gratiam phantasiae; siquidem alias omnibus illis significationibus reuerentiae delectis in discrimen adducimur, nil nisi cultum dei simulatum pro cultu eius practico, qui non in meris sensis versatur, efficiendi.

2) *Frequentatio templi, vt cultus dei externus in genere* in ecclesia cogitata, quoniam exhibitio sensibilis est communionis fidelium, non solum in adiumentis est, cuique *singulo ad sese aedificandum* *) commendand-

*) Significatio si verbo aedificationis conueniens quaeratur,

dis, verum etiam iis, vt ciuibus ciuitatis diuinæ hic in terris repræsentandæ, ratione *totius* officium est proxime iniunctum; posito, ea ecclesia nulla contineri formalia, quæ ad *idololatriam* ducere possint, atque ita conscientiam onerare, velut certæ quædam adorationes dei in personalitate benignitatis eius infinitæ sub nomine hominis, cum exhibitio illius sensibilis vetito repugnet rationali: „*noli tibi imaginem conficere etc.*“ Verum ea vti per se velle vt *adiumento gratiæ*, quasi eo proxime deus colatur, et cum celebratione huius solemnitatis (repræsentationis solum sensibilis *uniuersalitatis* religionis) deus peculiare *gratiæ species* coniunxerit, error est, qui cum mente quidem *ciuis* boni in *republica politica* et decoro externo bene conuenit, ad eius qualitatem vero, *qua ciuis in regno dei*, non solum nihil confert, verum hanc potius adulterat, pretiumque morale vile consiliorum oculis aliorum, ipsisque suis, per colorem fallacem obtegere conatur.

nulla alia esse potest, quam vt *effectum morale ex deuotione in subiecto* intelligatur. Hoc igitur haud consistit in permotiōne (quippe quæ iam in conceptu deuotionis inest), quamquam plerique deuoti putatitii, illam prorsus in ea ponunt; proinde necesse est, verbo *aedificationis effectum* designari ex deuotione in homine vere emendando. Sed emendatio hominis non succedit, nisi systematice opus aggrediare, firma decreta ex conceptibus probe intellectis alte in animo reponas, in iisque consilia grauitati officiorum ad eos pertinentium diuersæ conuenientes, fundes, eaque contra impetus inclinationum munias, atque ita quasi hominem novum, velut *templum dei aedifices*. Facile intelligitur, eam aedificationem non posse nisi tarde progredi; sed saltem sentiendum est, aliquid *effectum* esse. Contra ea vero homines (audiendo legendoue et canendo) mirum in modum se putant *aedificatos*, cum tamen, nihil omnino quidquam *extructum* sit, quin ne manus quidem admotæ; sine dubio quia sperant, aedificium morale illud, velut muri Thebarum, per suspiriorum concentum flagrantiumque desideriorum sponte emerfurum fore.

3) *Initiatio* solemnns semel instituenda ad communionem ecclesiasticam, id est, prima receptio *ad membra ecclesiae* (in christiana per *baptismum*) solemnitas est grauissima, qua vel initiando, cum fidem suam ipse confiteri potest, vel testibus, qui pollicentur eius educationem curaturos, permagnae obligationes iniunguntur, et quidpiam sanctum (homo ad ciuem in ciuitate diuina informandus) spectatur, per se ipsa autem nulla actio sancta vel sanctitatem et facultatem diuinae gratiae recipiendae in eo subiecto efficiens aliorum, proinde nullum *adiumentum gratiae*; quamquam in prima ecclesia Graeca baptismus tanta auctoritate pollebat, vt eo omnia peccata posse ablui continuo putaretur, quo quidem huius erroris cognatio cum superstitione plus quam pagana palam ostendit.

4) Solemnitas saepius repetita *renouationis, perduratio, propagatioque huius communionis ecclesiasticae* ex legibus iuris aequi (communio siue sacra coena), quae, fere etiam secundum exemplum fundatoris eiusmodi ecclesiae (itidem quoque eius memoriae causa), per rationem formalem fruitionis cuiusdam communionis ad eandem mensam fieri potest, quiddam magnum continet, mentem hominum angustam, sui studio occupatam et impatientem, praesertim in rebus religiosis, ad ideam *communionis moralis cosmopoliticae* dilatans, bonumque subsidium est, coetus ad consilium morale eo repraesentatum amoris fraterni animandi. Deum autem cum ritu hoc celebrando singularem gratiam coniunxisse, gloriari, sententiamque, eam, quae tamen non nisi actio ecclesiastica est, praeterea adhuc in *adiumentis gratiae* esse, inter articulos fidei recipere, error est religionis, qui non potest, nisi recta menti eius reagere potest. Ergo cultus dei spurius (seu cleriarquia) omnino foret imperium cleri vsurpatum in hominum animos, eo, quod praese ferunt, se solos possessione gaudere *adiumentorum gratiae*.

Omnium istarum artium se ipsum illudendi in rebus religionis ratio causaque communis est. Homo quippe ex omnibus proprietatibus diuinis moralibus, sanctitate, gratia atque iustitia proxime solet gratiam amplecti, ut ita condiciones euitet deterrentes, quibus iis conuenire possumus, quae postulat sanctitas. Res operosa est, *ministerium* bonum esse (cum semper crepent officia); proinde mallet in *amicis* esse, quibus multa conuiuentur, aut, sicubi contra officium quidpiam factum fuerit, cuncta vlllo quodam intercedente, qui summa gratia pollet, restituuntur, interea dum is nequam seruus, qui fuit, manet. Ut autem de possibilitate consilii sui consequendi cum quadem sese specie tranquillet, conceptum suum de homine (cum vitiis), uti fieri solet, ad deum transfert, et, quemadmodum in *optimis generis nostri superioribus* seueritas legislatoria, gratiaque benigna et iustitia strenua non (viti fas esset), quae singulatim et per se ad effectum actionum subditi morale conferunt, sed in mente domini humani in capiendis consiliis *commiscuntur*, inde vna modo eorum proprietatum, fragili voluntatis humanae sapientia potiri debes, ut alteram vtramque ad conuiuentiam determines; sic sperat quod istuc apud deum eo posse effici, quod solum eius *gratiam* adit. (Quocirca reparatio illarum proprietatum, vel potius adfectionum dei ad homines religioni fuit grauissima, per ideam triplicis personalitatis, cuius ad analogiam illa cogitanda est, ut quaeque singulatim distingueretur). Idcirco omnibus, quae excogitari possunt, formalibus operam navat, quo debet ostendi, quantopere praecepta diuina colat, ne teneatur adstrictus ad ea seruanda; et quo vota otiosa quoque ad compensandam eorum transgressionem faciant, inelamat: „domine! domine!“ ne opus habeat, „voluntatem exsequi patris caelestis,“ atque ita de solemnitatibus in certis quibusdam adiumentis vten-
dis ad animanda consilia vere practica, conceptum sibi

informat, vt de adiumentis gratiae per se ipsis; adeoque fidem, ea sic esse, ipsum in parte religionis ponit essentiali (homo de plebe in ipso illius toto), prouidentiaeque benignae committit, vt hominem ex sese meliorem fingat, dum *pietati* (cultui legis diuinae passiuo) pro *virtute* studet (adhibendis viribus propriis officii ab se culti), quae tamen posterior *cum illa priori coniuncta*, sola potest ideam efficere, quae cum verbo *pietatis* (verae *mentis religiosae*) coniungitur. — Quodsi error huiusce putatitii alumni caeli vsque ad opinionem fanaticam effectorum gratiae intus perceptarum accreuerit (vsque adeo ad arrogantiam familiaritatis ex putatitia cum deo *consuetudine* occulta), taedet eum tandem virtutis, eaque illi in contemptum abit; idcirco haud mirum est, si palam querelae audiantur: religionem etiamnum perparum ad hominem emendandum conferre, lumenque internum („sub modio“) horum gratia pollentium non etiam extrinsecus per bona opera lucere, idque (quod pro eo, ac prae se ferunt, iure posset ab iis postulari) *in primis* prae aliis hominibus naturalibus, qui religionem non ad compensandam verum ad promouendam mentem honesti studiosam, quae in bona vita vim suam exserit, in se recipiunt. Doctor euangelii nihilominus haec argumenta externa experientiae externae ipsa pro lapide Lydio ministravit, quo, vt in fructibus fuit, eos possimus et se ipsum quisque cognoscere. Nondum autem experti sumus: illos, qui se insigniter autumant gratia pollere (electos) hominem natura honestum, de quo in vsu possumus, negotiisque et rebus angustis confidere, minima ex parte antecellere, vt potius eos omnino comparisonem cum hoc videas non posse sustinere; id quod planum facit, minime viam rectam esse, qua a gratia impetrata ad virtutem, sed potius a virtute ad condonationem gratiae pergitur.

xxxx (1-4) VII. 87





